

70662

## EXAMEN

DES ESPRITS

PROPRES ET NAIZ

AUX SCIENCES.

OV PAR MERVEILLEUX ET VTILES  
 secrets, tirez tant de la vraye Philosophie naturelle,  
 que diuine, est demonstree la difference des graces  
 & habilitiez, qui se trouuent aux hommes; & quel  
 genre de lettres est conuenable l'Esprit de chacun: de  
 maniere que quiconque lira icy attentiuement  
 descouurira la proprieté de son esprit, & la science  
 en laquelle il doit profiter le plus.

Traduiet d'Espagnol en Francois,

GABRIEL CHAPPELAIN.

EDITION DERNIERE.



70662

A PARIS,

Chez IOSEPH GVERREAU, deuant la grand  
 porte du Palais, prés S. Barthelemy,  
 au Chapeau Royal.

M. DC. XVIII.





# P R E F A C E

## A V L E C T E V R.

*En son  
Timee.*



VAND Platon vouloit enseigner quelque doctrine graue, subtile, & separée de la cõmune opinion, il choisissoit de ses disciples ceux qui luy sembloient d'esprit meilleur & plus delicat, ausquels seule il cõmuniquoit son aduis: sçachant par experiẽce que d'enseigner choses hautes & subtiles aux hommes de petit entendement, est perdre tẽps & peine, & se rompre la teste en vain. Depuis qu'il les auoit choisis, la coustume d'iceluy estoit les preuenir par certaines & manifestes suppositiõs & maximes, non esloignez

*Iesus-  
Christ  
faisoit la  
mesme  
election  
de ses di-  
sciples,  
quãd il  
leur vou-  
loit en-  
seigner  
quelque  
secret,  
cõme en  
la trãs-  
figura-  
tion.*

## *Preface*

de la conclusiō , pource que les propos & sentences qui de prime-face se mettēt en auant , cōtre l'opinion du vulgaire, ne seruent du commencement ( sans ceste preuention ) que de troubler & ennuyer les auditeurs, de maniere qu'ils viennēt à perdre la bonne affectiō, & ont en horreur la doctrine. Je voudroy, curieux Lecteur, pouuoir proceder auect toy de ceste maniere, s'il y auoit moyen de sçauoir de toy & descouurir le talent de ton esprit , car si d'auanture il estoit tel qu'il fust conuenable à ceste doctrine, ne te separant des autres communes , ie te communiquerois secretement choses tāt nouuelles & particulieres, que tu ne les penserois iamais pouuoir tōber en l'imagination des hōmes. Mais d'autāt que cela ne se peut faire , & que



ceste oeuvre doit sortir en public pour chacū, il n'est possible que tu ne te troubles: car si tō esprit est des cōmūis & vulgaires, iefçay biē que tu le persuades & tiens pour certain que le nōbre des sciences & la perfection d'icelles se trouue de long tēps accōplie par les anciēns, mē d'vne vaine raison, que depuis ils n'ōt trouué que dire dauātage, d'autāt qu'ēs choses ne se trouue autre nouveauté. Si dauāt que tu as ceste opiniō, ne passe pas outre, & ne lis pl<sup>r</sup> auāt, pource que tu auras peine de voir prouuer l'admirable differēce des esprits: mais si tu es discret, biē cōposé & patiēt, i'ay enuie de te proposer trois conclusions tres-veritables, cōbien que pour la nouveauté d'icelles on les trouue dignes de grāde admiration. La premiere est que de plusieurs

## *Preface*

Differēces d'esprit que l'on trou-  
ue au gēre humain, tu n'en peux  
recevoir qu'une principale &  
eminente: n'estoit que la nature  
tres-puissante, quand elle te for-  
ma, eust employé toute sa force  
pour en assembler deux ou trois,  
ou ne pouuant faire davantage  
t'eust laissé priué de toutes.  
L'autre qu'à chacune differen-  
ce d'esprit respond principale-  
ment vne seule science & non  
plus: de maniere que si tu ne  
rencontre bien à l'election de  
celle qui est conforme à ton  
naturel, tu ne feras pas grand  
profit és autres, quoy que tu  
trauailles nuit & iour apres. La  
troisieme, qu'ayant entendu  
quelle sciēce est la plus confor-  
me à ton esprit, il te reste vne  
autre difficulté à souldre enco-  
res plus grande, qui est de sça-  
voir si ton esprit s'accommode

pluſtoſt à la pratique qu'à la  
 theorique, pource que ces deux  
 parties en quelque genre de let-  
 tres que ſe ſoit, ſōt tellemēt op-  
 poſees, & requierent telle diffe-  
 rence d'eſprits, que l'une eſt nui-  
 ſible à l'autre, comme ſi elles  
 eſtoient totalement contraires.  
 Voila de dures ſentences, ie le  
 confeſſe, mais il y a bien enco-  
 res plus grande difficulté & af-  
 preté. Que d'icelles il n'y a par-  
 deuāt qui l'ō puiſſe appeller ou  
 ſe plaindre, pource que Dieu,  
 auteur de la nature, voyant  
 qu'elle ne donne à chacun hō-  
 me plus d'une differēce d'eſprit  
 (comme i'ay dit cy-deſſus) pour  
 la contrarieté & difficulté qu'il  
 y a de les aſſembler, s'accōmode  
 avec elle, & quant aux ſciences  
 qu'il depart gratuitement aux  
 hōmes, il en dōne par merueille,  
 plus d'une en degré eminent. Il

## Preface

Y a diuision de graces, & vn mesme esprit: diuisiõ de mysteres & charges sous vn mesme seigneur, & diuision d'œures sous vn mesme Dieu, qui faiet & œuvre toutes choses en tous: or à chacun est donné l'administra-  
tion de l'esprit à vtilité: à l'vn est donné, par le moyen de l'esprit, le propos de sapience: à l'autre celuy de science selon le mesme esprit: à vn autre la foy, par vn mesme esprit; à l'autre la grace de santé, par vn mesme esprit: à vn autre l'operation, des vertus, à vn autre la prophétie: à vn autre la discretion, par l'esprit: à vn autre le don des langues: à vn autre l'interpretation des langages. Vn seyl & mesme esprit faiet toutes choses: disant à tous comme il luy plaist. Je ne doute pas que Dieu n'ait faiet ceste diuision de sciences,

ayant esgard à l'esprit & naturelle disposition de chacun: car sainct Matthieu escrit que *Chap. 27*  
les talens qu'il a departis par luy-mesmes, furent donnez à chacun, selon sa propre vertu. Et de penser que ces sciences supernaturelles ne requierent certaines dispositions *Raison,*  
au suiet; deuant qu'elles y *pource*  
soient transmises, c'est vne *que les*  
grande faute. Car quand *sciences*  
Dieu forma Adam & Eue, *supernatu*  
il est certain qu'il leur orga- *relles se*  
nisa & disposa tres-bien le *doivent*  
cerueau, deuant que les *trans-*  
remplir de sçauoir, afin *mettre*  
qu'ils le receussent avec plus *en l'a-*  
de plaisir & douceur, & afin *me, &*  
que l'instrument fust ac- *l'ame*  
commodé de telle manie- *est suiet*  
re, que par le moyen de ceste *te au tē-*  
science, ils peussent raison- *peramēt*  
*& com-*  
*position*  
*du corps*  
*Arist. li.*  
*2. de*  
*l'Ame*

17.  
Le ser-  
uent a  
senté la  
femme  
en la-  
quelle il  
a cogneu  
moins de  
raison  
qu'en  
l'homme.  
Leu. 2.  
des sen-  
tences,  
dist. 21.  
S. Tho. 2  
part. 4.  
62. art.  
3.

ner & discourir. Et pourtant  
l'escriture sainte dit: *Il leur a  
donné vn cœur pour excogiter, & les  
a remplis de la discipline d'entende-  
ment.* Au demeurant, que selon  
la differēce de l'esprit d'un cha-  
cun se trāsmette vne seule scien-  
ce & non autre en l'entendement  
d'un chacun, il appert manife-  
stement par l'exemple de nos  
premiers peres: car quand Dieu  
les remplit de sçauoir, il est cer-  
tain qu'il ne dōna vn tel enten-  
dement à Eue qu'il auoit faict à  
Adam. Et pour ceste cause les  
Theologiens disent que le dia-  
ble s'attaqua à Eue pour la  
trōper, n'osant pas tenter l'hō-  
me, à cause de son grād sçauoir.  
La raison de cela (comme nous  
prouuerons cy-apres) est que la  
composition naturelle du cer-  
ueau de la femme, n'est capable  
de beaucoup d'esprit & sçauoir.

Nous trouuerons pareillement la mesme raisõ & esgard és substances de l'Ange: car quãd Dieu a voulu donner à vn Ange, vn plus haut degré de gloire, & luy faire dons plus excellens, il luy a premierement donné vne nature plus delicate. Et si vous demandez aux Theologiens de quoy sert ceste nature tant delicate: ils respondront que l'Ange ayant l'entendement plus subtil & le naturel meilleur, se conuertit plus aisément à Dieu, vsans de ces dons avec plus grande efficace, & que le semblable aduient és hõmes. De là s'ensuit appertement (puis qu'il y a election des esprits, pour les sciences surnaturelles, & que toute difference d'habilité & nature n'est pas propre instrument & organe pour les receuoir) qu'à plus forte raison les lettres hu-

## *Preface*

maines requierent ceste élection, puis que les hommes les doiuent apprendre, par la force & vigueur de leur entendement. Or est mon intention en cest œuure de sçauoir distinguer & cognoistre ces naturelles differences de l'esprit humain, en appliquant par art, à chacune la science en laquelle se cognoistra qu'elle peut faire plus grand profit. Voila mon intention : de laquelle si ie peux venir à bout, comme ie me propose, nous en donnerons la gloire à Dieu, auteur de tous biens & conseil, si non, tu sçais bien sage lecteur, estre impossible inuenter vn art, pour le rendre parfait de tous poincts : car les sciences humaines sont tant spacieuses & s'estendent si loin, que ne suffit la vie d'vn homme, pour



les trouuer & leur donner la perfection qu'elles doiuent auoir. Il fuffit au premier inuenteur de mettre en auant quelques principes notables, afin que ceux qui viendront apres, par le moyen de ceste semence, ayent occasion d'amplifier l'art, luy donnant la perfection & lime qui luy est requife: Sur ce, Aristote dit que les erreurs de ceux qui commencerent premierement à philosopher doiuent estre tenues en grande veneration: car, estant difficile d'inuenter choses nouvelles, est facile d'adiouster à ce qui a esté desia traitté au precedent, les fautes du premier, ne meritēt pour ceste cause d'estre beaucoup reprinses, & n'est digne de grāde loüange celuy qui adiouste puis apres.

Ie cōfesse bien que ce miē ou-  
urage ne se peut exēpter d'au-  
cunes erreurs, pour la hauteur &  
subtilité de la matiere, & pour-  
ce que ie ne trouue chemin  
ouuert, ains de la bien traiter.  
Mais si nous sommes tōbez en  
matiere, où il soit licite à l'entē-  
demēt d'opiner & asseoir iuge-  
ment sur ceste œuure, ie te prie  
en tel cas, ingenieux Lecteur,  
deuāt que dire ton opiniō, que  
tu lises entierement tout le li-  
ure, & que tu ancras la matiere  
de ton esprit, & si tu trouues en  
iceluy quelque chose qu'il ne te  
semble biē dicté, cōsidere avec  
iugemēt les raisons qui l'oppu-  
gnent & luy sont contraires: &  
si d'auāture tu ne les peux foul-  
dre, va lire l'onziēme chapitre  
d'iceluy, & tu y trouueras la res-  
ponce & solution qui est faite  
d'icelles. A Dieu.



# AMON SIEVR DE BAILLON.

## S O N N E T.



*Estoit-ce pas assez inuincible  
vainqueur,  
D'auoir par vos combats  
dans l'onde Stygieuse,  
Plongé des Anciës la memoire fameuse,  
Qui triomphant des ans estoit encore en  
fleur?  
Sans vous monstrier encor nompareil en  
valeur,  
En Vainquant la Fortune, & d'ame  
genereuse  
Tenir dedans la main sa rouë aduantu-  
reuse,  
Ferme à vostre renom, vostre bien, vostre  
honneur:  
Or vous vainquez la Mort, & malgré  
son enuie,*

Vostre renom acquiert une eternelle vie.  
Par ces doctes eserits de vos honneurs  
courriers:

Si qu'il n'y arien plus où vos hautes vail-  
lances

N'ayent desplié l'aile & monstré leurs  
puissances,

Sur les hommes scauans & les hommes  
guerriers.

I. de Boyssieres.



# ICY SE PROVVE PAR EXEMPLE QUE

SI L'ENFANT N'A L'ESPRIT  
& l'habilité requise pour apprendre  
la science qu'il veut estudier, il perd  
temps de l'ouyr des bons maistres, &  
ne gaigne rien d'auoir beaucoup de  
liures, & de traualier à les lire  
& fueilleter tout le temps de sa  
vie.

## CHAPITRE PREMIER.



'Auis de Ciceron estoit  
bon de penser que pour  
rendre Marc son fils,  
au genre & estudes des  
lettres par luy choi-  
sy, tel qu'il desiroit, il suffisoit de l'en-  
uoyer en vne Vniuersité tant fa-  
meuse & celebre par le Monde,

*Au pre-  
mier li-  
ure des  
offices.*

cóme est celle d'Athenes, pour estudier sous la doctrine de Cratippe, le plus grád Philosophie de ce temps là, & le tenir en vne ville tant peuplee, en laquelle pour le grand apport & frequence du peuple qui y aborde, il ne pourroit faillir d'auoir plusieurs exéples & estranges cas, qui luy mōstreroient par experience maintes choses touchant l'estude des lettres auxquelles il s'appliqueroit. Ce neātmoins, avec toute ceste diligence, peine & sollicitude que, comme vn bon pere, il employoit, en luy achetant, en outre, des liures, & luy en escriuāt d'autres de sa propre inuention. Les historiens racontent, qu'il fut homme ignorant, de peu d'eloquence, & ayant encores moindre cognoissance de Philosophie: chose fort vsitée entre les hommes, que à l'enfant de faille le grand sçauoir du pere, & deuienne ignorant. Et de faict, Ciceron deuoit bien penser & imaginer en son esprit, que puis que son fils n'auoit tiré & recueilly des mains de la nature, l'esprit & habilité requise

pour apprendre la Philosophie & l'eloquence, se pourroit amender le defaut de son entendement par l'industrie d'un si bon maistre, le nombre des bons liures, & exemples d'Athenes, le continuel travail du ieune homme, & par succession & laps de temps, auquel il auoit esperance. Ceneantmoins voyons nous qu'il fut trompé à la fin & deceu de son attente: dequoy ie ne suis pas esmerueillé, pource qu'il auoit beaucoup d'exemples à ce propos, qui l'inciterent à penser que le mesme pouuoit aduenir en son fils. Et pourtant Ciceron mesme recite que Xenocrate auoit l'esprit fort rude, pour l'estude de la Philosophie naturelle & morale, duquel Platon dit, qu'il auoit vn disciple qui auoit besoin d'esperon, lequel par le moyen & industrie d'un tel maistre, & l'assidu travail de Xenocrate, deuint vn grand Philosophe. Or il escrit le semblable de Cleante, qui estoit tant lourd & rude d'entendement que personne ne le vouloit rece-

20 L'Examen des Esprits.

voir en son escole. Dequoy le ieune homme se sentant tout honteux & confus, trauailla depuis tellement en l'estude des lettres qu'il fut appellé second Hercule en sçauoir. Aussi l'esprit de Demosthene ne sembloit moins rude & mal disposé à l'eloquence, veu qu'estant desia assez grand, on dit ainsi, qu'il ne pouuoit parler, lequel neantmoins trauaillant avec grand soin, apres l'art sous l'enseignement de bons maistres, il fut le plus grand orateur du monde: & ainsi spécialement Ciceron raconte qu'il ne pouuoit prononcer l'R, pource qu'il begueyoit aucunement, & fit tant que par son estude & exercice, il la profera depuis aussi bien que s'il n'eust iamais esté bégue. C'est pourquoy l'on dit que l'esprit de l'homme, pour apprendre les sciences est comme celui qui iouë aux dez, lequel estant mal-heureux à la chance & au point, pippe le dé par art, le faisant couler sur le tablier, & amende ainsi son mal'heur & sa perte. Mais tous ces exemples là desquels Ciceron se

*L'esprit  
est com.  
me celui  
qui iouë  
aux dez.*



sert, ne sont rien à ma doctrine, car comme nous prouuerons cy apres, se trouue vne rudesse & faute d'esprit és enfans, qui denote en autre âge plus grand esprit & entendement, que si dès leur enfance ils se monstroient habiles & d'esprit, voire mesmes estre vn signe que les hommes deuiendront lourds & ignorans, quand ils commencent incontinent à raisonner, & estre bien aduisez: & de faict, si Ciceroneust bien cogneu les vrais signes, par lesquels se descouurent les esprits au premier âge, il est trouué vn bon presage en Demosthene, de ce qu'il estoit rude & tardif à parler, & en Xenocrate de ce qu'il auoit besoin d'esperon, & d'estre incité à l'estude. Or ie ne veux pas dire que le bon maistre, l'art, & le traual n'ayent grande force & vertu à façonner les esprits, & rudes & habiles: mais aussi ie veux remontrer que si l'enfant n'a de sa part l'entendement bien disposé aux preceptes & reigles deter-

minees de l'art qu'il veut apprendre, & non d'autre quelconque, la peine & diligence est vaine que Ciceron prend apres son fils, & aussi tout autre pere apres le sien. Ceux là entendrôt facilement la verité & certitude de ceste doctrine, qui auront leu en Platon, que Socrate (côme luy mesme raconte) estoit fils d'une sage femme, laquelle bien quelle fust fort experimentee en cest office, si ne pouuoit elle neantmoins faire enfanter la femme, qui n'estoit enceinte, deuant que venir entre ses mains ainsi Socrate, faisant le mesme office de sa mere, ne pouuoit, par maniere de dire, faire enfanter la science à ses disciples, deuant qu'ils fussent enceins d'icelle. Il scauoit bien que les sciences estoient seulement naturelles aux hommes, qui auoient les esprits propres à icelles, auxquels aduiant ce que nous voyons par experience en ceux qui ont oublié ce qu'ils scauoient au precedent: car leur en touchant seulement vn mot, ils le souuiennent incontinent de

*Au Dialogue de la science, ceste compaignie se peut entendre & auouer par l'entendement de Socrate, pource qu'il enseignoit en interrogeant, & faisoit que le disciple aprenoit la doctrine sans qu'il le declarast autrement.*

tout le demeurant. Le deuoir des *La sciē-*  
 maistres à l'endroit de leurs esco- *ce n'est*  
 liers, à ce que i'ay attendu, n'est au- *pas vne*  
 tre que de leur ouurir aucunement *remins-*  
 le chemin à la doctrine, car s'ils ont *cence ou*  
 vn esprit fecond & fertile, ceste ou- *sonue-*  
 uerture suffit à leur faire produire *nir, cō-*  
 merueilleuses conceptions: autrement *me di-*  
 ils ne se font que tourmenter, & ceux *Platon,*  
 là pareillement qui les enseignent, *qu'enou-*  
 ne paruiennent iamais au but qu'ils *cōdam-*  
 pretendent. Quand à moy, si i'estoy *nerons*  
 maistre, deuant que receuoir aucun *en ce, &*  
 en mon escole ie l'esprouueroy, à tout *apres.*  
 le moins, & l'experimenteroy en plu-  
 sieurs manieres, afin de descouurir  
 & fonder son naturel, & si ie le trou-  
 uoy propre à la science de laquelle  
 ie fero y profession, ie le receuoy de  
 bon cœur, car c'est vn grand con-  
 tementement à celuy qui enseigne d'in-  
 struire vn homme habile & pro-  
 pre à l'instruction, autrement ie  
 luy conseillero y d'apprendre la  
 science plus conuenable à son en-  
 tendement & naturel: mais si ie co-  
 gnoisso y qu'il ne fust propre &

disposé à aucuns genre de lettres, ie  
luy tiendroys ces douces & amiables  
paroles, Pere & amy, il n'y a moyen  
que vous deueniez homme, par la  
voye que vous auez choisie: tantie  
vous aduise de ne perdre le temps &  
la peine, & de trouuer autre maniere  
de viure, qui ne requiert si grande  
adresse & habilité que faict l'estude  
des lettres. Qu'ainsi soit, nous voyons  
par experience entrer au cours de  
quelque science vn grand nombre  
d'escoliers (estant le maistre ou bon  
ou mauuais) & à la fin, les vns deuiē-  
nent fort sçauans, les autres sont de  
moyenne erudition, les autres, en tout  
le cours de leurs estudes, non fait au-  
tre chose que perdre temps, consom-  
mer leur bien, & se rompre la teste  
sans faire aucun profit. Ie ne sçay  
d'où peut prouenir cela, veu que  
tous ont ouy vn mesme maistre, a-  
uec égalle diligēce & sollicitude, ayāt  
les rudes parauanture prins plus de  
peine que ceux de bon esprit & les  
habiles. La difficulté croist encores  
plus grande, de voir que ceux-là  
qui

qui sont rudes en vne science, sont propres & nais à vne autre, & que ceux-là qui sont de bon esprit en vn genre de lettres, passans aux autres, ne le peuuent pas comprendre. Je porteray, à tout le moins bõ tesmoignage de cela, pource que nous estions trois compagnons qui fumes ensemble enuoyez à l'escole pour apprédre le Latin: l'vn l'aprint facilement, & les deux autres ne peurent iamais composer vne harangue qui fust congruë & elegante. Mais estans passez tous trois à l'estude de Dialectique, l'vn de ceux qui ne peut apprendre la Grammaire, fut merueilleusement excellent & aigu és arts, & les deux autres n'en peurent en toute leur vie, proferer vn seul mot. Et estant tous trois venus à l'estude d'Astrologie, fut chose digne de cõsideration que celui qui n'auoit peu apprendre ny le Latin, ny la Dialectique, sceust en peu de temps, plus que le maistre qui nous enseignoit, ne pouuant rien comprendre és autres sciences. De quoy

estant esmerueillé, ie commenceray  
incontinent à discourir là dessus &  
à philosopher; & trouuay en fin de  
compte, que chacune science demã-  
de son esprit determiné & particu-  
lier, lequel tiré d'icelle, pour estre  
appliqué à autre de differente sorte  
n'y sert aucunement. Si donc cela  
est veritable ( comme il l'est par la  
preuue que nous en ferôs cy-apres)  
& si quelqu'un entroit aujour d'huy  
aux Escoles de nostre temps, pour  
sonder & faire eslire des esprits: cõ-  
bien en renuoyeroit-il apprendre  
autre maniere de viure, combien  
en chasseroit-il au champ, comme  
lourdaus, hebetes & inhabiles pour  
apprendre les sciences, & combien  
en reitabliroit-il de ceux lesquels  
pour leur pauureté & infortune, sõt  
arrestez à quelques arts mechani-  
ques, desquels neantmoins la nature  
à fait les esprits propres à l'estude  
des lettres? mais voyant qu'il n'y a  
plus de remede en ceux-là, il les  
faut laisser en leur train, & passer  
outre. Cẽ que ie dy ne se peut nier,

qu'il y ayt des naturels esprits propres & determiner en vne science, qui ne sont pas à vne ame: & pour ceste cause, deuant que mettre vn enfant à l'estude, il faut decouurir la maniere de son esprit, & voir qu'elle des sciences est conforme à son naturel puis la luy faire apprendre. il faut bien considerer aussi qu'il ne suffit de la parole, pour le rendre consommé & parfaict aux lettres pource qu'il faut garder autres conditions qui ne sont pas moins necessaires que le naturel ou habilité. Et pourtant Hipocrate dit, que l'esprit de l'homme garde la mesme proportion avec la science, que la terre avec la semence: car combien que la terre, de soy-mesme, soit feconde & fertile, si est-ce qu'il la faut labourer, & cultiuer, & regarder à quelle maniere de semence est plus propre la naturelle disposition d'icelle, pource que toute terre ne produict avec toute maniere de semence, sans aucune distinction. Aucunes produisēt mieux du bled que

l'orge, & autres l'orge vient mieux que le bled : les vnes souffrent vne semence & sont abondantes, les autres ne la peuuent souffrir. Mais le laboureur ne se contente de ceste distinction là : car apres auoir labouré la terre en bonne saison, il aduise le temps conuenable pour semer, pour ce qu'il ne le peut faire en tout tēps, & quand le bled est sorti, il le purge de liuraye & autres mauuaises herbes, afin qu'il puisse croistre & rapporter le fruiēt qu'il attend de la semence. Ainsi faut-il estant la science choisie, la plus conuenable à l'homme, qu'il commence à l'estudier en son premier âge, lequel comme dit Aristote, est le plus propre & meilleur, pour appréndre : ioinēt que la vie de l'homme est fort courte, & les arts fort longs : à raison dequoy est besoin d'auoir temps suffisant pour les apprendre, & temps pour les exercer, & par le moyen d'eux, profiter à la republique. La memoire des enfans dit Aristote, est vuide & nuë sans aucune impres-

*En la 30  
sec. prob.*

*4.*

*Hippo. 1.  
des A-  
phorif. 3.  
sec. pro.*

*bl. 4.*



sion, à raison dequoy, aussi tost qu'ils sont nés, ils recoiuent en icelle, facilement quelque chose, ne ressemblant pas à la memoire des hommes âgés, laquelle remplie de tant de choses qu'ils ont veues, tout le temps de leur vie, ne peut recevoir aucune chose d'auantage. Et pour ceste cause Platon a dit, que tousiours nous racontions choses honnestes deuant les petits enfans, afin qu'ils soient incitez aux œuvres de vertu, d'autant qu'ils n'oublient iamais ce qu'ils apprennent en cest âge. Et ne faut suivre le conseil de Galien, qui dit que depuis que nostre nature atteint toutes les forces qu'elle peut obtenir, il nous faut apprendre les arts & sciences: mais il n'a point de raison, si d'auenture il ne veut user de distinction. Celay qui doit apprendre le Latin, ou quelqu'autre langue, le doit faire en sa premiere ieunesse: car s'il attend que son corps soit endurcy & creu parfaictement, il n'apprendra iamais chose qui vaille. Au second âge, qui est l'adolescence,

*Au Dialogue du iuste.*

*En sa harangue persuasive aux bons arts.*

*En l'Adolescence l'homme se*

*semble  
toutes  
les diffé-  
rences  
d'esprit,  
pour ce  
que cest  
age est le  
plus té-  
peré de  
tous,  
qu'il ne  
faut lais-  
ser pas-  
ser, sans  
appren-  
dre les  
lettres,  
qui sont  
pour ser-  
uir à  
l'hom-  
me.*

il faut travailler en l'art de dialecti-  
que, pource que se commence à de-  
scourir l'esprit & entendement, le-  
quel en l'estude de Dialectique se  
peut rapporter aux liens & trauers  
que l'on met au pieds d'une mule,  
avec lesquels, cheminant quelques  
iours, elle apprend à aller l'amble.  
Ainsi nostre entendement duit &  
façonné aux reigles & preceptes de  
Dialectique, comme vne Haque-  
nee à l'amble : à puis apres és scien-  
ces & disputes, vne gentille manie-  
re de discourir & raisonner. L'hô-  
me estant paruenü au tiërs âge de  
iouence, peut apprendre tous les  
autres sciences qui appartiennent à  
l'entendement, pource qu'il est  
desia assez manifeste & descouuert.  
Il est vray qu'Aristote excepte la  
Philosophie naturelle, disant que  
le ieune homme n'est pas disposé  
pour apprendre ceste manière de  
lettres, enquoy il semble qu'il ait  
raison pour estre vne science, de  
plus grãde cõsideration & pruden-  
ce que nul autre, Or donc sçachant

l'âge auquel se doiuent apprehendre les sciences, il faut soudain trouuer lieu propre pour icelle, où ne se traite autre chose que les lettres, comme sont les Vniuersitez. Et pourtant doit sortir l'enfant de la maison du pere, pource que la mere, les freres, parens & amis qui ne sont de sa profession, lui font vn grand destourbier d'apprendre. Cela se void clairement és escoliers natifs des villes & lieux où sont les Vniuersitez, desquels n'y a pas vn, si non pas grande merueille, qui deuienne iamais sçauant, A quoy l'on peut facilement remedier enuoyant par eschange des Vniuersitez, les natifs de la ville de Salamanque, estudier en la ville d'Alcala de Henares, & ceux d'Alcala, en Salamanque. Et quant à ce que l'homme doit laisser son pays natal, pour deuenir vertueux & sage, est bien de telle importace, qu'il n'y a maistre au monde qui luy puisse de tant seruir & enseigner, se voyant specialiment priué de la faueur & plaisir de sa patrie.

En Ge.  
ese. ch.  
12.

Sors de ton pays (dist Dieu à Abraham), d'entre tes parens, & de la maison de ton pere, & t'en va au lieu que ie t'enseigneray ou i'agrandiray ton nom, & te donneray ma benediction. Dieu en dit autant à tous ceux qui desirent la vertu & science: car cōbien qui les puisse benir en leur pays, il veut neantmoins que les hommes se disposent par tel moyen qu'il ordonne, pour obtenir ces dōs & graces. Tout cela se doit entendre, pourueu que l'homme soit doué d'un bon esprit & naturel: car autrement, quiconque va à Rome, estant vne beste, retourne vne beste: il ne sert de guerres au rude & mal habile d'aller estudier à Salamanque, où il ne trouuera la chaire d'entendement, ny de prudence, ny hōme qui l'enseigne. Pour la troisieme diligence, il faut trouuer vn maistre qui enseigne facilement & avec methode, duquel la doctrine soit bonne & certaine, non pas sophistique ny de vaines considerations, car tout ce que fait l'escolier, en tout temps qu'il apprend & estu-

Tu ne  
feras riē  
malgré  
Miser-  
icorde.

de, est de croire tout ce que le maistre luy propose, pource qu'il n'a pas la discretion ny l'entier iugement pour discernier & separer le faux du vray: combien que soit chose casuelle, & non au choix de ceux-là qui apprennent d'aller en certain temps estudier aux vniuersitez, pourueus de bons ou mauuais maistres: comme il aduint à certains Medecins, desquels parle Galen, & lesquels ayant esté par luy conuaincus, par plusieurs experiences & raisons, des fautes qu'ils

commettoient en leurs cures & pratiques, au grand preiudice de la santé des hommes, les larmes leur fortirent des yeux, & en la presence du mesme Galen, commencerent à maudire leur mauuaise fortune d'auoir rencontré mauuais maistres qui les auoient enseignez. Il est vray que se trouuent en certains escoliers des esprits si heureux, qu'ils entendent incontinent les qualitez & doctrine du maistre, de maniere que si elle est mauuaise, ils la scauent bien reietter, & approuuer, au contrai-

*Au 8.<sup>e</sup> de  
sa Me-  
thode.  
cap. 45.*

### 34 L'Examen des Esprits.

re; ce qu'ils enseignent de bon.  
 Ceux là enseignent beaucoup d'a-  
 uantage le maistre, au bout de l'an,  
 qu'ils ne sont pas enseignez du mai-  
 stre: pour ce que doutans & interro-  
 geant subtilement, ils font sçauoir au  
 maistre, & respôdre choses fort hau-  
 tes & subtiles, que iamais il n'eut ap-  
 prins; si le disciple par la bonté de  
 son esprit ne luy en peut ouurir le  
 chemin: mais ne se trouuent guères  
 de tels, & les autres rustres rudes &  
 ignorans sont infinis, & par ainsi se-  
 roit expedient (bien que ne se deust  
 faire ceste eslection & examen, pour  
 apprendre les sciēces) que les Vni-  
 uersitez se pourueussent tousiours  
 de bons maistres doües d'une sain-  
 cte doctrine & bon entendement;  
 afin qu'ils n'enseignent erreurs, ny  
 fausses propositions aux ignorans.  
 Pour la quatriesme diligence qu'il  
 conuient employer, il faut estudier  
 la science par bon ordre, commen-  
 çant par les principes & elemēts de  
 celle, gaignant peu à peu le milieu  
 & puis apres la fin, sans ouyr pre-

mierement autre matiere. Car i'ay  
 tousiours pensé estre vne grãde fau-  
 re, d'entēdre plusieurs leçons de di-  
 uerses matieres, & de les reuoir tou-  
 tes ensemble ou en son estude; pour  
 autant que de cela aduient vn mes-  
 lange de diuerses choses qui cōfon-  
 dent l'esprit. De maniere qu'en la  
 pratique, l'homme puis après, ne se  
 peut bien seruir des preceptes de  
 son art, ny les asseoir en leur lieu cō-  
 uenable. Il vaut mieux apprendre  
 chacune matiere a part, & par son  
 ordre naturel en la composition: car  
 de la mesme maniere qu'elle est ap-  
 prinse, elle est assise & imprimée en  
 la memoire. Ce que particuliere-  
 ment doiuent faire ceux qui de leur  
 propre naturel ont l'esprit confus:  
 auquel on peut facilement remedier,  
 entendant vne seule matiere, & puis  
 celle qui la suit, quand elle est  
 acheuee, iusques à la fin de l'art. Or  
 Galen scāchant de combien il im-  
 portoit, estudier les matieres a-  
 uec bon ordre & methode, a  
 fait vn liure pour enseigner la

*De l'or-  
 dre de  
 ses li-  
 ures.*

maniere que l'on doit tenir à la lecture de ses œuures, & à ce que le Medecin ne s'y rende confus. Autres tiennent quel'escolier, tandis qu'il estude, ne doit manier qu'un liure, comprenant entierement la doctrine qu'il veut sçauoir, où il doit lire, & non en plusieurs, afin qu'il ne se trouble ny cōfonde: enquoy ils ont grande raison. En fin ce qui rend l'homme fort docte & sçauant est le long espace de temps qu'il employe à l'estude des lettres, & l'espoir que la science prenne en son esprit profonde racine: car ny plus ny moins que le corps ne se maintien de l'abondance de ce que nous mangeons & beuons en vn iour, ains de ce que l'estomac cuit & digere seulement: ainsi nostre entendemēt ne se plaist & nourrit de ce qu'en peu de temps nous lisōs beaucoup, mais de ce que peu à peu il entend & rumine souvent: nostre esprit se dispose iournellement de mieux en mieux, & avec laps de temps tombe en la cognoissance des choses, qu'il ne pour-



uoit ny entendre ny ſçauoir au precedent. L'entendement a ſon principe accroissement, eſtat ou conſtitution & declinaison, ny plus ny moins que l'homme & les autres animaux & plantes. Il commence en ſon adoleſcence, il a ſon accroissement en la iouuence & âge viril, l'eſtat en l'âge parfait, & commence à decliner en la vieillesſe. Et pour ceſte cauſe, celuy qui veut ſçauoir en quel âge ſon entendement eſt le plus fort & vigoureux, ſçache que c'eſt depuis trente trois ans iuſques enuiron les cinquante : auquel temps ſe doiuent faire les graues auteurs, ſi ainſi eſt que durant leur vie, ils ayent eu quelques opinions cōtraires. Celuy qui veut compoſer & eſcrire des liures, le doit faire en ceſt âge, & non

deuant ny apres, s'il ne ſe veut retracter ou changer d'opinion. Mais les âges des hommes ne ſont en tous d'une meſme ſorte : car aucuns ſont de leur enfance, à douze ans, les autres à quatorze, les autres à ſeize, les autres à dixhuiſt. Les âges

*En quel  
age on  
doit eſ-  
crire.*

*Il ne  
ſaut li-  
miter les  
âges ſe-  
lon le  
nombre  
des ans.  
Gal. 6.*

de la cō- de ceux-cy sont long, pource que  
 seruatiō iouuence arriré presque iusques à  
 de santé, quarāte ans, leur âge arresté & par-  
 fait iusques à soixante. Ils obtiennēt  
 pour la vieillesse autres vingt an-  
 nees, de maniere qu'ils viuēt quatre  
 vingts ans, qui est le terme des plus  
 forts & robustes. Ceux desquels  
 l'enfance est terminee à douze ans,  
 ont la vie fort courte: ils commen-  
 cent bien tost à raisonner, & bien  
 tost la barbe leur viēt, l'esprit ne leur  
 dure gueres, & commencent à en-  
 uieillir & deuenir caducs à quaran-  
 te ans, & meurent à quarante huiēt.  
 De toutes les conditions que i'ay al-  
 leguees n'y en a pas vne qui ne soit  
 fort necessaire, vtile & proffitable  
 Ainsi au ieune homme pour sçauoir: mais  
 Balde- le principal point est d'auoir le natu-  
 estudia- rel correspondant & conuenable à  
 le loix- rel correspondant & conuenable à  
 estant la science qu'il veut apprendre. Car  
 uieil, & nous voyons que plusieurs hom-  
 mes, leur ieunesse estant passée, ont  
 fect. en- commencé à estudier, ont ouy de  
 ecelles grand mauuais maîtres, en leur pays, &  
 parson. par vn mauuais ordre, & neant-  
 mage.

moins en peu de temps, sont deuenus grands personnages. Mais si l'esprit defaut, Hippocrate dit que toute la diligence qui est employee à l'estudee est perdue. Ciceron l'a reconnu en luy: car estant fasché de voir son fils tant ignorant, & que tout ce qu'il auoit peu faire n'auoit rien seruy en son endroict, il dit en ceste maniere & sens. Car qui est-ce autre chose de guerroyer cōtre les Dieux, comme firent les Geans, sinon resister à la nature (comme s'il eust voulu dire, y a-il chose qui ressemble mieux à la guerre des Geans contre les Dieux, que quand l'homme se met à estudier, ayant faute d'entendement? Car comme les Geans ne vainquoient iamais les Dieux, ains demeuroident tousiours vaincus: tout escolier qui voudra vaincre la mauuaise nature, demeurera par elle vaincu & surmonté. Et pour ceste cause Ciceron mesme nous conseille de ne forcer ny contraindre la nature, pourchassant d'estre grand Orateur,

*Au li-  
ure de  
l'orne-  
ment  
conue-  
nable  
es de-  
cent.*

40 L'Examen des Esprits.

& Aduocats, si ellé ne le veut permettre, pour ce que nous trauaillerions en vain.

Icy est demonstté que la nature est celle qui rend le ieune homme propre, & habille pour apprendre les sciences.

CHAP. II.

*La nature habille, l'art facilite, & l'usage red l'homme maistre.*

**L**Es anciens Philosophes disent par vne sentence fort commune & vñtee, que la nature est celle qui rend l'homme propre & habille pour apprendre: que l'art auec les preceptes & reigles, luy en donnent vn facile chemin, & que l'usage & experience qu'il a des choses particulières, luy donnent le moyen de pouoir venir à la pratique & œuvre. Mais personne d'iceux n'a dit particulièrement que c'est de ceste nature, ny sous quel genre elle se doit constituer. Ils ont dit seulement que venant à deffaillir en celuy qui apprend l'art, l'experience, les mai-

stres, les liures, & le trauail ne ser- *Hippo-*  
uent de rien. Le populaire voyant *crate,*  
vn homme de grand esprit & habi-  
lité demôstre incontinent que Dieu  
en est auteur: & ne se soucie d'au-  
cune autre chose, ains tient pour  
estre vne vaine imagination tout ce  
qui ne se rapporte là: mais les Phi-  
losophes naturels se moquent de  
ceste maniere de parler. Car com-  
bien qu'elle soit pleine de pieté, &  
qu'elle contienne verité & religion,  
elle vient neantmoins de ce qu'il  
ignore l'ordre & establisement que  
Dieu donna aux choses naturelles,  
Teiour qu'il les crea: car pour cou-  
rir son ignorance, & de peur que  
personne le puisse reprendre, ou cō-  
tredire à son opinion, il certifie que  
tout se fait par la volonté de Dieu,  
& qu'il n'aduient aucune chose que  
par sa permission diuine: mais pour  
autant que cēla est tres veritable &  
notoire, il est digne de reprehē-  
sion: car comme chacun demande  
(dit Aristote) ne se doit faire d'vne *Arist. an*  
mesme maniere, aussi ne doit on *1. des To-*  
*piques.*

42 L'Examen des Esprits.

*Exem-  
ple.*

donner toute responce d'une mes-  
me maniere, combien qu'elle soit  
veritable. Estât à ce propos vn Phi-  
losophe naturel, à deuiser, vn iour,  
avec vn Grammairien, vint à eux  
vniardinier curieux, qui leur de-  
manda pourquoy faisant tant bien  
son deuoir apres la terre de son iar-  
din à la remuer cultiuer, becher, sar-  
cler, & fumer, elle ne mettoit ia-  
mais, de bonne volonté, dehors ce  
qu'il y semoit, mais au contraire fai-  
soit croistre facilement les herbes.  
quelle produisoit du sien? Le Gram-  
mairien respondit que cela venoit  
de la diuine prouidence, & qu'il  
estoit ainsi ordonné de Dieu pour  
le bon gouuernement du mon-  
de: mais le Philosophe phisicien se  
print à rire de ceste responce, voyât  
qu'il referoit cela à Dieu, pource  
qu'il ne scauoit pas le discours des  
choses naturelles, ny en quelles ma-  
nieres elles produisent leurs effets.  
Le Grammairien le voyant rire, lui  
demanda s'il se mocquoit de luy, ou  
dequoy il se rioit. Le Philosophe,

respondit qu'il ne se rioit pas de lui, mais du maistre. qui l'auoit tant mal enseigné: pource que des choses qui viennent de la prouidence diuine (comme les œuvres super-naturelles (la cognoissance & solution en appartient aux Metaphysiciens, que nous appellons maintenant Theologiens. Mais la question du Iardinier est naturelle & appartient à la iurisdiction des Philosophes naturels, pource que cest effect prouient de certaines choses manifeste. Parquoy le Phisicien respondit que la terre ressemble à la marastre, laquelle entretient fort bien les enfans qu'elle a faicts & engendree: & oste la nourriture à ceux de son mary: de maniere que nous voyons les siens bien nourris & en bon poinct, & les autres maigres, attenuez & sans couleur. Les herbes que la terre produit du sien sont sortis de ses propres entrailles; & celles que le Iardinier fait leuer par force, sont venues d'yne au-

*Il faut  
sçauoir  
les bor-  
nes Es-  
jurisdic-  
tion de  
chacune  
science.  
Arist. li-  
uree des  
Ethiques  
chap. 4.*

En l'E.  
pistre à  
Dama.  
père.

tre mere, au moyen dequoy elle leur  
oste la vertu & l'aliment par lequel  
elles doiuent croistre, pour le don-  
ner aux herbes qu'elle a engédrees.  
Hippicrate raconte aussi qu'ainsi  
qu'il fust allé voir ce grand Philo-  
sophe Democrite, il luy fist enten-  
dre les folies que le vulgaire disoit  
de la medecine : à sçauoir que se  
voyât exempts de la maladie, il cer-  
tifieoit, que Dieu seul les guarissoit,  
& que sans la volonté d'iceluy, l'in-  
dustrie du medecin ne seruoit pas  
beaucoup. C'est vne maniere de  
parler tant ancienne, & l'ont tant  
de fois debattuë les Philosophes  
naturels, que seroit peine perduë de  
la penser faire oublier: ioint qu'il  
n'est conuenable de ce faire, pour  
autant que le vulgaire ignorant les  
causes particulieres de quelque ef-  
fect, respond mieux & plus verita-  
blement par la cause vniuerselle, qui  
est Dieu, que non pas autrement.  
Et pourtant me suis-je plusieurs fois  
mis à considerer, d'où vient que le  
commun peuple attribué tant vo-



fontiers toutes choses à Dieu, & non à la nature, ayant en horreur les moyés naturels, Je ne sçay pas si'en ay peu comprendre la raison: toute fois est il aisé à entendre, que le peuple parle de ceste maniere, pour sçauoir que les effects se doiuent entièrement attribuer à Dieu, & quels à la nature: ioinct que les hommes, pour la pluspart, sont impatiens, qui veulent que leur desir soit incontinent accompli. Et comme ainsi soit, que les moyens naturels soient de grande estendue, & operent par laps & cours de temps, il n'a pas la patience d'y regarder: & sçachant que Dieu est tout-puissant, qui faiçt en vn moment tout ce qu'il luy plaist, suiuant les exemples qu'il en a, il voudroit qu'il luy donnast santé cōme au Parilitique: science, comme à Salomon, & richesses comme à Iob, qu'il le deliurast de ses ennemis, comme il a diliuré Dauid. L'autre raison de ceste maniere de parler, est que les hommes sont arrogans, & presomptueux, plusieurs desquels

## 46 L'Examen des Esprits.

desirent en leur cœur, que Dieu leur face quelque grace speciale & particuliere que ce ne soit, par la voye commune (comme est de faire luire le Soleil sur les iustes & les mauuais, & faire pleuvoir pour tous en general) pour ce que les graces sont d'autât plus estimees qu'elles sont octroyees à moins de personnes, Et pour ceste cause auons nous veu plusieurs hommes feindre des miracles és maisons & lieux de deuotion, afin que le peuple accoure à ceux incontinent, & les tiennne en grande veneration (comme personnes avec lesquels Dieu s'est rendu familier) de maniere que s'ils sont pauures, le peuple les fauorise de grandes aumosnes, & aucuns en tombét en interest. La troiesime raison est, que les hommes se veulent reposer, & ne veulent prendre aucune peine, ver que les choses naturelles sont tellement disposées; que pour en scauoir les effects, il est besoing de travailler: & pourtant voudroient

Is que Dieu vſast en leur endroit de ſa toute puiſſance, & que ſans aucun trauiail, leurs deſirs fuſſent accõplis. Ie laiſſe à part la malice de ceux qui demdandent à Dieu des miracles pour tenter ſa puiſſance, & cognoiſtre ſ'il les pourra faire: autres, qui par vne vengeance, demanderẽt le feu du ciel: & autres chaſtimens tres-cruels. La dernière raiſon viẽt de ce que le vulgaire eſt fort religieux, & deſireux de l'hõneur de Dieu & aduãcemẽt de ſa gloire: ce qui aduient beaucoup pluſtoſt par les miracles, que par les effets naturels. Mais le vulgaire des hõmes ne ſcait pas les œures ſupernaturelles & prodigieuſe que Dieu fait, pour mõſtrer à ceux qui ſõt ingnorans cõme il eſt tout puiſſant, & qui les fait pour approuuer ſa doctrine: ſans laquelle neceſſité il ne les feroit iamais. Ce qui eſt aiſé à entendre, conſiderant que Dieu n'execute plus maintenãt ces œures eſtrãges du vieil & nouveau teſtament, pource qu'il a mis toute diligence d'informer les hõ-

## 48 L'Examen des Esprits.

*Jobe. 33.*

mes, par miracles de sa verité. De penser maintenant qu'il retourne approuver, par nouveaux signes & miracles, la sainte doctrine ( en resuscitant les morts, donnant la veüe aux auengles, & guarissant les boiteux & les paralitiques ) c'est yne grande erreur: car Dieu enseigne vne fois ce qui est començable aux hommes, le prouue par miracles, & ne le repete point. *Dieu parle vne fois, & ne repete ce qu'il a dit.* Le plus grand indice que j'aye pour descouurir si vn homme n'a pas l'esprit approprié à la Philosophie naturelle, est de le voir attribuer toutes choses au miracle, sans aucune distinction: & au contraire ne faut douter du bon entendement de ceux lesquels ne cessent tant qu'ils sçachent la cause particuliere de quelque effect. Ceux-là sçauent bien que se trouuent certains effects, qui se doiuent mediatement referer à Dieu, comme sont les miracles: & autres à la nature, comme ceux qui naissent & prouiennēt de certaines causes.

Mais quand nous parlons de l'vne & l'autre maniere, nous establissons Dieu auteur de tout: Car quand Aristote à dit, Dieu & la nature ne font rien en vain, il n'a voulu entendre, que la nature fust quelque chose vniuerselle ayant iurisdiction separee de Dieu: mais vn nom de l'ordonnance & reigle que Dieu establit en la composition du monde, afin que succedent les effects qui sont necessaires pour la conseruation d'iceluy. Par ainsi a l'on coustume de dire, que le Roy & le droit ciuil ne font tort à personne: en laquelle maniere de parler, nul n'entend que ce nom (Droit) signifie aucun Prince, qui ait iurisdiction separee de celle du Roy, mais tient que cest vn terme qui comprend, par la signification, toutes les loix & ordonnances que le Roy à faites, pour la conseruation de sa Republique. Et ny plus ny moins que le Roy se reserve des cas qui ne peuuent estre determinez par le droit, tant ils sont grands & estran-

*Au premier li-  
ure des  
Cielz*

ges, Dieu pareillement se reserue les effects miraculeux, qui ne peuvent estre produits des causes naturelles. Mais il faut bien noter icy, que celuy qui les doit cognoistre tels, & les discerner des œuures naturelles, doit estre grand Philoso-  
*L'igno- rance de la Philosophie naturel- le prend pour mi- racle ce qui ne l'est pas.* phe naturel, & sçauoir de cha- cu effect, la certaine cause d'iceluy. Et neantmoins tout cela ne suffit, & l'E- glise Catholique ne les declare tels. Et comme les hommes de let très travaillent apres l'estude du d'roict ciuil, & le retiennent en leur me- moire pour sçauoir & entendre la volonté du Roy, en la determinai- son & arrest de tel & tel cas: ainsi nous autres Philosophes naturels (comme entendus en ceste faculté) mettons toute peine de sçauoir le discours & ordonnance que Dieu fist, le iour qu'il créa le monde, pour contempler & sçauoir de quelle maniere il a voulu que les choses soient succedees, & pourquoy. Et comme ce seroit chose digne de ri- re, & si yn homme de lettres alle-

guoit en ses escrits, pour chose bien prouuee, que le Roy fait determiner tel cas, sans monstrier la loy & raison, par laquelle il le veut decider. Les Philosophes serient aussi de ceux qui disent, ceste œuvre est de Dieu, sans denoter l'ordre & discours des choses particulieres, d'où elle peut proceder. Et comme le Roy ne veut prester l'aureille à qui le requiert, & d'abolir & casser vne loy iuste, ou de faire decider vn cas, hors l'ordre qu'il fait garder & entretenir en iugement, ainsi Dieu ne veut escouter celuy qui demande des miracles & faits, par dessus l'ordre de nature, sans qu'il en soit besoin. Car combien que le Roy casse & establisse tous les iours des loix, & change l'ordre de la Iustice (tant pour la diuersité des temps, que pource que le conseil de l'homme est caduc & muable, qui ne peut, pour vne fois attaindre à la droiture & iustice) si est-ce que l'ordre naturel de tout l'vniuers, que

Nous appellons nature, est certain depuis que Dieu a cree le monde, auquel l'on ne scauroit ny adiouster ny diminuer chose que cessoit, pource que Dieu la estably avec telle sagesse & prouidence, que de requerrir vn tel ordre n'estre gardé, & vouloit rédre les œuvres de Dieu imparfaites & defectueuses. Mais retournant à ceste sentence tant visitée des Philosophes anciens, *La nature fait habile*, il faut entendre que l'on trouue des esprits & habilitiez que Dieu departit & diuise entre les hommes, hors de l'ordre naturel, comme fut la science des Apostres, lesquels d'hommes lourds & idiots, furent miraculeusement inspirez, & remplis de science & de scauoir. Quant a ceste maniere d'habilité & science, ne se peut verifier cecy, *Nature fait habile* pource que c'est vn œuvre qui se doit entièrement rapporter à Dieu, & non pas à la nature. Il faut entendre le mesme de la science des Prophetes, & de tous ceux auxquels



Dieu a fait quelque grace. Il y a vne autre maniere d'habilité entre les hommes, qui leur vient, pource que nature les a engendrez par l'ordre & moyen ordonné de Dieu à cest effect, & de ceste maniere dit on certainement, *Nature soit habile.*

Car, comme nous prouuerons au dernier chapitre de cest ouure, il y a vntel ordre & cōuention és choses naturelles, que si les peres, au temps de l'engendrement, y prennent garde & pensent à les garder, tous leurs enfans seront sages, & ne s'en faudra pas vn. Cependant ceste signification de nature est fort vniuerselle & confuse, & l'entendement n'est pas content, & ne cessant qu'il sçache le fait particulier, & la derniere cause: & pourtant est besoing trouuer vne autre signification de ce nom (Nature) qui conuienne mieulx à nostre propos. Aristote, & tous les autres Philosophes naturels, particularisent d'auantage ce nom, & appellent la nature certaine forme substantielle, qui dô-

*Au 2. li.  
de Phy.  
sica au-  
sulta-  
tione,*

54. *L'Examen des Esprits.*

ne estre à la chose, & est principe de toutes ses œuvres. Et en ceste signification, nostre ame raisonnable, à iuste raison, s'appellera nature, pource que nous tenons d'elle, l'estre formel d'hommes, & elle mesme est le principe de tous nos faits & actions. Mais comme ainsi soit, que toutes les ames raisonnables soient d'egalle perfection, tant celle du sage & sçauant que celle de l'ignorant) on ne sçauroit certifier en ceste signification, quelle est la nature qui rend l'homme habile. Car si cela estoit vray, tous les hommes seroient esgaux en-esprit & sçauoir. Par ainsi le mesme Arristote a trouué autre signification de nature, qui est cause que l'homme est habile, ou inhabile. Car il dit, que le temperament des quatre premieres qualitez (chaud, froid, sec, humide, se doit appeller nature: pource que de ceste nature procedent toutes les liberalitez de l'homme, toutes les vertus & vices, & ceste grande variété d'esprits que

En la 30  
c'est. pro  
ble 1.

nous voyons. Ce qu'il peut appertement cognoistre & prouuer, en considerant les aages d'un homme tressage, lequel en son enfance n'est autre qu'un brut animal; n'ysant d'autre puissances que de celles de lire & conuulsives: mais estant venu en l'aage d'adolescence, il commence à descouurir vn esprit admirable, qui luy dure iusques à certain temps, & non plus: car suruenant la vieillesse, il va perdant son esprit de iour en iour, iusqu'à tant qu'il deuienne caduc. Il est certain que ceste diuersité d'esprit, procede de l'ame raisonnable, laquelle en tous âges, est tousiours de mesme, sans receuoir en ces forces & substance, aucune alteration ou changement, n'estoit qu'en chacun aage: l'homme obtient vn diuers temperament & contraire disposition, à raison de laquelle l'ame fait vne chose, en enfance: vn autre, en ieunesse, & vne autre en vieillesse: & pourtant voyons nous euidentement, puis qu'une

*Hippocr.*  
à vie de  
mauvais  
termes,  
disant  
que l'a-  
me de  
l'homme  
va tous-  
iours en  
auant,  
iusques à  
la mort  
6. ep.  
part. 3.  
com. 5.

56 L'Examen des Esprits.

mesmeame fait œuvre contraires en vn mesme corps, à cause du contraire temperamēt en chacun âge, quand nous voyons deux ieunes hōmes, l'vn habille & l'autre ignorant & inhabile, cela vient de ce corps le temperament de l'vn est differend de l'autre: lequel pour estre principe de toutes les œuvres de l'ame raisonnable) les Medecins & Philosophes ont appellé, nature: de laquelle signification est proprement verifiée ceste sentence, *Nature fait habile.* En confirmation de ceste doctrine, Galien a escrit vn liure par lequel il prouue que les mœurs de l'ame suivent le temperemēt du corps où elle reside & qu'à raison de la chaleur, froidure, humidité, & secheresse de dela region en laquelle les hommes habitent, des viandes qu'ils mangent des eaux qu'ils boient, & de l'air qu'ils respirent, les vns sont ignorans, & les autres sages: les vns vaillans, & les autres coïiards: les vns cruels, & les autres miseri-

*Hipp. &  
Gal. l. i.  
de la na-  
ture hu-  
maine,  
& Plat.  
au phe-  
dre.*

*Les  
mœurs  
de l'ame  
suivent  
le tem-  
peramēt  
du corps.*

cordieux: les vns secrets & les autres ouuers: les vns menteurs, & les autres veritables: les vns traistres, & les autres loyaux: les vns inconstans: les autres arrestés: les vns doubles, les autres simples: les vns chiches, & les autres liberaux: les vns honteux, & les autres eshontez: les vns incredules, & les autres aysez à persuader. Et pour le prouuer, il s'est senty de plusieurs passages d'Hipocrate, de Platon, & d'Aristote, lesquels certifient que la difference des nations, tant en la composition du corps, comme es conditions de l'ame vient de la varieté de cet temperament. Or on voit clairement combien different les Grecs, des Scytès, les François, des Espagnols: les Indiens, des Allemans: & les Aethiopiens, des Anglois. Ce qui ne se voit seulement es Regions tant lointaines & separees l'un de l'autre: mais si nous considerons les prouinces de toute l'Espagne, nous pourrons departir les vertus & vices susdits aux ha-

*D'où vient la difference des nations,*


bitans d'icelles, selon qu'il leur seront propres. Et si nous considerôs l'esprit: & mœurs des Catelans, Valencians, Murcians, Granadins, Andalizes, Estre meгноis, Portugais, Gallegues, Asturians, Montaignois, Biscains Nauarrois, Arragonnois, & Castellâns. Qui ne verra & cognoistra la difference qui est entr'eux, non seulement en la figure du visage & composition du corps, mais aussi és vertus & vices de l'ame? ce qui vient de ce que chacune prouïnce des susdites nations, obtient son different particulier temperament. Et non seulement se voit ceste diuersité de mœurs és regions, tant esloignees, mais aussi es lieux, distans seulement d'une petite lieue: l'un de l'autre, où vous ne scauriez croire la difference qu'il y a des esprits entre les habitans d'iceux. Finalement tout ce que Galien, escrit en son liure est le fondement de ce mien œuure. Et combié qu'il ne touche particulierement aux differences du naturel & ha-

bilité des hommes ; ni aux sciences que chacune demande en particulier: si a il bien entédu qu'il estoit necessaire de partir les sciences aux ieunes hommes , & donner à chacun celle que son naturel requeroit. Et a dit en outre, que les republicues bien ordonnees deuroient establir homme de grande prudence & sçauoir qui descouurissent en l'âge tendre l'esprit & naturelle industrie d'un chacun, pour leur faire apprendre l'art qui leur seroit conuenable, sans le laisser à leur élection.

*Aug. 9.  
liure de  
Placitis  
Hippo.  
& Pla-  
tonis.*

*Quelle partie du corps doit estre bien  
temperce, afin que l'enfant soit  
habile, ou de bon esprit.*

### CHAP. III.

 E corps humain a vne si grande varieté de parties & puissances (chacune appliquée à la fin qu'il ne sera hors de propos, ains neces-

faire ſçauoir premierement quel membre nature a ordonné pour instrument principal, à ce que l'hōme fuſt ſage & prudent. Car il eſt certain que nous ne raiſonnons pas du pied: que nous ne cheminons de la teſte: que nous ne voyons, du nez: & que nous n'oyons pas, des yeux: mais que chacune de ſes parties à ſon propre vſage & particulière compoſitiō, pour l'œuure qui luy eſt conuenable. Deuant que Hippocrate & Platon fuſſent au monde, les Philoſophes naturels tenoient pour certain, que le cœur eſtoit la principale partie ou reſidoit la faculté de la raiſon, & l'inſtrument, au moyen duquel noſtre ame exerce les œuures de prudence, l'eſprit de memoire & d'entendement: Et pourtant l'eſcriture ſaincte ſ'accommodant à la commune maniere de parler de ce tēps-là, appelle en pluſieurs endroiets, le cœur, la partie ſuperieure de l'hōme. Mais ces deux graues Philoſophes eſtans venus au monde, don-

Le cœur  
eſt le  
cœur eſt  
le cœur



nerent à entendre que ceste opiniõ  
estoit fausse, & prouuerent par plu-  
sieurs raisons & experiences, que le  
cerueau est le siege principal de l'a-  
me raisonnable. Ce que tous ont ac-  
cepté, horsmis Aristote, lequel vou-  
lant contredire du tout à Platon,  
estre tourné. rafraischir & renou-  
ueller la premiere opinion la ren-  
dant probable par argumens topi-  
ques, ou tirez des lieux. Il ne faut  
pas debattre en cest endroiẽt quel-  
le est la plus certaine opinion: car  
il n'y a pas vn Philosophe qui n'ad-  
uouẽ que le cerueau est l'instrumẽt  
ordonné de nature, pour rendre  
l'homme sage & prudent: il con-  
uient declarer seulement qu'elles  
doiuent estre les cõditions de ceste  
bien organisee & composee, & afin  
que le ieune homme (à ceste occa-  
sion) ait bon esprit & enten-  
dement. Le cerueau doit auoir qua-  
tre qualitez, à ce que l'ame raison-  
nable puisse commodẽment faire  
les œures d'entendement & pru-  
dence. La premiere est la bonne

*dans du  
corps à  
senti-  
ment,  
Et n'est  
partici-  
pant de  
sapiences:  
mais le  
cerueau  
est cause  
de tou-  
tes ces  
choſes  
Hippoc,  
au liure  
De mor-  
bo ſacro.*

composition d'autre, que les parties d'iceluy soyent bien vnies: la troisieme que la chaleur n'excede ou surpasse la froidure, ny l'humour; la siccité: la quatrieme, que la substance soit composée de parties subtiles & fort délicates? En bonne composition sont comprises quatre autres choses: la premiere est la bonne figure: l'autre, la suffisante quantité: la troisieme, qu'il y ait au cerueau quatre ventricules separez & colloquez chacune en son lieu: la quatrieme que la capacité d'iceux ne soit plus grande ni moindre qu'il faut pour leur office, Galien demonstre la bonne figure du cerueau, considerant par le dehors la forme & composition de la teste: qui seroit telle qu'il faudroit, dit-il, prenant vne boule de cire, parfaitement ronde que l'on manieroit doucement & applatiroit par les costez, de maniere qu'elle fit vn font, & le derriere de la teste vn peu esleué & comme bossu: dont s'ensuit que celui qui a la front bien

*Au liure  
de l'art  
de Me-  
decine,  
lib. 11.*

plat, & le derriere de la teste mal-  
 faißt & vny, n'a pas la figure de cer-  
 ueau demonstrent qu'il soit de bon  
 esprit. Quand à la quantité du cer-  
 ueau, de laquelle l'ame a besoing, *Quantité de la*  
 pour discourir & vser de raison, *ceruelle de l'homme,*  
 c'est chose merueilleuse, qu'entre  
 les bestes brutes, il n'y a pas vne  
 qui ait tant de ceruelle quel'hom-  
 me: de maniere que deux puissans  
 bœufs n'en ont pas tant qu'ils s'en  
 trouuera au cerueau de l'homme,  
 quelque petit qu'il soit: & ce qui  
 est le plus notable, entre les bestes  
 brutes, celles qui approchèt le plus  
 de la prudence & discretion hu-  
 maine (comme le singe, le renard  
 & le Chien) ont plus grande qua-  
 tité de ceruelle que les autres, quoi-  
 qu'ils soient plus grand de corps.  
 Et pour ceste cause Galien dit, *Les ani-  
 maux*  
 que la petite teste en l'homme *appro-*  
 est toujours vicieuse; pource *chant de*  
 qu'il a faute de ceruelle. Et cer- *la pru-*  
 tifie pareillement que si la gros- *dence de*  
 se teste vient de l'abondance de *l'hom-*  
 matiere mal appropriée, lors *me on*

# 64 L'Examen des Espris.

*coup de ceruelle* que nature les forma, c'est mauvais  
*Au liure de l'art. de me- decine, chap. 21.* signe, pource qu'elle est toute cō-  
 posée d'os & de chair, & qu'elle n'a  
 gueres de ceruelle. Comme il ad-  
 uient és fort grandes & grosses orā-  
 ges, lesquelles estant ouuertes n'ont  
 guere de ius & moielle, mais beau-  
 coup d'escorce. Il n'y a chose qui  
*Ce qui offence l'ame raison- nable.* offence tant l'ame raisonnable que  
*Au dia- logue de la natu- re.* d'estre en vn corps chargé d'os, de  
 graisse & de chair. Et pour ceste  
 cause Platon dit que les chefs des  
 hommes sages, sont ordinairement  
 imbeciles, & aisément offencer de  
 la moindre occasion du monde,  
 pource que nature les a fait legers &  
 délicats, & ne les a voulu charger  
 de beaucoup de matiere, de peur  
 d'offencer l'esprit. Et est tant verita-  
 ble ceste doctrine de Platon: que  
 combien que l'estomac soit si esloi-  
 gné du cerueau, il l'offence neant-  
 moins, s'il est plein de gresse & de  
 chair, & pour confirmation de ce-  
 la, Galien dit que le ventre gros en-  
 gendre gros entendement: & cela  
 vient de ce que le cerueau & l'esto-

*Il y a deux manieres d'hommes gros, les uns*

*pleins de chair, d'os & de sang, les autres de graisse*

mac sôt liez & ioints ensemble par le moyen de certains nerfs, qui communiquent leurs maux l'un à l'autre: & au contraire, si l'estomac est sec & decharné, il aide beaucoup à l'esprit, côme nous voyons en ceux qui ont faim & nécessité. Perse s'est fondé en ceste doctrine, quand il a dit que le ventre donnoit l'esprit à l'homme. Mais ce que plus on doit noter en ce cas est, que si les autres parties du corps sôt grosses & charneuses, qui font l'homme de grande corpulence. Aristote dit, que elles luy font perdre l'esprit. Et pourtât suis-je certain, que si l'homme à grosse teste ( combien que nature forte en ait esté cause, & que ce soit d'adventure adueni par la quantité de la matiere bien appropriée ) il n'a pas l'esprit si bon que s'il auoit la teste moyène. Aristote neantmoins est de contraire opinion, demandant pour quelle raison l'homme est le plus sage de tous animaux. A quoy il respond ne se trouer aucun animal qui ait tant petite teste que

*Et ceux  
ci sont  
fort inge-  
nieux.*

*Au 4. li-  
ure des  
parties  
des ani-  
maux.*

*En la 3<sup>e</sup>  
section,  
proble. 3.*

## 66 L'Examen des Esprits.

l'homme, au regard de son corps: & entre les hommes, dit-il, ceux là sont les plus sages, qui ont la teste moindre: mais il n'a point de raison en cela: car s'il ouvroit la teste d'un homme, pour voir la quantité de la ceruelle qui est dedans, il trouueroit qu'il ny en a pas tant en la teste de deux cheuaux, qu'en la teste de cest homme là. Mais i'ay trouué par experience qu'en ceux qui sont petits, il est meilleur & vaut mieux que la teste soit vn peu grande, & petite, au contraire en ceux qui sont grâds de corps, pour ce qu'en ceste maniere se trouue la moyenne quantité, par laquelle l'ame raisonnable execute bien son œuure. D'auantage, le cerueau a besoin de quatre ventricules, afin que l'ame raisonnable puisse discourir & philosopher; l'un doit estre assis au costé droit d'iceuluy: le second en l'autre costé, le troisieme au milieu de ces deux, & le quatrieme en la derniere partie du cerueau. Nous dirons cy apres de quoy

*Les petits hommes doiuent auoir grande teste. Et les grands petite.*

*Le cerueau a quatre ventricules.*

seruent à l'ame raisonnable ces ventricules & capacitez larges ou estroites, quand nous traicterons des differences de l'esprit de l'homme. Mais ce n'est pas assez aussi que le cerueau soit bien formé, qu'il y ait vne suffisante quantité, & le nombre des ventricules que nous auons dit, avec leur capacité petite ou grande, si les parties d'iceluy ne gardent vne certaine maniere de continuation, sans estre diuisées. Et pour ceste cause auons nous veu, à cause des playes de la teste, aucuns hommes perdre memoire, autres l'entendement: & autres l'imaginaion: & combien que le cerueau apres la guarison, se vienne à rejoindre, il n'a toutesfois l'union naturelle qu'il auoit au precedent. La troisieme condition: des quatre principales estoit du cerueau bien temperé d'une chaleur moderée, & sans l'excez des autres qualitez. Nous auons dit autre part, que ceste disposition là s'appelle bone nature: pour estre celle qui principalemēt rend l'hō-

*Ce qui aduient pour les playes de la teste.*

*Au liu.  
de l'art  
medici-  
nal, ch.  
22.*

me habille, & la contraire, inhabi-  
le, Mais la quatriesme, du cerueau  
composé de parties subtiles & fort  
delicates est de plus grande impor-  
tance qu'etons les autres, comme  
dit Galien. Car voulant demôstrer  
la bonne composition du cerueau,  
il dit que l'esprit subtil monstre  
que le cerueau est formé de par-  
ties subtiles & fort delicates: & si  
l'entendement est tardif, il denote  
vne grosse substance, & ne fait mé-  
tion du temperament. Le cerueau  
doit auoir ces qualitez, afin que  
l'ame raisonnable puisse deuëment  
exercer son office: mais il y a icy  
vne grande difficulté, qui est que  
si nous anatomisons ou faisons dis-  
section de la teste de quelque beste  
brute, nous trouuerons que le cer-  
ueau d'icelle est composé de la mes-  
me sorte que celui de l'homme,  
avec toutes les susdites conditiôs.  
A raison dequoy peut-on entendre  
que les bestes brutes se seruent pa-  
reillement de prudence & de rai-  
son, au moyen de la compositiô de



leur cerueau: ou bien faut dire: que  
 nostre ame raisonnable ne se sert *En la*  
 de ce membre pour instrument *haran-*  
 principal, par lequel elle fait son of- *gue per-*  
 fice: ce qui ne se peut certifier, *suasive*  
 Galien respond à ce doute, disant *aux bœs*  
 Certainement on peut douter si au *arts,*  
 genre des animaux, appelé irrai-  
 sonnable. Il y a point quelque rai-  
 son. Car il est exempt de celle qui  
 consiste en la voix, que l'on appel-  
 le parole, parauēture tous animaux  
 sont participans de celle qui est cō-  
 cēuē en l'esprit, que l'on dit iuge-  
 ment: combien qu'elle soit donnee  
 aux vns moins & aux autres plus,  
 Mais, certes, personne ne doute que  
 par ceste mesme raison l'homme ne  
 soit beaucoup plus excellent que  
 les autres animaux. Galien donne  
 à entendre par ces paroles ( bien  
 que ce soit avec quelque crainte)  
 que les bestes brutes participent de  
 raison, les vnes plus que les autres  
 & qu'elles seruent d'argumens &  
 discours, combien quelles ne les  
 puissent exprimer de parole, & que

*Au 2. de  
sa Meib.  
chap. 7*

la différence qu'il y a d'elles à l'homme, consiste en ce que l'homme est plus raisonnable, & se sert plus parfaitement de prudence. Le même Galien prouue aussi par plusieurs experiences & raisons que les ames (qui sont entre les bestes brutes les plus stupides) peuuent atteindre par leur esprit à choses plus hautes, & semblent qu'Aristote & Platon, n'ont iamais trouué. Aristote à voulu dire cela mesme demandant pourquoy l'homme est plus prudent que tous les animaux, & en vn autre lieu, pourquoy l'homme est le plus iniuste de tous les animaux: en quoy il declare cela mesme que Galien a dit au lieu sus allegué. La différence qu'il y a de l'homme à la beste brute, est la mesme qui se trouue entre l'homme ignorant & le sage: & ne faut douter de cela, excepté que les bestes brutes ont la memoire, l'imagination & autre puissance qui ressemble l'entendement: comme le signe ressemble l'homme, estant chose certaine que

*En la 29  
sest. pro.  
ble. 6.*

leur ame s'aide & se sert de la cō-  
 composition du cerueau, laquelle  
 estant bonne & telle qu'il est con-  
 uenable, exerce fort bien son œuvre  
 & avec grande prudēce: & si le cer-  
 ueau est mal cōposé elle fait mal son  
 office. Ainsi voyons nous des asnes  
 qui sont proprement du naturel alle-  
 gué cy deuant: l'on en trouue tant  
 d'autres malicieux qu'ils surpassēt  
 leur espee. Entre les cheuaux s'en  
 trouuēt plusieurs viciēx, & autres  
 généraux: les vns plus aisez à dres-  
 ser que les autres: ce qui viēt du cer-  
 ueau qu'ils ont bien ou mal cōposé.  
 Nous donnerons au chapitre ensui-  
 uant la raison & solutiō de ce doute,  
 pource que là est encores touché  
 ceste matiere. On trouue au corps  
 autres parties, du temperamēt des-  
 quels despend l'esprit, aussi bien  
 que du cerueau; desquelles nous  
 traiterōs au dernier chapitre de ce  
 liure. Mais hormis icelles & le cer-  
 ueau, il y a au corps vne autre substā-  
 ce, de laquelle se sert en ses œuvres  
 l'ame raisonnable: & veut ses trois

dernieres qualitez aussi bien que  
 le cerueau, qui font la suffisante  
*Office de* quantité, la substance, delicate & le  
*sub-* bon temperament. Ce sont les es-  
*ance le* prits vitaux, & le sang des arteres,  
*prits el.* qui courét par tout le corps, adhe-  
 rans & joinctz à l'imagination &  
 suiuant la contemplation. L'office  
 de ceste substance spirituelle est de  
 resueiller les puissances de l'hom-  
 me, & de leur donner force & vi-  
 gueur, à ce qu'elles puissent exer-  
 cer leurs actions. Et cognoist on  
 cela appertement si l'on vient à cō-  
 siderer les mouuemens de l'imagi-  
 natiue & ce qui aduient apres en  
 l'œuure. Car si l'homme se met à  
 imaginer en quelque honte qu'on  
 luy aura faite, le sang des arteres  
 accourt incontinent au cœur, &  
 resueillé la puissance de lire, & luy  
 donne chaleur & force pour s'en  
 venger. Si l'homme pense en quel-  
 que belle femme, ou que par l'ima-  
 gination, il cuide estre en l'acte ve-  
 nerien, & ses esprits vitaux accou-  
 rent incontinent aux membres ge-  
 nitaux,

vitaux, pour leur donner force & vigueur. Le mesme aduient quand il nous souuient de viande delicate & sauoureuse: car incōtinent ils accourent à l'estomac & font venir l'eau à la bouche, & est leur mouuement si leger que si quelque femme enceinte à enuie de manger quelque chose & qu'elle se l'imagine tousiours, nous voyons par experience, qu'elle vient à auorter, si bien tost on ne luy en fait passer son enuie, en luy baillant. Cela viēt de ce que ces esprits vitaux, deuant que ce desir suruienne, sont au ventre aydans la femme à soustenir la creature, de maniere que par la nouvelle imagination du manger, ils viennent à l'estomac, afin de refueiller l'appetit: cependant si le ventre n'est pourueu d'une grande force & vertu de retention, il ne la peut soustenir: & par ce moyen la femme vient à auorter. Galien entendant la condition de ces esprits vitaux, conseille aux Medecins de ne donner à manger aux malades,

*Commēt  
Es pour-  
quoy les  
femmes  
auortēt.*

*Au. des  
Aphori  
com. 7.*

## 74 L'Examen des Esprits.

estant les humeurs crus & à cuire, pour ce qu'aussi tost qu'ils sentent qu'il y a à manger en l'estomac, ils laissent ce qu'ils faisoient & s'en viennent à l'estomac, afin de luy ayder. Le cerueau reçoit ce mesme bien & secours par ces esprits vitaux, quand l'ame raisonnable veut contempler, entendre, imaginer & exercer la memoire, sans lesquels, elle ne peut faire son office, Et comme la grosse substance & mauuais temperament du cerueau, font perdre l'esprit: ainsi les esprits vitaux & le sang des arteres ( n'estant delicats & de bon temperament) empeschent l'homme de discourir & raisonner. Et pour ceste cause Platon à dit que la douce & bone temperature du cœur rend l'esprit aigu & subtil, ayant prouué ailleurs que le cerueau, & non pas le cœur est le principal siege de l'ame raisonnable: & cela vient de ce que ces esprits vitaux s'engendrent au cœur, & reçoivent telle substance & temperament qu'à celui

*Au Dia-  
logue de  
la scien-  
ce.*

qui les forme. De ce sang des ar- Au 2. liv.  
des par-  
ties des a-  
nimaux  
teres s'entend ce qu'Aristote a dit,  
que les hommes ayant le sang chaud,  
delicat & pur, sont bien compo-  
sez, & ont ensemble les forces  
corporelles, & l'esprit prompt  
& vif. Les medecins appellent Hippo-  
crate au  
1. des A-  
phorif-  
mes  
ces esprits vitaux, Nature : pour-  
ce qu'ils sont l'instrument princi-  
pal, par lequel l'ame raisonnable  
exerce son office, desquels aussi  
se peut verifier ceste sentence,  
*Nature fait l'homme habile.*

*Icy se demonstre que l'ame vegetative,  
sensitive & raisonnable. sont sca-  
nantes sans que nul les enseigne,  
ayant le temperament convenable  
pour exercer leur office.*

## C H A P. III.



**E**l temperament des  
quatre premieres quali-  
tez, (qu'ailleurs nous ap-  
lons nature) à si grande  
force pour faire que les plantes, les

bestes brutes & l'homme exercent certainement le deuoir & office propre & conuenable à chacune espece, ques'il vient d'auanture au point parfait qu'il peut auoir: tout soudain, & sans que personne les enseigne, les plantes sçauent former racine en terre, attirer l'alimēt pour elles, le retenir, le cuire, & retirer les excremens: aussi les bestes brutes cognoissent aussi tost qu'elles sont nées, ce qui est conuenable à leur naturel, & fuyent ce qui leur est mauuais & nuisible.

Et ce qui estonne le plus ceux qui ne sçauent la Philosophie naturelle, est que l'homme ayant le cerueau bien temperé & disposé selon que requiert quelque science: incontinent & sans l'auoir oncques apprins de personne, dit touchant icelle, & mes en auant choses si hautes & subtiles qu'on ne le sçauroit croire. Les Philosophes vulgaires voyans les œures merueilleuses des bestes brutes, disent qu'ils ne s'en faut esmerveiller: pour ce qu'il

*Opinion  
des Phi-  
sophes  
vulgai-  
res, tou-  
chant les  
œures  
des be-  
stes.*



les font telles choses par vn instinct de nature, laquelle enseigne à chacun, en son espee, ce qu'il doit faire. Ils disent bien en cela, pource que desia nous auons dit & prouué que nature n'est autre chose que le temperament des quatre premieres qualitez, lequel est le maistre qui enseigne aux ames, cōme elles doiuent exercer leur office: mais ces Philosophes appellent instinct de nature certain amas de choses, qu'ils cuident entendre: mais ils n'ont iamais peu declarer ny donner à entendre que c'est. Les graues Philosophes comme Hypocrate, Platon, & Aristote, referent toutes ces œures merueilleuse à la chaleur, froidure, humidité & siccité, comme premier principe, & ne passe plus auāt: & demandant qui a enseigné aux bestes brutes de faire œures desquelles nous sommes esmerueillez, & aux hommes à discourir par raison. Hippocrate respond, *Les natures de tous sans docteur & maistre,* comme s'il vouloit dire. Les fa-

*An liur  
de l'ala  
ment.*

78. *L'Examen des Esprits.*

cultez ou le temperament auquel tout ce que dessus consiste, sont toutes sages & sçauantes, sans auoir rien appris de personne. Ce qui est assez manifeste, considerant les œuures de l'ame vegetatiue & de toutes les autres qui gouernent l'homme: car si elle a vn peu de semence humaine, avec vne bonne temperature, bien cuite & assaisonnée, elle fait vn corps tant bien composé, si parfait & beau, que les meilleurs statuaires du monde ne

*se sçauroient contrefaire. De maniere que Galien esmerueillé de voir vne tant merueilleuse fabrique, le nombre des parties d'icelle, le siege, la figure & l'vsage de chacune d'icelles, vint à dire qu'il n'estoit possible que l'ame vegetatiue & le temperament sçussent faire vn œuvre tant admirable: & que Dieu estoit authour d'iceluy, ou bien quelque intelligence tres-sage. Mais nous auons desia reproouué ailleurs ceste maniere de parler, car il n'aduient pas bien aux*

*Au liure  
intitulé  
De sçau-  
oir for-  
matione.*

Philosophes naturels de rapporter les effets immédiatement à Dieu, l'aisant les causes metsoiennes & secondes, principalement en ce cas, auquel nous voyons par experience, que si la semence humaine, est de mauuaise substance, & n'est de conuenable temperament, l'ame vegetatiue, fait mille choses non conuenables. Car si la semence est plus froide & humide qu'il ne faut. Hippocrate dit que les hommes deuiennēt Eunuques, ou Hermaphrodits: si elle est trop chaude & seiche, Aristote dit qu'elle les fait contrefaits, ayant les iambes tortues & le nez plat camus, cōme ceux d'Ethiopie: si elle est humide (dit mesme Galie) les hōmes deuiēnent grands & puissans: & si elle est seiche, elle les fait de petite stature. Ce qui est grand des-honneur & deformité au genre humain: & en tel cas, ny a occasiō de louer la nature, & de l'estimer sage. Si Dieu en estoit au-  
 theur, nulle de ses susdites qualitez pourroit empescher qu'ils ne fussēt

*Au liure  
 de l'air,  
 des lieux  
 & des  
 eaux 14.  
 sect. pro-  
 ble 4.*

*Au liure  
 de la  
 meilleu-  
 re consti-  
 tutiō du  
 corps.  
 cha. 43*

*Au dialogue de  
la nature.*

parfaits: & n'y a que les premiers hommes qui furent au monde, qui ayent esté faits de la main de Dieu: cōme dit Platon: car tous les autres sont naiz depuis par le moyen des secondes causes, lesquelles se trouuant bien ordonnees, l'ame vegetatiue exerce tresbien son office: mais si elles se trouuent autrement, elle produit comme i'ay desia touché, mille absurditez & inconueniens. Le bon ordre de nature à cest effet, est quand l'ame vegetatiue est bien temperee: autrement que Galien & tous les Philosophes du monde, amènent la raison pourquoy l'ame vegetatiue à tant de sçauoir & puissance au premier âge de l'homme (à former le corps, le croistre, le nourrir) & estant venu à la vieillesse, elle ne le peut faire: entant que si l'homme vieil vient à tomber vne dent, il ny a moyen qu'elle retourne iamais, au lieu que si l'enfant perdoit toutes les dents ensemble, nous voyons que nature luy en fait venir d'autres: & puis

comme il est possible qu'une ame, qui n'a fait autre chose en tout le cours de la vie, sinon attirer la viande, la retenir, la cuire, rejeter les excréments, & s'engendrer & refaire les parties qui defaillent, en fin de la vie, se soit oubliée, & ne puisse plus faire ce quelle auoit accoustumé: Il est certain que Galien respondra que l'ame vegetatiue est sage & puissante en l'enfance, à cause de la grande chaleur & humidité naturelle: & quelle n'a le sçauoir & puissance en l'enfance, à cause de la froideur & siccité du corps en cest âge là. Le sçauoir de l'ame sensitive despend aussi du temperament du cerueau: car il est tel que l'œure d'icelle requiert & demande, elle exerce bien son office: autrement elle y commet faute, aussi bien que l'ame vegetatiue. Galien pour contempler & cognoistre à veüe d'œil, le sçauoir & l'industrie de l'ame sensitive, print vn cabry en naissant, lequel mis en terre, commença à aller comme, si on luy eust

*Pour  
quoy l'a-  
me ve-  
getatiue  
fait en  
enfance  
ce qu'elle  
ne  
peut fai-  
re en  
aage  
muer &  
en vieil-  
lesse.  
Au liure  
6. des  
lieux af-  
fectez.  
chap. 6.  
Comme  
Galien  
experi-  
mente le*

*sçauoir* dit & enseigné que les pieds ser-  
*de l'ame* uoient à tel vsage: & cependant il  
*sensiti-* secoïa la superflüe humidité, qu'il  
*ue.* auoit apportee du vêtre de la mere  
 & leuant le pied, il se grata par des-  
 sus l'aureille, & luy ayant mis plu-  
 sieurs escuelles deuant luy pleines  
 de vin, d'eau de vinaigre, d'huyle &  
 de laiët, apres auoir senti de tout,  
 ne mangea autre chose que du laiët.  
 Ce que veu par plusieurs Philoso-  
 phes lors presens, ils commence-  
 rent à dire tout haut, que Hippo-  
 crate auoit grande raison de dire  
 que les ames sçauoient sans auoir  
 esté enseignées d'aucun maistre. Et  
 non seulement Galien se contenta  
*Autre* de cela, mais deux mois apres, il le  
*preuve* fit mener au champ quasi mort de  
*de Galie* faim, où sentant plusieurs herbes,  
 il mangea seulement de celles des-  
 quelles les cheures ont coustume  
 de paistre. Mais si Galien, qui se  
 mit à contempler l'œuure de ce ca-  
 bry, l'eut aussi contemplé de trois  
 ou quatre ensemble, il eust veu les  
 vns cheminer mieux que les autres,

se secoier mieux, se grater mieux,  
 & faire mieux ce que nous auons  
 raconté. Et si Gahen eust nourry  
 deux poulains d'un mesme pere, il  
 eust cogneu que l'un eust esté de  
 meilleure grace, eust mieux couru,  
 & eust esté plus fidele que l'autre:  
 & s'il eust prins vn nid d'espreuliers  
 pour les nourrir & esleuer, il eust  
 trouué le premier grand voleur,  
 l'autre grand chasseur, & le troisié-  
 me goulú & de mauuaises mœurs.  
 Autant en trouuera l'on és chiens  
 sortis d'une mesme chienne, l'un  
 desquels ne fait que clabander à  
 la chasse: l'autre n'y fait non plus  
 qu'un mastin qui garde le bestail.  
 Tout cela ne se peut rapporter à  
 ces vains instins de nature, que les  
 Philosophes feignent: car si on  
 leur demande pourquoy vn chien  
 a meilleur instinct que l'autre,  
 attendu qu'ils sont tous deux d'un  
 mesme pere, ie ne scay qu'ils pour-  
 ront respondre, s'ils ne disent,  
 selon leur commune responce,  
 que Dieu a enseigné l'un plus que

## 24 L'Examen des Esprits.

l'autre, & luy a donné plus grand instinct naturel. Et si on leur demande derechef pourquoy ce bon chié, estant ieune, est grand chasseur, & quand il est vieil, n'a en soy habilité aucune: & au contraire pourquoy estant ieune il ne sçait pas chasser, & estant vieil, il est cault & rusé? Je ne sçay qu'ils pourront respondre: quant à moy ie dirois aduenir, que le chien lequel se monstre à la chässe plus habile que l'autre, est mieux temperé de cerueau que l'autre: & quant à ce d'autre part, qu'il chässe bien en ieunesse, & ne peut chasser estant vieil, que cela prouient de ce qu'en vn temps il a le temperamēt que requierent les habilitéz & adresse de la chassé: & en vn autre, non. Dont s'ensuit, qu'estant la temperature des quatre premieres qualitez la raison pour laquelle vne beste brute fait mieux son office qu'une autre de son espece, le temperament est le maistre, qui monstre à l'ame sensitue ce quelle doit faire. Si Galien eust considéré la



voye & le chemin de la formy, cō-  
 templant la prudence, misericorde,  
 iustice, & gouuernement d'icelle, il  
 se fust esmerueillé de voir vn ani-  
 mal si petit pourueu de si grande  
 industrie, sans auoir maistre quel-  
 conque qui l'ait enseigné. Mais sça-  
 chant la temperature du cerueau  
 de la formy, & voyant qu'elle est  
 approuee au sçauoir, (cōme sera  
 monstré cy-apres) nous ne ferons  
 pas si esmerueillez, & cognoistrons  
 que les bestes brutes, par le tempe-  
 rament de leur cerueau & fanta-  
 sies qui leur entrent par les cinq  
 sens, font avec habilité, ce que nous  
 leur voyons faire. Et quant à ce que  
 d'entre les animaux d'une mesme  
 espeece, l'un est plus docile & plus  
 ingenieux que l'autre, cela viét du  
 cerueau qu'il a mieux temperé: de  
 maniere que si par quelque occa-  
 sion ou maladie se venoit à chāger  
 & alterer ceste bonne temperature  
 du cerueau, il perdoit incontinent  
 la prudence & habilité, comme fait  
 l'homme. Maintenant s'offre la dif-

Voyez le  
 passage  
 de la for-  
 my aux  
 Prouer.  
 chap. 6.

D'où  
 vient  
 qu'un  
 animal  
 est plus  
 docile &  
 plus in-  
 genieux  
 qu'un  
 autre de  
 mesme  
 espeece.  
 Vn chas-  
 seur a  
 affirmé  
 qu'il au-  
 uoit vu  
 faucon  
 tres-ha-  
 bile à la  
 chasse,  
 qui re-  
 tourna  
 incensé  
 & qu'il  
 l'ay fit

*un cas-  
sere en  
la teste,  
dont il  
gharit.*

*Platon.*

ficulté de l'ame raisonnable, pour  
entendre comment elle est tant bié  
prouenuë de cest instinct naturel  
aux œuvres & exercices de son  
espece, qui sont sçauoir & pruden-  
ce, & comme tout soudain, par  
mesme moyen de la bonne tem-  
perature, l'homme peut sçauoir les  
sciences, sans les auoir entenduë de  
personnes attendu, que l'experience  
nous demonstre que si elles ne sont  
appriues, personnes ne naist avec  
elles. Entre Platon & Aristote y a  
vne grande question pour sça-  
uoir d'où peut proceder le sça-  
uoir de l'homme. L'vn dit que  
nostre ame raisonnable est plus an-  
cienne que le corps, pource que  
deuât que nature le compose, l'ame  
estoit desia au Ciel en la cōpagnie  
des Dieux, d'où elle est sortie plei-  
ne de science & sçauoir: mais ve-  
nant à former la matiere, à cause  
de la mauuaise temperature d'ice-  
lle, l'ame vient à perdre ceste scien-  
ce, iusqu'à ce que par succession de  
temps, se vient à amender ceste

meilleure, au moyen de laquelle pour estre plus propre & commode aux science perduës (elle vient peu à peu à se souuenir de ce quelle auoit oublié. Ceste opinion est fausse, & m'esbahy de Plató, lequel estant vn si grand Philosophe n'a sceu donner raison du sçauoir humain: voyant que les bestes brutes sont pour veuës de leur prudence & habilité naturelle, sans que leur ame sorte du corps, pour aller au Ciel l'apprendre: à raison dequoy il n'est exempt de faute, ayant leu principalement en Genèse (auquel il adioustoit foy) que Dieu cōposa le corps d'Adam, deuant qu'il creast l'ame. Le semblable aduient encores de present, excepté que la nature engendre le corps, & finalement Dieu crée l'ame au mesme corps, sans demeurer hors d'iceluy, ny temps, ny aucun moment. Aristote à prins vn autre chemin, disant Toute la doctrine & toute discipline vient de la cognoissance précédente: comme voulant dire. Tout ce

*Repre-  
hension  
de Pla-  
ton à  
prins de  
la sain-  
cte Es-  
criture  
les meil-  
leures  
senten-  
ces: à  
raison  
desquel-  
les il à  
raison  
desquel-  
les il à  
esté dis-*

*Divin.  
Au 1. li.  
ure de  
Posterio  
resolu.  
ch. 2.*

que ſçauent & apprennent les hommes vient de l'auoir ouy, veu, ſenty, gouſté & touché: pource qu'en l'entendement ne peut eſtre aucune connoiſſance, qui ait paſſé premiere-  
ment par quelque vn des cinq ſens. Et pour ceſte cauſe a-il dit que ces puiffances viennent des mains de la nature, & que noſtre ame eſt cõ-  
me vn tableau plein auquel n'ya aucune peinture, Laquelle opinion eſt auſſi fauſſe que celle de Platon:  
& afin que nous le puiffions mieux donner à entendre & prouuer, il faut premiere-  
ment conuenir avec les Philoſophes vulgaires: qu'au corps humain n'y a pas plus d'vne ame, qui eſt la raiſonnable, laquelle eſt principe de tout ce que nous faiſons & mettons en execution, (quoy qu'il y ait des opinions,) & toutesfois ſe trouue qui maintient au contraire qu'avec l'ame raiſonnable y en a deux ou trois autres. Ainſi donc ès œuvres que fait l'ame raiſonnable: comme la vegetatiue, nous auons deſia prouué qu'elle

*Au 3. li.  
ure de  
l'ame.*

*Platon  
conſtitue  
en l'hom-  
me trois  
ames.*

ſçait former l'homme, & luy donner la figure qu'il doit auoir: elle ſçait attirer l'aliment, le retenir, le cuire & reietter les excremens: & ſi vient à defaillir au corps quelque partie, elle la ſçait bien refaire de nouveau, & la former ſelon ſon vſage. Et és œuures de la ſenſitiue & morine, l'enfant auſſi toſt qu'il eſt nay, ſçait terrer & demener les lèures, afin de tirer le laiët, de manière que ne ſçauroit aduenir à aucun homme, tant ſage ſoit-il, d'en faire ainſi. Avec ce il a les qualitez qui ſont conuenables à la conſeruation de ſa nature, & fuit ce qui luy eſt nuifible & dommageable: il ſçait pleurer & rire, ſans l'auoir appris de perſonne. Et ſi l'on demande aux enfans de ce faire, ou par quel ſens ils ſont induits à ce faire? Ie ſçay bië qu'ils reſpondront que Dieu leur à donné ceſt inſtinct naturel, comme aux beſtes brutes: en quoy il ne diſent pas mal, ſi l'inſtinct naturel & le temperament ſont vne meſme choſe. L'homme auſſi toſt qu'il eſt

*Hippoc.  
à mieux  
reſpondu  
diſant:  
Nature  
eſt ſçauante,  
bië quel  
le n'ait  
apprins à  
bien faire.*

*Au liure  
d'alimé,  
Eg 6. Ep  
P. 5. cō. 2.*

na y, ne peut pas exercer les propres œuvres de l'ame raisonnable, qui font, entendre, imaginer, & faire actes concernans la memoire? ce que le temperament des enfans est mal conuenable pour telles choses, & fort propre pour la vegetatiue & sensitiue: comme ecluy de la vieillesse est propre & conuenable à l'ame raisonnable, & mauuais à la vegetatiue & sensitiue. Et comme le temperament qui sert à la prudence, s'acquiert peu à peu au cerueau s'il pouuoit y entrer tout à coup, l'homme scauroit tout à coup & à l'improuist discourir, & aussi philosopher mieux que s'il l'auoit apprins aux escoles. Mais comme la nature ne le peut faire, sinon avec laps de temps, ainsi va l'homme acquerant peu à peu la science, que ce soit la raison & la cause, se voit manifestement quand l'on considere que depuis que l'homme est fort scauant, il vient peu à se rendre ignorant, pource que iournellement (iusqu'à la grande vieillesse & fin) il

*Le tem-  
peramēt  
se chan-  
ge tout  
les iours.*

acquiert autre temperament contraire. Quant à moy, ie cognoy que comme la nature fait l'homme de semence chaude & humide, (qui est le temperament qui enseigne à la uegeratiue & sensitiue, ce qu'elles doiuent faire) si elle le formoit de semence froide & seche, il scauroit en naissant incontinent discourir & raisonner: & n'auroit l'adresse de ietter: pource que ceste temperature ne s'accorde à telles choses. Mais afin que l'on cognoisse par experience, que si le cerueau est temperé, selon que les naturelles sciences le requierent, il n'est donc besoing de maistre qui nous enseigne. Il faut auoir esgard à vne chose, laquelle aduiét chacun iour, qui est que si l'homme tombe en quelque maladie, a raisõ de laquelle le cerueau change soudain son temperament (cõme est la manie, melâcolie & frenaisie) il luy aduint de perdre (s'il est prudēt) tout ce qu'il scauroit, & extrauague en ses propos: & s'il est ignorât, il acquiert

*Quant  
le cer-  
ueau se  
fait  
chaud  
au pre-  
mier de-  
gré, l'hõ-  
me est  
rendu  
eloquent  
& s'of-*

*frent à  
lui main  
tes cho-  
ses à di-  
re: ain-  
si ceux  
qui se  
baisent  
sont  
froïdes  
de cer-  
veau,  
Et ceux-  
là qui  
parlent  
beau-  
coup s'ot  
chauds.*

*La fre-  
naisie  
vient de  
la colere  
amassée  
en sub-  
stance de*

plus grand esprit & habilité, qu'il n'auoit auparauant. I'ay ouy vn rustique laboureur, estant frenetique, discourir merueilleusement, recômandant son salut aux assistans, & les prians d'auoir esgard à ses enfans & à sa femme, s'il plaisoit à Dieu l'appeller de ce monde: avec tant de lieux de rethorique, aussi grande elegance & purité de vocables, que Ciceron eust peu trouuer en parlant deuant le Sénat: dequoy les assistans esmeruillez me demanderent d'où pouuoit proceder vne si grande eloquence & sçauoir en vn homme, lequel estant en santé ne sçauoit parler? Et me souuient que ie fis responce, que l'oratoire est vne science qui prouient de certain poinct & degré de chaleur, & que ce laboureur y estoit paruenu à raison de sa maladie. Je pourrois bien parler d'vn autre frenetique, lequel en plus de huiët iours ne dist iamais parole qui ne fust bien à propos & accordante, & le plus souuēt faisoit vn couple de vers bien for-



mez, & les assistans estonnez d'ouyr parler en vers vn homme, lequel estant en santé n'en sceut iamais faire vn, ie dis, qu'il n'aduenoit gueres que celuy fust Poète en la frenaisie, qui l'estoit en santé : pource que le temperament du cerueau, propre à l'homme sain, pour la Poësie, ordinairement se doit changer en la maladie & faire choses contraires. I'ay souuenance que la femme de ce frenetic, & vne sienne sœur (qui s'appelloit Martigarcia) le reprenoient de ce qu'il disoit mal des saints: dequoy le patient ennuyé, parla à sa femme en ceste maniere, Je renie dieu pour l'amour de vous: sainte Marie, pour l'amour de Marigarcia, & S. Pierre pour l'amour de Iean d'Olmede: & ainsi discourut par plusieurs Saints, qu'il faisoit correspondre aux autres assistans. Mais cela est peu de chose au respect des hauts propos que tint vn iour vn page d'un grād seigneur de ce Royaume, estant maniaque: lequel en santé, estoit réputé pour

*cerueau  
humeur  
propre  
pour le  
Poete.*

*Chose  
merueille.*

*leuse* vn ieune homme de peu d'esprit:  
*d'un ma* mais estant tombé malade, il auoit  
*maque.* bonne grace en ses propos. Il respō-  
doit tant bien à ce qu'on luy demā-  
doit, & estoit tant merueilleux à  
descrire la forme pour bien gou-  
uerner vn Royaume ( dont il s'esti-  
moit seigneur ) que chacun le ve-  
noit voir & ouyr. Et son propre  
maistre ne partoit gueres d'aupres  
de luy, priant Dieu qu'il ne luy  
r'enuoyast sa santé, & qu'il demeu-  
rast tousiours malade. Ce que de-  
puis se manifeste clairement: car  
estant le page deliuré de ceste ma-  
ladie, le medecin qui le pensoit  
s'en alla prendre congé du sei-  
gneur & maistre d'iceluy, en espe-  
rance de receuoir quelque recom-  
pense ou bonnes parolles: mais il  
luy dit ainsi. Je vous assure, mon-  
sieur le docteur que ie ne fus onc-  
ques tant fasché d'infortune qui  
me soit aduenüe, que ie suis main-  
tenant de voir mon page guarý:  
pour ce qu'il ne me sembloit con-  
uenable de changer vne tant sage

folie à vn iugement tant lourd & endormy qui luy demeure quand il est en santé. Il m'est aduis que de sage & aduisé qu'il estoit, vous l'auiez fait deuenir vn sot & vne beste, cōme auparauant: qui est la plus grande misere qui puisse aduenir à vn homme. Le pauvre medecin voyant le peu degré qu'on luy sçauoit de ce qu'il auoit fait, s'en alla vers le page, & en fin, apres plusieurs propos tenus de part & d'autre, le page luy dit: Monsieur, ie vous remercie humblemēt & vous baise les mains du grand bien que vous m'auiez fait, de m'auoir fait recouurer mon iugement, toutesfois ie vous iure ma foy, qu'il me fait mal aucunement d'estre guary, pource qu'estant en ma folie, ie viuoie en la plus grande consideration du monde, & pensoy estre si grand Seigneur, que ie croyoy ne se trouuer Roy sur la terre, qui ne me fust vassal. Et cōbien que ce fust mensonge, que m'en importoit-il, puis que ie prenoy aussi grand plaisir en cela que s'il se fut trouue véritable?

Mais ie suis bien pis maintenant que ie me trouue vn pauvre page, qui doit commencer demain au matin à seruir celuy que ie n'eusse daigné, estant malade, prédre pour mon laquais. Que les Philosophes reçoient tout cela, & croient se pouoir faire, est peu de chose: mais si ie leur certifioy maintenant par histoires tres-veritables, que quelques hommes ignorans (souffrans ceste maladie) ont parlé en Latin, sans l'auoir apprins estant en santé, que diroient-ils? Ie pourrois parler d'une femme frenetique qui disoit à tous ceux qui alloient la voir leurs vertus & vices: & aucunes fois rencontroit avec telle certitude qu'ot de coustume ceux qui parlent par coniectures & signes: & pour ceste cause personne n'osoit aller la voir craignant la verité qu'elle descouuroit. Et ce qui est encores d'auantage: comme le barbier la saignoit, vn iour, elle luy dist. Regarde que tu fais, car tu n'as plus gueres de iours à viure, & ta femme se doit re-

marier

*Chose  
merveil-  
leuse à  
aucune,*

*Exēple.  
notable  
d'une  
femme  
freneti-  
que.*

marier avec vn foulon: ce qui se trouua veritable ( combien qu'il fut dit d'aventure ) & s'accomplit deuant qu'il fut demy an. Il m'est aduis que desia i'entens dire à ceux qui fuyent la Philosophie naturelle, que tout cela est vne mocquerie & mensonge ( & si d'aventure, il est vray ) que le diable, selon qu'il est cauteleux & subtil, par permission de Dieu entra au corps de ceste femme, & des autres frenetiques que nous auons dit, & leur fit dire ces choses merueilleuses. Mais ils se trompent grandement, pource que le diable ne peut scauoir ce qui est à venir, n'ayant l'esprit de Prophetie. Ils tiennent pour vn fort argument de dire, cela est faux; pource que ie n'entens pas comme cela peut estre, comme si les choses difficiles & fort hautes estoient sujettes aux rudes entendemens & se laissoient entendre d'iceux. Ie ne veux pas icy conuaincre ceux qui ont fauté d'entendement, pource que ce seroit traouailler en vain.

*Celuy  
parle au  
dormât  
qui nar-  
re au fol*

la sapie  
ce Eccle.  
siast.  
chap. 22.

mais ie leur veux faire dire par Aristote que les hommes temperez selon que leur cœuvres requierent, peuuent sçauoir plusieurs choses, sans en auoir particulièrement ouy parler, & sans les auoir apprinses de personnes. Voicy donc qu'il dit, Plusieurs aussi à cause que ceste chaleur est prochaine des Excremens ou affaïssement, sont empeschez & surprins des maladies de folie, ou bien bouillent & sont eschauffez de l'instinct furieux: à raison dequoy ils deuenient Sibilles & Prophetes, & ceux que l'on cuide estre inspirez de l'oracle diuin; ven que cela aduent non par maladie, mais par une naturelle intemperature. Le Poete, Marccitojen de Syracuse estoit meilleur poete lors qu'il estoit aliene de son esprit.

Les Sibilles  
admisés  
par l'Eglise  
Catholique  
auoient  
cette disposition  
naturelle

Ceux qui ont ceste chaleur lasche & moderee, sont entierement melancoliques mais beaucoup plus sages. Aristote confesse apertement, que pour la demesuree & extreme chaleur du cerueau, plusieurs homes cognoissoient les choses à venir, comme les Sibilles: ce qu'il dit ne proce-

der à raison de la maladie, mais de <sup>relle que</sup> l'inegalité de la chaleur naturelle. <sup>dit Ari-</sup>  
 Ce qu'il prouue par l'exemple de <sup>stote: &</sup> Marc Siracusain, qui estoit merueil <sup>de sur-</sup>  
 leux en son poëme, lors que pour la <sup>plus,</sup> trop grande chaleur du cerueau, il <sup>l'esprit</sup>  
 estoit hors de soy: & quand ceste <sup>prophe-</sup>  
 chaleur se venoit à moderer il per- <sup>tique de</sup>  
 doit ceste industrie: mais le demeu- <sup>Dieu.</sup>  
 roit plus prudent & plus sage. De  
 maniere que non seulement Aristote  
 admet, pour cause principale de  
 ces estranges cas, le temperament  
 du cerueau: mais aussi reprend ceux  
 là qui disent, que c'est vne reuela-  
 tion diuine & non pas vne chose na-  
 turelle. Hippocrate fut le premier  
 qui appella ces choses, diuinitéz,  
 Si y a quelque chose de diuines mala- <sup>Au pre-</sup>  
 dies, elle demonstre la prouidence diui- <sup>mierli-</sup>  
 ne. Par laquelle sentence, il enchar- <sup>ure des</sup>  
 ge aux medecins de prendre garde <sup>prognos-</sup>  
 sur ce aux propos que tiendront les <sup>ti. 7.</sup>  
 malades, afin d'auiser ce qu'ils ont à <sup>Quand</sup>  
 faire. Mais ce qui plus me red esmer- <sup>les ma-</sup>  
 uillé est que demandant à Platon <sup>lades</sup>  
<sup>tiennēt</sup>  
<sup>propos</sup>

*disant*, d'où vient que de deux enfans d'un  
*c'est si* même pere, l'un sçait faire, des vers  
*que que* ( sans que personne luy ait enseigné )  
*l'ame* & l'autre trouuaillant en l'art de Poë-  
*raison-* sie, ne les peut faire? il respond que  
*noble est* celuy qui nay Poëte, est inspiré de  
*desia de* la faueur Poëtique, & l'autre non.  
*liée du* Parquoy Aristote a eu raison de le  
*corps* reprendre, pouuant bien rapporter  
*par ain-* cela au temperament; comme au-  
*si nul* tresfois il a fait. Quant à ce que le  
*n'eschap-* frenetique parle en Latin, sans l'a-  
*pe.* uoir apprins, cela montre la con-  
 sonnance qu'il y a de la langue Lati-  
 ne avec l'ame raisonnable : & com-  
 me nous prouuerons cy apres, il y a  
 vn esprit particulier & propre pour  
 inuenter les langues, & sont les vo-  
 cables Latins & manieres de parler  
 en ceste langue, tant conuenables  
 & raisonnables au sens de l'ouye,  
 que l'ame raisonnable trouuant le  
 temperament necessaire pour in-  
 uenter vne langue fort elegante ren-  
 contre incontinent la Latine, & se  
 plaist enicelle. Voire mesme est-il  
 facile à entendre que deux inuen-



teurs de langues peuuent inuenter meſmes vocables ayans tous deux meſmes eſprit & habilité. Si l'ô vient à conſiderer que comme Dieu crea Adam, & mit toutes choſes deuant luy, afin de leur donner le nom qu'elles deuoient auoir, ſ'il en euſt formé vn autre de meſme perfection & grace ſupernaturelle, & que Dieu meſme luy euſt enioinct de donner nom à toutes choſes, il eſt certain & ne faut faire doute aucun, que les noms qui leur euſt donné, n'euffent rencontré avec ceux là d'Adam : pource que tous deux auoient à regarder à la nature de la choſe, qui n'eſtoit qu'une. De ceſte maniere, le frenetique peut rencontrer avec la langue Latine, & parler Latin ſans l'auoir appriſ, eſtant enſanté : pource que ſe changeant, à cauſe de la maladie, le temperament naturel de ſon cerueau, il le peut faire ny plus ny moins que celuy qui inuenta la langue Latine, & peut former comme les meſmes vocables (non pas avec telle diſpo-

11. sect.  
probl. 17

sition & elegance continue) car c'est  
vn signe que le diable fait mouuoir  
la langue, comme l'Eglise enseigne  
à ces exorcistes. Aristote dit que ce-  
la mesme est aduenu à aucuns enfans,  
qui en naissant, on dit quelques ex-  
presses paroles, que depuis ils ont  
teuës, & reprend les Philosophes  
vulgaires de son temps, lesquels  
ignorans la cause naturelle de cest  
effect, l'attribuent au diable. Tou-  
tesfois il n'a peu trouuer la raison  
pour laquelle les enfans peuuent  
parler aussi tost qu'ils sont nais, &  
pourquoy ne disent rien apres, cõ-  
bien que, sur ce, il ait dit maintes  
choses. Mais il ne luy entra iamais  
en l'entendement que ce fust inuen-  
tion du diable, ny effect surnaturel,  
comme pensent les Philosophes vul-  
gaires, lesquels ne pouuant com-  
prendre la raison des choses hautes  
& subtiles qui concernent la Philo-  
sophie naturelle, font entendre à  
ceux qui ne scauent gueres, que  
Dieu ou le diable sont auteurs des  
effects rares & prodigieux, pource

Pour-  
quoy les  
enfans

qu'ils ignorent les causes naturelles d'eux. Les enfans qui sont engendrez de semence froide & seiche, comme sont les enfans que l'on a en vieilleſſe, peu de iours & mois apres qu'ils sont nais, commencent à discourir & philosopher: pource que le temperament froid & ſec (comme nous prouuerons cy apres) est fort approprié aux ceures de l'ame raisonnable, de maniere que la soudaine temperature du cerueau ſupplee à ce que deuoit faire la loqueur du temps, & pour plusieurs raisons est haſtee, & comme anticipée. ceste soudaine temperature. Aristote fait mention d'autres enfans, qui commencerent à parler aussi tost qu'ils furent nais, & depuis ſe tenrent tout le temps qu'ils n'eurent l'age ordinaire & conuenable pour parler, & deſteſſect comient à ce que nous auons dit du pagé, & des autres maniaques & frenetiques, & meſmes ſe peut rapporter à ce que nous auons dit de celui qui parla incontinent Latin,

parlent  
aussi tost  
qu'ils  
sont nais.

11, ſect.  
prob. 17.

sans auoir appris en santé. Au demeurant on ne scauroit nier que les enfans, estans au ventre de la mere, & aussi tost qu'ils naissent: ne puissent souffrir ceste mesme infirmité.

Au li-  
ure, de  
Diui-  
nations.

Quand au deuinement de la femme frenetique, j'en pourray mieux donner la raison à Ciceron, qu'à ces Philosophes naturels: car Ciceron dechiffrant la nature de l'homme, l'appelle, *Animal pouruoyant, caute, sage de mainte sorte, d'esprit, ayant memoire, plein de raison & de conseil.* Et dit particulierement qu'il y a vn naturel d'hommes qui surpassent les autres en la cognoissance de ce qui est à venir. *Il y a dit-il, vne certaine force & nature qui annonce les choses à venir, &c.* Les Philosophes naturels errent en ce qu'ils ne considerent pas, comme fait Platon, que l'homme a esté fait à la semblance de Dieu: qu'il participe de sa diuine prouidence, & qu'il a les puissances pour cognoistre toutes les trois differences de temps: memoire pour le passé: les sens, pour le

Ceux  
qui par  
le vice  
de la  
santé  
ont esté  
Es ou-  
dits me-  
lancoli-  
ques, ont  
en leurs  
esprits  
quelque  
diuinité  
Es pro-  
phetie:  
Ciceron  
du deu-  
nemen.

present : imagination & entendement pour l'aduenir. Et comme se trouuent aucuns hommes surpassans les autres en la memoire des choses passees : & autres en la cognoissances des presentes : ainsi se trouuent plusieurs qui naturellement sont plus habille : que les autres à imaginer ce qui est à venir. L'vn des plus grands argumens qui ont contrainct Ciceron de croire que l'ame raisonnable estoit incorruptible, a esté de voir de quelle certitude les malades disoient les choses à venir, spécialement estans proche de la mort. Mais la difference qu'il y a entre l'esprit prophetique & l'esprit naturel, est que ce que Dieu a dit par la bouche des Prophetes est infailible, pource que c'est sa parole expresse : & ce que l'homme predict par la force de l'imaginatiue n'a pas ceste certitude. Ceux qui disent que la femme frenetique descouuroit les vertus & vices des personnes qui l'alloient voir, par art diabolique : sçachant

*Argument principal de Ciceron pour prouuer que l'ame est incorruptible.*

que Dieu donne aux hommes certaine grace surnaturelle, par laquelle ils peuuent sçauoir & cognoistre quelles œuures sont de Dieu, & qu'elles du diable. Et S. Paul la met entre les dons diuins, & l'appelle, *Discretion d'esprit*, par laquelle on cognoist si l'esprit qui nous vient toucher est bon ou mauuais. Car le diable vient souuent à nous en apparence de bon Ange, pour nous tromper: au moyen dequoy ations nous bien besoin de ceste grace & don surnaturel, pour le cognoistre & discerner du bon. Ceux-là qui n'ont pas l'esprit propre à la Philosophie naturelle, sont les plus esloignez de ceste grace, pource que ceste science & la surnaturelle que Dieu donne tombent en vne mesme puissance qui est l'entendement: si il est vray que, pour la pluspart, Dieu s'accommode à departir ses graces au bon naturel de chacun, comme il a esté dit. Estât Iacob à l'article de la mort ( temps où l'ame raisonnable est la plus libre, pour voir ce qui est

à venir) tous ses douze fils entrèrent en la chambre pour le voir: il annonça à chacun particulièrement ses vertus & vices, & prophétisa ce qui leur deuoit aduenir, & à leurs neueux pareillement. Il est certain qu'il fist cela en l'esprit de Dieu: mais si l'escriture sainte & nostre foy ne nous certifioient, comment ces Philosophes naturels cognoistroient-ils que c'estoit-là œuvre de Dieu: & œuvre du diable, ce que faisoit la femme frenetique, qui declaroit les vices & vertus à ceux qui l'alloient voir, veu que ce fait est semblable en partie, à celuy de la Jacob. Ils pensent que la nature de l'ame raisonnable est fort esloignée de celle du diable: & que les puissances d'icelle, qui sont l'entendement, l'imaginatiue, & la mémoire, sont d'autre genre fort different: & sont enseignez par ce que si l'ame raisonnable informe vn corps bien organisé, comme estoit celuy d'Adam: elle sçait vn peu moins que le pl<sup>r</sup> aduisé diable qui soit: & hors du corps, est pour

ueuë de puïssances aussi hautes qu'il  
 scautoit estre. Et si les diables trou-  
 uent ce qui est à venir, en coniectu-  
 rant & discourant par aucuns signes:  
 l'ame raisonnable en peut autant  
 faire, quand elle se deliure du corps,  
 ou qu'elle a ceste difference de tem-  
 perament, qui est propre pour la  
 prouidence. Par quoy est-il aussi dif-  
 ficile à l'entendement de trouuer  
 comme le diable peu scauoir ces  
 choses tant hautes & cachées, que  
 d'en attribuer la cognoissance à l'a-  
 me raisonnable. Il ne leur peut en-  
 trer en l'entendement qu'il y ait si-  
 gneës choses naturelles, par les-  
 quelles on puisse cognoistre ce qui  
 est à venir: & ie dy que se trouuent  
 indices pour cognoistre le passé & le  
 present, & coniecturer l'aduenir, &  
 aussi pour coniecturer quelques se-  
 crets du Ciel. Les choses inuisibles d'i-  
 celuy sont entendues de la creature du  
 monde par les choses qui sont faites. Ce-  
 luy qui aura puïssance à cest effect,  
 le trouuera: & l'autre sera tel que  
 dit Homere, L'ignorant entend le



passé & non pas l'aduenir : mais ce-  
 luy qui est aduisé & discret est le Sin-  
 ge de Dieu, qui l'imite en plusieurs  
 choses, & cōmbien qu'il ne le puis-  
 se faire avec telle perfection, si est-  
 ce qu'il a quelque semblance à le re-  
 tirer & contrefaire.

L'hom-  
 me adui-  
 sé & dis-  
 cret, Sin-  
 ge de  
 Dieu.

Icy est démontré & prouué que de trois  
 seules qualitez, chaleur, humidité  
 & siccité, prouiennent toutes les dif-  
 férences d'esprits qui se trouuent en  
 l'homme.

## CHAP. V.

Estant au corps l'ame raisonna-  
 ble, il est impossible qu'elle puis-  
 se faire œuvre contraire & différen-  
 tes, ayant son propre & particulier  
 instrument pour chacune d'icelles.  
 Cela se voit clairement en la faculté  
 de l'animal, laquelle exerce œuvres  
 diuerses es sens extérieurs, pource  
 que chacū a sa particulière & propre  
 cōpositiō. Les yeux en ont vne, l'ouïe  
 vne autre : le goust vne autre : le

sentir ou flairer vn autre : le toucher vne autre. Car sans cela, ne se trouueroit qu'une sorte d'œuvre : le tout cōsisteroit ou en la vue, ou au goust, ou au toucher : pour ce que l'instrument determine & mesure la puissance, à vne action ou œuvre seulement & non pas à plusieurs. Estant donc clair & manifesté ce que j'ay dit de ceste faculté qui passe les sens extérieurs, nous pourrions recueillir de là ce qu'il y a és sens intérieurs. Par ceste mesme vertu de l'animal, ou animale, nous entendons, nous imaginons, & auons souuenance. Mais s'il est vray, que chacune œuvre, requiere son instrument particulier : il faut dire nécessairement qu'il y a dans le cerueau vn instrument pour entendre : vn autre pour imaginer, & vn autre pour la memoire : car si le cerueau estoit entièrement composé & organisé d'une mesme maniere, le tout consisteroit, ou en la memoire, ou en l'entendement, ou en l'imagination. Et toutesfois nous y remarquons &

voyons des œuures fort differentes,  
 au moyen dequoy il est force d'ad-  
 uoier qu'il y a diuersité d'instrumēs.  
 Mais si l'on ouure la teste, & que  
 l'on face anatomie ou dissection du  
 cerueau: on trouuera que le iour est  
 composé d'une mesme substance,  
 sans diuersité de partie. Seulement  
 s'y trouuent quatre petits lieux, es-  
 quels estans bien regardez, sont faits  
 & composez d'une mesme sorte, sans  
 auoir aucune chose en quoy ils puis-  
 sent differer. Il n'est pas aisé d'acer-  
 tener dequoy ils seruent en la teste,  
 pource que Galien & les Anamato-  
 mistes, tant modernes qu'anciens se  
 sont efforcz de trouuer le vray vsa-  
 ge d'iceux: mais il n'y a pas vn qui  
 ait dit certainement ny en particu-  
 lier, dequoy sert le ventricule droict,  
 ny le fenestre, ny celuy qui est au  
 milieu, ny le quatriesme duquel le  
 siege est au petit cerueau, en la par-  
 tie de derrière de la teste. Ils ont seu-  
 lement affirmé, avec crainte &  
 doute encôres, que ces quatre  
 cautez estoient les lieux es-  
 quels se cuisent les esprits vitaux,

*Au liu.  
 8. des de-  
 crets de  
 Hipp.  
 & de  
 Pla. &  
 au li. 8.  
 de l'v-  
 sage des  
 parties.  
 Liure 4.  
 des de-  
 crets de*

*Hipp &  
de Plat.  
& au  
livre 8.  
de l'usa-  
ge des  
parties.*

& se conuertissent és animaux: pour donner sentiment & mouuement à toutes les parties du corps. Auquel œuvre Galien a dit vne fois que le ventricule du milieu est le plus excellent & le premier : & en vn autre endroict, il pense que celuy de derriere est de plus grande efficace & valeur. Mais ceste doctrine n'est pas veritable, ny fondee en bonne Philosophie naturelle, pource que ne se trouuent au corps humain, deux operations tant contraites ne qui s'empeschent tant comme l'arraisonnement & la concoction des viandes & aliment. La raison est, que la contemplation demande repos, tranquillité & clarté és esprits animaux : là où la concoction se fait avec bruit & tempeste : de laquelle operation s'esleuent plusieurs vapeurs qui destourbent & obscurcissent les esprits animaux : de maniere que l'ame raisonnable ne peut voir les figure des choses. Et puis la nature n'estoit pas si mal aduisee, que d'assembler en vn mesme lieu,

deux choses, qui se font avec vne si grande repugnance & contrarieté. Ains Platon louë grandement la prudence & le sçauoir dont elle nous a formez, d'auoir, par vne si grande distance, separé le foye du cerueau, de peur que par le bruit qui se fait en la mixtion des alimens, & par l'obscurité & tenebres qui causent les vapeurs és esprits animaux, l'ame raisonnable ne fust empeschée à raisonner & faire ses discours. Mais sçs que Platon nous no- ceste Philosophie, nous le voyons à toute heure par experience, en ce que nonobstant que le foye & l'estomac soient fort esloignez du cerueau, quand l'on acheue de manger, & bonne piece apres, il n'y a homme qui puisse estudier. La verité qui se trouue en ce poinct est, Que l'office & propriété du quatriesme ventricule est de cuire & changer les esprits vitaux & les conuertir és animaux, à la fin que nous auons dit. Et pour ceste cause nature l'a ainsi separé de trois autres, & l'a mis

*An Dia-  
logue de  
la nature.*

à part esloigné comme l'on voit, de peur que par l'operation d'iceluy, la contemplation des autres ne fust empeschée. Car quant aux trois petits lieux ou ventres de deuant, ie croy que Nature les a faits pour discourir & philosopher: ce qui se prouue clairement, parce que es grandes estudes & contemplations, tousiours faict mal la partie de la teste qui respond à ces trois concauittez. La force de cest argument se cognoist en considérant que les autres puissances estans lassées d'exercer leur office, tousiours deulent & font mal les instrumens, avec lesquels elles se sont exercees: cōme à regarder trop excessiuelement, les yeux font mal, & à cheminer trop, les plantes des pieds nous deulent. La difficulté est maintenant de sçauoir auquel de ces petits ventres consiste l'entendement auquel la memoire, & auquel l'imagination: pource qu'ils sont tant proches & voisins, que l'on ne sçauroit distinguer ny cognoistre cela, par le

susdict argument, ny par aucun  
 autre indice. Ce neantmoins, con-  
 siderans que l'entendement ne  
 peut faire son office, sans que la  
 mémoire soit presente laquelle  
 luy monstre & offre les figures  
 & fantasies, suivant cecy d'Ari-  
 stote. *Il faut que celuy qui entend con-*  
*temples les phrenesies: ny la mémoire,*  
 sans estre assistee de l'imagination,  
 ainsi qu'ailleurs nous l'auons decla-  
 ré nous entendrons aisément que  
 toutes les trois puissances sont ioin-  
 ctes & assemblees en chacun lieu  
 ou ventricule: que l'entendement  
 seul n'est en vn, ny la mémoire seu-  
 le en vn autre, ny l'imagination,  
 au troisieme, comme les Philo-  
 sophes vulgaires ont pensé. Ceste  
 conjunction & assemblee de ver-  
 tus & puissances, à coustume de se  
 faire au corps humain, quand l'v-  
 ne ne peut exercer son office, sans  
 l'aide de l'autre, comme l'on void  
 és quatre vertus naturelles, de Cui-  
 re, de Retenir, de Tirer, de repous-  
 ser, ou rejeter: lesquels pour estre

Au 3. li.  
 de l'a-  
 me.

nécessaires les vnes aux autres, ont esté par nature assemblees en vn lieu & non pas separees l'une de l'autre. Mais si cela est vray, à quel propos nature a-elle fait trois petits ventres, & en chacun d'iceux assemble toutes les trois puissances raisonnables, puis que c'estoit assez d'un pour entendre, & faire l'office de la mémoire? On peut respondre à cela, que la mesme difficulté est de sçauoir, pourquoy nature a faict deux yeux, & deux oreilles, puis qu'en chacune de ces choses là gist la puissance de voir & d'ouyr, & que l'on peut voir d'un œil tant seulement? A quoy l'on peut respondre que les puissances sont ordonnees & establies pour la perfection de la creature, & que ceste perfection est d'autant plus certaine & asseurée qu'elle est appuyee de plus grand nombre d'icelles: pource que l'une ou deux, par quelque accident peuuent defaillir, & est bon & conuenable qu'autres demeurent de mesme sorte, pour l'operation. Et



la maladie que les Medecins appellent resolution ou paralisie, ordinairement se perd l'operation ou œuvre du ventricule respondant à la partie malade, de maniere que si les autres deux ne demeuroient en leur entier & sans lesion, l'homme seroit fol & priué de iugement. Et neantmoins, pource qu'il a faute d'un seul ventricule, on le voit & remarque fort lasche & debilité en l'exercice de l'entendement, de l'imagination & de la memoire: cōme celuy qui a accoustumé voir de deux yeux, sentiroit grande perte & detrimēt à la veüe, si on luy en creuoit vn. Au moyen dequoy peut l'on entendre clairement qu'en chacun ventricule se trouuent toutes les trois puissances, puis que par la lesion d'une, toutes les trois sont debilitées. Et attendu que tous les trois ventricules sont composez d'une mesme sorte, & qu'en iceux ne se trouue aucune diversité de parties, nous ne pouvons laisser de prendre pour instrument les premieres qualitez, & fai-

re autant de differences principales d'esprit qu'il y a d'icelles. Car de penser que l'ame raisonnable, estant au corps, puis exercer son œuvre sans instrument corporel qui luy ayde, c'est contre toute la Philosophie naturelle. Mais des quatre qualitez qui se trouuent, la chaleur, froideur humidité & siccité, tous les Medecins-reiette la froideur, comme inutiles à toutes les œuvres de l'ame raisonnable, Et ainsi se voit par experience en toutes les autres facultez, que quand elle surpasse la chaleur, toutes puissances de l'homme sont lentes & tardiues à leur office: de maniere que l'estomach ne peut cuire la viande, les couillons faire leur semence, les muscles, bien demener le corps, ny le cerueau discourir & raisonner. Et ainsi pour ceste cause Galien a dit, que la froideur nuist pareillement à tous les offices de l'ame: comme s'il vouloit dire, qu'elle ne sert au corps que de temperer la chaleur naturelle, & faire qu'elle ne brusle pas tant. Mais

*Anliure  
Quod à-  
nemi  
mores,  
chap. 5.  
Anliure*

Aristote est d'opinion contraire, di-  
 sant que le gros sang & chaud rend  
 l'homme fort & puissant: & que le  
 delié & froid, le fait fort bon enten-  
 dement. Au moyen dequoy peut on  
 voir apertement que de la froideur  
 prouient de la plus grand difference  
 d'esprit qui soit en l'homme, à sca-  
 uoir l'entendement. Aristote de-  
 mande aussi pourquoy les hommes  
 qui demeurent en pays chauds, com-  
 me l'Egypte, sont plus ingenieux &  
 aduisez que ceux - là qui demeurent  
 en pays froid: A quoy il respond,  
 que l'excessive chaleur du pays gaste  
 & consomme la chaleur naturelle  
 du cerueau, & le rend froid: au  
 moyen dequoy les hommes deuen-  
 nent fort raisonnables. Et au con-  
 traire, la grand froideur de l'air, for-  
 tifie la chaleur naturelle du cerueau,  
 & ne permet pas qu'elle sorte & pe-  
 risse: & ainsi ceux qui ont le cerueau  
 fort chaud (dit il) ne peuvent dis-  
 courir ny philosopher, ains se voyent  
 inconstans & instables en vne opiniõ.  
 A quoy il semble que Galien face

2. de par.  
 ani. 6. 4.  
 14. sect.  
 probl. 15

Au liu.  
 de l'art  
 de med.  
 chap. 12

allusion, disant que l'homme est muable, pource qu'il a le cerueau fort chaud : & au contraire, qu'il est ferme & stable en son opinion à cause du cerueau qu'il a froid. Mais la verité est, que de ceste qualité ne procuit aucune difference d'esprit : de maniere, qu'Aristote n'a voulu dire que le sang froid en extremité face l'entendement meilleur, si au moins il n'est chaud. Or donc il est bien vray, que l'inconstance de l'homme procede d'une trop grande chaleur, laquelle esleue les figures qui sont au cerueau, & aussi les fait bouillir : à raison dequoy se represente à l'ame plusieurs images des choses, qui l'appellent & inuitent à la contemplation d'icelles : & pour iouyr de toutes, elle laisse les vnes, & prend les autres. Or il auient autrement de la froideur, laquelle rend l'homme ferme & stable en vne opinion, pource qu'elle tient les figures resserrees : de maniere aussi qu'elle ne les permet s'esleuer : ce qui se fait pource que ne se represente à l'homme autre image

image qui l'appelle. Or la froideur est de ceste nature, qu'elle empesche les mouuemens, non pas seulement des choses corporelles, mais aussi réd les figures & especes que les Philosophes appellent spirituelles, immobiles au cerueau, & ainsi ceste fermeté & demeure, semble plustost vne fetardise & endormissement, que difference d'esprit & habilité. Il est vray qu'il y a vne autre difference de fermeté, qui vient de l'entendement bien compris, & non pas de la froideur du cerueau. En apres la siccité, humidité & chaleur demeurent pour instrument de la faculté raisonnable. Mais il n'y a pas vn philosophe qui sçache donner certainemēt à chacune difference d'esprit, la sienne: Heraclite a dit, *Splendor siccus, animus sapientissimus*, que l'esprit tres aduisé est vne splendeur seiche. Par laquelle opinion & sentence nous est donné à entēdre que la siccité est cause de la grande prudēce & sçauoir de l'hōme: mais aussi il n'a pas déclaré en quel genre de sçauoir l'homme

Galien  
le recite  
au liure  
*Quod animi mo-  
res, ch. 5.*

*Andia-  
logue de  
la natu-  
re.*

est excellent, par le moyen de ceste siccité. Or Platon a entendu cela mesme quand il a dit que l'ame entre au corps, tressage : mais que la grande humidité qu'elle trouue en iceluy, la rend endormie & ignorante. Toutesfois ceste humidité venant à se perdre & consommer, avec l'aage, & le corps deuenant sec : l'ame d'escouure le sçauoir & prudence qu'elle auoit auparauant. Entre les bestes brutes ( dit Aristote ) celles là sont les plus aduisees, qui tiennent en leur temperament, le plus de froideur & siccité : comme les formis & abeilles, lesquelles en prudence conuiennét avec les hommes fort raisonnables. Outre plus, il n'y a pas vne beste brute qui tiene plus d'humidité que le pourceau, & qui ait moins d'esprit, & pour ceste cause Pindare, pour taxer les Boëciés d'ignorance, il les appelle pourceaux, & sots, despourueus de iugement. Galien dit aussi que le sang, pour la trop grande humidité qu'il a, rend les hommes simples. Et le mesme Galien recite que les comi-

*Horace  
pour mo-  
strer  
qu'vliſſe  
ne fut  
pas igno-  
rant, dit  
qu'il ne  
fut pas  
conuerti  
en pour-  
ceau.*

ques taxoiēt de cela les enfāns d'Hippocrate, disant qu'ils auoient beaucoup de chaleur naturelle, qui est vne substance humide, & remplie de vapeurs. Les enfāns des hōmes sages doiuent tenir de ce vice, dequoy ie dōneray cy-apres raison. Des quatre humeurs aussi que nous tenōs, ne s'en trouuera pas vn qui soit froid & sec; que la melācolie: & de fait, Aristote dit que tous les hōmes qui furent iamais signalez és lettres ont esté melancoliques. Finalement chacun aecorde que la siccité red l'homme sage & aduisé: mais les Philosophes ne declarent pas à laquelle des puissances & vertus raisonnables, elle sert le plus. Or il n'y a que le Prophète Esaye, qui luy impose nō, quād il dit: *Vexatio dat intellectū*, pour ce que la tristesse & l'affliction gaste & consume, non seulēmēt l'humidité du cerueau, mais aussi desseche les os: au moyen dequoy l'entendement se faict plus subtil & aigu. Ce qui peut estre euidēment demōstré, en considerant plusieurs hommes, lesquels

*Au liure  
quod a-  
nimi  
mores  
chap. 6.  
Au liure  
de la na-  
ture hu-  
mane.  
com II.  
en la 30.  
sect. pro-  
ble. 1.  
Ch. 28.*

reduits en pauvreté & misere sont venus à dire & escrire choses dignes d'admiration: & depuis ayans eula fortune prospere, & s'estans trouuez à leur aise ayans tout a souhait, n'ont rien dit ny escrit de bon: Car la vie à souhait, le contentement le bon succez & plaisir relasche & humecte fort le cerueau, comme dit Hippocrate, *Gaudium relaxat cor*: comme s'il vouloit dire, Le contentement & la liesse amplifie & dilate le cœur & luy donne chaleur, & l'engraisse. Ce qui est facile à prouuer vne autrefois: car si la tristesse & l'affliction desseiceste & cōsomme la chair, & si pour che raison l'homme acquiert meilleur entendement: il est certain que son contraire, qui est l'allegresse doit humecter le cerueau & abaisser l'entendement. Ceux-là qui sont douez de ceste maniere d'esprit, & qui l'acquierent, s'addonnent volontiers aux passe-temps, aux festins & banquets, à la musique, hantent les ioyeuses compagnies, & fuyent au contraire ce qu'autresfois leur souloit dé-

6. epil.

p. 5. 10.

9.

Le cœur  
des sages  
où est la  
tristesse:  
le cœur  
des fols,  
là où est  
la liesse.  
Eccl. 7



ner plaisir & contentement. De là le vulgaire pourra sçauoir d'où viét que l'homme sage & vertueux ayant esté pauvre, & montant en quelque grande dignité, change incontinent mœurs & maniere de viure? Ce qui aduient pource qu'il a acquis vn nouueau tempérament, humide, & rendant plusieurs vapeurs, qui faiēt que se viennent a effacer les figures qu'il auoit au precedent empreintes en la memoire, & son entendement s'appesantit & s'abastardit. Il est biē difficile de sçauoir qu'elle difference d'esprit peut proceder de l'humilité, ven qu'elle contredit si fort à la faculté de la raison. Au moins selon l'opinion de Galien, tous les humeurs de nostre corps, qui sont excessifs, font l'homme fol & ignorant: *An rati-*  
& partant a il dit ainsi, *Animi dexte-* *ure de la*  
*ritas. & prudentia à bilioso humore profi-* *nature*  
*ciscitur: integritatis & constantie erit* *humai-*  
*author humor melancolicus: sanguis, sim-* *ne.*  
*plicitatis & stupiditatis: pituita natu-* *com. 11.*  
*tura, ad motum cultum nihil facit.* C'est à dire, La prudence & dextérité de

l'ame raisonnable, ou de l'esprit, viét de la colere: l'integrité & coûtace de l'homme prouient de l'humeur melancolic: la simplicité & stupidité du sang: le flegme ou la pituité ne sert à rien qu'à faire dormir. De maniere que le sang, pource qu'il est humide, & le flegme aydāt à ruiner & perdre la faculté de la raison; mais cela s'étend des facultez ou esprits raisonnables, discourans & actifs, & non pas des passifs, comme est la memoire, laquelle depend de l'humidité, ainsi que l'entendement de la siccité.

*Et pour-  
tant Ci-  
cerō de-  
finissant  
la natu-  
re de  
l'esprit  
par la  
memoire  
en sa de-  
finition.*

Or appellōs nous la memoire, puissance de la raison, pource que sans elle ne sert rien de l'entendement, ny l'imagination. Or elle donne à toutes manieres & figures, pour raisonner, suivant le dire d'Aristote, *Oportet intelligentem, phantasmata speculari*, de maniere que le propre office de la memoire est de garder ces figures & fantaisies pour contéplation del'entendement, & pourtāt si elle se perd: il est impossible que les autres puissances puissent exercer leur of-

fice. Or que, le deuoir de la memoire ne soit autre que de garder les figures des choses, sans autre propre inuention, Galien le dit ainsi: *Ac me* Au liuré de l'offi-  
*moriã quidẽ recondere ac seruari in se ea ce du*  
*qua sensu & mẽte cognita fuerint, quasi* Medecin  
*cellã quandã & receptaculũ eorũ, nõ in-* comm. 4.  
*uẽtricem.* Et estant là son office, on peut entendre claiement qu'elle depend de l'humidité, qui rend le cerueaumol, auquel la figure s'imprime par estrainte. Ce qui se peut euidentement prouuer par le moyen de l'enfance: car en ceste âge là, l'homme a meilleure memoire qu'e tous les autres pourcequ'il ale cerueau forthumide. Et pour ceste cause Aristote En la 30<sup>e</sup> sect. probable. 4.  
 demande pourquoy estãs vieux, nous auons meilleur entendement, & estans ieunes nous apprenons plus viste & avec plus grande facilité: à quoy il respond que la memoire des vieilles gens est remplie de tant de figures des choses qu'ils ont veu & ouy, durant leur vie, qu'en icelle ne se trouue plus aucun lieu vuide, pour receuoir aucune chose: mais que

celle des ieunes enfans, vn peu apres qu'ils sont nez est vuide & non empeschee, à raison dequoy ils retiennent incontinent en leur memoire tout ce qu'on leur dit & enseigne. Ce qu'il nous donne à entendre apertement en comparant leur memoire du matin avec celle du soir, & disant que nous apprenons mieux le matin, pource qu'à ceste heure là, la memoire semble deschargee & vuide, mais au soir elle est pleine des choses qui se sont passees le iour, entre nous. Aristote ne peut pas bien respondre à ce probleme, pour ce que les especes & figures qui sont en la memoire, n'ont ny corps ny quantité, de maniere qu'elle ne peuvent tenir place: voire mesme voyés nous par experience, que plus la memoire s'exerce, receuant chacun iour nouuelles figures, & plus elle deuient grande. Selon ma doctrine, ie donneroys ceste responce & dirois que les vieilles gens ont bon entendement, pour ce qu'ils sont fort secs: & qu'ils n'ont point de memoire,

pour ce qu'ils n'ont gueres d'humidité. A raison dequoy s'endurcit la substance du cerueau, de maniere qu'elle ne peut receuoir l'impres-  
 sion des figures ny plus ny moins  
 que la cire dure, mal aisément peut  
 receuoir la figure du seau, & la mol-  
 le la reçoit si facilement. Il aduient  
 au contraire és ieunes gens les-  
 quels pour l'abondance de l'humidi-  
 té du cerueau, sont despoürueus  
 d'entendement, & ont bonne me-  
 moire à cause de la douceur & mol-  
 lesse du cerueau, auquel aisément  
 les especes & figures qui viennent  
 de dehors par le moyen de l'humidi-  
 té. Que la memoire soit meilleure  
 le matin que le soir, on ne le peut  
 nier: mais ce n'est pas pour la raison  
 qu'Aristote met en auant: le som-  
 meil de la nuit en est cause, lequel  
 humecte & fortifie le cerueau, que  
 la veille de tout le iour dessèche &  
 endurecit. Et pour ceste cause Hip-  
 pocrate dit, Que ceux-là qui ont soif  
 de nuit, sont biens s'ils s'endorment  
 là dessus, & que la soif les laisse,

*Au 5.  
 Aphor.  
 com. 26.*

d'autant que le dormir humecte le corps & fortifie toutes les facultez qui gouernent l'homme. Que le sommeil produise cest effet, Aristote mesme le cōfesse. De ceste doctrine

*En la 4.  
section,  
proble. 5.*

s'ensuit clairement que l'entendement & la memoire sont puissances opposees & contraires, de maniere que l'homme pourueu d'une grande memoire, doit auoir faute d'entendement. Et celuy au contraire qui est pourueu de grand entendement, ne peut auoir

*Au liure  
de de me-  
moire &  
reminis-  
cence.*

bonne memoire, pource qu'il est impossible que le cerueau soit sec & humide tout ensemble. Aristote se fonde en ceste maxime, pour prouuer que la memoire est puissance indifferente de la reminiscence & souuenance: car il forme son argumēt en ceste maniere. Ceux qui ont grāde sapience & reminiscence sont hommes de grād esprit, & ceux qui ont bonne memoire sont depourueus d'entendement: & pourtant la memoire & la reminiscence sont puissances contraires. La maior, selon ma doctrine est faulse, pour ce que

ceux là qui ont grãde reminiscence ou souuenance, ont faute d'entendement, & sont pourueus d'une grande imagination, cõme ie prouueray biẽ tost: mais la mineur est veritable, cõbien qu'Aristote n'ait trouuẽ la raison sur laquelle est fondẽe l'inimitiẽ qui est entrẽ l'entendement & la memoire. L'imagination prouient de la chaleur qui est la troisiẽme qualitiẽ pource qu'il n'y a au cerueau autre puissance raisonnable ny autre qualitiẽ qu'on luy peust donner: attendu que les sciẽces qui appartiennent à l'imagination, sont celles que disent ceux qui radotent & sont transportez en la maladie, & non pas celles qui appartiennent à l'entendement & memoire. Et veu que la frenesie, la manie & la melancolie sont passions chaudes du cerueau, par cest argument on peut prouuer que l'imagination consiste en la chaleur. Il n'y a qu'une chose enquoy ie trouue de la difficultẽ: c'est que l'imagination est contraire à l'entendement, & aussi la memoire: de-

quoy la raison ne se peut donner par l'experience, pource qu'une grande chaleur & siccité se peuuent bien assembler au cerueau : comme aussi la chaleur & humidité en degré d'intention ou force. Et pour ceste cause, l'homme peut auoir grand entendement & grande imagination : grande memoire ; avec une grande imagination : & certainemēt est-ce une chose merueilleuse de trouuer vn homme de grande imagination, ayant bon entendement & memoire, la cause de cela est que l'entendement a besoin que le cerueau soit composé de parties subtiles & fort delicates ; comme ailleurs nous l'auons prouué, de Galien. La grande chaleur gaste & consomme le plus delicat, & laisse le gros & terrestre. Par la mesme raison, la bonne imagination ne se peut assembler, avec beaucoup de memoire, pource que la chaleur excessiue resoult l'humidité du cerueau, & le laisse dur & sec : au moyen dequoy, il ne peut facilement receuoir les figures. Ainsi

*Auliere  
de l'art  
medic  
n. chap.*

*Tout ce  
qui est  
intem-  
peré ne  
peut lon-  
guement  
durer.*



ne se trouuent en l'homme plus de Galien  
trois principales differences d'esprit; livre 6.  
de la con-  
serua-  
tion de  
santé.  
pource que ne se trouuent que trois  
qualitez d'où elles peuuent venir:  
Mais dessous ces trois choses diffe-  
rentes sont contenues plusieurs au-  
tres particulieres, à raison des degrez  
ou force d'intention que peuuent  
auoir la chaleur, l'humidité & la sic-  
cité. Toutesfois ne faut entendre  
que de chacun degré des trois quali-  
tez, resulte & prouienne vne diffe-  
rence d'esprit; pource que la siccité,  
la chaleur, & l'humidité peuuent ve-  
nir à tel poinct, estre telles, qu'entie-  
rement la faculté animale en est in-  
teressée, suiuant ceste sentence de  
Galien, *Omnis immodica intemperies,* Au 2.  
des A-  
vires, excludit. Tout ce qui est trop in-  
temperé resoult & anichille les for- phorif.  
com. 20.  
ces: ce qui est vne chose certaine:  
car combien que l'entendement se  
serue de la siccité, elle peut neant-  
moins estre si grande, qu'elle con-  
somme ses œuvres. Ce que n'ap-  
prouue Galien, ny les Philosophes  
anciens: qui affirment que si le cer- Au lin.  
Quod a-  
nima  
chap. 1.

veau des vicilles gens ne se refroidissoit, iamaïs ils ne deuiendroiēt caducs, bien qu'ils se fussent rédus secs au quatrième degré. Mais ils n'ont point de raison en cela, pource nous prouuerons en l'imagination : car que cōbien que les œures se facent avec chaleur, passant le troisième degre, elle commence incontinent à se perdre & ruiner autant en aduiēt de la memoire, au moyen d'vne trop grande humidité. Je ne peux dire maintenant en particulier, combien de differences d'esprit prouiennent à raison de l'intention & force de chacune de ces trois qualitez : iusqu'à tant que cy apres, nous venions à deduire & raconter toutes les œures & actions de l'entendement, de l'imagination & de la memoire : cependant il faut sçauoir qu'il y a trois principales œures de l'entendement : la premiere est, inferer d'autre distinguer & la troisième, eslire. Et de là se font & establisent trois differences d'entendement. La memoire se diuise en trois autres, qu'elle reçoit

facilement & les oublie aussi tost.

L'autre tarde à percevoir & retient

long temps. La troisieme reçoit

avec la facilité & tarde beaucoup à

oublier. L'imagination comprend

beaucoup plus de differences : car

elle a les trois comme l'entendement

& la mémoire, & de chacun degré

resultent & procedent trois autres.

Nous en parlerons cy apres plus di-

stinctement, quand nous donnerons

à chacune science qui luy respond

en particulier. Mais celuy qui vou-

dra considerer trois autres differen-

ces d'esprit, trouuera y auoir cer-

taines habilités en ceux qui estu-

dient : les vnés naturellement dispo-

sées aux contemplations claires &

faciles de l'art qu'ils apprennent :

mais quand ils se sont mis aux obscu-

res, hautes & difficiles, c'est en vain

que le maistre en traite : en vain l'on

tasche de les représenter par bons

exemples, ou d'en comprendre

une autre figure par le moyen de l'i-

magination, pource qu'ils ne peu-

uent cōprétre cela. En ce degré sont

constituez tous les mauuais lettrez de quelque faculté que ce soit ; lesquels enquis des choses faciles de leur art, disent tout ce qui se peut entendre : mais estans venus aux choses plus hautes & subtiles, disent mille absurditez. Autres esprits montét vn degré plus haut : car ils sont mols & faciles pour receuoir impression de toutes les reigles & consideratiōs de l'art, claires, obscures, faciles & difficiles : mais la doctrine, l'argument, la responce, le doute, & la distinction, leur doit donner beaucoup à faire. Ceux-là ont besoin d'ouïr la science des bons maistres qui sçachent beaucoup auoir quantité de liures & estudier en iceux, sans cesser : car moins ils liront & trauailleront & moins ils sçauront. De ceux-là se peut auerir ceste sentence tant celebre d'Aristote ; *Intellectus noster est tanquam tabula rasa, in qua nihil est depictum.* Nostre entendement est comme vn tableau vuide, auquel n'y a rien qui soit depeint. Ils faut donc qu'ils entendent premierement d'un

Liure 3.  
de l'A-  
me.

De ces  
deux ma-  
nieres  
desprits,  
Aristote  
dit, ce-  
luy est  
tres-bon  
qui en-  
tend tout  
le soy-  
mesme :  
& dere-  
chef ce-  
luy est  
qui

autre, tout ce qu'ils doiuent ſçauoir & apprendre: car ils n'ont ſur ce aucune inuention. Nature faiët, au troiſieſme degré certains eſprits tant parfaicts, qu'ils n'ont beſoin de maiſtres qui les enſeignent & leur monſtrent la maniere de Philoſopher: car d'vne conſideration en laquelle ils ſont acheminez par le Maïſtre, ils en tirent cent, & ſans dire mot, ils ont le cerueau plein de ſçauoir. Ces eſprits là tromperent Platon, & luy firent dire que noſtre ſçauoir eſt vne certaine maniere de reminſcence ou reſouuenance, les entendans parler & dire ce qui n'entra oncques en la conſideration des hommes. A ceux-là eſt permis d'eſcrires de liures, & aux autres, non: car l'ordre & moyen que l'on doit tenir, à ce que les ſciences reçoient tous les iours accroïſſement & plus grande perfection, eſt d'aſſembler la nouuelle inuention de nous qui viuons maintenant, avec ce que les anciens ont laiſſé par eſcrit, en leurs liures. Car ſi chacun faiſoit cela en ſon

*obeit au  
bien de-  
ſant lib.  
1. etbi.*

*Au 1. li-  
ure de  
l'office  
du me-  
de. com.  
4.*

temps, les arts viendroient à croistre & les hommes qui viédroient apres, iouïroient de l'inuention & trauail de ceux qui ont vescu premieremēt. La Republique ne deuroit pas permettre ny consentir que tous les autres qui ont faite d'inuention, escriuissent liures, & les fissent imprimer: car ils ne font autre chose qu'un cercle des dits & sentēces des Autheurs graues & ne font que repeter & redire: de maniere que prenant vne piece deçà, l'autre delà, il n'y a celuy qui ne face vn œuure. Les esprits inuenteurs sont dits en langue Toscane, tenir du capricc, c'est à dire d'une prompte fantaisie, pour la semblance qu'ils ont avec la chieure en leur aller & aduis. La chieure ne veut iamais cheminer par vn lieu plein, mais cherche tousiours les endroits haut & montagneux: elle va par lieux scabreux & difficiles, ou n'apparoist aucun chemin, & ne veut aller en compagnie. Telle propriété se trouue en vne ame raisonnable, pourueuē

*Ceste  
manie-  
re d'es-  
prit est  
fort  
dange-  
reuse  
pour la*

d'un cerueau bien composé & temperé iamaïs elle ne s'arreste à cōtempler : elle n'est iamaïs en repos : elle veut scauoir & entendre choses nouuelles. De ceste maniere d'ame se verifie ce dit Hippocrate, *Animæ ambulatio, cogitatio hominibus*. Car on trouue autres hommes qui ne sortent iamaïs d'une mesme contemplation, & ne pensent point quel'on puisse descouvrir autre chose au monde. Ceux-là ont propriété de la brebis, laquelle iamaïs ne se desuoie du chemin accoustumé & n'ose cheminer par les lieux deserts : elle ne va que par les chemins cogneus, & ne marche, sans que quelqu'un aille deuant. Ces deux différences & manieres d'esprit, sont fort ordinaires entre les hommes de lettres. Il s'en trouue qui sont hors de la commune opinion qui iugent & traittent les choses d'une differente maniere, qui sont libres à donner leur aduis & ne suivent personne. Autres se recueillent, sont humbles, fort paisible se

*Theologie à laquelle doit estre proposée l'entendement comme declare l'Eglise Catholique 6. Epi. p. 5. com. Ceste difference d'esprit est de soy, bonne pour la Theologie où il faut suivre l'autorité divine ne declarée par les*

*saincts  
Cōciles,  
& par  
les sains  
Do-  
cteurs.*

140 L'Examen des Esprits.

deffians d'eux mefmes, & se tenant à l'aduis d'un graue autheur, qu'ils en fuiuent desquels ils tiennent les propos & sentences pour vne science & demōstration, & iugēt vanité & mēfonge ce qui est dit au contraire. Ces deux manieres ou differences d'esprit estans iointes, seruent beaucoup: car ny plus ny moins qu'en un grand troupeau de brebis, les bergers ont accoustumé de mettre vne douzaine de cheures pour les mener & cōduire promptement au pasturage nouveau & non encores trouué. Ainsi est-il conuenable de trouuer és lettres humaines, certains esprits fantastiques & tenans du caprice pour descouurir aux entendemens arrestez, & comme de brebis, nouueaux secrets de nature, & donner contemplations nouuelles, pour s'exercer en icelles: car par ceste maniere, les arts croissent, & les hommes deuient plus sçauans tous les iours.



*Aucuns doutes & argumens contre la  
doctrine du precedent chapitre: &  
la responce à iceux.*

## CHAP. VI.

**V**Ne des raisons pour laquelle la  
sagesse de Socrate a esté ius-  
ques auourd'huy tant celebree, est  
de ce que depuis qu'il fut iugé par  
l'Oracle d'Apollon pour l'homme  
le plus sage du monde, il dist en ceste  
maniere, *Hoc unum scio, me nihil scire.*  
Je sçayvne seule chose, que ie ne sçay  
rien. Tous ceux qui ont leu & enten-  
du ceste sentence, tiennent qu'elle a  
esté dite, pource que Socrate estoit  
vn homme, tres-humble, ayant  
en mespris les choses humaines,  
portant honneur & respect aux di-  
uines, & estimans toute autre chose  
de nulle valeur. Mais certainement  
ils sont trompez: car il n'y eust onc-  
ques Philosophe ancien, qui ait trou-  
ué ou acquis ceste vertu d'humilité,  
& mesme qui ait sçeu que c'est, de-

Sapient.  
chap. 29.

uant la venue de Dieu au monde, lequel nous l'a enseigné. Socrate a bien voulu donner à entendre le peu de certitude qu'il y a aux sciences humaines, & combien est mobile & temeraire l'entendement du Philosophe, en tout ce qu'il sçait voyant par experience que tout est plein de doutes & argumens, & que sans crainte de la partie contraire on ne peut consentir à chose quelconque : & pour ceste cause a esté dit, *Cogitationes mortalium timida & incerta providentia nostra.* Les pensées des hommes timides & nos providences incertaines. Et celuy qui doit avoir la vraye science des choses se doit tenir ferme & reposé, sans aucune crainte ou doute d'estre trompé : & le Philosophe qui n'est tel peut véritablement dire & affirmer qu'il ne sçait rien. Galien eut ceste même considération, quand il dit, *Scientia est convemens, firma & nunquam à ratione declinans cognitio: eam neque apud Philosophos presertim, dum rerum naturas perscrutantur in-*

Au liur.  
Introdu  
ire.  
Chap. 5.

*uenies, multo sanè minus in re medica,*  
*imò ut verbo expediam ne ad homi-*  
*nes quidem venit.* Science est vne co-  
 gnoissance conuenable, ferme &  
 laquelle iamais ne s'esloigne de la  
 raison: vous ne la trouuerez és Phi-  
 losophes, quand principalement ils  
 recherchent les natures des choses:  
 encorés moins en l'affaire de mede-  
 cine, & pour le dire en vn mot, elle  
 ne paruiet aux hommes. Suyuans  
 cela, l'homme ne peut auoir la  
 vraye cognoissance des choses: il  
 ne peut auoir qu'une certaine ma-  
 niere d'opinion, qui le tient in-  
 certain & craintif sans aucune re-  
 solution de ce qui doit croire ou  
 faire. Mais ce que principalement  
 Galien note en cecy, est que la  
 Philosophie & la medecine sont  
 les sciences les plus incertaines, qu'  
 ayent les hommes. Et si cela est vray,  
 quediròs nous de la philosophie que  
 nous traitons, en laquelle se fait par  
 l'entendement, anatomie de chose tât  
 obscure & difficile, cômè sòt les pui-  
 sances & habilités de l'ame raisonna-

ble : en laquelle matiere s'offrent tât de doutes & argumens, qu'il n'y a rié surquoy on se puisse fonder & arrester. Vne desquelles & la plus principale, est que nous auons fait à l'entendement vne puissance instrumentale (cômme à l'imagination & à la memoire) & l'auons donné au cerueau, avec siccité, pour instrumēt duquel il puisse exercer son office: chose fort esloignée de la doctrine d'Aristote & de tous ses sectateurs, lesquels (constituans l'entendement separé de l'organe corporel) prouuoient facilement que l'ame raisonnable estoit immortelle, & qu'estant sortie du corps, elle dure a iamais: & se pouuant disputer & debattre l'opinion contraire, la porte demeure close, pour ne se pouuoir demōstrer. D'auantage, les raisons esquelles s'est fondé Aristote, afin de prouuer que l'entendement n'estoit puissance corporelle & composee, sont de telle efficace, que l'on ne sçauroit conclure autre chose, pource qu'il appartient à ceste puissance de cognoistre

*Au liure  
3. de l'a-  
me ch. 4.*

gnoistre & entendre la nature & estat de toutes les choses materielles qui sont au monde: de maniere que si elle estoit conioincte à aucune chose corporelle, elle mesme empescheroit la cognoissance des autres, comme nous voyons es sens extérieurs: en ce que si le goust est amer, tout ce que la langue touche, tient la mesme saveur: & si l'humeur cristallin est verd, ou de couleur passe, l'œil iuge tout ce qu'il void, de la couleur mesme qu'il tient. La cause de cela est que, *Intus existens prohibet extraneum*. Ce qui est dedans, empesche le dehors. Aristote dit aussi que si l'entendement estoit meslé avec quelque instrument corporel, ils seroit en qualité, pource qu'à celuy qui se ioint avec le chaud ou le froid, necessairement luy doit estre la chaleur congeluee. Et de dire l'entendement est chaud, froid, humide ou sec, c'est vn propos abominable à l'ouye des Philosophes naturels. L'autre principal doute est qu'Aristote & tous les Peripatete-

tiques constituent deux autres puissances, outre l'entendement, l'imagination & la memoire : qui sont la reminiscence, ou le resouuenir, & le sens commun se fondans sur ceste reigle, *Potentia cognoscuntur per actiones*, Les puissances se cognoissent par les actions. Ils se trouuent qu'outre les œuures de l'entendement, imagination & memoire, s'en trouuent deux autres fort differentes. Par conséquent de cinq puissances naist & procedel'esprit de l'homme: & non de trois tant seulement, comme iusques icy nous auons prouué. Nous auons dit pareillement; au chapitre precedent, suiuant l'oppinion de Galien, que la memoire ne fait autre chose au cerueau que garder les figures especes des choses, ny plus ny moins qu'un coffre tiét & a engarde les accoustremés lesquels y sont mis. Et si par vne telle cōparaison, nous deuons entédre l'office de ceste puissance, il est besoin constituer autre faculté de la raison, qui tire & face sortir les figures de la memoire, & les

represente à l'entendement, ny plus  
 moins qu'il est necessaire de trouuer  
 qui ouure le coffre pour entirer ce  
 qui a esté mis dedans. Dauantage,  
 nous auons dit, que l'entendement &  
 la memoire estoient puissances con-  
 traires, & que l'vne combattoit avec  
 l'autre, pource que l'vne demande  
 beaucoup de siccité, & l'autre beau-  
 coup d'humidité & mollesse au cer-  
 ueau. Et si cela est vray, pourquoy  
 est-ce que Platon & Aristote ont dit  
 que les hommes ayans la chair molle  
 & delicate, ont bon entendemēt, veu  
 que la douceur & mollesse est vn ef-  
 fect d'humidité? Nous auons dit aus-  
 si, que pour auoir bonne memoire,  
 il falloit que le cerueau fust mol,  
 d'autant que les figures se doiuent im-  
 primer en iceluy, en pesant dessus,  
 comme on faiēt le cachet sur la cire  
 molle: car s'il estoit dur, il ne pour-  
 roit pas facilement receuoir telle  
 impression. Il est bien vray que pour  
 receuoir promptement la figure, il  
 est necessaire d'auoir le cerueau mol:  
 mais pour conseruer & garder lon-

*AN 2 li-  
 ure de  
 l'Ame.*

guement les especes de ces choses qui s'y impriment, tous les Philosophes tiennent que la dureté & siccité est nécessaire: comme il appert en la cire & autre chose molle que la figure imprimée en icelle, s'efface aisément, laquelle ne s'en va iamaïs en matiere dure & seiche. Par ce moyé voyons nous plusieurs hommes, qui mettent aisément des choses en leur memoire, mais ils les oublient incontinent. Dequoy Galien donne la raison, & dit que ceux-là, par vne grande humidité, ont la substance du cerueau coulante & non ferme, au moyen dequoy la figure imprimée en icelle, est incontinent effacée, ny plus ny moins que si on vouloit sceller en l'eau. Autres au contraire mettent en memoire avec grande difficulté, mais ils n'oublient iamaïs ce qu'ils ont appris vne fois. Et pourtant semble-il chose impossible d'auoir ceste difference de memoire que nous auons dit; d'apprendre facilement & de retenir long temps. Aussi est difficile d'en-

*Au liure  
de l'art  
de Me-  
de, ch. 12*



rendre comme il est possible d'imprimer tant de figures ensemble au cerueau, de maniere que les vnes n'effacent les autres, comme nous voyons aduenir en vn morceau de cire molle, en laquelle si l'on imprime diuerses figures, il est certain que les vnes effaceront les autres, par le meſlange d'icelles. Et ce qui nous donne le plus de peine & difficulté, est de ſçauoir d'où vient que s'exerçant la memoire, elle ſe rend plus facile à receuoir les figures: eſtant certain, que l'exercice, non ſeulement du corps, mais auſſi encores plus de l'eſprit, deſſeiche & eſſuye la chair. Encores eſt il difficile d'entendre comme l'imagination eſt contraire à l'entendement (s'il n'y a choſe plus vrgente que la reſolution des parties ſubtiles du cerueau, par le moyen de la chaleur, qui laiſſe les groſſes & terreſtres) attendu que la melancolie eſt vn des plus gros & terreſtres humeurs de noſtre corps. Ariſtote dit que l'entendement ne ſert de nul autre tant que de

cestuy-là: mais la difficulté est plus grande, quand on vient à considérer que la melancolie est vn humeur. gros, froid, sec, & la colere de substance delicate, & de temperamēt, chaud & sec: & ce neantmoins la melancolie est plus propre à l'entendement que n'est la colere. Ce qui semble repugner à la raison: pource que cest humeur aide, par le moyen de deux qualitez à l'entendement, & luy contredit pour vne seule, qui est la chaleur: & la melancolie ayde par la siccité, & non d'auantage: & contredit & nuit par la froideur & grosseur de substance, qui est ce que plus l'entendement a en horreur. Ainsi donc Galien a donné plus d'esprit & de prudence à la colere qu'à la melancolie, quand il a dit, *Animi dexteritas & prudentia a bilioso humore proficiscitur, integritatis & constantia erit author humor melancolicus*. La dexterité & prudence vient de la colere: l'integrité & constance de l'humeur melancolie. Finalement on demande d'où vient que le travail

Le liure  
I. de la  
nature  
humai-  
ne, com.

& la continuelle contemplation, en l'estude en faiēt plusieurs sçauans & sages, lesquels au commencement auoient fauté de la bonne nature des qualitez que nous auons dit : de maniere que donnant & receuant, par le moyē de l'ymaginatio, ils viēt à acquerir la cognoissance de maintes choses qu'ils signoroient au precedent. Ils n'auoient pas de temperament requis à icelles : car s'ils en eussent esté pourueus, il ne leur eust pas esté besoin d'y trauailler beaucoup. Toutes ces difficultez & plusieurs autres sont contre la doctrine Enseignée au precedent chapitre, pour ce que la Philosophie naturelle n'a pas ses principes Mathematiques, esquelles le Medecin & Philosophe (estant ensemble Mathématicié) peut tousiours faire demōstrance : mais venant à exercer son office, selon l'art de Medecine, il y cōmettra plusieurs fautes. & non pas toutes les fois par sa coulpe, (s'acertenant tousiours par les mathematiques) mais par l'incertitude de son art.

Au liure  
I. des To-  
piques.

& pour ceste cause Aristote a dit,  
*Non ideo malus medicus, si non semper  
sanet, dum nihil omiserit eorum que  
sunt ex arte.* Si le medecin ne guarit  
toufiours, ce n'est pas à dire qu'il soit  
mauuais, pourueu qu'il n'ait obmis  
aucune chose qui concerne son art;  
mais si le mesme faisoit quelque fau-  
te, és mathematiques, il ne pourroit  
estre excusable: car employant en  
telle science, toutes les diligences  
requises, il est impossible de faillir.  
Parquoy combien que nous ne fa-  
cions demonstrence de ceste doctri-  
ne, il ne faut pas toutesfois attribuer  
toute la faute à nostre esprit, ny pen-  
ser estre faux ce que nous auons dit.  
Au premier & principal doute peut  
l'on respondre que si l'entendement  
estoit separé du corps, & qu'il n'eust  
que faire avec la chaleur, & la froi-  
deur, l'humidité & la siccité, ny avec  
toutes les autres qualitez corporel-  
les, s'ensuiuroit que tous les hom-  
mes seroient d'un mesme entende-  
ment, & que l'arraisonnement de  
chacun seroit esgal. Et nous voyons

par experience, qu'un homme entend mieux que l'autre, & qu'il discourt mieux que l'autre, à cause de la puissance organique de l'entendement, qui est en l'un mieux disposé qu'en l'autre : & non pour autre raison. Car toutes les âmes raisonnables & leurs entendemens separez du corps, sont d'esgalle perfection & sçavoir.

Ceux qui suivent la doctrine d'Aristote, voyans par experience qu'aucuns hommes discourent mieux que les autres, ont trouué un échappatoire tout apparent, disans que l'un ne discourt mieux que l'autre, à raison de la puissance organique de l'entendement, & pource que le cerueau est mieux disposé, es uns qu'aux autres : mais pource que l'entendement humain (cependant que l'âme raisonnable demeure au corps) a besoin des figures & fantasmes qui sont en l'imagination & en la memoire. A faute dequoy l'entendement vient à discourir mal, & non par la faute, ny pour estre ioint à une

*Au liure de la memoire & de la sensu-  
ence,* matiere mal organizee. Mais ceste  
 response est contre la doctrine du  
 mesme Aristote, lequel prouue l'en-  
 tendement que est d'autant meil-  
 leur que la memoire est mauuaise: &  
 au contraire, que plus la memoire  
 est grande, plus l'entendement est  
 lasche & abattardy: ce que nous  
 auons prouué ailleurs, touchant l'i-  
 magination. Et pour la confirmatiō  
*En la 30.  
sec. prob.* de cela, Aristote demande, pour quoy  
 estans vieux, nous auons tant mau-  
 uaise memoire, & bon entendemēt:  
 & quand nous sommes ieunes, nous  
 auons bonne memoire & mauuais  
 entendement. Vne chose nous mō-  
 stre l'experience de cela, & ainsi le  
 ditte Galien, que quand en la mala-  
 die se corrompt le temperamēt & la  
 bone cōposition du cerueau, souuē-  
 tesfois se perdent les œuvres de l'en-  
 tendement, & demeure en leur en-  
 tier celles de la memoire & de l'i-  
 magination: ce qui ne pouuoit adue-  
 nir si l'entendemēt n'eust prins pour  
 soy vn instrument particulier, outre  
 celuy, que les autres puissances tien-

nent. Je ne sçay que l'on peut respondre à cela; si n'est-ce pas quelque relation metaphisique, composee d'acte & puissance: car ils ne sçauent pas eux-mesmes ce qu'ils veulent dire, & n'y a homme qui les entende. Il n'y a rien qui face tant de dommage & nuisance au sçauoir de l'homme, que le meslange des sciences: & que de traiter en la Methaphisique, ce qui est de la Philosophie naturelle: & au contraire, ce qui est de la Philosophie naturelle, en la supernaturelle.

Les raisons sur lesquelles Aristote se fonde, sont de peu defficace: car il ne s'ensuit pas que, pour ce que l'entendement doit cognoistre les choses materielles, il ne doiuue auoir vne organe ou instrumēt corporel; pour ce que les qualitez corporelles qui seruent à la composition de l'organe, n'alterent & ne changent pas la puissance, ny d'elles sortent les fantaisies: & sont comme, *sensibile passivum supra sensum; quod non causat sensationem*. Cela se void claire-

ment au toucher : car estant composé de quatre qualitez materielles, & ayant en soy quantité & mollesse ou durescé, ce neantmoins la main cognoist si vne chose est chaude ou froide : dure, ou mole, grande ou petite. Et si l'on demande comment la chaleur naturelle, qui est la main, n'empesche au toucher de cognoistre la chaleur qui est en la pierre, nous respondrons que les qualitez qui seruent à la composition de l'organe, ne change point ny n'alterent le propre organe, ny d'icelles sortét especes pour les cognoistre. Il appartient à l'œil de cognoistre toutes les figures & quantitez des choses, & nous voyons que l'œil mesme à sa propre figure & quantité, & des humeurs & tuniques qui le composent : aucunes ont couleurs, & les autres sont transparoissantes : ce qui n'empesche point que par le moyen de la veuë, nous ne cognoissons les figures & quantitez de toutes les choses qui sont mises deuant nous. Et c'est pource que les humeurs &



tuniques, la figure & quantité seruent à la composition de l'œil, & ces choses là ne peuuent alterer ny chāger la puissance de la veüe : au moyē dequoy elles n'empeschent pas la cognoissance des choses de dehors. Nous en auons autant dit de l'entendement, & que le propre instrumēt d'iceluy (biē qu'il soit materiel, & ioinct avec luy) ne peut entendre, pour ce que d'iceluy ne sortent especes intelligibles qui le puissent alterer ou changer, & la cause est que, *Intelligibile positum supra intellectum non causat intellectiōem*. Et ainsi demeure-il libre, pour entendre toutes les choses materielles de dehors, sans auoir qui l'empesche. Or l'autre raison sur laquelle se fonde Aristote est plus legere que l'autre : car ny l'entendement, ny aucun autre accident peut estre (*qualis*) attendu qu'ils ne peuuent estre de soy, sujet d'aucune qualite. Et ainsi donc il importe peu que l'entendement ait le cerueau pour organe, avec le temperament des quatre premieres qua-

litez, afin que par ce moyen il s'appelle (*qualis.*) puis que le cerueau est le sujet de chaleur, froideur, humidité & siccité, & non l'entendement. Quāt à la troisieme difficulté, qu'amement les Peripatetiques, disant que pour faire à l'entendement vne puissance organique, se laisse vn principe qu'il auoit, pour prouuer l'immortalité de l'aine raisonnable: nous disons donc qu'il y a autres argumens plus certains, pour ce faire, desquels nous traiterons au chapitre ensuiuant. On peut respondre au second argument, que chacune difference d'œuure, ne demonstre pas diuersité de puissance: car comme nous prouuerons cy-apres, l'imagination faict des castant estranges, que si ceste maxime estoit aussi vraye que les Philosophes vulgaires pensent, ou si elle auoit interpretation qu'ils luy donnent, se trouueroient d'auantage dix ou douze puissances au cerueau. Mais aussi pource que toutes ces œures conuiennent en vne principale raison,

elles ne denotent pas plus d'une imagination, laquelle se diuise en apres, en plusieurs particulieres differences, à raison des diuerses actiōs d'icelle. Or composer les especes en presence des objects, ou en leur absence, ne denote ie ne diray seulement diuersité de puissances generales ( comme sont le sens commun & l'imagination ) mais n'aussi de particulier. On peut donc respondre au troisieme argument, que la memoire n'est qu'une mollesse de cerueau, disposee ( par vne certaine maniere d'humidité ) à receuoir & garder ce que l'imagination perçoit, en la mesme sorte que l'on voit au papier blanc, & en celuy qui doit escrire. Car comme l'escriuain escrit au papier les choses qu'il ne veut estre mises en oubly, & lesquelles il retourne lire apres les auoir couché par escrit: aussi doit on entendre que l'imagination escrit en la memoire les figures des choses que les cinq sens & l'entendement ont cogneu; & autres quelle

Au 4. li-  
ure de  
l'ame.

forge elle mesme. Et quand elle se veut souuenir d'icelles, Aristote dit qu'elle retourne les voir & contempler. Platon s'est donc seruy de ceste maniere de comparaison, quand il a dit, que craignant le peu de memoire de la vieillesse il se hastoit d'en faire vne autre de papier (qui sont liures) afin que son trauail ne se perdist: & que celuy qui le voudroit lire en apres, se le representast. L'imagination en faict autant escriuant en la memoire ce qu'elle retourne à y lire, quand elle s'en veut souuenir. Aristote a touché le premier de ceste sentence: & puis apres Galien, lequel a ainsi dit en ceste maniere, *Pars enim anima diu imaginatur quacūque eas sic hac, eadem recordari videtur.* Car la partie de l'ame, laquelle imagine, qu'elle elle soit, il semble rememorer les mesmes choses. Ainsi voit-on bien clairement, pourquoy les choses que nous imaginons soigneusement, & avec vn grand soucy, s'impriment bien en la memoire: & ce que nous traittons par vne legere

Au 3. li-  
ure de  
l'ame.

Au 1. li-  
ure du mou-  
uement  
des mus-  
cles.

consideration, s'oublie incontinent. Et ainsi comme l'escriuain qui faiet vne bonne lettre, la rend propre à lire ainsi, ainsi aduiet à l'imagination: car si elle imprime ou sceille avec force, la figure demeure au cerueau bien imprimée & marquée: autrement, à peine se peut elle cognoistre. Cela mesme aduiet aussi aux escrites anciens, lesquels, pour ce qu'une partie est entiere, & l'autre gastée, (avec le temps) ils ne se peuvent bien lire, si n'est avec grande peine & discretion. Or l'imagination en fait proprement autant (quand ils se sont perdus en la memoire, aucunes figures & qu'autre demeurent) de quoy est aussi procedé l'erreur d'Aristote, lequel a pensé que la reminiscence, par ceste raison, estoit puissance differente de la memoire. Et outre ce, il a dit, que ceux là qui ont vne grande reminiscence ou souuenance, sont de grand esprit: ce qui est pareillement faux, pource que l'imagination (qui est celle qui cause la souuenance) est contrairire à

l'entendement. De maniere que mettre en memoire les choses, & aussi se souuenir d'celles, apres les auoir sceuës, est œuvre de l'imaginatiō, cōme escrire quelque chose & la retourner lire, est œuvre de l'escriuain & non pas du papier. Et ainsi la memoire demeure pour puissance passive & non active, comme le blanc du papier n'est autre chose qu'une cōmodité, à ce qu'un autre y puisse escrire. Au quatriēme doute se peut respōdre, que ne sert donc rien à l'esprit d'auoir la chair dure & delicate, & douce, si le cerueau ne tient aussi la mesme qualité : lequel nous voyons fort souuentefois auoir un temperament separé de toutes les autres parties du corps : mais quand bien ils conuiendroient en la mesme qualité & molle, c'est un mauuais signe pour l'entendement, & pour l'imagination aussi. Si nous considerons la chair des fēmes & des enfans, nous trouuerons qu'elle est plus douce, delicate que celle des hommes : & ce neantmoins, les hommes

communément, ont meilleur esprit  
 que les femmes. Et la raison de cela  
 est naturelle, que les humeurs qui  
 font la chair douce, sont flegme &  
 sang, pource qu'ils sont tous deux  
 humides (comme nous l'auons desia  
 noté) desquels Galien a dit, qu'ils font  
 les hommes simples & bons : & au  
 contraire les humeurs qui endurecis-  
 sent la chair, sont la cholere & la me-  
 lancolie : donc procéde la prudence  
 & le sçauoir des hommes : de ma-  
 niere que d'auoir la chair douce &  
 delicatte, c'est vn plus mauuais si-  
 gne, que de l'auoir seiche & dure.  
 Parquoy és homes ayās vn égal té-  
 perament, par tout le corps, il est fort  
 aysé de recueillir la maniere de leur  
 esprit, par la douceur ou moleste, ou  
 dureté de la chair : car si elle est du-  
 re & aspre, elle demôstre ou bon en-  
 tendement, ou bonne imagination :  
 & si elle est molle & delicate, elle de-  
 note le contraire qui est de bonne  
 memoire, & peu d'entendement, &  
 moins d'imagination. Et pour sça-  
 uoir si le cerueau est correspon-

*Les ris  
des dents  
es le  
marcher  
de l'hom  
me decla  
rent ice-  
luy Eccl.  
chap. 29.*

dant, il faut considérer les cheueux: car s'ils sont gros, noirs, aspres & espais, l'indice d'une imagination, ou d'un bon entendement: & s'ils sont delicats & doux, c'est signe d'une grande memoire & non d'autre chose. Mais celuy qui voudra distinguer & cognoistre si c'est entendement ou imagination (quand les cheueux sont de ceste maniere) doit considerer de quelle forme est le ieune homme, quand au rire: car ceste passion descouvre fort que telle est l'imagination. Quant à l'occasion du ris, plusieurs Philosophes se sont efforcez la sçauoir: mais personne n'en a dit chose qui se puisse entendre: toutesfois chacun conuient en ce que le sang est vne humeur qui prouoque l'homme à rire. combien que nul ne declare quelles sont les qualitez de cest humeur plus que des autres autres qui facent l'homme suiet à rire. Desipientia quæ cum risu fiunt, securiores: quæ uero cū sollicitudine, periculosiores. Comme s'il vouloit dire, Quand les ma-

*Hipp. 6.  
des A-  
phori. 53*



lades transportez rien, c'est bon signe, & sont plus asseurez: mais s'ils sont souciez & faschez, ils sont en danger: car le premier se fait par le moyen du sang qui est vne humeur fort benigne: & l'autre au moyen de la melancolie. Mais cela repugnant à la doctrine que nous traitons, on vient facilement à entendre tout ce qu'en ce cas on desire sçauoir la cause du ris n'est autre (à mon aduis) qu'une approbation de la puissance d'imaginer (quand l'on voit ou que l'on entend quelque fait ou dit, qui agree & conuient fort bien) & comme ceste puissance reside au cerueau, estant cõtente d'aucune de ces choses, il en est mené, comme sont menéz pareillemēt les muscles de tout le corps: à raison dequoy, nous approuuons souuentefois les propos aigus & subtils, en abaissant la teste. Dauantage, quād l'imagination est fort bonne, elle se contente de chacun propos, mais seulement de ceux qui viennent fort bien de maniere que s'ils ne sont bié

iose  
n. able.

conuenables & à propos, elle en reçoit plustost peine qu'allegresse. De là vient que nous voyons rire, par grande merueille, les hommes de grande imagination: & ce qui est encores plus notable, nous voyons que ceux-là lesquels ont grace à parler, & qui sont facetieux, ne rient iamais de ce qu'ils disent, ny de ce qu'ils entendēt dire aux autres, pour ce qu'ils ont l'imagination tant delicate & subtile, que la propre grace de leurs paroles & gentils deuis, ne correspond & ne leur agree, comme ils voudroient. A quoy l'on peut adiouster que la grace (outre la bonne proposition qu'elle doit auoir) doit auoir doit estre nouuelle, & non iamais ouye ny veüe: ce qui n'est propre seulement à l'imagination, mais aussi aux autres puissances qui gouvernent l'homme. Parquoy nous voyons quel'estomac s'ennuye d'une mesme viande, & qu'il l'abhorre, quand il en vse deux fois: la veüe, en ceste maniere a en horreur vne mesme figure & couleur, l'ouye vne

meſme reſonnâcè, pour bõne qu'elle ſoit: & l'entendement, vne meſme contéplation. C'eſt auſſi pourquoy le beau parleur ne rit de la grace qu'il a en ſon parler: car deuant que la grace ſorte de ſa bouche: il ſçait deſia ce qu'il doit dire. Parquoy ie conclu que ceux qui ſont beaucoup facetieux, ſont tous deſpourueus d'imagination: & ainſi toute grace & propos ſortant de leur bouche (bien qu'il ſoit parauátüre aſſez maigre & froid) & leur conuient fort bien. Et pource que ceux-là qui ſont fort ſanguins, ont beaucoup d'humidité (laquelle nous auõs dit eſtre cõtraire & nuire à l'imaginatiõ) ils ſõt auſſi fort facetieux. C'eſt le propre de l'humidité, laquelle, pour ſa moleſſe & douceur, oſte les forces à la chaleur, & fait qu'elle ne bruſle pas tât. Et ainſi elle ſe trouue mieux avec la ſiccité, pour ce qu'elle aguife ſes actiõs: ioint que là où ſe trouue beaucoup d'humidité, c'eſt ſigne que la chaleur eſt laſche & remiſe: car il ne la peut reſoudre ny conſommer: & avec vne

*Gal. li. 6. de la conſeruation de la ſanté.*

chaleur tant petite, la puissance imaginative ne peut exercer son operation. De là s'ensuit que les hommes de grand entendement sont fort facetieux, pource qu'ils sont despourueus d'imagination. Comme on lit de ce grand Philosophe Democrite, & de plusieurs autres que i'ay veu & noté. Ainsi nous cognoissons par le moyen du ris, si les hommes ou les ieunes gens, de chair dure, & aspre, ayans les cheueux noirs & espais, durs & aspres, excellent ou en entendement ou en imagination : de maniere qu'Aristote se trompe en cet endroit & ne rencontre bien en ceste doctrine. On peut respondre au cinquiesme argument qui se trouuent deux sortes d'humidité au cerueau : vne qui vient de l'air (quand cest élément domine en la mixtion) & l'autre de l'eau, en laquelle se sont amassez les autres éléments. Si le cerueau est mol avec la premiere humidité, la memoire sera fort bonne, facile à receuoir & puissante à retenir long temps les figures : pource  
que

quel humidité de l'air est fort gluante & grasse, à laquelle les especes des choses tiennent fort comme l'on voit aux peintures faites à l'huyle, lesquelles ne reçoivent aucun dommage au Soleil ny de l'eau : de manière que si l'on espend de l'huyle, sur quelque esriture, il n'est possible en apres de l'effacer, voire mesme celle qui est gastee & tellement effacee qu'on ne la peut lire, se rend lisible avec l'huyle, qui la faiet reluire & transparoistre. Mais si la mollesse & douceur du cerueau viét de la seconde humidité, l'argument vient fort bien : car s'il reçoit aisément, la figure se vient aussi à effacer aussi aisément, pource quel humidité de l'eau n'a point de graisse, à laquelle les especes se puissent cōglutiner & ioindre fermement. Ces deux humiditez se cognoissent es cheuaux : celle qui vient de l'air les rend gras, replets : & l'eau les rend humides, maigres & plats. On respond au fixième argument, que les figures des choses ne s'imprime pas

au cerueau, comme la figure du sceau en la cire, si n'est en peneſtrant, pour y eſtre aſſiſe : ou en la maniere que les oyſeaux ſe prennent à la glus, & les mouches au miel, pource que ces figures n'ont point de corps & qu'elles ne ſe peuuent meſler ny corrompre les vnes les autres. On peut reſpondre à la ſeptieſme difficulté que les figures adouciſſent & amolliſſent la ſubſtance du cerueau (ny plus ny moins que la cire s'amollit, en la maniant entre les doigts) bien que les eſprits vitaux ayent la vertu d'amollir & humecter les membres durs & ſecs comme la chaleur le faiet par dehors, par le moyen du fer. Et que les eſprits vitaux facent ce que j'ay dit cy-deſſus, & amolliſſe le cerueau, pour le rendre propre à la memoire, nous l'auons deſia prouué en yn autre endroit. Or tout exercice corpo- & ſpirituel deſſeiche, voire meſme les Medecins diſent que le moderé engreſſe. On reſpond à l'argument huietieſme qu'il y a deux genres de melancolie; vne naturelle, qui eſt

*Gal. l. 2.  
de la  
conſer-  
uation  
de la  
ſanté.*

comme la lie du sang, duquell le temperamēt est froideur & siccité, avec vne fort grosse substance: elle ne sert de rien à l'esprit, ains rend les hommes ignorans, lasches & subjects à rire: & pource qu'ils ont faute d'imagination, elles s'appelle (*atrabilis*) ou colere aduste & brustate, laquelle selon l'opinion d'Aristote, faict les hommes tres-sages, de laquelle le temperament est diuers, comme celuy de vinaigre. Aucune fois à l'effect de chaleur, aucune fois il refroidit: mais il est toujours sec & de substāce fort delicate. Ciceron cōfesse qu'il estoit tardif d'esprit, pource qu'il n'estoit pas melancolique aduste: enquoy il dit vray: car s'il eust esté tel, il n'eust pas esté si éloquent, pource que les melancoliques adustes ont faute de memoire, à laquelle appartient le parler avec grand appareil. Ceste colere a vne autre qualité, qui sert beaucoup à l'entendement qui est d'estre resplandissante, comme l'agate, au moyen de laquelle splendeur, elle don-

En la 3.  
sect.  
prob. 1.

Horace  
dit d'O-  
reste  
qu'est  
fol, il ne  
faisoit  
mal à  
person-  
ne: mais  
qu'il  
trouuoit

propos  
fort sub-  
tils, à  
cause de  
la splen-  
deur de  
sa cole-  
re: Et  
pourtant  
il a dit,  
infit  
quod  
splendi-  
dabilis.  
ser. 3.

ne lumiere au dedans du cerueau,  
afin que les figures se voyent bien.  
Et ceste est l'oppinion d'Heraclite,  
quand il a dit: *Splendor siccus, animus*  
*sapientissimus*. La melancolie natu-  
relle n'a pas ceste splendeur, ains son  
noir est mort. Or nous prouuerons  
cy-apres, comme l'ame raisonnable  
a besoin d'auoir au cerueau vne lu-  
miere & d'estre esclairee, pour voir  
les figures & especes. On peut res-  
pondre au neuuesme argument, que  
la prudence & dexterité de l'esprit  
que dit Galien, appartient à l'imagi-  
nation, par le moyen de laquelle se  
cognoist ce qui est à venir: & pour  
ceste cause Ciceron a dit, *Memoria*  
*præteriorum, futurorum prudentia*. C'est  
à dire, La memoire est du passé, & la  
prudence de ce qui est à venir. La  
dexterité de l'esprit, est ce que nous  
appellons subtilité, engin, finesse, &  
ruse: & pourtant Ciceron a ainsi dit,  
*Prudentia est calliditas quæ ratione qua-*  
*dā potest delectum habere bonorum &*  
*malorum*. Prudence est ruse, laquel-  
le par certain moyen, peut auoir le

Au dia-  
logue de  
la vieil-  
lesse.



Aux  
Tuscu-  
lanes.En l'E-  
pistre à  
Dama.Reglez  
que les  
hommes  
de grand  
enten-  
dement  
ne se  
soucient  
pas de  
l'orne-  
ment de  
leur  
corps, ils  
sont tous  
mal pro-  
pres ords  
& cras-  
seux  
nous en  
donnons  
la raison

chois du bien & du mal. Les hom-  
mes de grand entendement n'ont  
pas ceste maniere de prudence,  
pource qu'ils ont faite d'imagina-  
tion : & ainsi le voyons nous par ex-  
periences aux hommes de grand  
sçauoir és lettres qui appartiennent  
à l'entendement : lesquels tirez de  
tel exercice , ne valent rien aux  
autres affaires du monde : Galien a  
tres bien dit que ceste maniere de  
prudence procede de la colere , car  
Hippocrate contant à Damagete  
comme il trouua Democrite, quand  
il le fut voir & medeciner , escrit  
qu'il estoit aux champs , dessous yn  
Plane debout sur la plante des pieds  
& sans habillemens, appuyé d'vne  
pierre , & environné de bestes bru-  
tes, mortes & despeeées : dequoy  
Hippocrate fut fort esmerueillé, &  
luy demanda que luy seruoient ces  
animaux ainsi : à quoy il respondit  
qu'il cherchoit l'humeur qui rend  
l'homme vacillant, rusé , double &  
& cauteleux : & qu'il auoit trouué  
(en faisant anatomie de ces bestes

chap. brutes) que la colere estoit cause  
 .E 14. d'une proprieté tant mauuaise: &  
 que pour se venger des hommes ru-  
 sez & cauteleux il vouloit faire en  
 eux, ce qu'il auoit fait au renard, au  
 serpent, & au singe. Ceste maniere  
 de prudence est non seulement  
 odieuse aux hommes, mais aussi S.  
 Paul dit d'icelle, *Prudentia carnis ini-*  
*mica est Deo.* La prudence de la chair  
 est ennemie de Dieu, Platon en don-  
 ne la raison quand il dit, *scientia qua-*  
*est remota à iustitia, calliditas potius,*  
*quàm sapientia est appellanda.* La scien-  
 ce qui est esloignée de justice, meri-  
 te plustost le nom de ruse & finesse  
 que de sapience. Comme s'il vou-  
 loit dire, il n'est pas raisonnable  
 qu'une science laquelle est separee  
 de la justice s'appelle science; mais  
 elle se doit appeller astuce ou mali-  
 ce; de laquelle le diable se sert tou-  
 iours, quand il veut faire mal aux  
 hommes. *Ista sapientia non est de sur-*  
*sum descendens, sed terrena, animalis &*  
*diabolica,* c'est à dire, ceste sapience  
 ne descend du Ciel; mais elle est

Aux  
 Roim.  
 chap. 2.

Chap. 3.

terrienne, inhumainé & diabolique. Il y a vne autre maniere de sapience ou science, conioincte à la droicture & simplicité: par laquelle les hommes cognoissent le bon & reprennēt le mauuais: Galien dit qu'il appartient à l'entendement, pource qu'en ceste puissance n'est point comprise la malice ny l'astuce, & qu'elle ne sçait pas comme se peut faire le mal: le tout est en icelle droiture, justice, simplicité & clarté. L'homme qui rencontre ceste maniere d'esprit s'appelle droict & simple: & pour ceste cause Demosthenē voulant captiuer la bien-veillance des Iuges, en vne harangue qu'il fit contre Aeschines, les appelle droits & simples, eu esgard à la simplicité & integrité de leur office, duquel Ciceron dit ainsi, *Simplex est officium, atque vna bonorum omnium causa*. L'office est simple & iuste, & la cause de tous les bōs, vne. La froideur & siccité de la melancolie sert d'instrument à ceste maniere de sçauoir ou science: mais elle doit estre composee de

*Au liure  
3. des  
progno.  
com. 2.*

*En la harangue  
pour Sili-  
la.*

parties subtiles & delicates. On peut respondre au dernier doute, que quand l'homme se met à contempler quelque verité qu'il veut sçauoir, s'il ne la trouue incontinent, c'est pource que son cerueau est priué d'un temperament à ce conuenable : mais demeurant vn peu en la contemplation de ce qu'il veut sçauoir, incontinent accourt au chef de la chaleur naturelle (qui sont les esprits vitaux & le sang des arteres) qui surmonte le temperament du cerueau, iusqu'à tant qu'elle vienne au point necessaire. Il est vray que la grande consideration nuit aux vns & sert aux autres : car si au cerueau defect peu, pour venir au point de la chaleur conuenable, il faut aussi contempler peu de temps : car s'il passe outre, & s'il contemple plus long-temps, incontinent l'entendement se trouble par la presence de beaucoup d'esprits vitaux : au moyé dequoy il ne paruiet & ne touche à ceste verité qu'il cherche. Parquoy nous voyons plusieurs hom-

mes lesquels, sans premediter, tout soudain disent fort bien : mais quand ils ont pensé à ce qu'ils doyvent dire, ils ne tiennent propos qui vaille. Les autres ont l'entendement si petit (ou à cause de la grande froideur, ou siccité) qui leur est besoin mettre & employer beaucoup de temps, à la contemplation, afin que la chaleur demeure bonne piece en la teste; & face en sorte que le tems perament vienne aux degré qui luy defaillent; & ainsi ceux-là disent mieux quand ils ont premedité, que sans y penser.

Combien que l'ame raisonnable ait besoin du temperament des quatre premieres quantitez, tant pour demeurer au corps que pour discourir & raisonner, il est demonsté icy, qu'il ne s'ensuit pas qu'elle soit corruptible & mortelle.

## CHAP. VII.

Platon tient pour chose véritable que l'ame raisonnable est *une* *et* *immortelle*.

substance sans corps, spirituelle non  
 sujette à corruption; ny à la mort,  
 comme celle des bestes brutes, la-  
 quelle (sortie du corps) à vne autre  
 meilleure vie, & plus tranquille:  
 mais cela s'entend, dit Platon, quand  
 l'homme a vescu selon la raison: car  
 autrement mieux eust vallu à l'ame,  
 demenrer tousiours au corps, que  
 souffrir les tourmens, desquels Dieu  
 chastie les meschans. Cesté conclu-  
 sion est bien tant illustre & Catholi-  
 que, que s'il l'a trouuee par la feli-  
 cité de son esprit, à iuste cause, il est  
 surnomé le diuin Platon. Mais bien  
 qu'elle soit telle que l'on voit iamais,  
 toutesfois Galien ne l'a peu cōpren-  
 dre en son entendement: ains tous-  
 jours l'a eu pour suspecte voyans ra-  
 doter l'homme, & sortir de son sens,  
 quand il a le cerueau trop eschauffé:  
 & au contraire, le voyant retourner  
 en son bō sens, en luy appliquāt me-  
 decines froides. Et pourtant il a dit  
 qu'il eust esté bien aise, que Platon  
 eust esté en vie, pour luy demander  
 cōme il estoit possible que l'ame rai-

En l'A-  
 pologie.

Platon  
 diuin.

Au liu.

Quod  
 animi  
 mores.

ch. 3. &

9. de

placit.

Hipp. &

Plat.

sonnable fust immortelle, veu qu'elle se chage & altere si aisémēt, par la chaleur, froideur & humidité & siccité: attendu mesmemēt qu'elle s'en va du corps par vne grāde ardeur de fiebure continuē, ou par vne grande perte de sang, ou en beuuāt la ciguē, ou par autres alterations corporelles qui ont accoustumé d'oster la vie. Et si elle estoit sans corps, & spirituelle (cōme dit Platon) la chaleur (estant qualité materielle) ne luy feroit perdre ses puissances, & ne luy empêcheroit ses operatiōs. Ces raisons ont cōfōndu Galien, & l'ont fait desirer que quelque Platonique l'en resoluist, & pēse qu'il n'en ait trouuē en sa vie: mais depuis qu'il fut mort, l'experience luy monstra ce que son entendement ne peut cōprēdre. Parquoy, il est certain que la certitude infaillible de l'immortalité de nostre ame, ne se tire pas des raisons humaines, & encores moins se trouuent argumens, qui prouuent qu'elle soit corruptible: car on peut facilement répondre aux vns & aux autres: nostre seule foy diuine nous faict

*Au dialogue de la nature. Il est certain que Galien en mourant descendit en enfer & vit par experience que le feu materiel brusloit les ames ne les pouuant consumer: ce medecin eut connoissance de la doctrine Evangelique*

*ne la  
euent:  
u la. 2.  
e diff.  
ul.  
hap. 3.*

certains & resolu de l'immortalité d'icelle. Ce neantmoins Galien n'a point eu raison de s'empescher & embarrasser en ceste maniere par argumens si legers: car ce n'est pas bien recueilly en Philosophie naturelle, de dire que les œuvres qui se doiuent faire par le moyen de quelque instrument, defaillent en l'argét principal, pour ne sortir à l'aduenture. Le peintre qui peint bien, tenant le pinceau conuenable à son art, n'est pas conuenable quand avec le mauuais, il fait que les traits & lignes mauuaises, aussi n'est-ce pas bien argumenté de penser que l'escriuain ait aucune action ou defaut en la main, quand par faute de bonne plume, force luy est d'escrire, avec autre chose. Galien considerant les œuvres merueilleuses qui sont en l'vniuers, & de quel sçauoir & prouidence elles sont faites & ordonnées, à recueilly qu'il y auoit vn Dieu au monde: encore que nous ne le voyons pas des yeux corporels, duquel il a dit ces paroles,



Deus nec factus est aliquando, cum pe- Au lieu  
de la  
forma-  
tion du  
sujet.  
renniter ingenuus, sit, ac sempiternus.  
Dieu n'a point esté fait, veu qu'il est  
increé & eternal. Et en vn autre en-  
droit il dit, que l'ame raisonnable ny  
la chaleur naturelle ne faisoit pas le  
bastiment & composition du corps  
humain : mais Dieu, ou quelque in-  
telligence fort sage. De là se peut  
former vn argument contre Galien,  
pour rembarer & desfaire la mau-  
uaise consequence qui est de ceste  
maniere. Tu as soupçon que l'ame  
raisonnable soit corruptible, pource  
que si le cerueau est bien temperé, il  
vient à bien discourir & philoso-  
pher : & s'il s'eschauffe, ou refroidit  
plus qu'il ne faut, il radotte & dit  
mille absurditez. Cela mesme se  
peut inferer & conclurre en consi-  
derant les œuvres que tu dis estre de  
Dieu : car s'il faict vn homme en  
lieux temperez (esquels la chaleur  
n'excede la froideur, ny l'humidité,  
la siccité) il le rend fort ingenieux  
& discret : mais si la region n'est té-  
perée, tous les hommes qui y sont

*Au liu.  
Quod  
animi  
mores,  
chap. 10.*

engendrez sont fols & ignorans. Et pour ceste cause le meisme Galien dit, qu'en Sithie par merueille, naissent vn homme sage, & qu'en Athenes tous n'aissent Philosophes. D'auantage de penser que Dieu est corruptible, ce que par certaines qualitez il faiet bien ces ceures là, lesquelles par les contraires, se font mauuaises. Galien ne le peut aduouer, puis qu'il a dit que Dieu est eternel.

Platon va par vn autre chemin plus certain, disant que cōbien que Dieu soit eternel, tout puissant & de science infinie, il s'accommode au peuple naturel, en ses ceures, & s'assuictit à la disposition des quatre premieres qualitez: de maniere que pour engendrer vn homme tres-sage & semblable à luy: il a esté besoin trouuer vn lieu le plus temperé qui fust en tout le monde, où la chaleur de l'air ne surpassast point la froideur: n'y l'humidité, la secheresse, & pourtant il a dit, *Deus vero quasi belliac sapientie studiosus, locum qui*

*Au dialogue de la nature. 42.*

*viros ipsi si millimos producturus esset, electum imprimis incolendum praebeat.*  
 Et si Dieu vouloit faire vn homme tres-sage en Scithie; ou en autre region intéperee, ne se serue de sa toute puissance, il sortiroit par necessité, lourd & ignorât, à raison de la cōtrariété des qualitez premières. Mais Platon n'infereroit & ne cōclurroit pas (côme Galien) que Dieu soit corruptible ny subject à aucune alteration; pource que la chaleur & la froideur luy empeschēt ses œures. Cela mesme se doit recueillir, quād l'ame raisonnable (demeurāt en vn cerueau enflâmé) ne peut vser de discretiō & prudence: & ne faut penser qu'à ceste occasion là; elle soit mortelle & corruptible. Et quād à ce qu'elle sort du corps, ne pouuāt souffrir la grāde chaleur, ny les autres alterations qui tuēt les hōmes, cela arguē & mōstre seulement que c'est vn acte & forme substantielle du corps humain: & que pour demeurer en iceluy, elle requiert certaines dispositions materielles; accommodees à l'estre

## 184 L'Examen des Esprits.

de l'ame qu'elle a : & que les instrumens desquels elle doit ouurer, soiet bien composez & vnis avec letemperamment requis à ses œuures : ce que defaillant du tout, il luy est force d'errer & s'absenter du corps. l'erreur de Galien est en ce qu'il veut auerir par principe de la Philosophie naturelle, si l'ame raisonnable (sortant du corps) meurt incontinent ou non : veu que c'est vne question qui appartient à vne autre science superieure & de principes plus certains : en laquelle nous prouuerons que c'est argument n'est valla-ble, & que ce n'est pas bien conclud de dire que l'ame de l'homme soit corruptible, sous ombre qu'elle demeure paisiblement au corps avec quelques qualitez, qu'elle s'en absente, à raison d'autres qualitez contraires. Ce qui n'est d'ifficile à prouuer : car autres substances spirituelles de plus grande perfection que l'ame raisonnable ; eslisent lieux alterez par qualitez materielles, esquels, elles semblent habiter à leur

contentement : mais si autres dispositions contraires viennent en leur place, incontinent elles s'en vont, pource qu'elles ne se peuuent pas souffrir. Ainsi donc il est certain que se trouue au corps, certaines dispositions, que le diable appetite tellemēt, que pour iouyr d'icelles, il entre en l'homme qui les a : au moyen de quoy il demeure endiable : mais estans corrompuës & alterees par medecines contraires, & ayant esté faite euacuation des humeurs noirs, pourris & puants, naturellement il vient à sortir delà. Cela se void clairement par experience, en ce que s'il y a vne grande maison, obscure, sale, orde, puante, triste, & inhabitée, incontinent y accourent les esprits familiers & démons succubes & incubes : mais si on la nettoye, si l'on ouure les fenestres & portes d'icelle, afin que le Soleil & la clarté y entre incontinent ces esprits & démons s'en vont, speciallement si plusieurs y demeurēt, si l'on y a plaisirs & passer temps, & mesme si l'on y touche

plusieurs instrumens de musique. Or que l'harmonie & bonne proportion offense grandement le diable, est clairement demonstree par ce que dit le texte de l'escriture Saincte: que quand Dauid prenoit la harpe, & qu'il en touchoit, incontinent le diable fuyoit, & sortoit du corps de Saül: Et combien qu'il possedast son esprit, i'enrens que naturellement la musique molestoit le Diable, & qu'il ne la pouuoit pas souffrir. Le peuple d'Israël sçauoit desia par experience que le diable estoit ennemy de la musique: & pour ceste cause, les seruiteurs & domestiques de Saül dirent en ceste maniere, *Eccē spiritus Dri malus exagitat te: i. beat Domin⁹ noster rex, vn serui tui qui corā te sunt, querant hominen scientē psallere cithara, vt quādo arripuerit spiritus domini malus, psallat man⁹ sua, & tenuis feras.* De maniere qu'il y a des paroles & coniurations, qui font trébler le diable, lequel pour ne les ouyr, abandonne le lieu qu'il auoit choisi pour son habitation. Et ainsi Ioseph

Au l.  
des Roys  
chap. 10.

raconconte que Salomon laissa par  
 escrit certaines manieres de cōiurer, *Au 8.  
 liure des  
 antiqui-  
 tez, c. 12.*  
 par le moyen desquelles non seule-  
 ment, pour l'heure on chassoit de-  
 hors le diable, mais aussi cest esprit  
 prit malin n'osoit iamais retourner  
 au corps d'où vne fois il estoit sorty.  
 Le mesme Salomon monstra par ail-  
 lemēt vne racine d'vne odeur tāt a-  
 bominable, pour le diable, que l'ap-  
 pliquant aux narrines du patient, on  
 chassoit incontinēt le diable dehors.  
 Le diable est si ord, triste, & ennemy  
 des choses nettes, gaies & claires, que  
 Iesus-Christ entrant au pays des Ge-  
 raseēs, S. Matthieu racōte qu'il trou-  
 ua en son chemin certains diables,  
 qui s'estoient mis en deux corps  
 morts, qu'ils auoient tiré du monu-  
 nient, lesquels parloient & disoient:  
 Iesus fils de David, qu'elle indigna-  
 tiō as-tu cōtre nous, d'estre venu de-  
 uāt le temps nous tourmenter? nous  
 te prions, que si tu nous chasses du  
 lieu où nous sommes, tu nous laisses  
 entrer en ce troupeau de pource-  
 aux qui est là. Et pour ceste cauē

se la sainte Escriture les appelle esprits immondes: au moyen dequoy est clairement attendu que l'ame raisonnable, non seulement veut au corps dispositions qu'il puisse informer & estre commencement de ses œuvres, mais aussi pour demeurer en luy, comme en lieu propre & accommodé à son naturel. Et puis les diables (estans de substance plus parfaite) abhorrent aucunes qualitez corporelles, & reçoivent plaisir & contentement des cōtraires. Parquoy l'argument de Galien ne vaut rien, (l'ame raisonnable s'en va du corps, par vne grande & excessiue chaleur, elle est donc corruptible) puis que le diable fait cela (de la maniere que nous auons dit) lequel neantmoins n'est point mortel. Mais ce qui est le plus à noter, à ce propos, est que le diable non seulement appete les lieux alterez avec qualitez corporelles, pour y demeurer à son plaisir, mais aussi quand il veut faire quelque chose qui luy importe beaucoup, il se sert des qualitez



corporelles qui aident à ceste fin. Et pourtant si ie demande maintenant pourquoy le diable voulant deceuoir Eue se transforma en vn serpent veneneux, plustost qu'en vn cheual, en vn ours, en vn loup & en plusieurs autres animaux qui n'estoient pas de si espouuentable figure? Ie ne sçay pas ce qu'on me pourra respondre: Ie sçay bien que Galien ne receoit pas les dits & sentences de Moïse, ny de Christ, nostre Redempteur, pour ce que tous deux (dit-il) parlât sans demonstration. Mais i'ay tousiours desiré sçauoir la solution de ce doute, & personne ne me la peut donner. Il est certain (comme nous auôs desia prouué) que la colere aduste ou bruslee, est vne humeur qui enseigne à l'ame raisonnable, comme se doiuent brasser les embusches & tromperies. Entre les bestes brutes, ne se trouue aucun animal, qui participe tant de ceste humeur que fait le serpent, voire mesme l'Escripture sainte porte tesmoignage qu'il en a plus que tous les autres, pour ce qu'il

*Au li 2.  
de la dif  
du pouls  
chap. 3.*

En cela  
se co-  
gnoist la  
gran-  
deur de  
Dieu,  
lequel  
estant  
tout puis-  
sant, Es-  
sant a-  
voir au-  
cune ne-  
cessité de  
ses crea-  
tures se  
sert d'el-  
les, com-  
me s'il  
estoit  
agent  
naturel.

est fin & malicieux. L'ame raison-  
nable, posé le cas qu'elle est la moin-  
dre de toutes les intelligences, est de  
la mesme nature que le diable & les  
Ange. Et comme elle se sert de ce-  
ste colere veneneuse, afin que l'hom-  
me soit fin & cauteleux, aussi  
le diable (mis au corps de ceste  
cruelle beste) il se fit le plus inge-  
nieux & subtil. Ceste maniere de  
philosopher n'estonnera pas beau-  
coup les Philosophes naturels, pour-  
ce qu'elle a quelque apparence de  
verité: mais ce qui leur parfera le iu-  
gemēt, est que Dieu voulāt deliurer  
& comme desenchanter le monde  
qui estoit deceu, & luy enseigner à  
plain la verité (œuvre contraire à  
celuy du diable) il vint en figure de  
colōbe, & non d'aigle, ny de paon, ny  
d'autres oiseaux, qui sont de plus bel-  
le figure: ce qu'il fit pour ce que la  
colombe participe fort de l'humeur  
qui tend à droiture, verité & sim-  
plicité: & n'a point de colere, qui  
est l'instrument de l'astuce & mali-  
ce. Galien n'accepte aucune de

ces choses, ny les Philosophes naturels, pource qu'ils ne peuuent entendre cōme l'ame raisonnable & le diable (qui sont substāces spirituelles) le peuuent alterer ou chāger par qualitez materielles (cōme est la chaleur, la froideur, l'humidité & la siccité) car si le feu introduit vne chaleur au bois, c'est pource que tous deux ont corps & quantité, pour sujet: ce qui defect es substances spirituelles, mais il est impossible que les qualitez corporelles puissent chāger la substance spirituelle. Quels yeux a le diable, & l'ame raisonnable, pour voir les couleurs & figures des choses? quel sentiment & flair, pour receuoir les odeurs? quelle ouye pour la musique? quel toucher, pour estre offencez de la grāde chaleur? à quoy sōt necessaires les organes corporels. Et si l'ame raisonnable separee du corps, est offensee reçoit douleur & tristesse, il n'est possible que sō naturel ne chāge & ne vienne a se corrompre. Ces difficultez, & argumens ont trompé Galien & les Philosophes de

nostre temps , mais ils ne font rien : car quand Aristote a dit que la plus grande propriété que la substance tiennne est d'estre sujet des accidens, il ne l'a pas lice à la corporelle ny spirituelle, pource que les especes participent également de la propriété du genre. Et pour ceste cause il a dit, que les accidens du corps passent à la substance de l'ame raisonnable : & ceux de l'ame au corps : sur lequel principe ils s'est fondé , pour escrire tout ce qu'il a escrit de la phisionomie. Ioint que les accidens desquels se changent & alterent les puissances, sont tous spirituels, sans corps, sans quantité & matiere : & ainsi multiplient en vn moment , par vn milieu ou moyé, & passent par vne verriere sans la rompre : & deux cōtraires accidens peuuent estre en vn mesme sujet, avec toute l'estenduë qu'ils peuuent auoir : & à raison de ces proprietéz, le mesme Galien les appelle, (Indiuisibles) & les Philosophes vulgaires (Intentionels) & estās de ceste maniere, ils se peuuent bien pro-

proportionner avec la substance spirituelle : Je ne peux l'aïsser d'entendre que l'ame raisonnable (separée du corps) & le diable aussi, ayent puissance de voir, de sentir, d'ouyr, & de toucher. Ce qui me semble facile à prouver : car s'il est vray que les puissances se cognoissent par les actions, il est certain que le diable a la puissance de sentir & flairer, puis qu'il sentoit la racine que Salomon enuoyoit appliquer aux narines des demoniaques : & qu'il a la puissance d'ouyr, puis qu'il entendoit la musique que David donnoit à Saül. Mais de dire que le Diable receuoit ces qualitez avec l'entendemens, cela ne se peut pas affirmer en la doctrine des Philosophes vulgaires : car ceste puissance est spirituelle, & les objects des cinq sens sont materiels : pour ceste cause est besoin trouver autres puissances en l'ame raisonnable, & au diable, avec lesquelles il se puisse proportionner : Autrement posons le cas que l'ame du riche auaire, obtiendra d'Abraham que l'ame

du Lazare pourra certainement venir en la ville, & en la maison de ceux là? s'il les rencontrera en chemin (en compagnie d'autres) s'il les cognoistra par leurs visages, & s'il les sçaura remarquer & choisir certainement d'entre ceux qui seront en leur compagnie? Et si ces freres du riche auare luy demanderont qui il est, & qui l'enuoye: s'il a aucune puissance pour ouyr leurs paroles? On peut demander cela mesme, du diable, quand il alloit apres Iesus-Christ nostre Redempteur, qu'il entendoit prescher, & faire miracles, quand ils disputeret & eurent propos ensemble au desert: on peut demander par qu'elle ouye, le diable entendoit les paroles & responses de Iesus-Christ. C'est certainement faute d'esprit & bon entendement, penser que le diable ou l'ame raisonnable (separée du corps) ne puisse cognoistre les objects des cinq sens, cōbien qu'elle soit priuée d'instrumens corporels. Car par la mesme raisō, ie leur prouueray que l'ame raisonnable (estant separée du

corps) ne peut entendre, imaginer, ny exercer office de memoire, en ce que si elle ne peut voir dedans le corps, qui a perdu les deux yeux, elle ne peut aussi raisonner, ny mesmes se souuenir, si le cerueau est enflammé. Et puis apres de dire que l'ame raisonnable, estant separee du corps, ne puisse raisonner & entendre pour ce qu'elle n'a point de cerueau, c'est vne grandé folie. Ce qui se prouue dont par la mesme histoire d'Abraham. *Fili, recordare, quia accepisti bona, in vita: & Lazarus similiter mala; nunc autem hic consolatur tu verò cruciaris: & in his omnibus inter nos & vos chaos magnum firmatum est, ut hi qui volunt hinc transire ad vos, non possint: nec inde, huc transire. Et ait Rogo ergo te se pater, ut mittas eum in domum patris mei: habeo enim quinque, fratres, ut transferatur illis ne & ipse veniam in hunc locum tormentorum.* Fin, souuienne toy que tu as eu des biens en ta vie, & le Lazare semblablement des maux: lequel maintenant est consolé,

& tu demeures en tourment : & en tout cela il y en a vne grande confusion entre vous & nous, de maniere que ceux qui veulent venir icy, ne peuuent : ny ceux qui veulent aller où vous estes aussi. Et il dit, ie vous prie donc, pere, de l'enuoyer en la maison de mon pere : car i'ay cinq freres, qu'il aduertira de ne venir en ce lieu de tourmens. De là ie concluds, que comme ces deux ames s'arraisonnerent ensemble, & que le riche auare se souuienne qu'il auoit cinq freres en la maison de son pere, qu'Abraham luy mit en memoire la bonne vie qu'il auoit menée au monde, & les traualx du Lazare, sans qu'il fust besoin du cerueau : ainsi les ames peuuent voir sans yeux corporels : ouyr sans oreilles : goustier sans langue : sentir sans nez : & toucher sans nerfs, ny chair : voire mesme beaucoup mieux sans comparaison. Cela mesme est entendu du diable, lequel est doié d'une mesme nature que l'ame raisonnable. L'ame du riche auare, pourra resoudre toutes



ces doutes là : duquel S. Luc racôte qu'estant en enfer, il leua les yeux, & vid le Lazare, qui estoit au sein d'Abraham : au moyen dequoy il parla, & dit ainsi : Pere Abraham, ayez pitié de moy : enuoyez le Lazare mouïller seulement le bout du doigt en l'eau afin de rafraichir malangne, car ceste flamme me tourmente beaucoup. On peut recueillir par la doctrine susdite, & par ces paroles du riche auare, que le feu qui brusle les ames en enfer est materiel, côme celuy que nous auons icy, & qu'il faict mal au riche auare, & aux autres ames ( par la volonté & disposition de Dieu) au moyen de la chaleur : & que si le Lazare luy portoit vne seillee d'eau froide, il sentiroit vne grande recreation, en se mettât en icelle. La raison en est fort claire: car si l'ame de ce riche n'a peu demeurer au corps par l'excessiue chaleur de la fieure: & quand il beuuoit de l'eau froide, il est certain que son ame sentoit vne grande recreation, pourquoy n'entendrons nous cela

mesme, estant iointes aux flammes du feu infernal? Le leuer des yeux du riche auare, la langue alteree, & le doigt du Lazare, sont tous noms des puissances de l'ame, afin que l'escri-  
ture se puisse expliquer: ceux qui ne vont par ce chemin, & qui ne se fô-  
dent en la Philosophie naturelle di-  
sent mille absurditez. Mais aussi peu  
encor peut on inferer & conclure,  
que si l'ame raisonnable est atteinte  
de douleur & tristesse (pource que  
son naturel est alteré & changé par  
qualitez contraires (elle est corrupti-  
ble & mortelle. On voit que les  
cendres sont composees de quatre  
elemens, & neantmoins de fait ny de  
puissance il n'y a agent naturel au  
monde qui les puisse corrompre: ny  
qui leur face perdre les qualitez cō-  
uenables à leur naturel. Nous sçauôs  
tous que le naturel temperament  
des cendres est froid & sec: & neant-  
moins combien que nous le mettiôs  
dedans le feu, elles ne perdront ia-  
mais leur froideur radicale: & com-  
bien qu'elle demeure cent mille

ans dedans l'eau, il est impossible, estans tirees, qu'elles demeurent avec humidité propre & naturelle, & meantmoins on ne laissera pas de confesser que par le moyen du feu, elles reçoivent chaleur: & par le moyen de l'eau, humidité. Mais ces deux qualitez sont superficielles, & durent peu au sujet: pource qu'estans separees du feu, elles retournent prendre leur propre qualité froide, & apres qu'elles sont tirées de l'eau, l'humidité ne leur dure pas vne heure. Mais vne doute se presente au propos & colloque du riche auare, avec Abraham, qui est, pourquoy, & comment l'amé d'Abraham sceut raisons plus subtilles & hautes que celle du riche auare, veu que nous auons dit ailleurs, que toutes les ames raisonnables (sorties du corps) sont d'égale perfection & sçauoir? Auquel on peut respondre en deux manieres. La premiere est, que la science & le sçauoir qu'eut l'ame, estant au corps, ne se perd, quand l'homme

se meurt, ains deuient plus parfaite, pource qu'elle se resoult d'aucuns erreurs. L'ame d'Abraham partit, tres-sage de ceste vie, & plaine de de plusieurs reuelations & secrets que Dieu luy communiqua, pource qu'il luy estoit amy : mais il estoit force que celle du riche auare sortist sans sapience : premierement, pour le peché que l'ignorance nourrit en l'homme, & puis pource que les richesses produisent effect contraire à celuy de la pauureté, laquelle donne esprit à l'homme, comme nous prouuerons cy apres, & la prosperité & richesse luy oste. Il y a vne autre responce, suiuant nostre doctrine, qui est, que la matiere de laquelle ces deux ames parloiet, estoit Theologie scolastique : car de sçauoir, si estant en enfer, il auoit lieu de misericorde : & si le Lazare pouoit passer du Lymbe en Enfer, s'il estoit conuenable d'enuoyer au monde quelque mort qui declàrast aux viuans la peine & les horribles tourmans condamnez, ce sont tous

poincts scolastiques, desquels la decision appartient à l'entendement, comme ie prouueray en apres. Et entre les premieres qualitez, ne s'en trouue pas vne qui trouble tant ceste puissance que faict l'excessiue chaleur, de laquelle le riche auare estoit fort tourmenté: mais l'ame d'Abraham demeuroit en vn lieu fort temperé où elle receuoit grand plaisir & recreation: au moyen de quoy ne se faut pas esbahir: si ses raisons estoient meilleures. Parquoy ie conclus que l'ame raisonnable & le diable ou l'esprit malin se seruent en leurs œuures des qualitez materielles, & que par aucunes ils sont offenzés, & par autres contraires, ils recoiuent contentement. Et pour ceste cause ils appetent de demeurer en certains lieux, & fuyent la demeure d'autres, sans estre corruptibles.

Comme est donnée à chacune différence  
d'esprit, la science qui luy respond  
en particulier: en luy ostant  
celle qui luy est repugnan-  
te & contraire.

## C H A P. VIII.

Pour  
Archse  
Poète.

Est Deus  
in nobis,  
&c.

Ouid. de  
Fastis.

**T**Ous les arts (dit Cicéron) sont  
constituez & establis sous cer-  
tains principes vniuersels, lesquels  
se peuuent apprendre, par estude &  
travail. Mais l'art de poësie est en  
cela tant particulier; que si Dieu  
ou la nature ne font l'homme Poète,  
on ne gagne guères de luy ensei-  
gner par reigles & preceptes, com-  
me il doit faire des vers: & pour ce-  
ste cause il dit, *Ceterarum rerum stu-  
dia & doctrina, & preceptis, & arte  
constant: Poëta natura ipsa valet &  
mentis viribus excitatur, & quasi di-  
uino quodam spiritu afflatur.* Les estu-  
des & doctrines, & les autres choses  
gisent en preceptes & art, le Poète se  
sert de nature, & est excité par les  
forces de l'esprit, & quasi inspiré de

l'esprit diuin. Mais Cicerō n'a point de raison en cela : car de fait ne se trouue science, ny art inuenté en la Republique, que l'homme puisse apprendre, luy defaillant l'esprit, cōbien qu'il trauaille toute sa vie pour apprendre reigles & preceptes : au lieu que si d'auanture il s'adonne à celle que requiert son habilité naturelle, nous voyons qu'il y est enseigné en deux iours. Cela mesme se voit en la poësie, sans aucune difference : car si celuy duquel le naturel y est propre, se met à composer des vers, il les fait avec grāde perfection : autrement il est tousiours vn mauuais Poëte. Estant donc ainsi, il m'est aduis qu'il est temps desçauoir par art, à qu'elle difference d'esprit respond en particulier chacune difference ou maniere de science, afin que chacun enttende avec distinction (sçachant desia son naturel) à quel art luy peut estre naturellement disposé. Les arts & sciences qui s'aquierēt par le moyen de la memoire, sont celles qui

s'ensuiuent, la Grammaire Latine, ou de quelqu'autre langue: la Theorique de la Iurispudence, ou du Droit: la Theologie positive: la Cosmographie & l'Arithmetique. Celles qui appartiennent à l'entendement sont telles, la Theologie scolastique: la Theorique de Medecine: la Dialectique: la Philosophie naturelle & morale: pratique de Iurispudence, que l'on appelle Aduocacerie. De la bonne imagination naissent & procedent tous les arts & sciences qui consistent en figure, correspondance, harmonie & proportion: qui sont la Poësie, l'Eloquence, la Musique, & sçauoir prescher. Quand à la pratique de medecine, Methematique, Astrologie, art Militaire, gouuernement d'vne Republique: quand à peindre, tracer, escrire, lire: quand à ce que nous voyons vn homme gracieux, affable, beau parleur, gentil & subtil: quand à tous ses desseins, & œures que font les ouuriers, & quand à la grace aussi de laquelle le vulgaire s'esmer-



ueille, qui eſt de dicter à quatre Eſcriuains enſemble, matieres diuerſes, de manieres qu'elles ſoient toutes bien ordonnees: nous n'en pouuons en faire euidente demonſtrance, ny prouuer chacune choſe à part, pource que ce ne ſeroit iamais fait: mais le faiſant en trois ou quatre ſciences: la meſme raiſon pourra ſeruir aux autres. Au catalogue des ſciences, que nous auons dit appartenir à la memoire, nous auons mis la langue Latine, & les autres que parlent toutes les nations du monde: ce que nul homme ſage ne peut nier, car les langues ont eſté inuentees par les hommes, afin de communiquer enſemble, & expliquer les conceptions les vns aux autres, ſans plus grand myſtere, ny autres principes naturels, deſ'eſtre les premiers inuenteurs aſſemblez, ie veux bien (comme dit Ariſtote) former les vocables, & donner à chacun ſa ſignification. De là vient vn ſi grand nombre d'iceux, & tant de manieres de parler, ſans principe ny raiſon, de

Ad 1. li.  
ure de  
l'inter-  
prete.

forte que si l'homme n'a bonne mémoire, il luy est impossible de comprendre, par aucune autre puissance. Et quant à ce que l'imagination & l'entendement ne sont propres pour apprendre les langues & manieres de parler, l'enfance le prouue clairement, qui est l'aage auquel l'homme est le plus despourueu de ces deux puissances, & neantmoins Aristote dit, que les enfans apprennent mieux quelque langue que ce soit, que les homes faits, bien qu'ils soient plus raisonnables, & qu'ils ayent meilleur entendement. Et sans que personne nous le die l'experience nous le montre clairement, car nous voyons que si vn Biscain de trente ou quarante ans vient demeurer à Castille, il n'apprend iamais le naturel langage: mais s'il est ieune homme, en 2. ou 3. ans il semble natif de Toledé. Autant en est de la lague Latine & de toutes les autres du monde: car ceste mesme raisõ sert en tous lieux. Y eu donc qu'en l'aage auquel regne le plus la mémoire, (& moins sert l'entende-

*En la  
30. sect.  
probl. 3.*

ment & l'imagination (l'on apprend mieux les lágues, que quád il y a fau-  
 te de memoire (estant l'entendement  
 en vigueur il est certain qu'elles s'a-  
 quierent par la memoire & non par  
 aucune autre puissance. Aristote dit  
 que les langues ne consistent en dis-  
 cours ny raison, & que par ce moyen  
 on ne les peut auoir : & pourtant est  
 necessaire ouyr d'une autre le voca-  
 ble & la signification d'iceluy, & le  
 mettre en memoire : au moyen de-  
 quoy, il prouue, que si l'homme naist  
 sourd ; necessairement il doit estre  
 muet : pour ce qu'il ne peut enten-  
 dre d'un autre la prononciation des  
 mots, ny la signification que les in-  
 uenteurs leur ont donné. Que les  
 langues soyent inuentees au plaisir  
 & volonté des hommes ; se prou-  
 ue clairement , par ce qu'en tou-  
 tes ; se peuuent enseigner les scien-  
 ces ; & en chacune se peut dire & de-  
 clarer ce que l'autre veut enten-  
 dre. Parquoy ne se trouuera pas un  
 des graues autheurs, qui ait esté cer-  
 cher vne langue estrangere ; & aussi

*Au 4. li-  
 ure de  
 l'histoire  
 des ani-  
 maux.  
 ch. 9.*

Pour-  
quoy  
l'Au-  
teur  
a escrit  
en Espa-  
gnol.

pour donner à entendre ses conce-  
ptions : ains les Grecs ont escrit en  
Grec, & les Romains en Latin, & les  
Hebrieux en Hebreu, & les Mores  
en Arabe, & ainsi ay-ie escrit en Es-  
pagnol, pource que ie sçay mieux ce-  
ste lanque que nulle autre. Les Ro-  
mains, comme Seigneurs du monde,  
voyans leur estre necessaire auoir  
vne langue-commune, au moyen de  
laquelle, toutes nations puissent cõ-  
muniquer ensemble: & eux mesmes  
ouyr & entendre ceux qui vien-  
droient vers eux, leur demander ius-  
tice, & choses concernans leur gou-  
uernement, commanderent d'ou-  
vrir escole par tous les endroits de  
leur Empire, en laquelle l'on ensei-  
gnast la langue Latine: à raison de-  
quoy elle a duré iusques aujour-  
d'huy. Il est certain que la Theologie  
scolastique appartient à l'entende-  
ment: attendu que les ceuvres de ce-  
ste puissance, sont, distinguer, infe-  
rer, raisonner, iuger & eslire, pource  
que rien ne se faiet en ceste faculté,  
que ne soit douter, par inconueniẽs.

respondre par distinction, & contre  
 la réponse inferer ce qu'en bonne  
 consequence se peut recueillir: & re-  
 tourner respondre iusqu'à tant que  
 l'entendement s'appaise & soit con-  
 tent. Mais la plus grande preuue qui  
 se puisse faire sur ce poinct, est de  
 donner à entendre, avec combien  
 grande difficulté s'assemble la lan-  
 gue Latine avec la Theologie scola-  
 stique: & comme ordinairement on  
 ne void aduenir, qu'un homme soit  
 ensemble bon Latin & profond sco-  
 lastique. Duquel effect se sont es-  
 merueillez certains curieux (qui s'y  
 sont rencontrez) lesquels en ont  
 voulu trouuer la cause & raison, &  
 ont veu cōme ainsi soit que la Theo-  
 logie scolastique est escrite en lan-  
 gue plaine & commune, & que les  
 bons Latins prestent volontiers l'o-  
 reille au stile elegant de Ciceron, ils  
 ne se peuuent accommoder à icelle.  
 ce pourroit bien là estre la cause aux  
 Latins, pourquoy forçant l'ouye (par  
 l'usage) leur mal reçoit remede: mais  
 à parler à la verité, c'est plustost dou-

leur ducheſ, que mal de l'ouïe. Ceux qui ſont bõs Latins, ont conſequen-  
ment vne grãde memoire: car autre-  
ment ils ne pourroïent deuenir ſi ex-  
cellens en vne langue, qui n'eſt à eux  
propre. Et pource que la grande &  
heureuſe memoire eſt comme con-  
traire au grand & haut entendemēt,  
en vn ſuject, elle l'abaiſſe & deprime  
aucunement. Et de là vient que ce-  
luy qui n'a tant bon & haut entende-  
mēt (qui eſt la puiffance à laquelle  
appartient, diſtinguer, conclurre, rai-  
ſonner, iuger & eſlire) n'acquiert le  
parfait point de la Theologie ſco-  
laſtique. Quiconque ne ſe conten-  
tera de ceſte raiſon, liſe S. Thomas,  
l'Eſcot, Durand & Caietan (qui ſont  
lẽs premiers & principaux de ceſte  
faculté, & il trouuera grandes ſub-  
tilitez en leurs œuures, dites &  
eſcrites en gros & commun Latin.  
Dequoy n'y a d'autre raiſon, ſinon  
que ces graues auteurs ont eu dès  
leur enfance, fort pauvre memoire,  
pour eſtre excellents en l'angue La-  
tine. Mais eſtans venus à la Dia-

lèctique, Methaphysique, & Theologie scolastique, ils ont obtenu la cōgnoissance telle que nous voyons, pource qu'ils auoiēt vn grand entendemēt. I'ay cogneu vn Theologien scolastique, (& plusieurs autres l'ont cogneu & hanté) lequel estant le premier en ceste faculté, ne parloit tant s'en faut élégamment, que mesmes en lisant, ses disciples nottoient qu'il parloit grossierement Latin : au moyen dequoy ils luy conseillerent. cōme gēs qui ignoroiet ceste doctrine, de laisser aucunes fois l'estude de la Theologie scolastique, pour employer secrettement quelques heures, à la lecture de Ciceron. Et cognoissant que ce cōseil luy estoit baillé par ses bōs amis, il tascha de remedier à ce defaut non seulement en secret, mais aussi en public: car acheuāt de lire la matiere de la Trinité (ou cōme le verbe diu à peu prendre chair humaine) il entroit pour ouyr vne leçon en Latin : mais c'est vne chose notable qu'en long - temps qu'il fist ainsi, il n'apprit non seule-

met aucune chose de nouveau, mais par ce moyen il vint à perdre le Latin commun qu'il scauoit auparavant: à raison dequoy force luy fut lire en sa langue maternelle. Et comme le Pape Pie quatriesme demanda quels Theologiens estoient au Concile de Trente, pour les plus signalez, on luy dist qu'il y auoit vn singulier Theologien Espagnol, duquel la resolution, argumens, responses & distinctions estoient dignes d'admiration. Et le Pape desirant voir & cognoistre vn homme tant signalé, il luy manda qu'il vint à Rome, pour luy scauoir donner raison de ce qui s'estoit passé au Concile, & quand il fut à Rome, le Pape luy fist beaucoup de faueurs, l'enuoya querir, & le prenant par la main, le mena en se promenant iusqu'au Chasteau S. Ange, & luy deuissant en Latin fort elegant, de certains bastimens qu'il y faisoit faire, pour le fortifier dauantage, & luy en demanda son aduis. A quoy il respondit avec telle peine & si confusément (pource



qu'il ne ſçauoit parler Latin) que l'Ambaſſadeur d'Eſpagne qui eſtoit lors Dom Loys de Requeſenes grãd commandeur de Caſtille) vint luy faire honneur avec ſon Latin, pour diſtraire le Pape à autre maniere differente. En fin le Pape diſt à ceux de ſa chambre, qu'il n'eſtoit pas poſſible qu'un homme attendant ſi peu Latin, fuſt ſi ſçauant en Theologie que l'on diſoit. Mais comme il l'eſprouua en ceſte langue (qui eſt vne œuvre de la memoire) & au baſtiment (qui appartient à la bonne imagination) ſ'il euſt fondé en choſes concernant l'entendement, il luy euſt dit & amené conſiderations diuines. Nous auons mis du commencement, la Poëſie au catalogue des ſciences qui appartiennent à l'imagination, non point d'auanture, ny par faute de conſideration : mais pour donner à entendre, combien ſont eſloignez d'entendement ceux qui ont bonne vaine, pour faire des vers. Et ainſi trouuerons nous, qu'il y a telle difficulté & encore plus grande, ſans cō-

paraïson, entre ceste faculté & l'art de versifier, qu'il y a de ioindre la lāgue Latine avec la Theologie scolastique. Cest art est tant contraire à l'entendement, que la mesme raison qu'aucun se rendra excellēt en poësie, il peut donner congé à toutes les sciences qui appartiennent à ceste puissance : & mesme à la langue Latine, pour la contrarieté qui est entre la bonne imagination & la bonne memoire. Aristote n'a point trouué la raison du premier : mais confirme mon opinion, par vne experience, disant : *Marcus ciuis Syracusanus poëta erat prastantior, dum mente alienaretur.* C'est à dire, Marc de Siracuse estoit meilleur Poëte, quand il estoit hors du sens : & c'est pourquoy la difference de l'imagination (à laquelle appartient la Poësie) est celle qui requiert trois degrez de chaleur : & ceste chaleur si grande, comme nous auōs dit autre part, fait perdre du tout l'entendement. Ainsi l'a notté le mesme Aristote : car il dit que Marc de Siracuse se venāt à mo-

En la  
o. selt.  
ro.

derer auoit meilleur entendement: mais qu'il ne composoit pas si bien, pour le defaut de la chaleur: par laquelle ceste difference d'imagination vient à exercer son œure. De laquelle Ciceron estoit priué, comme il a monstre, voulant escrire en vers les faits heroïques de son Consulat, & l'heureuse naissance de Rome, en ce qu'elle auoit esté par luy gouuernee: car il dit ainsi:

*O fortunatam natam, me Consule,  
Romam.*

Et pource que Iuuenal n'entendoit pas quela sciëce de Poësie estoit contraire àvn hōme de si bon esprit que Ciceron, il le taxe en ses Satyrers, & *Au son  
phiste.* dit: Si tu eusses dit & prononcé tes Philippiques, comme Mart Antoine, au ton de ces vers tant mal raboté, il ne t'eust pas cousté la vie. Platon a dit que la Poësie n'estoit science humaine, mais reuelation diuine, pource que les Poëtes n'estās hors d'eux mesmes & plains de

*En la  
30. sect.  
pro.*

Dieu, ne peuuent composer ny dire chose qui soit excellente. Ce qu'il prouue par vne raison, disant que l'homme estant en son libre iugement ne peut faire des vers: mais Aristote le reprend disant, que l'art de Poësie n'est pas habilité humaine, mais reuelation diuine, & aduoué quel'homme d'esprit, & qui est en son bon & libre iugement ne peuuent estre Poëte. La raison est, que là où il y a beaucoup d'esprit, il est force d'auoir faute d'imagination, à laquelle eppartient l'art de composer: ce qui peut estre demonstré plus clairement, sçachant que depuis que Socrate eut appris l'art Poëtique, il ne peut avec tous ces preceptes & reigle, faire vn vers: & neantmoins il fut iugé par l'Oracle d'Apollon, le plus sage homme du monde. Ainsi donc ie tiens pour chose certaine & manifeste, que le ieune homme lequel a bonne ~~venne~~ <sup>venne</sup>, pour faire des vers, & qui trouue legerement ce qui est necessaire, sans grande consideration, ne sçait ordinairement

avec

avec éminence la langue Latine, la Dialectique, la Philosophie, la Medecine, la Theologie scolastique, ny les autres arts & sciences qui appartiennent à l'entendement & memoire. Et ainsi le voyons nous par experience : car si nous baillons à vn de ces ieunes là, vn nominatif à apprendre par cœur, il ne le sçaura en deux ny trois iours : mais si on luy baille vn papier escrit en vers, pour représenter quelque comedie, il retient incontinent tout le contenu d'iceluy. Ceux-là se gastent à lire les liures de cheualeries, Roland, Boscan, Diane de môt-maior & autres semblables, pour ce que toutes ces œuvres-là appartiēt à l'imagination. Et puis que diront nous du chant, & des Musiciens, desquels l'esprit est fort mal propre au Latin, à toutes les autres sciences qui apartiennent à l'entendement & memoire? Autant en est du toucher des instrumens & de tout genre de Musique. Par ces trois exemples que nous auons tiré du Latin, de la Theologie.

ſcolastique & de la poëſie, nous entendrons que ceſte doctrine eſt véritable : & que nous auons bien fait la diuiſion ſuſdite, combien que nous façons preuue particuliere des autres arts & ſciences. L'eſcriture decouure pareillement l'imagination : & par ainſi voit-on peu d'hommes de grand entendement qui eſcrivent bien : de quoy i'ay noté pluſieurs exemples : & ſpecialement i'ay cogueu vn Theologien ſcholastique fort ſçauant, lequel faſché de voir la mauuiſe lettre qu'il faiſoit, n'oſoit eſcrire aucunes miſſiues à perſonne, ny reſpondre à celles qu'on luy enuoyoit, tant qu'il delibera faire venir ſecretement vn maïſtre en ſa maiſon, pour luy enſeigner autrement à mieux eſcrire qu'il ne faiſoit. Mais ayant trauaillé pluſieurs iours en cela, il perdit ſon temps pource qu'il ny fit aucun profit : & partant il laïſſa tout : & le maïſtre qui l'enſeignoït fuſt eſbay de voir vn homme ſi ſçauant en ſa faculté, tant inhabile à l'eſcriture. Mais quant à moy,

qui sçay bien que la bonne escriture  
 depend del'œuure de l'imagination  
 i'ay prins cela pourvn effect naturel.  
 Si quelqu'un le veut voir & noter,  
 considere les estudians qui gagnent  
 leur vie aux Vniuersitez à escrire &  
 copiers papiers en bonne lettre, &  
 l'on trouuera qu'ils sçauent peu de  
 Grammaire, peu de Dialectique, &  
 peu de Philosophie: & s'ilss'estudiēt  
 en Médecine ou en Theologie, ils  
 n'y sont iamais profonds. Parquoy  
 le ieune homme, lequel avec la plu-  
 me sçaura fort bien peindre & tirer  
 vn cheual, & vn homme, & faire vn  
 bon trait, n'est propre à aucun gen-  
 ré, de lettres, mais doit estre mis  
 avec vn bon peintre, pour faciliter  
 son naturel par le moyen de l'art. Li-  
 re bien & facilement descouure aussi  
 vne espeece d'imagination: & si est-  
 ce chose fort notable que celuy qui  
 lit ainsi, n'a que faire de perdre le  
 tēps à l'estude des lettres, mais faire  
 seulemēt qu'il gaigne sa vie à lire des  
 procez. Il y a en celavne chose digne  
 de noter: c'est que la difference de l'i-

imagination qui rend les hommes  
 gracieux affables, & beaux parleurs,  
 est contraire à celle qui est necessai-  
 re à l'homme pour lire facilement:  
 & ainsi nul ayant ceste grace que j'ay  
 dit, peut apprendre à lire parfaite-  
 ment. Sçauoir iouïr à la prime, &  
 enuiër fauslement & vn vray vou-  
 loir & ne vouloir en son temps, &  
 par coniectures cognoistre le point  
 de son contraire, & sçauoir bien es-  
 carter, est œuvre appartenant à l'ima-  
 gination. Autant en est de iouïr au  
 cent, à la triomphe, combien qu'il sem-  
 ble qu'il y ait plus d'imagination en  
 la prime, qui demonstre non seule-  
 ment ceste difference d'esprit, mais  
 aussi descouure toutes les vertus &  
 vices de l'homme: pource qu'à tou-  
 re heures s'offrent en ce ieu occasiōs,  
 par lesquelles l'homme demonstre  
 ce qu'il feroit aussi bien en autres  
 choses plus grandes, s'il y estoit. Le  
 ieu des eschets est vne des choses  
 qui descouure le plus l'imagination:  
 & pour ceste cause, celuy qui entēd  
 fort bien ce ieu, est en danger d'estre



mal propre aux sciences qui appartiennent à l'entendement & memoire: si n'estoit qu'il eust deux ou trois puissances assemblees, comme nous l'auons desia noté. Et si vn certain Theologien scolastique, que i'ay cogneu fort sçauant, eust acquis ceste doctrine, il eust eu resolution d'vne chose. de laquelle il doutoit. Cestuy ioüoit souuent avec vn sien domestique, & perdant il luy disoit: Qu'est-ce cy? tu ne sçais ny Latin, ny Dialectique, ny Theologie (combien que tu y ayes estudié & tu m'en gagnes, nonobstant que ie sois plein de l'Escot & de S. Thomas. Est-il possible que tu ayes meilleur esprit que moy? ie pense que le diable te reuele ceieu, & ne le puis croire autrement. Tout le mystere qui estoit en cela est, que le maistre auoit grand entendement, par le moyen duquel il paruenoit aux subtilitez de l'Escot & de S. Thomas, & estoit despourueu de la difference d'imagination, par laquelle on ioüe aux eschets: mais le ieune homme auoit mauuais

entendement & memoire, & l'imagination fort grande. Les estudians pui ont leurs liures bien dressez & arrangez en leur estude (estant chacune chose en son lieu propre) ont vne certaine difference d'imagination fort contraire à l'entendement & memoire. Les hommes propres, mistes, nets, & gentils, qui vont vont chercher les poils de la cappe, & qui sont faschiez des rides & plus d'un accoustrement, sont d'un mesme esprit: ce qui procede certainement de l'imagination. Car si un homme ne scauoit faire des vers, & qu'il y fut mal propre, si d'auanture il deuient amoureux. Aristote dit qu'il se faict bon Poëte, pource que l'amour eschauffe & desseiche le cerueau, qui sont les qualitez de l'imagination. Or Iuuenal note que l'indignation en fait de mesme, qui est vne passion, en laquelle pareillemēt aussi eschauffe le cerueau.

*Si natura negat facit indignatio versum*  
C'est à dire.

*Si nature ne vent, l'indigné fait des vers*

Les beaux parleurs, plaisans, & qui  
 ſçauent donner vn bon traiect, ont  
 auffi vne certaine difference d'ima-  
 gination fort contraire à l'entende-  
 ment & memoire. Et pour ceste cau-  
 ſe, ils ne ſont iamais bons Gramme-  
 riens, Dialecticiens, Theologiens,  
 Scolastiques, Medecins, ny Legiſtes.  
 Ceux qui ſont ſubtils, fins, & rusez en  
 tout ce qu'ils entreprennēt : prompts  
 à parler & reſpondre à propos, ſont  
 propres pour ſeruir au palais pour  
 ſolliciter & manier les affaires des  
 Marchands, & meſme pour acheter  
 & vendre : mais ils ne ſont pas bons  
 aux lettres. Or en cecy le vulgaire ſe  
 trompe bien grandement de penſer  
 que ceux qui ſont ainſi adroits & ſub-  
 tils à toutes choſes, ſeroient propres  
 à l'eſtude des lettres ſ'ils y eſtoient mis :  
 car, de fait, il n'y a aucun eſprit qui  
 ſoit plus contraire & repugnant aux  
 ſciences, que ceux-là. Les ieunes  
 hommes qui tardent beaucoup  
 à parler ont en la langue & au  
 cerueau beaucoup d'humidité :  
 & quand elle eſt conſommee

par laps de temps, ils deuiennent fort eloquens & grands parleurs, à cause de la grande memoire qu'ils ont, depuis que ceste humidité se vient à moderer. Ce que nous sçauôs estre autresfois aduenue à ce grád Orateur Demosthene, duquel nous auôs dit que Ciceron s'estoit esmerueillé, sçachant que de sa ieunesse Il auoit esté fort rude à parler, & qu'à ceste heure là il estoit deuenue si esloquent. Les ieunes hommes aussi qui ont bonne voix, & qui fredonnent de leur gorge, sôt fort ineptes, & mal propre à toutes les sciens ces, pour ce qu'ils sont froids & humides: lesquelles deux qualitez iointes ensemble, font perdre la partie raisonnable. Les estudiâs qui recitēt leur leçon, ny plus ny moins que le maistre la leur a faite, demōstrent biē qu'ils ont bonne memoire: mais l'entēdement le doit biē payer, lequel ils n'ôt pas bon. Aucuns problemes & doutes se presentent en ceste doctrine. La responce ausquels, pourra parauenture mieux seruir, pour entēdre

estre veritable, ce que nous auõs dit.  
 Pour le premier, on peut demander  
 d'où vient que les bons Latins sont  
 plus arrogans & presomptueux en  
 leur sçauoir, que ne sont les hommes  
 fors doctes au genre des lettres qui  
 appartiennent à l'entendement : de  
 manière que pour entédre que c'est  
 du Grammerien, on peut dire en ce-  
 ste manière, *Grammaticus ipsa arrogan-*  
*tia est*, Le Grâmerien n'est autre cho-  
 se que la mesme arrogance. Pour le  
 second, d'où vient que la langue La-  
 tine est tant cõtraire à l'esprit des Es-  
 pagnols, & tant propre & naturelle  
 aux François, Italiens, Allemãs, An-  
 glois, & à tous les autres qui habi-  
 tent vers le Septétrion : comme l'on  
 voit par les œuures : car voyans vn  
 liure couché en bon Latin, nous co-  
 gnoissons incontinent que l'autheur  
 d'iceluy est estranger, & si nous  
 en voyons vn autre en langage bar-  
 bare & manual Latin, nous cognois-  
 sons qu'il a esté faict par vn Espa-  
 gnol. Pour le ttoisiésme, comme  
 les choses qui se disent & escriuent

*L'espr  
 des E  
 pagno  
 repu-  
 gnant  
 la lan  
 gue L  
 tine.*

disent & escriuent en langue Latine, souuent mieux sont plus agreables, & ont plus d'elegance, qu'en quel que gance, qu'en quelque autre langue, tant bonne soit-elle : ayant dit autrefois que toutes les langues dependēt de la volonte & plaisir de ceux qui les ont inuentees, sans aucun fondement naturel. Pour le quatriesme, comment se peut faire, qu'estans toutes les sciences qui appartiennent à l'entendement, escrites en Latin, ceux qui sont despourueus de memoire les peuuent lire & estudier dedans les liures, veu que par ceste raison, la langue Latine leur est repugnante. On peut respondre au premier, que pour cognoistre si vn homme est despourueu d'entendement, ne se trouue plus certain signe, que de le voir hautain, presomptueux, enflé, ambitieux, poignāt, & plein de ceremonie. La raison de cela est, que tout cela est œuvre d'une difference humaine d'imagination, qui ne demande pas pl<sup>us</sup> d'un degré de chaleur avec lequel cōpatit aisēmēt vne bien grande

humidité, qui demande la memoire, pour n'auoir la vertu & force de la résoudre. Au contraire, l'homme qui est naturellement humble, qui ne fait cas de soy, ny de ses besongnes, qui ne se vante ny ne se loüe, mais se fâche des loüanges que les autres luy donnent, & qui est ennemy des lieux & ceremonies honorables, demonstre certainement, & par vn indice infail-  
 lible, qu'il est pourueu d'vn entendement merueilleux; & qu'il a peu d'imagination & memoire. I'ay dit naturellement humble; car s'il l'est avec artifice, ce signe là n'est pas certain, c'est pourquoy l'on voit que comme ainsi soit que les Grammairiens sont de grande memoire, & assemblent l'imagination avec ceste difference, & par consequent ils sont depourueus d'entendement, & tels que dit le prouerbe. Que le Grammairien n'est autre chose qu'une pure arrogance. Quand au second, on peut respondre, que Galien recherchant l'esprit des hommes par le temperament de la région en laquelle

On-  
ne qui  
s'hum  
lie ma  
cieuse  
ment  
duque  
l'inté-  
rieur  
plein  
tromp  
rie.  
Ecclesi  
chap.

*Raisonne que les hommes de l'esprit, ch. 9* ils habitent, dit que ceux qui demeurent au dessous de Septentrion, ont tous faute d'entendement: & ceux qui sont situez entre le Septentrion & la Zone torride ou bruslante sont fort prudens & aduisez: laquelle situation respond iustement en nostre pays d'Espagne, qui n'est pas si froid que le Nort, ny si chaud que la Zone torride du milieu, Aristote est de ceste opinion, quand il demande pourquoy ceux qui habitent en pays fort froids, n'ont pas tant bon entendemēt que ceux qui naissent en regions plus chaudes. En la response il traite fort mal les Flamens, Allemans, Anglois, & ceux de ces regions là disent que leur esprit ressemble à celuy des yuſſes: à raison dequoy ils ne peuuent ſçauoir la nature des choses. Dequoy est cause la grande humidité qu'ils ont au cerueau, & es autres parties du corps: ce que demonstre la blancheur du visage, & la couleur iau-ne des cheueux: car c'est merueille, quand on voit vn Allemand chauue;



ils sont tous grands , à cause de la grande humidité qui est en eux, qui leur fait dilater les membres. Ce qui se trouue tout au contraire aux Espagnols, qui sont vn peu basannez avec le poil noir, de moyenne stature, & la pluspart chauues: qui est vne disposition que Galien dit venir du cerueau qui est chaud & sec. Ce qu'estant vray, il est force qu'ils ayent mauuaise memoire & grand entendement: au contraire des Alle-  
 mans, qui ont grande memoire, & peu d'entendement. Au moyen dequoy les vns ne peuuent sçauoir Latin, & les autres l'apprennent facilement. La raison que donne Aristote, pour prouuer le peu d'entendement de ceux qui habitent au dessous du Septentrion, est, Que la grande froideur de la region, reu-  
 que & fait retirer la chaleur naturelle au dedans, & ne la permet s'espandre: au moyen dequoy ceux-là ont vne grande humidité & chaleur, qui fait qu'ils sont pourueus d'une grande memoire, pour les langues, &

*An li. d.  
 l'artme  
 dec. ch  
 14. &  
 15.*

d'une bonne imagination, pour faire horloges, trouuer les moyens d'aller sous l'eau, forger machines & œures de grand esprit, que les Espagnols ne peuuent faire, pour estre priuez d'imagination. Mais s'ils sont mis sur les poincts de Dialectique, Philosophie, Theologie scolastique, Medecine & Loix, vn Espagnol dira

*Au lieu*  
*Que les*  
*meurs*  
*de l'es*  
*prit.*  
*cha. 10.*

sans comparaison, de plus grandes choses. en ses termes barbares, que ne feras pas vn est ranger en sō beau-

Latin, lesquels hors mis l'elegance & netteré du parler, ne dit chose qui soit excellente. Galien dit pour approbation de ceste doctrine, *In Scy- tis, vnus vir factus est philosophus Athenis autem multis tales.* C'est à dire, En Scythie, province Septentrionale, par merueille est fortý vn homme Philosophe, & en Athenes tous naissent tels. Mais combien que ces Septentrionaux ne soient nez en la Philosophie, ny aux autres sciences que nous auons dit, les Mathematiques & l'Astrologie leur sont conuenable pour ce qu'ils ont bono

imagination. La respõce au troisieme  
 problemesme depend d'une questiõ fort  
 celebre qui est entre Platon & Ari- *In Crat.*  
 stote. L'un dit se trouuer noms pro-  
 pres: qui naturellement signifient les  
 choses, & qu'il faut vn grand esprit  
 pour les trouuer: qui est vne opinion  
 que la sainte Escripture fauorise: di-  
 sant, qu'Adam imposoit nom propre  
 & conuenable à toutes les choses que  
 Dieu auoit mis deuant luy. Mais Ari-  
 stote ne veut pas accorder qu'il y ait  
 en aucune langue, nom ny maniere de  
 parler, qui signifie naturellement la  
 chose: pource que tous les termes &  
 noms sont inuentez à l'appetit & vo-  
 lonté des homes. Et ainsi voit-on par  
 experience, que le vin à plus de soi-  
 xante noms, & le pain autant (vn en *Aul. 2.  
de l'in-  
terpre.  
chap. 2.*  
 chacune langue) & ainsi ne peut-on  
 dire lequel est le propre naturel, &  
 cõuenable, pource que tous les noms  
 du monde en vseroyent. Et ce neant-  
 moins l'opiniõ de Platon, est la pl<sup>re</sup> veri-  
 table: car posé le cas que les premiers  
 inuenteurs des vocables & termes,  
 les ayent forgez à leur plaisir, ils ont

eu neantmoins, vne volonté bien raisonnable, communiquée à l'ouye, à la nature de la chose & la grace de la prononciation, ne faisans les mots courts ny longs, autrement n'eust esté nécessaire monstrier vne laideur de la bouche, au temps de la prononciation, en mettant l'accent au lieu conuenable, & gardant autres conditions que doit auoir la lāgue, pour estre elegante & non barbare. De ceste opinion de Platon fut vn Cheualier Espagnol, qui prenoit tout son plaisir à ecrire liure de Cheualiers, pource qu'il estoit pourueu d'une certaine maniere d'imagination, qui conuie & appelle l'homme à fictiōs & mensonges. On dit de cestuy-là qu'introduisant en ses œuures vn geant furieux, il demeura long-tēps à imaginer vn nom, qui fust du tout correspondant à son audace: & iamaïs ne le peut trouuer, iusqu'à ce que iouant vn iour, aux cartes, en la maison d'un sien amy, il ouyt dire au maistre de la maison ces mots,

*© la mochacho traquitanos à esta mesa.*

C'est à dire. O garçon apporte icy desiettons ou marques pour mettre en jeu. Incontinent il trouua ce mot, *Tranquitos* de bonne grace, & le sentit bien sonner à ses oreilles : & sans regarder dauantage, il se leua, disant : Messieurs ie ne iouie plus, car il y a long-temps que ie cherche vn nom conuenable à vn geant furieux, que i'introduy en certaines fictions que ie compose : ie ne l'ay peu encores trouuer iusques à ceste heure, que ie suis venu en ceste maison, où ie reçois tousiours quelque plaisir & faueur. Les premiers inuenteurs de la langue Latine, auoient la curiosité de ce Cheualier, & par ce moyen ont trouué vn langage bien sonnant aux oreilles. Parquoy aussi ne se faut pas esbahir si les choses qui se disent & escriuent en Latin sonnent tant bien, & aux autres langues, si mal : pource que les premiers inuenteurs d'icelles onissent barbares. I'ay esté contrainct pas-  
 tre le dernier, pour satisfaire à plusieurs, qui s'y sont trompez, veu

sont trompez, veu que la solution en est fort aisée: car ceux-là qui ont grand entendement, ne sont pas du tout priez de memoire: pource que n'en ayant point du tout, l'entendement ne pourroit iamais discourir ny raisonner, d'autant que ceste puissance est celle, qui a la matiere & les fantasies, sur lesquelles se fondent les considerations. Mais pource qu'elle est remise ou lasche de trois degrez de perfection qui se peuvent acquerir en la langue Latine, qui sont, l'entendre, l'escrire & le bien parler, elle ne peut passer la premiere, si ce n'est mal & grossierement.

*Comme il est prouué que l'Eloquence & netteté de parler, ne peut estre aux hommes de grand entendement.*

m.

que i

maison

au

## CHAP. IX.

**L**E vulgaire pense & se persuade, *Ciceron dit que l'honneur de l'homme est d'avoir l'esprit propre à l'éloquence.*  
 que l'homme est fort sage & prudent, quand il l'entend parler avec  
 vne grande eloquence, & ornement, de langage; avec vne quantité de vo-  
 cables elegans & gracieux, vsant de plusieurs exemples accommodez à  
 propos; en la matiere qu'il traite: ce qui vient d'une conionction qui se  
 fait de la memoire avec l'imaginatio au degré de chaleur: laquelle ne  
 peut pas resoudre l'humidité du cer-  
 veau, & sert à enlever les figures & les faire soudre: au moyen dequoy  
 se descouurent plusieurs conceptions & choses à dire. Il est impossible que  
 l'entendement se trouue en ceste as-  
 semblee, pource que nous auons des-  
 ia dit & prouué vne autrefois, que ceste  
 puissance abominent grandement la  
 chaleur, & que l'humidité ne la peut  
 souffrir. Que si les Atheniens eussent  
 eu ceste doctrine, ils ne se fussent pas  
 tant esmerueillez de voir vn homme  
 si sage, que Socrate, qui ne scauoit

*Platon  
le conte  
au Dia-  
logue de  
la scien-  
ce, & au  
bâquer.*

parler, de maniere que ceux qui en-  
tendoient parler de sa grande sages-  
se, disoient que ces paroles & sen-  
tences ressembloient à certaines cais-  
ses de matiere rude & mal polie par  
dehors, qui auoient au dedans be-  
songnes riches & peintures dignes  
d'admiration. En la mesme igno-  
rance ont esté ceux lesquels voulans  
donner raison de l'obscurité & mau-  
uais stile d'Aristote, dirent que ex-  
pressément, afin que ses œuvres eus-  
sent plus grande autorité, il a escrit  
sans ornement de langage, & belles  
phases de parler. Et si nous conside-  
rons pareillement comme Platon y  
procède, le rude stile d'iceluy & la  
briefueté de laquelle il escrit l'ob-  
scurité de ces raisons, la mauuaise  
collocation des parties de l'oraison,  
nous trouuerons que la cause n'en  
est autre. Si nous lisons les œuvres  
d'Hippocrate, voyons nous pas  
comme il procède aux noms & ver-  
bes? comme il colloque mal ses dits  
& sentences: la mauuaise liaison  
de ses raisons, le peu de chose qu'il

*Ciceron  
louant  
l'elo-  
quence  
de Pla-  
ton dit,  
que si  
Iupiter  
eust vou-  
lu parler  
en Grec,  
il eust  
parlé co-  
me Pla-  
ton.*

De



a à dire, pour emplir ceux qui De cla-  
sont vuides de doctrine? que diray-<sup>vis ora-</sup>  
ie plus? sinon que voulant raconter <sup>tor.</sup>

à Damagere son amy, comme Artaxerxe Roy des Perles l'auoit mandé, avec promesse de luy donner tout l'or & l'argent qu'il voudroit, & de le tenir entre les plus grands de son Royaume (ayât sur ce plusieurs demandes & responses) il dit ainsi, *Persarum Rex attersiuit, ignarus quòd apud me maior est sapientia ratio quàm auri. Vale.* C'est à dire: Le Roy des Perles m'a mandé, ne sçachant que i'estime plus la sagesse que l'or. Si ceste matiere fust tombee entre les mains d'un Erasme, ou de quelque autre de bonne imagination & memoire comme luy, il en eust emply plus d'une main de papier d'escriture pour la dilater. Mais qui eust osé amener exemple de ceste doctrine par l'esprit naturel de saint Paul, & affirmer qu'il estoit homme de grand entendement & de peu de memoire, & qu'il ne pouuoit par ses forces, sçauoir les langues, ny

## 838. L'Examen des Esprits.

le parler avec ornement & elegance,  
s'il n'eust dit ainsi: *Nihil me minus fe-*

2, Cor. *cisse a magnis Apostolis existimo: nam*  
chap. 11 *imperitus sum sermone sed non scientia.*

C'est à dire, Je confesse que ie ne sçay  
parler, toutesfois en sçauoir & sciēce  
personne des Apostres ne me surpas-  
se. Ceste difference & maniere d'e-  
sprit estoit fort propre à la publica-  
tion del'Euangile, & n'eust esté pos-  
sible en choisir vne meilleure: car en  
ceste charge n'estoit pas conuenable  
d'estre eloquent, ny se seruir d'un or-  
nement de langage, attendu que la  
force des orateurs de ce temps là se  
descouuroit à faire entendre au peu-  
ple les choses fausses pour vrayes, &  
persuader par les preceptes de leur  
art, le contraire de ce qu'il receuoit  
pour bon & profitable. Qu'ils souf-  
tenoyent mesmes qu'il valloit mieux  
estre pauvre que riche: malade, que  
sain: ignorant, que sçauant: & autres  
choses qui estoient manifestement  
contre l'opinion du vulgaire: & pour  
ceste cause les Hedrieux les appel-  
loyent, *Genanin*, qui signifie trom-

peurs. Caton le vieil fust de ce  
 mesme aduis, & trouua qu'il estoit  
 dangereux de tenir telle maniere  
 de gens à Rome: veu que les forces  
 de l'empire Romain estoient fon-  
 dées sur les armes: & que ceux-cy  
 commençoient desia à persuader  
 qu'il estoit bon que la ieunesse  
 Romaine les laissast, pour s'addon-  
 ner à ce genre de science: & ainsi  
 en brief, ils les fit chasser de Ro-  
 me, de maniere que la demeure  
 en icelle leur fut defendue. Da-  
 uantage si Dieu eust trouué vn  
 Prescheur eloquent, qui fust entré  
 en Athenes où dedans Rome, pour  
 certifier que les Iuifs ont crucifié  
 Dieu, & qu'il estoit mort de sa  
 propre & agreable volonté, pour  
 racheter les pecheurs, qu'il est  
 ressusité le troisieme iour &  
 qu'il est monté au Ciel où il est  
 maintenant: qu'eussent pensé les  
 auditeurs de ce theme, sinon quel-  
 que folie & vanité telle que les  
 Orateurs ont coustume de mettre

en auant la force de leur art? Et pour ceste cause saint Paul a dit, *Non enim misit me Christus baptizare sed euangelizare, non in sapientia uerbi, ut non euacuatur crux Christi.* C'est à dire, Iesus-Christ ne m'a pas enuoyé pour baptiser, mais pour prescher, non par l'art oratoire, afin que le peuple ne pensast que la croix de Christ fust quelquevanité, de celles que les Orateurs ont coustume de persuader. L'esprit de saint Paul estoit propre à ce mystere: car il auoit grand entendement pour soutenir & prouuer aux Synagogues & Gentils que Iesus-Christ estoit le Messie promis en la loy: & qu'il n'é falloit attendre vn autre: ce neantmoins il estoit de peu de memoire, à raison dequoy il ne pouuoit parler avec ornement de paroles douces & mielles; aussi la publication de l'E-uangile auoit besoing d'un tel ministre. Je ne veux pas dire, pourtant que saint Paul n'eust le don des langues; car il parloit en toutes aussi bié que la sienne: i'entens aussi peu, que pour

Pour deffendre le nom de Christ, les forces de son grand entendemēt fussent suffisantes sans la grace particulière que Dieu luy auoit faite: ie veux dire seulement que les dons supernaturels œurent & produisissent meilleurs effects en vne bonne nature, qu'en vn homme de soy-mesme tardif & ignorant. A quoy faire ce que dit saint Hierosme en son Proësmes sur Isaye & Hieremie, quand il demande pourquoy n'y ayant qu'un saint Esprit qui a parlé par la bouche de Hieremie & d'Esaye, l'un propose les choses qu'il escrit avec vne grande elegancede, & Hieremie à peine peut parler. Il respond à ce doute, que le S. Esprit s'accommode à la maniere naturelle de proceder de chacun Prophete, sans changer leur naturel, & leur enseigner le langage par lequel ils doiuent publier la Prophetie. Et partant il faut scauoir qu'Esaye estoit vn Cheualier illustre, nourry en la Cour & cité de Hierusalem, & pour ceste cause parloit avec elegand-

ce & ornemēt. Mais Hir emi e estoit  
né, & auoit esté nourry en vn village  
de Hierusalem, qui s'appelloit A-  
nathothites, au moyen dequoy il fut  
rude & grossier en sa maniere de  
procéder, & parler: & neantmoins  
le saint Esprit c'est bien voulu seruir  
de son stile en la Prophetie qu'il luy  
a communiquee. L'on en peut dire  
autant des Espistres de saint Paul,  
auquel le saint Esprit assistoit en les  
escriuant, afin qu'il ne peust errer: ce  
neantmoins saint Paul parloit son  
naturel langage, propre & accom-  
dé à la doctrine qu'il escriuoit, pour-  
ce que la verité de la Theologie sco-  
lastique abhorre l'abondance de pa-  
roles. A la Theologie positive se ioint  
fort bien l'industrie des langues, &  
l'ornement du langage, pource que  
cette faculté appartient à la memo-  
re, & n'est autre chose qu'un amas de  
dits & sentences Catholiques, prin-  
ses des saints Docteurs, & del'Escri-  
ture sainte, & gardees en ueste puis-  
sance. Comme fait vn grammarien,  
des fleurs des Poëtes, Virgile, Ho-

*Biē que  
l'Epi-  
stre aux  
Heb.  
oit de  
S. Paul  
plusieurs  
me vou-  
u dire à  
cause du  
stile dis-  
pers  
qu'il ne  
l'auoit  
faite: ce  
que l'E-  
glise tiēt  
pour he-  
retique.*

race, Terence, & de tous les autres auteurs Latins qu'il dit: leque cognoissant l'occasion de les alleguer, met en auant quelque chose de Ciceron ou de Quintilian, au moyen dequoy il montre aux auditeurs son sçauoir & crudition. Ceux-là qui ont ensemble l'imaginaion avec la memoire, & qui trauaillent à recueillir le grain de tout ce qui a esté dit & elcrit en leur faculté le sçauent bien mettre en auant, quand l'occasion se presente avec vn grand ornement de paroles, & gracieuses manieres de parler, desquels l'industrie en toutes sciences, est si grande, qu'il semble à ceux qui ignorent ceste doctrine, qu'ils sont fort profonde & hauts: mais aussi quand ils viennent à fonder les fondemens de ce qu'ils disent & affirment, ils decouurent leur imperfection. Ce qui vient de ce que l'entendement (auquel appartient sçauoir la verité des choses dès leur racine) ne se peut ioindre à l'ornement du langzge

244 L'examen des Esprits.

& abondance de paroles. De ceux-là l'Escripture sainte parle en ceste maniere, *Vbi verba sint plurima, tibi frequenter egestas*, comme voulant dire, L'homme ayant beaucoup de paroles est volontiers despourueu d'entendement & de prudence. Ceux qui sont pourueus de l'imagination & de la memoire, entrent de grand courage à l'interpretation de la sainte Escripture, leur semblant aduis que pour sçauoir beaucoup d'Hebreu, beaucoup de Grec, & Latin, ils ont le chemin ouuert pour tirer le vray sens de la lettre, Et de fait, ils se perdent : premierement pource que les vocables de la sainte Escripture & les manieres de parler d'icelle ont plusieurs autres significations que celles que sçauoit Ciceron: & puis pource que telles gens ont faute d'entendement (qui est la puissance qui verifie si vn esprit est Catholique ou depraué) elle peut eslire, par le grace supernaturelle, de deux ou trois cens de lettre, celuy qui est le plus veritable & Catholique. Pla-



on dit que les tromperies & decep-  
 tions n'aduiennent iamais és cho-  
 ses dissemblables & fort differentes,  
 sinon lors que plusieurs se presen-  
 tent qui ont grande similitude en-  
 tre elles : car si nous mettons deuant  
 vn clair-voyant vn peu de sel , du  
 sucre, de farine, & de chaux viue, le  
 tout bien broyé & moulu à part, que  
 feroit vn homme priué du goust, si  
 avec les yeux il pensoit remarquer  
 & cognoistre chacune de ces choses?  
 disant, C'est là du sel, c'est là du suc-  
 cre, voila de la farine , voila de la  
 chaux: iene fais pas doute qu'il ne se  
 trompast, pour la grande similitude  
 que toutes ces choses ont ensem-  
 ble. Mais s'il voyoit vn morceau de  
 bled, vn autre d'augine, vn autre de  
 paille, & vn autre de pierre, il est  
 certain qu'il ne se tromperoit ia-  
 mais à remarquer chacune chose,  
 encor qu'il ne yist gueres, pource  
 que chacune de ces choses est de tât  
 diuerse maniere & figure. Nous  
 voyons tous les iours la mesme cho-  
 se aduenir au sens que les Theolo-

logiens donnent à la sainte Escriture: car de prime face, tout sens a apparence d'interpretation. Catholique, qui conuient bien à la lettre, combien qu'il ne soit tel, & le saint Esprit n'ait voulu dire ny entendre telle chose. Pour eslire de tel sens le meilleur & reprouuer le mauuais. il est certain que le Theologien ne se sert pas de la memoire, ny de l'imagination, mais de l'entendement seul. Parquoy ie dis que le Theologien positif se doit conseiller au scolastique, pour le requerir de luy donner de ces sens & interpretations, celle qu'il trouuera la meilleure, s'il ne veut tomber en l'inquisition. C'est pourquoy les heresies ont en telle horreur la Theologie scolastique, & taschent de l'oster & extirper du monde, pource qu'en distinguant, inferant, raisonnant & iugeant se vient à sçauoir la verité, & descouurir le mensonge.

Comme se prouue que la Theorique de la Theologie appartient à l'entendement, & la predication (qui en est la pratique) à l'imagination.

CHAP. X.

C'Est vne question fort commune, non seulement entre les hommes sçauans, mais aussi entre les vulgaires, de demander pourquoy vn Theologien estant grand scolastique, subtil facile à respondre, & d'une doctrine admirable à escrire & lire, ne peut prescher quand il est monté en chaire; & au contraire celuy qui est excellent Predicateur, eloquent, & agreable au peuple, ne sçait pas beaucoup de Theologie scolastique: & pour ceste cause n'est ce pas bien conclu. Vn tel est grand Theologien scolastique, il sera donc bon Predicateur. Et au contraire, ne peut-on accorder cecy: Vn tel est grand Predicateur, il s'ensuit qu'il sçait beau-

coup de Theologie scolastique: car pour deffaire l'vne & l'autre consequence, s'offriroient à chacun plus d'instance qu'il n'y a de cheueux en la teste, Personne iusques à ceste heure n'a peu respondre à ceste demande, autre chose que l'ordinaire, qui est d'attribuer le tout à Dieu, & à la distribution de ses graces. Je trouue bon que l'on n'en sçache plus particulièrement la cause: ce neantmoins nous auons aucunement respondu à ce doute, au chapitre passé, mais non pas tant en particulier qu'il est conuenable. Iay dit que la Theologie scolastique appartient à l'entendement: maintenant ie dy, & veux prouuer que la predication (qui est la pratique) est œuvre de l'imagination: Et comme il est difficile d'assembler en vn mesme cerueau & grand entendement, & imagination, aussi ne se peut faire qu'un homme soit grand Theologien scolastique, & fameux predicateur. Que la Theologie scolastique soit œuvre de l'entendement, nous l'a-

nous demonſtré ailleurs prouant  
 comme elle eſt contraire & repu-  
 gnante à la langue Latine: & pour-  
 tant n'eſt beſoin vſer en ceſt endroit  
 de redire. Ie veux ſeulement donner  
 à entendre que la grace des bons  
 predicateurs, le moyen qu'ils ont  
 d'attirer à eux le peuple, deſpend du  
 tout de l'imagination, & en partie de  
 la bonne memoire, qui beſongne en  
 cela. Et afin que ie le puiſſe mieux  
 expliquer, & que ie face toucher ce-  
 cy au doigt, il faut ſuppoſer premie-  
 rement que l'homme eſt animal rai-  
 ſonnable, politique, & amateur de  
 ſocieté: & afin que la nature d'ice-  
 luy ſe fiſt dreſſaſt mieux avec l'art,  
 les Philoſophes anciens ont inuenté  
 la Dialectique, pour luy monſtrer  
 comme il deuoit diſcourir, par  
 quelles reigles & preceptes: comme  
 il deuoit deſiner les natures des cho-  
 ſes, diſtinguer, diuerſer, inferer, diſ-  
 courir, iuger & eſlire: deſquelles  
 œuvres il eſt impoſſible qu'aucun ſe  
 puiſſe paſſer: & afin de pouuoir  
 eſtre ſociable & politique il eſtoit

*La ſoci-  
 ce hu-  
 maine  
 conſiſte  
 en deui-  
 au lan-  
 gage or-  
 né, &  
 en la di-  
 ſtinction  
 des ch-  
 ſes.*

nécessaire qu'il sceust parler, & donner à entendre aux autres hommes les choses qu'il conceuoit en son esprit.

*Paul en la 2. aux Col. c. 1.* Et afin qu'il ne les expliquast sans ordre ny raison, ils ont trouué vn autre art, qu'ils appellent Rhetorique laquelle par ces preceptes, luy embellit sa parole par le moyen des beaux termes & elegantes manieres de parler, par affections & couleurs gracieuses. Mais ny plus ny moins que la Dialoctique n'enseigne pas l'homme à discourir & philosopher en vne seule science, ains en toutes, sans distinction. La Rhetorique aussi enseigne à parler en la Theologie, en la Medecine, en la science des loix, en l'art militaire, & en toutes les autres sciences, & conuersations traitees par les hommes: de maniere que si nous voulons feindre vn parfait Dialecticien ou Orateur, il n'est possible de le considerer sans qu'il sçache toutes les sciences, pource qu'elles sont toutes de leur iurisdiction, & qu'ils peuvent en chacune d'icelles

sans aucune distinction, pratiquer leur règles & preceptes. Non, comme la Medecine, de laquelle matiere est limitee: comme la Philosophie naturelle, morale, Metaphisique, Astrologie, & les autres: & pour ceste cause Ciceron dit, *Oratorem ubicumque constiterit, consistere in suo*. Et en vn autre endroit, *In oratore perfecto in est omni Philosophorum scientia* Et pour ceste cause le mesme Ciceron a dit, qu'il n'y a ouurier plus difficile à trouuer qu'un parfait Orateur: ce qu'il eust dit avec plus de raison, s'il eust sceu la repugnance qu'il y à d'assembler toutes les sciences, en vn particulier. Les Iurisconsultes estoient anciennement en grand prix par le nom & office d'Orateur, pour ce que la perfection de l'auocacerie, requiert la cognoissance de tous les arts du monde, à cause que les loix iugent vn chacun. Et pour scauoir le droit, & la deffence que chacun art s'attribue, il estoit besoin auoir vne particuliere cognoissance de tous: au moyen dequoy Ci-

Aulin  
du pa  
fait O  
sur.

ceron a dit, *Nemo est in oratorum numero habendus, qui non sit omnibus artibus perpolitus*, Mais voyât qu'il estoit impossible d'apprendre toutes les sciences, à cause de la briueeté de la vie, & mesme pource que l'esprit de l'homme est limité, ils ont laissé cela, & au besoin se sont contentez, d'adiouster foy aux maistres de l'art qu'ils entreprenēt deffendre. Apres ceste maniere de deffendre les causes, est venue incontinent la doctrine Euangelique, laquelle se pouuoit persuader par art oratoire mieux que tant de sciences qu'il y a au monde, pour estre la plus certaine & veritable: mais Christ nostre Redempteur enuoya sainct Paul pour n'estre annoncee par art oratoire, qu'il dit en *la sapience du mot*, afin que le peuple ne pensast point que ce fust mensonge fardé, semblable à ceux que les Orateurs ont accoustumé de mettre en auant & persuader, par la force de leur art. Mais étant desia la foy receüe, depuis tant d'annees, il est maintenant bien permis de



prescher par lieux communs, & se servir du bien dire, pource que nous ne craignons maintenant le danger & l'inconuenient qui pouuoit aduenir du temps de saint Paul: ains voyons nous que le Predicateur eloquent profite beaucoup plus d'auditeurs, que celuy qui se sert des couleurs de Rhétorique, & qui n'a les conditions d'un parfait Orateur. La raison en est toute manifeste: car si les anciens Orateurs faisoient entendre au peuple, les choses fausses pour vraies (s'aidans en cela de leur art) l'assemblée des Chrestiens se gagnera mieux, si on luy persuade, par ce mesme artifice ce qu'elle entend & croit desia: attendu que la sainte Escriture est, en certaine maniere, toute chose, pour la vraye interpretation, de laquelle toutes sciences sont necessaires, suiuant ce dit tant celebre, *Misit ancillas suas vocare ad arcem*. Il n'est pas besoin d'en charger cela aux Predicateurs de nostre temps, ny de les aduertir de ce faire: car (outre le profit qu'ils

pretendent faire par le moyen de leur doctrine ( leur principal estude est de trouuer vn bon subiet, auquel ils puissent appliquer à propos, plusieurs gentilles sentences tirees de la sainte Escriture, des saincts Docteurs, des Poëtes, Historiens, Medecins & Legistes, sans obmettre aucune science, & parlent avec elegance & quantité de paroles : au moyen dequoy ils dilatent & estendent leur suiet, par l'espace d'vne heure ou de deux, s'il est besoin. Ciceron mesme dit que c'estoit là proprement la profession du parfait Orateur en son temps. *Vis oratoris professio que ipsa bene dicendi, hoc suscipere ac politeri videtur, ut omni de re quacunque sit proposita ab eo, ornate copiose que dicatur.* C'est à dire, la force de l'Orateur, & la profession mesme de bien dire semble entreprendre & promettre de traiter & parler avec ornement & elegance de toute chose que l'on puisse proposer. Or si nous pouuons maintenant que les graces & conditions que doit auoir le parfait Orateur,

au lieu  
de l'Orateur.

appartiennent toutes à l'imagina-  
tion & à la memoire, nous ſçauons  
que le Theologien, qui les aura,  
fera grand Predicateur: mais ſi on  
le met en la doctrine de Saint Tho-  
mas & de l'Eſcot: il n'y entendra  
gueres de choſe, pour eſtre vne ſciē-  
ce qui appartient à l'entendement:  
en laquelle puissance, il eſt force,  
qu'il ſoit beaucoup remis, c'eſt à dire  
laſche & tardif. Nous auons deſia  
dit ailleurs quelles choſes appar-  
tiennent à l'imagination, & com-  
ment on les doit cognoiſtre: & main-  
tenant nous le retournons dire, pour  
en rafraîſchir la memoire. Tout ce  
qui eſt dit bonne figure, bon pro-  
pos & ſuiet, qui eſt bien compris  
& deduit, dépend des graces de l'i-  
magination, cōme les facecies, loūan-  
ges, broquards, figures & comparai-  
ſons. Pour la premiere choſe que  
doit faire le parfait Orateur (qui ſçait  
deſia ce qu'il doit deduire) il doit cher-  
cher argumens & ſentences ac-  
commodees, pour dilater & prouuer  
ſon fait, non avec toutes ſortes de pa-

étaient à  
l'imagi-  
nation.

roles, mais seulement avec celles qui sonnent bien aux oreilles, & pour ceste cause Ciceron a dit, *Oratorem eum esse puto, qui & verbis ad audiendum iucundis & sententiis accommodatis ad probandum uti possit*: C'est à dire, l'estime celuy Orateur, qui se peut servir de ioyeuses paroles, pour delecter, & de sentences propres & accommodees à prouver. Il est certain que cela appartient à l'imagination, puis qu'il y a consonance de paroles gracieuses, & bonne proposition aux sentences. Secondement le parfaict Orateur, ne doit avoir faute de beaucoup de lecture & d'invention: car s'il faut qu'il dilate & prouve quelque theme qui se presentera à luy, par plusieurs dits & sentences tirées à propos, il a donc besoin d'estre pourueu d'une grande imagination, qui sont comme le chien veneur qui cherche & luy met en la main sa proye & pourchas: & quand il ne sçaura plus que dire qu'il face vne fin, comme s'il auoit assez parlé. Pour ceste cause nous auons

dit vne autrefois que la chaleur estoit l'instrument par lequel l'imagination exerce son office, pour ce que ceste qualité esleue les figures, & les fait bouillir: & pourtant se decouure tout ce que l'on peut voir en icelles: & s'il n'y a rien plus à considerer, l'imagination est contraire, non seulement de composer vne figure qui s'accommode avec les autres, mais aussi de ioindre celles qui sont estranges & impossibles selon l'ordre de nature, de manieres que d'icelles il vient à faire des montagnes d'or & des bœufs qui volent. Au lieu de la propre inuention, les Orateurs se peuuent seruir de la grâde lecture, quand l'imagination defaut: mais ce que les liures enseignēt est defini & limité: & la propre inuention est comme la bonne source & fontaine qui iette tousiours l'eau fraische. Pour retenir ce que l'on a leu, il est besoin d'auoir grande memoire: & de reciter fort aisément deuant vne assemblée, & ne se peut faire, sans la mesme puissance: &

## 258 L'Examen des Esprits.

pour ceste cause Ciceron a dit: *Is Orator erit, mea quidem sententia, hic tam graui dignus nomine, qui quacunq; res inciderit, qua si distine explicanda prudenter, copiose, ornate & memoriter dicat.* C'est à dire, l'Orateur à mon aduis, sera digne d'un si graue nom, qui pourra deduire tout ce qui se presentera prudemment qui est de s'accommoder aux auditeurs, au lieu, au temps & occasion) elegamment, & par cœur. Or nous auons desia dit & prouué autre part, que la prudence appartient à l'imagination: l'elegance & quantité de vocables & sentences à la memoire: & l'ornement & approbation encores à la puissance imaginative: & de reciter tant de choses sans reprendre, & faire pause, il est tout certain que cela se fait par le moyen de la bonne memoire. Et à propos de ce que Ciceron a dit, que le bon Orateur il doit parler par cœur & non pas par elcrit, il fut sçauoir que maistre Anthoine de Nebrix estoit venu: à cause de la vieilles-

se à tel deffaut de la memoire, qu'il lisoit en vn papier, & aussi la leçon de Rethorique qu'il faisoit à ses escoliers: & selon qu'il estoit fort excellent en sa faculté, ayant son intention bien prouuee, il ne regardoit point son escrit. Mais ce qui ne se peut souffrir, fut que mourant tout soudainement d'une apoplexie, il re-commanda l'Vniuersité d'Alcala, & la harangue funebre d'iceluy à vn fameux Predicateur, lequel inuenta & disposa ce qu'il deuoit dire le mieux qu'il luy fust possible: mais le temps fut si court, qu'il n'eust loisir d'apprendre sa harangue par cœur: à raison dequoy il monta en chaire avec le papier en la main, & commença à dire ainsi: Messieurs, j'ay deliberé faire comme faisoit ordinairement cest excellent personnage, quand il lisoit à ses disciples: & ce à cause de sa mort tant soudaine: il m'a enchargé de faire sa harangue funebre: mais il est mort si soudain que ie n'ay eu ny le temps ny le loysir d'estudier ce qu'il failloit dire, ny mesmes

de le mettre en memoire: j'ay par  
escrit en ce papier, ce que j'ay peu  
faire ceste nuict. Je vous supplie  
l'entendre avec patience, & excuser  
ma petite memoire. Ceste maniere  
de prescher par escrit sembla si mau-  
uaise au peuple, que l'on ne fit que  
sous-rire & murmurer: & pourtant  
Ciceron a bien dit, qu'il failloit ha-  
ranguer par cœur, & non par escrit.  
Ce predicateur, de faict, n'auoit au-  
cune propre intention: il la deuoit  
tirer toute des liures, & pourtant est  
besoin de grande estude & memoire:  
mais ceux qui inuentent de leur  
teste, n'ont besoin d'estudier, n'ont  
besoin du temps ny de la memoire,  
pource qu'ils trouuent tout ce qu'ils  
ont à dire, heureusement en leur cer-  
ueau. Ceux-là pourroient prescher  
toute leur vie, à vn peuple, sans redi-  
re deux fois ce qu'ils ont presché  
vingt ans auparauant: & au contrai-  
re, ceux qui n'ont point d'inuention  
en deux Carismes, cueillent & leuēt  
la fleur de tous les liures du monde,  
& acheuant avec leurs petits papiers



& memoires : de maniere qu'à la troiefme il eft befoin qu'ils s'en aillent prefcher ailleurs: autrement on diroit d'eux, C'estuy-cy ou cestuy-là prefche comme il faisoit l'annee paffee. Tiercement le bon Orateur doit fçauoir difpofer ce qu'il ainuenté, mettant chacun dit & fentence en fon lieu, de maniere que par vne conuenable proportion, toute chose respondent à l'autel : & pourtant Ciceron a dit, *Dispositio est ordo & distributio rerum que demonstrat quid quibus in locis, collocandum sit*: comme s'il eust dit, La disposition n'est autre chose qu'un ordre & moyen qu'il faut tenir à distribuer lesdits & sentences que l'on doit alleguer, demonstrent en quel lieu chacune chose doit estre assise, afin qu'estant bien accommodée avec le demeurant il en retiennent vne bõne figure. Ceste grace (n'estant naturelle) a coustume de donner beaucoup de peine aux Predicateurs: car apres auoir trouué dans les liures beaucoup de choses à dire, chacun

En sa  
Rhetori-  
que à Ho-  
remus.

ne les peut pas aisément disposer en lieu conuenable. Il est certain que ceste propriété d'ordonner & distribuer, est œuvre de l'imagination, puis que par conuenable figure & forme, le tout doit estre bien correspondant en soy. La quatrième propriété des bons Orateurs, & la plus importante de toutes, est l'action, par laquelle ils donnent estre & vie aux choses qu'ils disent, & par laquelle mesme, ils mouuent l'auditeur, & l'incitent à croire estre veritable, ce qu'ils luy veulent persuader.

Et pourtant Ciceron a dit en ceste maniere, *Actio qua motus corporis, qua gestu, qua vultu, qua vocis confirmatione ac varietate moderanda est.*

C'est à dire, L'action se doit moderer par le mouuement du corps, par les gestes qui sont requises, & par la contenance du visage, en haussant la voix & l'abaissant, en se fâchant, & retournant soudain à s'appaiser, parlant aucunesfois viste, aucunesfois à loisir : en tancant & adoucissant, demeurât le corps ores d'un costé, ores

de l'autre, retirant les bras, & les des-  
pliant, en riant & pleurant, & don-  
nant vn coup, ou frappant à bonne  
occasion. Ceste grace est de si gran-  
de importance aux Predicateurs,  
qu'elle leur suffit, sans l'inuention &  
disposition des choses de peu de con-  
sequence, à faire vn Sermon qui ren-  
de le peuple tout esmerueillé, à cau-  
se de ceste action qui s'appelle autre-  
ment esprit ou prononciation. Il y a  
en cela vne chose notable par la quel-  
le se descouure, combien peut ceste  
grace qui est que les Sermons qui se  
trouuent tant excellens par le moyé  
de l'esprit & de l'action, ne valent  
rien en vn papier par escrit, & ne se  
peuent lire: & la cause de cela est  
que par le moyen de la plume, il  
n'est possible de peindre & represen-  
ter les gestes & mouuemens de l'a-  
ction, qui fait trouuer les Predica-  
tions agreables en vne chaire. Au-  
tres Sermons se trouuent bons par  
escrit, lesquels estants preschez ne  
se peuent ouyr, pource qu'on ne  
leur donne l'actiō qu'ils requierent.

En l'A.  
pote.

Et pour ceste cause Platon a dit, que la maniere de parler est bien differente de la maniere que requiert l'escriture, & pour ceste cause voyés nous plusieurs hommes qui parlent fort bien, & escriuent mal: autres au contraire, escriuent fort bien, qui discourent fort mal. Ce qui se doit entierement reduire & r'apporter à l'action, laquelle est certainement œuvre de l'imagination, pource que tout ce que nous auons dit d'icelle faict figure, correspondance, & bonne consonance, qui sont œuvres de l'imagination. La cinquiesme grace qu'il doit auoir, & de sçauoir dire le mot, tirer exemple propres, & bonnes comparaisons: ce que les auditeurs goustent plustost qu'aucune autre chose: car par vn bon exemple, ils entendent facilement la doctrine. Et sans exemple ils ne comprennent rien: & pourtant Aristote demande, pourquoy ceux-là qui entendent les Orateurs prennent plus grand plaisir aux exemples & fables dont ils vsent, pour prouuer ce qu'ils veulent

*En la 1.  
sect. pro.  
3.*

veulent persuader qu'à tous les argumens & raisons qu'ils alleguent. A quoy il respond, que par les exemples & fables, les hommes apprennent mieux, pour estre preuue laquelle appartient au sens: ce qu'ils ne font pastant bien, par les argumens & raisons, pour estre chose qui requiert grand enteridement. Et pour ceste cause, Christ nostre Redempteur vsoit en ses Sermons de plusieurs similitudes & paraboles, par le moyen desquelles il donnoit à entendre beaucoup de secrets diuins. Or donc est-il certain que ceste maniere de faire & de remonstrer par fables, & comparaisons appartient à l'imagination: pour ce que c'est figure qui correspond, & a consonnance. La sixiesme propriété du bon Orateur est d'auoir bon langage, propre, & non affecté, termes purs, & maintes gracieuses manieres de parler: de quelles graces nous auons parlé maintefois ailleurs, prouuant qu'une partie d'icelles appartient à l'imagination, & l'autre partie à la

memoire. Le septième point que doit auoir le bon Orateur, est ce que dit Cicéron, *Instructus voce, actiones & lepore*. Instruiet & doiue d'une bonne voix, action & grace: d'une voix sonnante paisible, non aspre, enroué, ny trop delice. Et combien qu'il soit vray que cela vient du temperament de l'estomac & de la gorge, si est il certain que du mesme temperament que vient la bonne imagination (qui est la chaleur) vient aussi la bonne voix: ce qu'il faut bien sçauoir pource que les Theologiens scolastiques (pour estre de froid & sec temperament) ne peuuent auoir bonne voix & organe, ce qui leur est vne grande imperfection, pour monter en chaire. Aristote le prouue ainsi par l'exemple des vieilles gens qui sont froids & secs. pour auoir bonne voix, il est besoin de beaucoup de chaleur, pour dilater les chemins, & d'une moderée humeur, pour les adoucir. Et pour ceste cause Aristote demande pourquoy ceux qui sont naturellement chauds, qu'ils ont tous vne

En la se.  
tion ix.  
prob. 34.

voix ferme & bonne. Et nous voyons donc cela: par le contraire, aux femmes, & aux cunuques, lesquels par la grande froideur de leur temperament, comme dit Galien, ont la voix fort deliée, de maniere que quand nous entendrons quelque bonne voix nous sçaurons bien dire quelle vient de beaucoup de chaleur & humidité del'estomac: lesquelles deux qualitez (venans iusques au cerueau) font perdre l'entendement, & causent vne bonne memoire, & bonne imagination, qui sont les deux puissances desquelles se seruent les bons predicateurs, pour contenter les escoutans.

*Au li  
de la  
mence  
chap. 1*

Ciceron dit que la huietiemesme proprieté du bon Orateur, est d'auoir la langue à commandement, prompte & bien pendue, grace qui ne peut eschoir aux hommes de grand entendement: pour estre prompte, & besoin de beaucoup de chaleur, & de siccité moyenne ce qui ne peut aduenir aux melancoliques tant naturels, que par aduersion. Aristote le prouue quand

*Au li  
de l'O  
rateur*

il demande, pourquoy ceux-là qui  
hesitent, & sont longs à parler, sont  
tous de complexion melancolique: à  
quoy il respond fort bien disant que  
les Melancoliques ont vne grande  
& forte imagination, & que la  
langue ne peut proferer si viste  
que l'imagination va dictant: & ain-  
si elle l'a fait faillir & hesiter en par-  
lant. Ce qui ne vient d'autre chose si  
non que les melancoliques ont tou-  
siours grande abondance d'eau & de  
salive en la bouche: au moyen de-  
quoy ils ont la lange humide &  
fort lasche, chose qui se peut voir  
clairement par l'abondance de la sa-  
lie qu'ils crachent. Aristote donne  
ceste mesme raison, quand il a de-  
mandé pourquoy aucuns hesitent &  
demeurent à parler: à quoy il res-  
pond que ceux-la ont la langue fort  
froide & humide, qui sont deux qua-  
litez qui l'endorment, & qui la ren-  
dent tardifue, tellement qu'elle ne  
peut pas suivre l'imagination. Pour  
à quoy remedier il dit, qu'il est bon  
de boire vn peu de vin: ou deuant  
qu'aller discourir en la presence d'un

En la  
Cest. 1.  
prob. 53.



peuple, exercer la voix, & parler fort & ferme, afin que la langue s'eschauffe & se desseiche. Mais Aristote dit aussi, que ce defaut de la parole, peut venir aussi de la trop grande chaleur & siccité de la langue, & amene l'exemple des coleriques, lesquels estans faschez ne parlent certainement, & quand ils sont sans aucune passion, ils sont fort éloquens: au contraire des hommes flegmatiques, lesquels estant en paix, ne peuvent parler: mais estans faschez, ils alleguent des sentence, & parlent avec eloquence. La raison de cela est fort manifeste: car combien qu'il soit vray que la chaleur aide à l'imagination, & à la langue aussi, si est-ce qu'il se peut faire qu'elle aide à la perdre: d'un costé, pource que ne luy viennent les dicts & sentences aiguës, & pource que la langue ne peut bien proferer à cause de la grande siccité d'icelle, & ainsi voyons nous que beuvant un peu d'eau, l'homme parle mieux. Les coleriques estans en paix, parlent bien & certainement, pource qu'ils ont la

chaleur moderee, qui est necessaire à la langue, & pource qu'ils ont bonne imagination: mais quand ils sont faschez, la chaleur monte plus qu'il ne faut, & trouble l'imagination. Les flegmatiques estans sans fascherie, ont beaucoup de froideur & humidité au cerueau: au moyen dequoy ils ne sçauent que dire, & leur langue est trop, à cause de la grande humidité. Mais quand ils sont faschez & mis en colere, la chaleur monte incontinent, & esleue l'imagination: & pourtant ils ont dequoy parler, & n'est leur langue empeschée, pource qu'elle s'est eschauffée à raison de ceste colere. Ceux là n'ont pas bonne veine pour faire des vers: à cause qu'ils sont froids de cerueau, & quand ils sont faschez ils font de meilleurs vers, & avec plus grande facilité, contre ceux qui les ont irritez, à ce propos Iunenala dit,

*Si natura negat facit indignatio versum.*

C'est à dire,

*Nature ne voulant l'indigne fait des  
Vers.*

Les hommes de grand entendement ne  
peuvent estre bons orateurs ny  
bons prescheurs, pour ce defaut  
de la langue: ioint que l'action re-  
quiert aucunesfois de parler haut,  
aucunesfois bas. Et aussi ceux qui sont  
trauaillez de la langue, ne peuvent  
orer ny harenguer, sans crier à haute  
voix: ce qui est vne des choses qui  
degoustele les auditeurs. Et ainsi Ari-  
stote demande, Pourquoi les hom-  
mes qui hesitent de la langue ne  
peuvent parler à voix basse: à quoy  
il respond fort bien, disant que la  
langue laquelle tient au palais, à cau-  
se de la grande humidité, se des-  
nouë mieux avec force que sans ef-  
fort: comme celuy qui veut leuer  
vne lance, en la prenant par sa poin-  
te, la cue mieux avec force, & tout  
d'un coup que peu à peu, Il m'est ad-  
uis que luy suffisamment prouué que  
les bonnes proprietéz de nature,  
que doit auoir l'orateur parfait, vien-  
nent pour la pluspart de la bonne  
M iij

imagination, & aucunes de la me-  
 moire. Et s'il est vray que les bons  
 Predicateurs de nostre temps con-  
 tentent les auditeurs pour estre doi-  
 ez des mesmes graces, il s'ensuit que  
 celuy qui sera grand Predicateur,  
 sçaura peu de Theologie scolastique:  
 & le grand scolastique ne sçaura pas  
 prescher, à cause de la contrarieté  
 qui est entre l'entendement & l'i-  
 magination avec la memoire. Ari-  
 stote a bien veu par experience, que  
 combien que l'Orateur apprenne sa  
 philosophie naturelle & morale, la  
 Medecine, Metaphisique, Iurispru-  
 dence, Mathematique, Astrologie,  
 & toutes les autres science: il ne sçait  
 de chacune que les fleurs & senten-  
 ces auerees, sans sçauoir la raison  
 d'icelles. Mais il pensoit que de ne  
 sçauoir la Theologie, ny la raison des  
 choses venoit de ce que l'on ne s'y  
 estoit point adonné: & pourtant il  
 demande en quoy nous persons que  
 le Philosophe differe de l'orateur puis  
 qu'ils estudient tous deux en philo-  
 sophie, A quoy il respond que le Phi-

n. la  
 stio. 11.  
 161. 33.

lofophe employe tout fon eſtude à ſçauoir la raifon & caufe de chacun effet, & l'orateur, à cognoiſtre ſeulement l'effet, & non plus. Ce qui aduient pou, ce que la Philoſophie naturelle appartient à l'entendement, de laquelle puiſſance les orateurs ſont priuez: & ainſi ne peuuent-ils auoir de la Philoſophie autre choſe qu'une ſuperficielle cognoiſſance. c'eſte meſme difference eſt entre le Theologien ſcolastique, & le poſitif car l'un ſçait la raifon de ce qui tonche & concerne ſa faculté: l'autre, les propoſitions auerées & non d'auantage. Parquoy il y a danger que le predicateur ait la charge & autorité d'enſeigner au peuple Chreſtien la verité, & que l'auditeur ſoit obligé à le croire. Or que leur defaille la puiſſance, par laquelle on cognoiſt la verité des choſes, & les cauſes d'icelles, nous pourrons alleguer ceci de Chriſt noſtre Sauueur, *Laiſſez les, ils ſont auengles & conducteurs des auengles: Or ſi l'auengle cōduit l'auengle, ils rōberont tous deux en la foſſe.*

En S.  
Matth.  
chap.

se. C'est grand cas de voir de quelle hardiesse s'en mettent à prescher ceux qui ne sçauent pas vn mot de Theologie scolastique, & n'ont habilité naturelle, pour la pouuoir apprendre. S. Paul se plaint grandement de ceux là disant: *Or la fin de la* *loy de Dieu est la charité de cœur pur,* *de bonne conscience, & de foy non feinte:* *desquelles trois choses nous se separant, si* *tournent & ont recours à vne vaine ma-* *nier de parler, voulant estre docteurs de* *la Loy, sans entendre ny ce qu'ils disent,* *ny ce qu'ils affirment.* Le vain langage & parler des Theologiens Allemans Anglois, Flamans, François. & de tous les autres qui habitent le Septentrion, à fait perdre & gaster l'assemblée Chrestienne, par vne si grande cognoissance des langues, par vn tel ornement & grace à prescher, pource qu'ils n'ont l'entendement propre pour trouuer la verité. Or auôs nous desia prouué que ceux là sont despourueus d'entendement suiuant l'opinion d'Aristote. sans plusieurs autres raisons & experiences

que nous auons amenees à cest effect. Mais si les auditeurs Anglois & Allemans scauoient bien ce que S. Paul escrit au Romains (qui estoient pareillement seduits d'autres faux Predicateurs) ils ne fussent parauenture pas trompez si tost: Or ie vous prie, mes freres, que vous regardez à ceux Chap. qui causent dissensions & scandales, & qui vous enseignent autre doctrine que celle que vous auez appris: Separez vous d'eux car ils ne seruent pas à nostre Seigneur, mais seulement à leur ventre & par leurs douces paroles & benedictions ils se seduisent les cœurs des innocens, & abusent ceux-la qui ne scauent gueres. Suiuant cela, nous auons prouué autre part, que ceux-la qui sont pourueus de grande imagination, sont coleres, fins malicieux, & cauteleux, lesquels sont tousiours enclins à mal, & le scauent En faire avec vne grande astuce & prudence. scd Aristote, touchant les orateurs selon temps, demande pourquoy nous appellons l'Orateur fin & 4. caut, & non pas le Musicien ny le Baste-

leur: & la difficulté eust esté plus grande, si Aristote eust sceu que la Musique & la representation sont oeuvres de l'imagination. A quoy il respond, que les Musiciens & les representans n'ont autre fin que de donner contentement à ce qui les entendent, mais l'Orateur tâche d'acquiescer pour soy, & pour ceste cause il a besoin d'vser d'astuce & cautelle, afin que les auditeurs n'entendent à quel but il tend. Ces choses là sont propres à ces faux predicateurs, desquels l'Apostre escrit ainsi aux Corinthiens, *Oie certains que comme le serpent à sequit Eve par son astuce, vos sens soient ainsi corrompus: car ces faux Apostres sont cauteleux ouuriers, qui se transforment en Apostre de Christ: dequoy ne se faut pas esmerveiller: car Satan mesme se transforme en Ange de lumiere: il ne se faut donc pas esbahir si ces ministres se changent comme en ministres de justice l'œuvre desquels sera leur fin.* L'on entend bien que toutes ces proprietes sont oeuvres de l'imagination, & qu'Aristote a tres bien dit



que les Orateurs sont cauteleux & fins: pource qu'ils pensent tousiours à leur profit. Nous auons desia dit vne autrefois, que ceux la qui ont vne forte & grande imagination, sont de temperament fort chaud & de ceste qualité procedent trois principaux vices de l'homme, l'Arrogance, la Gloutonnie & la Luxure: & pour ceste cause l'Apostre a dit. *Telle maniere de gens, ne seruent pas à Christ nostre Sauueur, mais à leur ventre.* Et pourtant ils mettent peine d'interpreter l'escriture sainte: de maniere que cessoit selon leur inclination naturelle, donnans à entendre à ceux qui ne sçauent gueres, que les prestres se peuent marier: qu'il n'est pas besoin d'un careme, ny de ieusnes, qu'il ne faut pas manifester au confesseur les pechez que nous commettons contre Dieu. E vsans de ceste ruse, par l'escriture mal appropriee ils font paroistre leurs vices, vertus, & le peuple les estime saints. Que de la chaleur paruiennent ces trois mau-

uaises inclinations, & de la froideur les vertus contraires, Aristote le prouue disant, *Et quoniam vim eandem obtinet morum instituendorum, mores enim calidum cendit & frigidum omnium maximè quæ in corpore nostro habentur: idcirco nos morum qualitate afficit & informat.* Comme s'il vouloit dire. De la chaleur & de la froideur procedent toutes les coustumes & mœurs de l'homme: pource que ces deux qualitez alterent plus nostre nature que nulle autre: Et de la vient que les hommes de grande imagination font ordinairement malins & vicieux, pource qu'ils se laissent aller apres leurs naturelles inclinations & volonte, & qu'ils ont l'esprit & habilité pour faire mal. Et pource Aristote demande. Pourquoi l'homme de tant grande erudition est le plus iniuste de tous les animaux. A quoy il respond que cest homme a grand esprit & grande imagination: à raison de quoy il trouue mainte imaginations à faire mal: & d'autant qu'il appetite

En la  
30. sect.  
probl. 1.

En la 29.  
lect. pro.  
7.

naturellement ses plaisirs, & d'estre plus grand & plus heureux que les autres, il s'ensuit qu'il doit offenser & faire mal, pource que ces choses là ne se peuvent acquerir, sans faire tort à plusieurs. Mais Aristote n'a pas bien sceu coucher ce problème, ny répondre à iceluy comme il ralloit: il eust mieux fait de demander: Pourquoi les mauuais ordinairement sont de grand esprit? entre lesquels ceux qui ont meilleur esprit ou habilité plus grande, sont de plus grandes meschancetez & defordres, veu qu'il est raisonnable, que le bon esprit de l'homme s'incline plustost à la vertu & bonté qu'aux vices & maux. A quoy l'on peut répondre que ceux-là qui ont beaucoup de chaleur, sont hommes de grande imagination, & que la mesme qualité qui les fait ingénieux les semond à estre mauuais & vicieux. Mais quand l'entendement domine, l'homme ordinairement s'incline à la vertu, pource que ceste puissance tend à

froidueur & siccité desquelles deux qualitez procedent plusieurs vertus, comme la continence, l'humilité, & la tempere: au lieu que de la chaleur procedent les contraires. Si Atistote eust trouué ceste Philosophie, il eust sçeu respondre à ce probleme, par lequel il demande, *Cur genus id hominum, quod Dionysiacos technitas id est, artifices bachanales aut histriones appellamus improbit esse moribus, magna ex parte consueuerunt?* Comme s'il demandoit. Pourquoy les Comediens, Cabaretiers, cuisiniers & ceux qui se trouuent en tous les banquets & festins, pour ordonner les viandes, sont ordinairement mauuais & vicieux? A quoy il respond: disant, que pour estre occupez en ces offices de Bacché, ils n'ont eu le moyen d'estudier, & qu'ils passent ainsi leur uie avec incontinence: à quoy mesme fait la pauureté. laquelle a de coustume d'amener beaucoup de maux mais de fait ce n'en est pas la raison: ains faut dire que la représentation des Comedies, & la maniere de

En la  
o secte  
nobl. 9.

commander aux festes de Bacche;  
 vient d'une difference d'imagination  
 laquelle inuite l'homme à ceste ma-  
 niere de viure. Et pource que ceste  
 difference d'imagination consiste en  
 chaleur, tous ceux là ont bon estomac,  
 & vn grand appetit de boire &  
 de manger: & combien qu'ils s'adonna-  
 ssent aux lettres, ils n'y feroit au-  
 cun profit, voire mesmes encores  
 qu'ils fussent riches, ils ne laisse-  
 roient pas d'estre affectionnez à tels  
 offices, quand bien ils seroient beau-  
 coup plus vils pource que l'esprit &  
 habilité attire vn chacun à l'art qui  
 luy correspond en proportion. Et  
 pour ceste cause Aristote demande,  
*Cur in ijs studiis quæ aliqui sibi delegerint*  
*quamquam interdum prauis, libentius tamen quam in honestioribus*  
*versantur verbi gratia, præstigiatores, aut minum, aut tibicinem se potius esse,*  
*quam astronomum aut oratorem velit,*  
*qui hec sibi delegerit?* C'est à dire, Pour  
 quoy se trouuent aucuns qui aiment  
 mieux estre comedians, Bastelleurs,

En la  
 sect. pr.

6.

ou joueurs d'instrumens, que Orateurs & Astrologues? A quoy il respond fort bien, disant, que l'homme sent incontinent à quel art il est naturellement disposé: pource qu'il a en soy mesme quile luy enseigne: & peut bien tant la nature, par son instigation & poursuite que combien que l'art & office soit mal seant à la dignité de celuy qui l'apprend, il faut neantmoins qu'il s'y addonne, & qu'il laisse tous les autres honorables exercices. Mais puis que nous auons reietté ceste maniere d'esprit, comme mal propre à la charge de la predication, & puis que nous sommes tenus donner & departir à chacune difference d'habilité, les lettres qui luy respondent en particulier, il faut monstrier quelle sorte d'esprit doit auoir celuy que l'on doit commettre à la charge de la predication: qui est vne chose de grande importance à la Republique Chrestienne. Il faut donc sçauoir que combien que nous ayons prouué autrefois qu'il y a

vne naturelle repugnance & contrariété de ioindre & assembler vn grand entendement avec vne grande imagination & memoire, il n'y a toutesfois reigle tant generale en tous les arts qui n'ait quelque exception, Nous prouuerons au chapitre penultième de cest œuure, soit au long qu'estant nature avec ses forces, & n'ayant aucune chose qui l'empesche, elle fait vne difference d'esprit tant parfait, qu'elle assemble en vn meisme suiet, grand entendement, avec vne grande imagination & memoire, comme si ces trois choses n'estoient contraires & ne fussent naturellement opposees. Ceste est la propre & conuenable habilité, pour l'office & charge de la Predication, s'ils se trouuoient plusieurs suiets qui la peussent obtenir: mais comme nous dirons au lieu allegué, ~~il y~~ en a si peu, que de cent mille esprits à peine s'en trouue vn qui soit telle. Et pourtant nous faudra trouuer vne autre difference d'esprit plus familiere,

bien qu'elle ne puisse estre si parfaite que la susdite. A ceste cause, il faut sçauoir qu'entre les Medecins & Philosophes, il y a grande dissention pour auerir le temperament & les qualitez du vinaigre, de la colere aduste, & des cendres. voyans que ces choses là produissent aucunes fois effet de chaleur: aucunes fois de froideur: au moyen dequoy leurs opinions se sont trouuées différentes: mais la verité est, que toutes ces choses qui souffrent le brusler, & que le feu a consommé, sont de diuers temperamens. La plus grande partie du suiet est froid & sec: mais se trouue entre deux, autres parties tant subtiles & delicates & de si grande chaleur & ferueur, que combien qu'elles soient en petite quantité: elles sont neantmoins de plus grâde efficace à exercer leur œuvre, que tout le degzeur du suiet. Et par ainsi voyons nous que le vinaigre la melancolie par adustion ouurent la terre, à raison de la chaleur, & ne la ferment, combien que la plus



grande partle de ces humeurs soit froide, De la peut-on inferer que les melancoliques par adustion assemblent vn grand entendement avec vne grande imagination: mais ils sont tous despourueus de memoire à cause de la grande siccité & durété que l'Adustion a fait au cerueau. Ceux la sont bons pour prescher, au moins les meilleurs qui se puissent trouuer horsmis ces parfaits que nous auons dit cy-dessus: car combien qu'ils ayent faute de memoire leur propre inuention est si grande que la mesm. imagination leur sert de memoire & de resouuenance, & leur suggere plusieurs figures & sentences à alleguer, sans auoir faute d'aucune chose. Ce que ne peuvent faire ceux qui apprennent leur sermon mot apres mot, lesquels venans à faillir demeurent tout court, sans auoir qui leur fournisse matiere, pour passer outre, que la melancolie, par adustion, ait ceste varieté de temperament, froideur siccité pour l'entendement, & la chaleur

pour l'imagination, Aristote le dit en ceste maniere: *Homines melancolici varij inaqualesque sunt quia vis atrabilis varia & inequalis est, quippe quae venter tum frigida, tum calida reddi indidem possit.* C'est a dire les hommes melancoliques, par adustion, sont diuers & de complexion inégale, pource que la colere aduste est fort differente, & inegale: aucunesfois fort chaude, aucunesfois fort froide. Les signes par lesquels se cognoissent les hommes qui tiennent ce temperament, sont tres-manifestes: ils ont la couleur du visage pale & cendree: les yeux fort enflammez & ardans. A raison de quoy se dit, (il est homme qui a du sang en l'œil) le poil noir, & la teste chauue: peu de chair, aspre & velue: les veines grosses: ils sont affables & de bonne compagnie: mais ils sont luxurieux, superbes hauts, renieurs, cauteleux, doubles iniurieux, vindicatifs & enclins à faire mal. Cela s'entend lors que la melancolie s'enflamme:

Aussi  
ont-ils  
la veue  
courte &  
cause de  
la gran-  
de siccité  
du cer-  
ueau.  
Arist au  
liure du  
dormir  
& veil-  
ler.

mais elle le refroidit incontinet naissent en eux les vertus contraires, Chasteté, Humilité, crainte & reuerence de Dieu, charité misericorde, & grande recognoissance de leurs pechez avec souspirs & larmes. Et pour ceste cause ils vivent en vne perpetuelle guerre, sans auoir aucun repos. Aucunesfois le vice surmonte en eux: aucunesfois la vertu: mais nonobstant toutes ces imperfections, ils sont les plus ingénieux & habiles au ministère de la predication, pource qu'ils ont entendement pour trouuer la verité, & grande imagination pour la scauoir persuader. Sinon, voyons que fit Dieu, quand il voulut former vn homme au ventre de sa mere, afin qu'il fut habile de descouurir au monde la venue de son fils, & qu'il eust la charge de prouuer & persuader que Christ estoit le Messie promis en la loy: & nous trouuerons que le faisoit de grand entendement & imagination, par consequnt ( regardant : à l'ordre

ni a ap-  
pellé par  
sa grace,  
pour re-  
ueller  
son fils  
en moy  
S. Paul  
aux Ga.  
c. l.

naturel) il l'a tiré & fait colere & aduste. Cela se voit clairement, en considerant le grand feu & ardeur de laquelle il persecutoit l'Eglise, & la peine que receurent les Synagogues, quand elles le virent conuerty comme s'ils eussent perdu vn homme de grand consequence, qui leur eust peu gagner & vaincre la partie contraire. Cela se voit aussi manifestement par les republiques & deffences de colere raisonnable, qu'il amenoit au proconsuls & Iuges qui le prenoient, defendans sa personne, & le nom de Christ, avec telle dexterité, qui les rendoit tous confus. Il estoit aussi imparfait de la langue, & n'estoit fort prompt à parler: qui est vne propreté, a laquelle Aristote dit, que les melancoliques par adustion, sont suiets. Les vices desquels il confesse auoir esté entaché, deuant ~~sa conversion~~, demonstrent pareillement qu'il auoit ceste temperature. Il estoit blasphemateur, iniurieux, & persecuteur: ce qui vient entierement de la trop

trop grande chaleur. Mais le signe plus euident qui le demonstre auoir esté coleric adusté? se prend de ceste bataille continuelle: que luy mesme confesse auoir esté en luy, entre la partie superieure & inferieure, disant *Video aliam legem in membris meis repugnantem legis mentis meae & ducentem me in captiuitatem peccati*. Je voy vne autre loy en mes membres qui repugne à la loy de mon ame, & qui me conduit en captiuité du peché. Nous auons prouué, suiuant l'opinion d'Aristote, que les melancoliques par adustion, ont ceste mesme guerre & debat: il est vray qu'aucuns expliquent & fort bien, que ceste bataille procede du desordre que fait le peché originel, entre l'esprit & la chair: & quand à ce qu'elle estoit si grande, ie croy bien aussi qu'elle venoit de l'inegalité de la colere aduste, quel'on dit bile noire, qu'il auoit en sa naturelle composition. Le Prophete Royalle Dauid participoit également de peché originel: & ne se plaignoit pas tant que

faisoit saint Paul, ains disoit qu'il trouuoit la partie inferieure, accordant avec la raison, quand il se vouloit resioiir avec Dieu: *Cormeum & caro mea exultauerunt in Deum viuum*: Mon cœur & ma chair se sont esioiis en Dieu viuant. Et cômme nous dirons au chapitre penultième, Dauid auoit la meilleure temperature qu'il estoit possible à la nature de donner, laquelle nous prouuerons par l'opinion de tous les Philosophes, incliner ordinairement l'homme à l'estat de vertu sans grande contradiction de la chair. Doncques les esprits qui se doiuent eslire pour prescher, sont en premier lieu, ceux qui assemblent vn grand entendement avec vne grande imagination & memoire: dont nous alleguerons les signes au penultième chapitre. A faute de ceux là, succedent en leur place les melancoliques par aduersion, lesquels ioignent vn ~~grand~~ entendement, avec vne grande imagination: mais ils sont despourueus de memoire. Et pourtant ils ne peuuent auoir abondance de paroles, ny pres-

cher par vn torrent d'eloquence deuant vn peuple. Au troisieme lieu succedent les hommes de grand entendement, lesquels neantmoins sont despourueus d'imagination & memoire. Ceux-là prescheront avec vne grande disgrâce: mais ils enseigneront la verité. Les derniers auxquels ie ne voudrois recommander la charge de la predication, sont ceux qui assemblent beaucoup de memoire avec vne grande imagination, & sont despourueus d'entendement. Ceux-là attirent vn peuple à eux, & le tiennent esmerueillé & bien content. Mais quand nous n'y pensons point, ils tombent en l'inquisition, pource que *par douce paroles & benediction ils seduissent les corps des pauvres innocens.*

*Aux Ro  
chap 1*

*Commola Rhetorique des loix appartient à la memoire: l'aduocacer & iuger (qui en est la pratique) à l'entendement & la maniere de gouverner vne Republique, à l'imagination.*

## CHAP. XI

**EN** langue Espagnole, ce mot ~~letrado~~ (*letrado*) est vn terme commun pour tous les hommes de lettres, Theologiens, Legistes, Medecins Dialecticiens, Philosophes, Orateurs, Mathematiciens, & Astrologues: & neantmoins en disant, *Falano & letrado*, nous entendons d'vn commun consentement, que la profession d'vn tel est la cognoissance des loix: comme si c'estoit vn nom propre & particulier. La response à ce doute est facile, mais pour la donner telle qu'il faut, est propre de sçauoir premierement que c'est de la loy: & à quoy ~~se rapportent~~ ceux qui se mettent à estudier en ceste faculté, pour se seruir d'iceux estans Iuges ou Aduocats. La loy n'est au-



tre chose qu'une volonté raisonnable du Legislatteur, par laquelle il explique & declare en quelle maniere il veut que se determinent les cas, qui ordinairement aduiennent en sa Republique, pour entretenir les subjets en paix, & leur enseigner comme ils doiuent viure, & dequoy se doiuent garder. I'ay dit que la loy estoit volonté raisonnable, pource qu'il ne suffit pas que le Roy & l'Empereur (qui sont la cause efficiente de la loy) expliquent & declarent leur volonté en quelque maniere que ce soit, afin qu'elle soit loy: car si elle n'est iuste, & conforme à la raison, elle ne peut pas estre appellée loy, pource qu'elle ne l'est pas aussi comme celuy ne seroit pas homme, qui seroit priué d'une raisonnable. Et pourtant a esté aduisé que les Roys établissent leurs loix par le conseil & aduis des hommes fort sages & entendus, afin qu'elles se fassent avec droicteure & equité, & que les subjets le reçoient de bon cœur, & soient dauantage tenus à les garder &

accomplir. La cause materielle de la loy est, qu'elle se face des cas qui ordinairement escheent en la Republique, suiuant l'ordre de nature, & non des choses impossibles, & qui n'aduennent pas souuent. La cause finale est, ordonner la vie de l'homme & luy enseigne ce qu'il doit faire, & ce qu'il doit fuir, afin que la Republique bien ordonnee soit entretenue en paix & tranquillité. Et pour ceste cause ils font escrire les loix par paroles claires, non equiuoques, ny obscures, ny ayans diuers sens: sans chiffres ny abreuatures, & tant manifestes que chacun les peut facilement entendre & retenir en sa memoire. Et afin que nul n'en pretende cause d'ignorance, ils les font publier à son de trompe & cry public, afin que celuy qui les enseindra puisse estre chastie. Aussi en apres, veule soin & diligence que les bons legistateurs employent, à ce que leurs loix soient iustes & manifestes, ils enioignent aux iuges & aduocats que, *Nemo in actionibus vel iudiciis:*

Je fais  
es à part  
e qui  
ous  
semble  
rom:  
mais fay  
eule-

*suo sensu viatur, sed legem* <sup>authoritate</sup> <sup>ment</sup>  
*ducatur*: comme voulans dire, Nous <sup>que ie</sup>  
 deffendons à tous Iuges & Aduocats <sup>comme</sup>  
 d'vser de leur entendement, de dis- <sup>de, n'a</sup>  
 puter si la loy est iuste ou iniuste, & <sup>inste</sup>  
 de luy donner autre sens que celui <sup>rien au</sup>  
 que declare la composition de la let- <sup>Sci-</sup>  
 tre. Dont s'ensuit que les Legistes <sup>gneur</sup>  
 doiuent construire le texte de la loy, <sup>ny ne</sup>  
 & prendre le sens qui resulte de la <sup>dimin</sup>  
 construction, & non autre. Ceste do- <sup>Deut.</sup>  
 ctrine donc estant ainsi supposee, c'est <sup>12.</sup>  
 vne chose fort claire de scauoir, pour-  
 quoy le Legiste s'appelle *Letrado*, &  
 non pas tous les autres hommes de  
 lettres: c'est pource qu'il est (*a Letra*  
*dado*) fort addonné à la lettre; c'est à  
 dire, homme qui n'a liberté d'opiner  
 selon son entendement, mais qui est  
 contrainct de suiure la composition  
 de la lettre. Et pour entendre cela,  
 ceux qui sont fort excellens en cette  
 profession, n'osent nier ny affirmer  
 aucune chose touchant la decision de  
 quelque cas, s'ils n'ont deuant eux la  
 loy, qui les determine en propres ter-  
 mes. Et si aucunes fois ils parlent de

leur teste, & entremettent leur iugement & raison, sans s'arrester au droit, ils le font avec vne crainte & honte: & pour ceste cause ils disent au commun prouerbe, *Erubescimus dum sine lege loquimur*. C'est à dire Nous auons honte de iuger & conseiller, quand nous n'auons loy au deuant, laquelle determine le fait qui nous est proposé. Or les Theologiens ne se peuuent appeller lettrez en ceste signification, pource qu'en la sainte escripture, *Littera occidit: spiritus autem viuificat*. La lettre occit & l'esprit viuifie. La sainte escripture est pleine de misteres, & de figures & chiffres: elle est obscure, & non manifeste à tous. Les termes & manieres de parler d'icelle, ont vne signification fort differente de celle que scauent les vulgaires lettrez. A raison dequoy, celuy qui construira la lettre, & qui prendra le sens qui resulte de la construction grammaticalle, tombera en plusieurs erreurs. Les Medecins aussi ne s'assuiettissent à la lettre: pource que si Hippocrate &

Cp. 1.

Ap. 3.

Galien, & les autres graues autheurs de ceste faculté, disent & affirment vne chose, & l'experience & la raison monstrent le contraire, ils se sont tenus de les suyure, pource qu'en la médecine l'experience à plus de force que la raison: & la raison plus que l'hauthorité. Mais aux loix aduient tout le contraire: car l'hauthorité d'icelle, & ce qu'elles decernent à plus de force & vigueur que toutes les raisons qui se peuuent alleguer au contraire. Ce qu'estant ainsi, nous auons desia le chemin ouuert, pour remarquer l'esprit que les loix requierent: car si le Legiste doit auoir l'entendement & l'imagination propre à suyure ce que dit la loy, sans y adiouster ny diminuer, il est certain que cette faculté appartient à la memoire: & que l'on doit trauailler à sçauoir le nombre des loix & reigles du droit, & se souuenir de chacune à part, dire par cœur la sentence & decision d'icelle, afin que l'occasion se presentant l'on sçache qu'il y a vne loy qui determine ce qui se presente. de

telle & telle maniere. Et pourtant il m'est aduis qu'il est meilleur au Legiste d'auoir grande memoire, & peu d'entendement, que beaucoup d'entendement & peu de memoire. Car s'il ne se doit seruir de son esprit & habilité, & regarder à vn si grand nombre de loix qu'il y a tant differentes les vnes des autres, avec tant d'imperfections, limitations, & amplifications, il vaut mieux sçauoir par cœur ce qui est déterminé au droit, pour chacune chose qui se presente, que discourir avec l'entendement, comme elle se pourra determiner : car l'vn est nécessaire, & l'autre impertinent, ioint que ne doit auoir l'aduis d'autrui plus d'efficace que la decision de la loy. Parquoy il est certain que Theorique de la Iurisprudence appartient à la memoire, & non à l'entendement ny l'imagination. Ainsi donc veu que les loix sont tant positives, & auant que les Legistes ont l'entendement tant adonné à la volonté du Legislateur,

ne pouuans entremesler leur opinion, sans sçauoir certainement la decision de la loy, quand quelque plaident va au conseil à eux, ils ont congé de dire. Je regarderai mes livres sur ce fait: ce que si le médecin disoit, quand on luy demande remede sur quelque maladie, ou le Theologien en cas de conscience, on les tiendrait pour gens peu sçauans en leur faculté. Et la raison est que ces deux sciences ont leurs definitions, & principes vniuersels, au dessous desquelles choses sont contenus les cas particuliers. Mais en la science de droit, chaque loy contient seulement vn cas, sans que celle qui suit en despende, combien qu'elles soient toutes deux sous vn mesme titre. Et partant il est bien necessaire sçauoir toutes les loix, estudier chacune particulièrement, & les garder distinctement en la memoire. Mais au contraire de cela, Platon note vne chose digne de grande consideration: c'est qu'en son tēps, il soupçonnoit le lettré, qui sçauoit beaucoup de loix

par cœur, voyant par experience que tels n'estoient pas tant bons iuges & aduocats, comme il sembloit à les voir) duquel effect il ne deuoit toucher la cause, puisqu'il ne la dit en lieu tant conuenable: il vid seulement par experience, que les Legistes ayans bonne memoire, qui venoient defendre vne cause ou la iuger, n'apliquoient le droict tant bien qu'il estoit conuenable. Il est aisé, selon ma doctrine, de donner la raison de cela, supposé, que la memoire est contraire à l'entendement, & que la vraye interpretation des loix, amplification, restriction & composition d'icelles, avec leurs opposez & contraires, se fait en distinguant, inferant, discouurant, iugeant & eslisant, qui sont œuvres de l'entendement, lesquelles le lettré ayant grande memoire ne peut faire en sorte quelconque. Nous auôs desia dit vne autrefois, que la memoire n'a en la teste autre office que de garder fidelement les figures & fantaisies des choses: & que l'entendement & l'imagination les met-



tét en œuvre. Et si le lettré a tout l'art en la memoire & que l'entendement & l'imagination luy deffillent, il n'a non plus d'esprit & moyen de iuger & aduocacer, que le Code mesme & le digeste, lesquels, comprenās toutes les reigles & loix du droit, ne peuuent neanrmoins faire vn escrit. D'auantage combien que la loy deust estre telle que portela defininition d'icelle, si est ce qu'à grand peine se trouuēt les choses tant parfaittes que l'entendement les feint. Que la loy soit iuste & raisonnable, qu'elle serue à tout ce qui peut aduenir, qu'elle se escriue par termes clairs & manifestes, que elle n'ait point de doutes, ny de contrarietez, & qu'elle recoiue diuers sens, ne se peut pas tousiours faire, pource qu'en fin elle a esté establie par vn conseil humain, lequel n'a force pour donner ordre à tout ce qui est à venir. Ce qui se voit tous les iours par experience : car depuis qu'une loy a esté faicte par bon conseil, & meure deliberation, en peu de temps elle se defait, pource que

par l'usage d'icelle se sont descouverts mille inconueniens, ausquels personne n'auoit pensé quand elle fut establie. Et pour ceste cause le droit aduise les Roys & les Empe-  
 reurs de n'auoir honte de corriger leurs loix, pour ce qu'en fin ils sont hommes: & ne se faut pas estonner s'ils errent, veu mesmes que l'on ne sçauroit trouuer aucune loy qui puisse comprendre par sentences ny paroles toutes les circonstances du fait qu'elle determine, pource que l'astuce & cautelle des mauuais est plus grande pour inuenter faits, que la prudence des bons, pour se pour-  
 uoir de deffence, & preuoir quel iugement se doit asseoir: & pour ceste cause est dit: *Nemo leges, nec senatus consulta ita scribi possunt, ut omnes casus, qui quandoque inciderint comprehenduntur: Sed sufficit ea que plerumque accidunt contineri.* C'est à dire, il n'est possible d'escrire les loix de telle maniere qu'elles comprennent tous les cas qui peuuent escheoir, c'est assez de determiner ceux qui

aduennent ordinairement : & si autres aduenoient qui n'eussent loy, qui les decidaſt en propres termes, le droit n'eſt pas tant deſpourueu de reigles & principes, que ſi le Iuge ou l'Aduocat à bon entendement, pour ſçauoir inferer & conclurre, il netrouue la vraye deciſion & deffenſe, & le lieu d'où il la peut tirer. De maniere que ſi ſe trouuent plus d'affaires que de loix, il faut que le Iuge ou l'Aduocat ayent beaucoup d'entendement, pour les faire de nouveau : & non en quelque maniere que ce ſoit, mais conformes & non contredifantes au droit. Les lettrez qui ont grande memoire ne peuuent faire cela : car ſi les cas que l'art leur met en la bouche, ne ſont tous taillez & maschez, ils ne ſont habiles à d'auantage. L'on a couſtume de comparer le lettré qui ſçait beaucoup de loix, par cœur, au frippier ou couſturier qui beaucoup de ſayes en monſtre en ſa boutique : lequel pour enbaillet vn, à la meſure de celui qui le demande, les fait tous eſſayer, & ſ'il ne ſ'en

## 296 L'Examen des Esprits.

trouue aucun bien seans, il renuoye le marchand : mais le lettré de bon entendement est comme le bon cousturier, qui a les ciseaux en la main, & la piece de drap en la maison : lequel prenant la mesure, taille vn saye à la maniere de celuy qui le veut : les ciseaux du bon aduocat, est l'entendement aigu, par lequel il prend la mesure au cas, & luy baille vestement de la loy, qui determine, & s'il ne la trouue entiere pour le decider en propres termes, il luy faict vn accoustrement de pieces du droit pour le deffendre. Les Legistes qui sont doüez d'un tel esprit, ne se doiuent appeller lettrez, pource qu'ils ne construisent la lettre, & ne s'amusent aux paroles formelles de la loy : ains ils semblent Legislatéurs ou Iurisconsultes, auxquels les mesmes loix demandent. Parquoy, s'ils ont pouuoir & autorité de les interpreter, resserer amplifier : & d'en tirer exceptions, sans les peüent corriger & amander, ie di bien qu'ils semblent Legislatéurs. On dit d'un

tel sçauoir que cestuy, *Scire leges non ff. de hoc est Verba eorum tenere, sed vim ac potestate habere.* Comme si l'on vou-  
 loit dire, personne ne pense que sçauoir les loix, soit la memoire des formelles parolles, esquelles on les a es-  
 crites : mais sçauoir les loix, est en-  
 tendre iusques où s'estend leurs forces, & que c'est qu'elles peuvent de-  
 terminer : pource que la raison d'icelles est suiuite à plusieurs diuersitez à cause des circonstances, du temps, de la personne, du lieu, du moyen, de la matiere, cause & de la chose. Tout ceia fait changer la determination de la loy. Et si le iuge ou l'aduocat, n'a bon entendement, pour tirer de la loy, soustraire & adiouter ce qu'elle ne peut dire par parolles, il fera beaucoup de fautes, suiuant la terre. Et pourtant est dit, *Verba legis non sunt capienda Iudaice.* C'est à dire, Les termes de la loy ne se doiuent prendre à la maniere Iudaïque, qui est construire la lettre & en prendre seulement le sens. Parce que nous auôs dit, nous concluons que l'aduocacerie est

*Glo. in d. anni. pa. si is vir. ali. quas d. d. anni. infelto.*

œuvre de l'entendement & que si le  
 lettré a grande memoire, il n'est au-  
 cunement propre à iuger, ny aduo-  
 cacer, pour la repugnance de ces  
 deux puissances, & c'est pourquoy  
 les lettrez ayans grande memoire,  
 que note Platon, ne defendoient pas  
 bien les causes & n'apliquoient le  
 droit comme il falloit. Mais il y a vne  
 difficulté en cesté doctrine, & non  
 legere à mon aduis: car si l'entende-  
 ment est celuy qui assiet le cas en la  
 propre loy qui le determine, en di-  
 stinguant, limitant, amplifiant, in-  
 ferant & respondant avec argumens  
 de la partie contraire, comment est-  
 il possible que l'entendement face ce-  
 la si la memoire ne luy fournit tout  
 le droit: car comme nous venons de  
 dire, il est enioinct que, *Nemo in actio-  
 nibus vel iudiciis suo sensu utatur, sed  
 legum auctoritate ducatur.* C'est à di-  
 re, que personne aux actions & iuge-  
 mens ne se serve de son sens, ains soit  
 induit par l'authorité des loix. Suiuant  
 cela, il faut premierement sçauoir  
 toutes les loix & regles de droit, deuant

que venir à ce qui fait à la cause : car encores qu'enous ayons dit quel'Aduocat de bon entendement est maître des loix : si est-ce que toutes les raisons & argumens d'iceluy doivent estre fondéz & appuyez sur les principes de ceste faculté, sans lesquels ils sont de nul effect & valeur. Et afin de pouuoir faire cela, il est besoin d'une grande memoire, laquelle garde & retienne vn si grand nombre de loix escrites au liures. C'est argument prouue estre necessaire au parfaict Aduocat, d'auoir grand entendement & memoire : ce que ie confesse. Mais quand à moy ie veux dire que là où ne se trouuera vn grand entendement joint à vne grande memoire, à cause de leur repugnance il vaut mieux quel'aduocat soit pourueu d'un haut entendemēt, & de peu de memoire, que d'une grande memoire, ayant peu d'entendemēt : car pour supplier à la memoire, il y a beaucoup de remede, comme les liures, tables abecedaires, & autres inuentions des hommes : mais

le li-  
re de  
me-  
moire  
& resou-  
uenance

s'il a faute d'entendement, il n'est possible d'y remedier. Dauantage, Aristote dit que les hommes de grand entendement ( bien qu'ils soient despourueus de memoire ) ont vne grande reminiscence ou resouuenance, au moyé de laquelle ils ont vne certaine cognoissance confuse de ce qu'ils ont veu vne fois, ouy, ou leu, surquoy discourant, ils la remettent en memoire. Et combien que ne se peussent trouuer tant de remedes pour re presenter tout le droit à l'entendement, les loix sont fondees sur vne telle & si grande raison, que les anciens ( comme dit Platon ) appelloiét la loy raison & prudence. Parquoy le Iuge ou l'Aduocat de grand entendement [ iugeant ou conseillant ] bien qu'il n'eust la loy deuant soy & toute preste, ne failleroit gueres s'il auoit avec soy l'instrument duquel les Emperours ont fait les loix. Ainsi donc aduient maintefois qu'un Iuge de bon entendement donne sentence sans scauoir la decision de la loy qu'il va trouuer puis apres de-



dans les liures : ce que meſmes  
 nous voyons aduenir aux Aduocats ,  
 quand aucunesfois ils donnent leur  
 aduiſ ſur le champ. Les loix & rei-  
 gles de droit ſont la fontaine & l'ori-  
 gine, d'où les Aduocats tirent leurs  
 argumens & raiſons , pour prouuer  
 ce qu'ils veulent, ce qui ſe fait avec  
 l'entendement, de laquelle puiſſan-  
 ce ſi l'Aduocat eſt deſpourueu, ou  
 qui l'ait laſche & de peu de force, il  
 ne ſçaura iamais former vn argu-  
 ment, encores qu'il ſçache tout  
 le droit par cœur. Nous voyons  
 clairement cela en ceux qui eſtudient  
 l'oratoire, & qui ont faute de l'habili-  
 té pour l'apprendre : car combien  
 qu'ils apprennent par cœur des To-  
 piques de Ciceron [ qui ſont les lieux  
 & fontaines d'où ſourdent les argu-  
 mens , pour prouuer chacun proble-  
 me & queſtion , par la partie affirma-  
 tiue & negatiue ] ils ne peuuent neant  
 moins ſuruenir de raiſon. Autres vien-  
 nent de grand eſprit & habilité , leſ-  
 quels ſans voir liure, & ſans eſtudier  
 les Topiques, & lieux des argumens,

en forment neantmoins mille , accommodé au propos duquel il est question. Ceste mesme chose se voit aux Legistes de grande memoire, qui reciteront fidellemét tout le droit par cœur, & ne sçauront tirer d'un si grand nombre de loix qu'il y a, vn argumét sur le quel ils se puissent fonder. Au-  
 contraires s'en trouuent autres, lesquels ayans mal estudié à Salaman-  
 que, sans liures, font merueilles en l'aduocacerie. Parquoy se peut facilement entendre combien importe à la Republique de faire ceste action & examen d'esprits pour apprendre les sciences, puis que les vns, sans art, sçauent & entendent ce qu'ils doiuent faire, & les autres chargez de preceptes & reigles ( pource qu'ils n'ont l'esprit que la pratique requiert) font mille absurditez. Si donc la maniere de iuger & aduocacer se en distinguât, inferant, discourant & eslisant, il est raisonnable que celui qui se mettra à l'estude des loix ait bon entendement, puis que telles ceuures appartiennent à ceste puissance & non

Examen  
 de l'ele-  
 ction de  
 prius,  
 l'import-  
 ance à  
 la Repu-  
 blique

à la memoire ny a l'imagination.

Mais il est bon de sçauoir en quelle maniere se peut entendre, si le ieune homme est doié de ceste difference d'esprit ou non : & faut dire & auerér premierement les qualitez de l'entendement, & toutes les differences d'iceluy, afin que nous sçachions distinctement à laquelle d'icelles les Loix appartiennent. Quand au premier, il faut sçauoir que combien que l'entendement soit la puissance la plus noble de l'homme, & de la plus grande dignité, il n'y en a pas vne neantmoins qui se trompe si aisément entour la verité qu'elle fait. Aristote a commencé à le prouuer, disant que le sens est tousiours veritable, mais que l'entendement, pour la pluspart, discourt mal. Ce qui se voit clairement par experience : car si ainsi n'estoit, on verroit de grandes dissensions entre les graues Philosophes, Medecins, Theologiens, & Legistes on verroit sur chacune diuerses opinions & iugemens, attendu qu'il

*Ar 3. li.  
ure de  
l'Armo.*

qu'il n'y a qu'une verité. Il est donc bien aisé à entendre d'où vient que les sens sont si certains, ne se trompant jamais à l'endroit de leurs obiects, au lieu que l'entendement est tant subject à se tromper entour le sien : ce que nous entendrons en considérant que les obiects des cinq sens, & les especes par lesquelles ils se recognoissent, sont fermes, & stables, naturellement deuant que les cognoistre. Mais à la verité [ que l'entendement doit contempler ] n'a de soy aucun estre formel, si l'entendement mesme ne l'a fait & composé, elle est entierement desioindte & dissipée en ses materiaux, cômme la maison cōuertie en pierres, terre, briques, mortier, bois, & chaux, desquels se pourroient faire autant d'erreurs au bastiment, par la manuaise imagination, que viendroient d'hommes pour edifier. Autant en est de l'edifice que l'entendement fait [ composant la verité ] car si n'est celuy qui a bon esprit, tous les autres commettent milles fautes, avec mesmes principes. De là

vient

vient la diuerſe opinion des hommes touchant vne meſme choſe, pource que chacun fait vne telle compoſition & figure que porte ſon entendement. Les cinq ſens ſont exempts de ces erreurs & opinions : car les yeux ne font pas la couleur : ny le gouſt, les ſaveurs : ny le toucher, les qualitez qui ſe touchent : le tout eſt fait & compoſé par la nature, deuant que chacun cognoiſſe ſon obiect. Et pource que les hommes ne ſont aduertis que ceſte mauuaſe condition de l'entendement, ils donnent hardiment leur aduis, ſans cognoiſtre certainement la maniere & difference de leur eſprit, & s'ils compoſe bien ou mal la verité, Sinon, demandons à aucuns hommes de lettres, leſquels (apres auoir eſcrit & confirmé leur opinion par pluſieurs argumens & raiſons) ont changé d'aduis, quelque temps apres, comment ils pouuoient entendre qu'ils ſe fuſſent trompez à ceſte compoſition de verité. Premièrement ils confeſſent meſmes eux qu'ils ont failly, & puis ils

O

ils se retractent de ce qu'ils ont dit deuant. A la seconde fois ie dy qu'ils se doyuent moins fier à leur entendement: pour-ce que la puissance, qui a vne fois mal composé la verité, se confiant trop en ses raisons & argumens, peut encores faillir vne autrefois ayant la mesme raison, veu mesmement qui s'est veu par experience, qu'il a eu au commencement la vraye opinion, & depuis vne pire & moins probable. Ils ont pour indice suffisant & croient que leur entendement compose bien la verité, quand ils le voyent affectionné à ceste figure, muny d'argumens & raisons qui l'incitent à composer de telle maniere. Mais de fait ils se trompent, car il y a tel regard que des autres puissances inferieures, avec les differences de leur obiet: pource que si nous demandons aux Medecins quelle viande est la meilleure & la plus salubre de toutes celles que l'homme mange, ie pense qu'ils diront ne s'en trouuer aucune [pour les hommes intemperéz & de mauuais estomac]

qui soit absoluëment bonne ny mau-  
uaife, si elle n'est conforme à l'esto-  
mac qui la reçoit. Car Galien parle  
d'aucuns estomacs, qui se trouuent  
mieux de manger de la chair de bœuf,  
que des chappons, perdrix & truites:  
autres qui abhorent les cœurs & le  
laiët, & autres qui aiment cela mer-  
ueilleusement. Et en la maniere d'ap-  
prester les viandes, les vns veulent  
la chair rostie: les autres la deman-  
dent bouïllie: & en la rostie aucuns  
la veulent sanglante: autres la veu-  
lent toute bruslee de cuire: & ce qui  
est encores plus noté, aucuns man-  
gent aujourdhuy vne viande de bon  
appetit, qui l'ont en horreur le len-  
demain, & en appetent vne autre pire.  
Tout cela s'entend lors que l'estomac  
est bon & sain: car s'il est malade  
& vicié, il appetite des choses que la  
nature humaine abhorre, & ay-  
me mieux manger du plastre, de la  
terre & des charbons, que poulets  
& perdrix. Si nous passons à la fa-  
culté generatiue, nous trouuerons  
en icelle autant d'appetits & diuersi-

tez: car se trouuent aucuns hommes qui appettent vne laide femme, & abhorrent la belle: autres aiment mieux vne ignorante, qu'une accorte: autres la maigre que la grasse: autres hayssent celles qui sont propres & bien parees, & ayment les femmes au contraire, Cela s'entend quand les membres genitaux sont en santé: mais s'ils tombent en la maladie susdite de l'estomac corrompu & vicié, ils appettent choses horribles & illi-cites. On voit le semblable en la faculté sensitive, pource que des qualitez qui se peuuent toucher, dur, mol, aspre, doux, chaud, froid, humide, sec, ne se trouuera pas vne qui contente vn chacun, pource que quelques vns reposent mieux en vn lié dur qu'en vn mol: & autres en vn mol qu'en vn dur. Toute ceste diuersité de goust & appetits estranges se trouuent es compositions que l'entendement fait: car si nous assemblons cent hommes de lettres, & si nous leur proposons quelque question, chacun en iuge particuliere-



ment, & en parle en diuerse sorte: vn  
mesme argument semble à l'vn, rai-  
son sophistique, à vn autre vray sem-  
blable & probable, à vne autre tres-  
certaine: voire mesme voyons nous  
par experience qu'une mesme raison  
se trouue certaine & veritable en vn  
mesme entendement, en vn temps  
& en vn autre, non. Et pourtant  
voyons nous tous les iours les hom-  
mes changer d'avis: les vns recou-  
rans avec le temps vn entendement  
plus subtil, cognoissent la faute de la  
raison qui les menoit auparauant: les  
autres (en perdant le bon tempera-  
ment du cerueau) abhorrent la veri-  
té, & approuuent le mensonge. Mais  
si le cerueau tombe en la maladie sus-  
dite, † nous verrons à cette heure-là  
des iugemens & compositions estran-  
ges: les faux & debiles arguments  
ont plus de force que les certains &  
veritables: telles gens respondent  
à vn bon argument: & le mauuais  
les fait rendre. Des choses premières  
mises en auant, ils tirent faulse conclu-  
sion, & par arguments estranges, &

\* Que  
l'on ap-  
pelle  
Malacia

### 310. L'Examen des Esprits.

raisons mal fondees, ils prouuent leurs mauuaises imaginations. Aquoy ayans esgard les hommes graues & sçauans, ils taschent de donner leur aduis, en trouuant les raisons enquoy ils se fondent: car les hommes se persuadent qu'autant vaut l'autorité humaine, que la raison enquoy elle se fonde peut auoir de force. & selon que les argumens sont tant differens pour conclurre (à cause de la diuersité des entendemens) chacun iuge de la raison, selon l'esprit qu'il a: & ainsi tient on pour vne plus grande grauité de dire. C'est mon aduis, pour certaines raisons qui me meuuent à cela, que d'expliquer les argumens auxquels ils se tiennent. Mais estans contraints de donner raison de leur aduis, ils ne laissent aucun argument en arriere, quelque petit qu'il soit, pource que celuy qu'ils ne pensent pas conclud mieux aucunes fois, & est de plus grande force & vertu que le bon, Enquoy se montre la grande misere de nostre entendement, qui compose & diuise

argumente & discours, & depuis qu'il a conclud, n'a preuue pour cognoistre si son opinion est veritable. Les Theologiens ont ceste incertitude és matieres qui ne sont de la foy: car apres auoir bien discoursu, il n'y a preuue infallible, ny succez euident qui descouure quelles sont meilleures raisons; & ainsi chacun Theologien donne tel aduis qu'il luy semble bon. Et de respondre avec apparence aux argumens de la partie contraire, il suffit, & n'y faut regarder dauantage. Mais és affaires du medecin & du capitaine general apres auoir bien discoursu, & reprouué les fondemens de la partie contraire, l'on doit prendre garde au succez: & s'il est bon, on le doit tenir pour sage, & s'il est mauuais, chacun doit entendre qu'il s'est fondé en mauuaises raisons. En cas de la foy que l'Eglise propose, ne se peut trouuer aucun erreur: car Dieu entendant combien les raisons de l'homme sont incertaines, & cōme aisément il se trōpe il n'a permis que choses de si grande im-

portance, & si hautes, fussent par luy  
seulement determinees: mais seule-  
ment determinees: mais s'assemblans  
deux ou trois en son non, avec la so-  
lemnite de l'Eglise, il se met inconti-  
nent au milieu, pour president de l'a-  
cte, où il prouue ce qu'ils disent de  
bon, il reiette les erreurs, & reuele  
ce qui ne se peut trouuer par les for-  
ces humaines: Ainsi done pour prou-  
uer les raisons qui sont alleguees es  
matieres de la foy, il faut regarder  
seulement si elles prouuent & infir-  
mant ce que dit & declare l'Eglise Ca-  
tholique: car si l'on peut recueillir  
quelque chose du contraire, telles  
raisons sont certainement mauuaises.  
Mais en toutes les autres questions  
où l'entendement a liberte d'opiner,  
n'a esté trouuee aucune maniere,  
pour sçauoir qu'elles raisons con-  
cluent, ny mesmes quand l'entende-  
ment compose bien la verité. On se  
tient seulement en la bonne conso-  
nance ou conformité d'icelles: ce  
qui est vn argument qui peut trom-  
per: car on trouue maintes fausse-

Dieu  
mele)  
es cho-  
les pro-  
ndes  
ca-  
ces.  
A. C. 1.

tez, qui ont plus grande apparence de verité, que les choses vraies. Les medecins & ceux-là qui gouernent en la guerre tiennent le succez & l'experience, pour la preuue de leurs raisons : car si dix capitaines prennent par plusieurs raisons qu'il est conuenable de donner la bataille, & autant d'autres deffendent le contraire, le succez confirmera vne opinion, & reprouuera l'autre. Et si deux medecins debatent sur la mort ou la vie du malade, guarissant ou mourant on decouurira lequel auoit raison, Mais neantmoins, le succez n'est pas preuue suffisante, pource qu'ayant vn effect plusieurs causes, les succez peut estre bon d'vn costé, & pour vne d'icelles : mais les raisons peuuent estre fondees en vne autre contraire. Aristote dit aussi que pour sçauoir les raisons qui concluent, il est bon de suivre la commune opinion : car quand plusieurs sçauans hommes disent & affirment vne mesme chose, & quand tous concluent par mesmes raisons, c'est vn argument (bien qu'il soit to

*Ani. le  
des To  
piques.*

pique] qu'ils font concluans & qu'ils composent bien la verité. Mais si l'on regarde bien, c'est pareillement vne preuve qui trompe, pource qu'es forces de l'entendement, l'inuention ou force sert plus que le nombre: car il n'en prend pas comme de forces corporelles, où quand plusieurs s'amassent & se ioignent ensemble pour leuer vn fardeau, ils peuuent beaucoup: & au contraire, quand il y a peu de gens ils ne peuuent gueres aussi. Mais pour trouuer vne verité plus cachee vaut mieux vn haut entendement, que cent mille qui ne sont tels, & la cause de cela est que les entendemens ne s'aydent pas, & de plusieurs ne se peuuent faire vn, comme la vertu du corps. Et pourtant le Sage a bien dit: *Multi pacisci sint tibi, & consultarius vnus de mille.* C'est à dire, Ayez beaucoup d'amis qui te deffendent, s'il est question de venir aux mains: mais pour prendre conseil, esly vn seul entre mille, Suiuât laquelle sentence Heraclite dit pareillement. *Vnus mihi instare est nulla. Vn*

m'est autant que mille. Au plaider des causes, chacun lettré donne son opinion, selon que mieux il la peut fonder en droit: mais apres auoir fort bien discouru, il n'a point d'art pour cognoistre avec certitude, si son entendement a fait la composition que la vraye iustice demande. Car si vn Aduocat prouue par le droit, que le demandeur à raison: & l'autre deffend par le mesme droit, que non, comment scaural'on lequel des deux Aduocats forme les meilleures raisons? La sentence duiuge ne demonstre la vraye iustice, & ne se peut appeller succez: pource que la sentence est pareillement opinion, & qu'il ne faut qu'aprocher & le ioindre à la cause de l'vn des deux Aduocats: & croist le nombre des lettrez en vn mesme aduis, n'est pas argument pour estimer que ce qu'ils disent & alleguent soit verité: car nous auons desia dit & prouué que plusieurs mauvais entedemés, encores qu'ils se ioignent pour decouurir quelque verité fort cachee iamaïs ne viendront au point de la vertu &

forcés d'un seul, s'il est fort haut & excellent. Que la sentence du Iuge ne preuue & demonstre certainement se voir assez, pource que la partie condamnée en appelle en vn autre siege superieur, ou elle est reuocquée par vn autre iugement: & ce qui est pis, il peut aduenir que le iuge inferieur a meilleur entendement que le superieur, de maniere que la sentence sera plus conforme à la raison. Or que la sentence du iuge superieur ne soit pareillement preuue de la iustice, est chose encores plus manifeste: car nous voyons tous tous les iours de mesmes actes, & des mesmes iuges, sortir sentences contraires: de maniere qu'il est à presumer que celuy le quel est trompé vne fois; se confiant trop en ses raisons, se trôpera encore vne autre fois: & ainsi sedoit on moins fier en la sentence: car

*En la* Qui semel est malus citte. Les aduocats  
*Science* voyans la grande diuersité des enten-  
*ap. 9.* demens des Iuges, comme chacun  
 est affectionné à la raison qui conuiét  
 à son esprit, & comme aujour d'huy



ils concluent par vn argument, & autre iour, par le contraire, se hazardent de deffendre chacun procez, pour la partie affirmatiue & negatiue: voyans mesmement par experience que de deux manieres ils obtiennent sentence en leur faueur: & ainsi est veritable ce qu'à dit la Sapience, *Cogitationes mortalium timida, & incerta prouidentia nostra.* Les pensees des hommes sont timides, & nos prouidences incertaines. Le remede qu'il y a en cela (puis que les raisons de la cognoissance de du droit, n'ont point de preuue ny d'experience) est d'esslire personnaiges de grand entendement, pour estre iuges & aduocats: car Aristote dit que les raisons & argumens de ceux-là sont aussi certains & fermes que la mesme experience. Et faisant ceste eslection, il semble que la Republique sera assuree de l'administration de iustice par ses officiers. Mais si on permet en ce cas, que les hommes entrent en ces charges, à la foule, sans faire preuue de leur esprit (comme maintenant est

Ami.  
de la D.  
taphis  
que.

la coustume ( tousiours aduiendront les desordres & erreurs que nous auons noté. Nous auons desia dit aucunement ailleurs par quels signes on pourra cognoistre si celuy qui veut estudier les loix à la difference de l'entendement que ceste faculté requier: mais pour en rafraischir la memoire, & le monstrer plus ample-ment, il faut sçauoir que l'enfant, lequel apprenant à lire, cognoistra bien tost les lettres, & nommera facilement chacune en son alphabet à grande memoire, pource que ceste facilité qu'il a d'apprendre l'indice: car il est certain que l'entendement ne fait pas c'est œuvre, ny l'imagina- tion aussi, ains est-ce l'office de la me- moire de garder les figures des cho- ses, & de dire le nom de chacune, quand il est besoin: & s'il a grande memoire, nous auons desia proué autrefois, que par consequent il a faute d'entendement. Nous auons dit aussi que la facile escriture, & les bons traits & lettres descourent vne grâde imagination: & pourtant quand

vn enfant en peu de iours ſçay bien aſſeoir la main, faire ſes lignes droictes & la lettre pareille, & de bonne forme & figure, c'eſt vn mauuais ſigne pour l'entendement, pource que c'eſt œuvre ſe fait par le moyen de l'imagination: & ces deux puiffances ſont contraires, comme nous auons dit & noté. Et eſtant mis à la Grammaire, ſ'il apprend aiſément, ſ'il parle Latin en peu de temps, ſ'il eſcrit élégamment, & à l'imitation de Ciceron, il ne ſera iamais bon Iuge ny Aduocat, pource que c'eſt vn ſigne qu'il a vne grande memoire, de maniere que c'eſt grand cas d'auanture, ſ'il n'eſt deſpourueu d'entendement. Mais ſi ceſtuy-là ſe met à l'eſtude des loix, & ſ'il demeure aux eſcoles long temps, il ſera fameux lecteur, & aura pluſieurs auditeurs, pource que la langue Latine eſt fort gracieuſe en la chaire: & pour lire avec grande apparence, ſont neceſſaires pluſieurs allegations, & meſmes faut amonceler en chachneloy, tout ce qui eſt eſcrit ſur icelle: à quoy la memoire eſt plus ne-

cessaire quel'estendement. Et combien qu'en la chaire on doive distinguer, inferer, discourir, iuger, & eslire pour tirer le vray sens de la loy, si est-ce qu'en la fin le lecteur expose le cas comme il luy semble, resout les doutes & contrarietez à son plaisir, & donne son aduis comme il veut, sans que nul luy contredise: à quoy faire suffit vn mediocre entendement. Mais quand vn aduocat parle pour vne partie: & vn autre, pour l'autre, & qu'entr'eux il y a vn Iuge pour decider le different: c'est vn vray procez, où n'est parlé comme si l'on escrimoit sans aduersaire. Et si l'enfant ne profite bien en la Grammaire, il y a soupçon qu'il puisse auoir bon entendement: ie dy qu'il y a soupçon: car il ne s'ensuit pas que celui qui ne peut apprendre Latin, ait bon entendement, ayant prouué ailleurs, que les enfans de grande imagination ne profite iamais en la langue Latine. Mais la Dialectique peut descouurir cela, pource que ceste science se rapporte avec l'entendement, comme

la pierre de touche avec l'or. Et pourtant il est certain, que si en vn mois ou deux, celuy qui oit les arts, ne commence à discourir & ne se presentent à luy argumens & responce en la maniere qui se traite, il n'a aucun entendement: mais il profite bien en ceste science, c'est vn argument infallible qu'il a vn tel entendement que les loix demandent: & pour tant peut-il aller incontinent les estudier, sans y regarder long temps. Toutesfois estimay-ie qu'il vaut mieux oïr premierement tout le cours des ars: car la Dialectique n'est non plus à l'entendement, que les trauers que l'on met aux pieds d'une Mule, pour la faire aller l'amble, & d'une maniere gracieuse & posée. L'entendement prend en ses disputes ceste mesme maniere d'aller à l'aise, l'ayant appris par les reigles & preceptes de la Dialectique. Mais si ce ieune homme (que nous examinons) ne profite en Latin ny en la Dialectique, comme il faut, il est besoin de voir s'il est pourueu de bonne imagi-

nation, deuant que nous l'ostions de l'estude des loix, car en cela se trouue vn fort grand secret, & est bon que la Republique le sçache, c'est qui se trouue des lettrez, lesquels mis en chaire font merueilles en l'interpretation du droict, & autre à l'aduocacetic, ausquels si l'on met vn baston ou sceptre en la main, ils n'ont l'esprit de gouverner non plus que si les loix n'auoient esté faictes à ce propos. Et au contraire se trouuēt autres avec trois loix mal entenduës, apprinses à Salamanque, lesquels commis à vn gouvernement, s'en sçauent acquiter le mieux du monde. De quoi sont esmerueillez aucuns curieux, pource qu'ils n'en peuuent sçauoir la raison: qui est que le gouvernement appartient à l'imagination, & non pas à l'entendement ny à la memoire. Et qu'ainsi soit, il est aisé à le prouuer, considerant que la Republique doit estre gouvernee par bon ordre & conseil, mettant chacune chose en son lieu, de maniere que tout ioint face vne bonne figure, & soit corespondant.

Ce que nous auons prouué beaucoup de fois, estre l'œuvre de l'imagination. Et ne gagneroit-on non plus de bail-  
lervn gouuernemēt à vn grād lettré,  
que de faire vn sourd iuge de la musi-  
que: mais cela se doit entendre com-  
munément & non pas comme reigle  
generalement. Car nous auons desia  
prouué, qu'il y a moyen de faire que  
nature puisse ioinde grand entende-  
ment avec grande imagination. Par-  
quoy n'est chose repugnante d'estre  
grand aduocat, & fameux gouuer-  
neur, voire mesme descouurirons  
ciapres qu'estant la nature garnie de  
toutes les forces qu'elle peut auoir, &  
avec vne matiere bien saisonnee, elle  
fera vn homme de grande memoire,  
de grand entendement, & de grande  
imagination: lequel estudiant les loix,  
il sera fameux lecteur, grand aduo-  
cat, & non moindre gouuerneur:  
mais nature forme tant peu de ceux-  
là, que cette reigle peut passer pour  
generale.

Comme se prouue qu'une partie de la theorique de Medecine appartient à la memoire: l'autre partie à l'entendement & la pratique à l'imagination.

## CHAP. XII.

**D**V temps que la Medecine des Arabes fleurissoit, y auoit vn Medecin fort renommé, tant à lire, comme à escrire, argumenter, distinguer, respondre & conclure: duquel le bruit estoit, veu son grand esprit, qu'il deuoit resusciter les morts, & guerir toute maladie, ce qui luy aduenoit tant au rebours, qu'il ne gouuernoit aucun malade, duquel il peut sortir à son honneur, & qu'il ne fist mourir. Dequoy estant merueilleusement irrité, il se rendit moine, se pleignant de sa mauuaise fortune, & n'entendant pas d'où elle pouuoit proceder. Et pource que les exemples plus frais font meilleure preuue, & couainquent mieux les sens, plusieurs graues Medecins ont opinion que Iean Argentier, medecin moderne



de nostre temps à surpassé de beaucoup Galien, à reduire l'art de Medecine en meilleure methode: & neantmoins on dit qu'il estoit tant infortuné en la pratique, que nul malade le cognoissant, ne s'osoit commettre à luy, craignant les mauuais succez d'iceluy: dequoy il semble que le vulgaire à bien occasion de s'esmerveiller, voyant par experience non seulement en ceux que nous auons dit, mais aussi en plusieurs autres que nous voyons, qu'estant vn Medecin fort lettré, par la mesme raison, il est inhabile à medeciner: dequoy Aristote a voulu donner la raison, mais il n'y a peu venir. Quand à ce qu'il n'aduenoit que les Medecins raisonnables de son temps peussent guarir, il pensoit que cela venoit de ce que ils auoient vne commune cognoissance de l'homme, & qu'ils ignoroient la nature du particulier (au contraire des Emptyques, qui mettoient peine de sçauoir les proprietéz indiuiduës des hommes, sans s'adonner aucunement à l'yniuerfel) mais il n'a-

uoit raison, car les vns, & les autres s'exercent à guerir les singuliers, & trauaillent tant qu'ils peuuent à auer cette nature particuliere. Ainsi donc la difficulté n'est, qu'à sçauoir pourquoy les Medecins fort lettrez, bien quil s'exercent toute leur vie à guerir, ne sont iamais bon Praticiens: & autres ignorans avec trois ou quatre reigles de medecine qu'ils ont appris à l'escolle, beaucoup moins de temps, sçauent mieux pratiquer & faire la medecine. La vraye responce à ce doute est fort difficile, veu qu'Aristote ne l'a peu trouuer, combien qu'il en ait approché aucunement, mais nous tenans aux principes de nostre doctrine, nous y respondrons aucunement. Ainsi donc il faut sçauoir que la perfection du Medecin consiste en deux choses, autant necessaires pour obtenir la fin de son art, que sont les deux plantes des pieds pour cheminer. La premiere est de sçauoir par methode les preceptes & reigles de medeciner l'homme en commun, sans venir au particulier.

L'autre de s'estre long temps exercé à medeciner, & cognoistre à l'oeille grand nombre des malades: car les hommes ne sont pas tant differens entre eux, que ils ne conuiennent en plusieurs choses: ny tant conformes aussi, qu'il n'y ait d'entr'eux certaines particularitez de telle nature que elles ne se peuuent dire ni escrire, ni enseigner, ni recueillir, de maniere qu'on les puisse reduire en art: mais seulement cognoistre en ceux qui les ont. Ce qui se peut facilement entendre en considerant qu'estant le visage de l'homme composé de si petit nombre de parties, comme sont les deux yeux le nez, les deux ioües, la bouche, le front, nature fait tant de composition particulieres, que si l'on voyoit cent mille hommes assemblez, chacun se pourroit remarquer avec son visage tant singulier & propre qu'à peine s'en trouueroient deux qui se ressemblent entierement. Le mesme casa aux quatre élément, & quatre premieres qualitez, la chaleur, froideur,

humidité, & siccité del'harmonie des-  
quelles se compose la vie & santé de  
l'homme. De tant petit nombre de  
parties que celles ci, nature faict tant  
de proportions, que si cent mille  
hommes s'engendrent, chacun sort  
avec sa santé tant singuliere & propre  
pour soy, que si Dieu miraculeuse-  
ment, & a l'improuiste leur troquoit  
la proportion de ces premières qua-  
litez, ils demeureroient tous malades,  
excepté parauenture deux ou trois,  
lesquels se rencontreroient confor-  
mes, & de mesme paste & propor-  
tion. Dequoy s'inferent necessaire-  
ment deux conclusions: La premiere  
est, que tout homme qui tombera en  
maladie, se doit guerir selon sa par-  
ticuliere proportion, de maniere que  
si le Medecin ne le remet à la conue-  
nance & accord des humeurs & qua-  
litez qu'il auoit au preecedent, il ne  
demeure guerit: l'autre que pour ce  
faire, comme il faut, il est necessaire  
que le Medecin aye veu & manié le  
malade plusieurs fois, quand il estoit  
en santé, en luy touchant le pouls,  
voyant

voyant son vrine, la couleur de son visage, & remarquant la temperature, afin qu'il puisse iuger quand il sera malade, de combien il estoit esloigné de la santé, & le guérissant, qu'il sçache en quel estat il se doit restituer. Pour le premier (qui est d'entendre & sçauoir la theorique & composition de l'art.) Galien dit qu'il est necessaire d'auoir grand entendement, & beaucoup de memoire, pource qu'une partie de la medecine consisté en raison, & l'autre en experience & histoire. A quoy, pour le premier, est requis l'entendement, & par l'autre, la memoire, & selon qu'il est tant difficiles d'assembler ces deux puissances en degré intentif, necessairement le Medecin doit defaillir en la Theorique, & ainsi voyons nous plusieurs Mededins, grands Latins & Grecs, grands anatomistes & herboristes (desquels les œures appartiennent à la memoire) lesquels estans mis aux argumens & disputes pour auerer la cause de quelque effet (qui appartient à l'entendement) n'y enten-

dent rien. Autres se voyent au contraire, lesquels en la Dialectique & & Philosophie de l'art se monstrent de grand esprit & habilité: mais estans mis au Latin & Grec, aux herbes & à l'anatomie, ils n'y font pas grand profit, pource qu'ils sont despourueus de memoire, & pour ceste cause

*Aulienne* Galien a dit, *Mirum non est in tanta*  
*le l'or-* *hominum multitudine, qui in Medica*  
*l'e de* *& Philosophica exercitatione, studioque*  
*estudes* *versantur, inueniri tā paucos, qui recte in*  
*illis profecerint:* C'est à dire. Je ne suis pas esmerueillé, qu'en vn si grand nombre d'hommes qui s'addonnent à la Medecine, peu deuiennent bons Medecins: de quoy donnant la raison, il dit, qu'à peine se trouue l'esprit requis en ceste science, ni maistre qui l'en-seigne avec perfection, ni qui l'estudie soigneusement. Mais avec toutes ces raisons, Galien ne vient pas au point, pource qu'il ne sçait pas en quoy consiste, que personne ne deuét parfaire Medecin. Toutesfois quand il a dit, qu'à peine se trouue entre les hommes, vn esprit conuenable à

ceste science, il a dit vray bien qu'il n'ait spécifié cela, comme nous ferons maintenant: car pour estre tant difficile d'assembler vn grand entendement avec vne grande memoire, personne ne deuient parfait en la Theorique de la Medecine. Et pource qu'il y a repugnance entre l'entendement à l'imagination [à laquelle nous prouuerons maintenant que la pratique appartient & la maniere de guérir avecque certitude] à peine se trouue vn Medecin qui ait la parfaite cognoissance, de la Medecine que l'on dit Theorique, & qui soit bon praticien: ni au contraire, vn bon praticien, qui sçache bien la theorique. Or donc est il bien aisé à prouuer que l'imagination est la puissance, de laquelle le medecin se sert en la cognoissance & cure des particuliers: & non pas l'entendement, en supposant la doctrine d'Aristote, qui dit que l'entendement ne peut cognoistre les singuliers, ni faire difference d'vn avec l'autre, ni cognoistre

le temps & lieu, ny autres particularitez qui font differer les hommes entr'eux, & medeciner chacun de differente maniere: dequoy la raison est (selon que disent les anciens Philosophes vulgaires[ que l'entendement est vne puissance spirituelle, laquelle ne se peut alterer des singulieres, pour estre remplis de maniere. Et aussi pour ceste cause Aristote a dit? que le sens est des singuliers, & l'entendement des vniuersels. Si donc les cures se doiuent faire à l'endroit des singuliers & non des vniuersels (qui ne se peuuent engendrer, & sont corruptibles] l'entendement est vne puissance impertinente pour curer ou guarir. La difficulté est maintenant de sçauoir pourquoy les hommes de grand entendement ne peuuent auoir bons sens extérieurs, pour les singuliers, estans puissances tant differentes. La raison en est fort claire, qui est que les sens extérieurs ne peuuent bien ouurer, si la bonne imagination ne leur assiste. Nous prouuerons cela par l'opinion d'A-



ristote, lequel voulant declarer que c'est de l'imagination, dit estre vn mouuement cause du sens exterieur, de maniere que la couleur [qui se multiplie de la chose coleree] altere l'œil, ce qui est ainsi; car ceste mesme couleur qui est l'humeur cristallin, passe plus auant en l'imagination, & faict en icelle la mesme figure qui estoit en l'œil. Et si l'on demande de laquelle de ces deux especes se fait la cognoissance du singulier, tous les Philosophes disent fort bien que la seconde figure est celle qui altere l'imagination & des deux est causee la cognoissance, suiuant ce dit en comun, *Ab obiectis & potentia paritur notitia*. Des obiects & de la puissance la cognoissance s'engendre. Mais de la premiere, qui est en l'humeur cristallin, & de la puissance de la veüe, n'est causee aucune cognoissance, sans l'esgard de l'imagination: ce que les Medecins Prouuent manifestement, disant: que si l'on coupe ou brusle la chair à vn malade, lequel pourtant ne

sente point de douleur, c'est signe que l'imagination est distraire en quelque profonde contemplation. Et ainsi le voyons nous par experience en ceux qui sont sains: car s'ils sont distraits en quelque imagination, ils ne voyent les choses qui sont deuant eux, & ne goustent les bonnes viandes, encor qu'ils en mangent: à raisou de quoy il est certain que l'imagination est celle qui cause le iugement, & la cognoissance des choses particulieres, & non l'entendement, ni les sens extérieurs. Il s'ensuit donc fort bien, que le medecin qui sçaura beaucoup de theorique, ou pource qu'il a grand entendement ou grande memoire, sera indubitablement mauuais Practicien, pource qu'il doit auoir fautes d'imaginations: & au contraire, celuy qui sera grand Practicien, par consequent sera mauuais Theoricien, cest à dire n'aura pas la theorique, pource que la grande imagination ne se peut assembler avec beaucoup d'entendement & memoire. Et voila pourquoy per-

sonne ne peut estre parfait Medecin & pratiquer sans faillir: car pour ne errer en la pratique, il faut sçauoir lart, & auoir bonne imagination, pour la pouuoir exercer: & nous auons prouué que ces deux choses là sont incompatibles. Le Medecin ne va iamais cõgnoistre & curer quelque maladie, qu'il ne face en soy-mesme vn si logisme en *Darii*, combié qu'il soit empirique: par lequel vne partie de la preuue appartient à l'entendement, & l'autre à l'imagination, & pour ceste cause les plus grands theoriciens errent ordinairement en la mineur, & les grands praticiens en la maior: comme si nous disions ainsi, Toute chaleur qui despend des humeurs froids & humides, se doit curer par medecine chaudes & seiches prenant l'indice de la cause. Or la chaleur que souffre cest homme despend des humeurs froids & humides, il se doit donc curer par medecines chaudes & seiches. L'entendement prouuera bien la verité de la

maieur pour estre vniuerselle, disant que la la froideur & l'humidité, pour leur moderation demandent chaleur & siccité: pource que chacune qualité se diminuë de force, par son contraire: mais pour prouuer la mineur, l'entendement ne sert de rien, pour estre chose peculièr & d'autre iurisdiction, dont la cognoissance appartient à l'imagination, en prenant des cinq sens exterieurs les propres & particuliers signes de la maladie. Et si l'indice se doit prendre de la chaleur, ou de la cause, l'entendement ne le peut sçauoir. Il enseigne seulement à prendre l'indice de ce qui promet plus de danger: mais la seule imagination demonstre, lequel des indices est le plus grand, conferant le mal que fait la chaleur, avec celui du symptame, la cause, le peu de force, ou grande vertu. Pour auoir ceste cognoissance, l'imagination à certaines proprietèz infaillibles, par lesquelles elle ataint aux choses qui ne se peuuent dire ni entendre, & ne se trouuent arts pour

icelles. Et pourtant nous voyons entrer vn medecin vers vn malade, lequel parla veuë, l'ouye, le sentir, le toucher, trouue ce qui semble impossible, de maniere que si nous demandions à ce medecin mesme, comme il a peu atteindre à vne si haute cognoissance, il n'en pourroit donner raison: car c'est vne grace qui vient d'une fecondité de l'imagination, qui s'appelle autrement *Solertia*, qui veut dire Industrie, laquelle par signes communs, incertaines coniectures, & de peu de fermeté en moins d'un rien trouue mille differences de choses esquelles consiste la force de medeciner & pronostiquer certainement. De ceste maniere d'industrie sont priuez les hommes de grand entendement, pour estre vne partie d'imagination. Et ainsi ayant les signes deuant les yeux, que ceux qui sont aduisez de la maladie, ne reçoivent en leurs sens, aucune alteration, pource qu'ils sont despourueus de la puissance imaginative, vn Medecin me demanda vne fois secrette-

ment, pourquoy ayant estudié curieusement toutes les reigles & considerations de l'art de pronostiquer, & les sçachant fort bien, il n'aduenoit iamais que son pronostic fust veritable, Auquel il me souuient auoir respondu que par vne puissance s'apprend l'art de medecine, & que par vne autre ce mesme art se met en execution. Cestuy-là auoit fort bon entendement: mais il estoit despourueu d'imagination. Mais il y a en ceste doctrine vne grande difficulté, qui est de sçauoir comme les medecins de grande imagination peuvent apprendre l'art de medecine, veu qu'ils sont despourueus d'entendement, & s'il est ainsi qu'ils pratiquent mieux que ceux qui la sçauent bien, dequoy sert aux hommes d'aller l'apprendre aux escoles? On peut respondre à cela, estre chose de grande importance: sçauoir premiere-ment l'art de medecine, pour ce qu'en deux ou trois ans, l'homme apprend tout ce que les anciens ont trouué en deux mille: de maniere que

s'il le deuoit acquerir par experiance, il luy faudroit viure trois mille ans, en quoy esprouuant les medecines, il tueroit, deuât que sçauoir leurs qualitez, vne infinité d'hommes en quoy il sera excusé s'il lit les liures des medecines raisonnables & experimentez: lesquels aduissent les estudians de ce qu'ils ont trouué durant leur vie, afin que les nouveaux medecins se seruent hardiment d'une chose & se gardent d'un autre, pour ce qu'elle est veneneuse. D'auantage, il faut sçauoir que les choses communes & vulgaires de tous les arts, sont fort claires & faciles à apprendre, mais elles sont les plus importantes en l'œeuure: & au contraire les plus curieuses & hautes sont les plus obscures & les moins nécessaires pour la pratique. Les hommes de grande imagination ne sont totalement priuez d'entendement ni de memoire. Et ainsi par la diminution de ces deux puissances, ils peuvent apprendre le plus nécessaire de la medecine pour ce qu'il est le plus aisé & le plus clair: & par aila, bonne origine

nation, ils peuuent mieux cognoistre  
 la maladie & sa cause, que les plus  
 raisonnables & entendus: veu que  
 les plus raisonnables & entendus: veu  
 que l'imagination est celle qui trou-  
 ue l'ocasion du remede qui se doit ap-  
 pliquer: enquoy consiste la plus gran-  
 de partie de la pratique. Et pourtant  
 Galien a dit, que le propre nom du  
 medecin est, *Inuentor occasioris*: & sça-  
 uoir cognoistre le temps, le lieu &  
 l'ocasion, il est certain qu'il appar-  
 tient à l'imagination, puisqu'elle por-  
 te figure & correspondance. La diffi-  
 culté est maintenant de sçauoir à la-  
 quelle de tant de differēces de l'imagi-  
 nation, appartient la pratique de la me-  
 decine: car il est certain qu'elles ne cō-  
 uienent toutes en vne mesme raison  
 particuliere: laquelle consideration  
 n'a donné plus de peine & tra-  
 uail d'esprit que toutes les autres.  
 Et neantmoins ie ne luy ay peu don-  
 ner le nom qu'il faut, sinon qu'elle  
 vient d'un degré de chaleur moins  
 que n'a la difference de l'imagina-  
 tion, par laquelle se font les vers &  
 couplets. Toutesfois ie ne certifie



pas cela du tout pource que la raison en laquelle ie me fonde est. Que ceux que i'ay consideré bons praticiens, sont tous vn peu adonnez à l'art de veriffier, & n'est leur contemplatiō trop haute, ni leurs vers merueilleux: ce qui peut aduenir aussi de ce que defaut la chaleur du poinct que la Poësie requiert: & si c'est pour cette raison, la chaleur doit estre telle, qu'elle touche vn peu la substance du cerueau, sans resoudre beaucoup la chaleur naturelle: cōbien que si elle passe outre, elle ne fait mauuaise difference d'esprit, pour la medecine, pource qu'elle ioinct l'entendement avec l'imagination par aduaction. Mais cette imagination n'est pas tant bonne pour guarir, comme celle que ie cherche: car elle inuite l'homme à estre superstitieux, magicien, sorcier, interprete, chiromancien, iuge & deuineur: car les maladies des hommes sont tant cachées & secretes, qu'ils sont tousiours deuiner ce qui en est. Ceste difference d'imagination est facheuse à trouuer en Espagne: car

nous auons prouué ailleurs que ceux là qui demeurent en cette region ont faite d'imagination & de memoire & sont pourueus de bon entendement. L'imagination aussi de ceux qui habitent au deffous du Septentrion ne vaut rien pour la medecine: car elle est fort tardiuë & lasche: elle est bonne seulement pour faire horloges, peintures, aiguilles, & autres mesmes besongnes pour le seruice de l'homme. Il n'y a que l'Egypte qui engendre en ses habitans cette maniere d'imagination: & pourtant les historiens ne disent iamais du tout, bien les Gieans sont magiciens & sorciers, & prompts à cognoistre les choses, & à trouuer les remedes à leurs necessitez. Iosephe pour loier & priser la grande sagesse de Salomon, dit en cette maniere, *Tantofuit sapientia & prudentia quem Salomon diuinitas acceperat, ut omnes priusce superaret neque etiam Egyptiorum qui omnium sapientissimi habentur.* Salomon a esté si sage & prudent, qu'il a surmonté tous les anciens, voire mesmes

Peuple:  
de Cette  
terre de  
Palesti-  
ne

ceux d'Egypte, qui sont estimez les plus sages de tous. Platon dit bien aussi que les Egyptiens surpassent tous les hommes du monde, à sçauoir gagner la vie: qui est vne habilité laquelle appartient à l'imagination. Il appert clairement que cela est veritable, pource que toutes les sciences qui appartiennent à l'imagination ont esté inuentees en Egypte: comme les Mathematiques, l'Astrologie, l'Arithmetique, Perspective, Iudiciaire & autre. Mais l'argument qui à ce propos, me conuainc le plus & me semble de plus grande force, est qu'estant le tres-Chrestien & magnanime François de Valois Roy de France molesté d'une longue maladie, & voyant que les medecins de sa maison & cour ne luy donnoient remede, toutes les fois que la chaleur luy croissoit, il disoit n'estre possible que les medecins Chrestiens le sceussent guerir, de maniere qu'il n'esperoit iamais aucun remede d'eux. Parquoy estât fâché de se voir tousiours en chaleur, il despescha

vnefois vn courrier en Espagne, par deuers l'Empereur Charles Quint, pour luy prier de luy enuoyer vn medecin Iuif, le meilleur qu'il eut en sa Court, duquel il pensoit pouuoir trouuer remede à sa maladie, si aucun y en auoit en l'art: de laquelle demande on se mit à tirer en Espagne: & tous conclurent que c'estoit l'appetit d'un homme qui estoit en chaleur. Ceneantmoins l'Empereur fit chercher vn tel medecin, iusques hors le Royaume, & ne le pouuant trouuer, il enuoya vn medecin nouveau Chrestien, pensant que par iceluy la volonté du Roy seroit accompli. Mais quand le medecin fut en France, deuant le Roy, se passa entre eux deux vn deuis fort gracieux, auquel fut descouuert que le medecin estoit Chrestié, & pour ceste cause le Roy ne se voulut seruir de luy. Le Roy (auec l'opinion qu'il auoit du medecin qui estoit Iuif) luy demanda par maniere de deuis s'il estoit point las d'attendre le Messie promis en la loy? Sire respondit le Medecin) ien'attens

pas le Messie promis en la loy Iudai-  
que. Et vous sçage en cela, dit le Roy:  
car si les signes notez en la sainte  
Escriture, pour cognoistre sa venuë,  
sont desia accomplis long temps y a.  
Nous autres Chrestiens respondit le  
Medecin) sçauons bien le temps qu'il  
y a qu'ils sont accomplis: car il y a  
aujourd'huy & compté l'an mil cinq  
cens quarante & deux ans qu'il vint:  
il fut au monde trente trois ans, au  
bout desquels il mourut crucifié, &  
& le troisieme iour ressuscita: & puis  
il monta aux cieux où il est mainte-  
nant. Vous estes donc Chrestien? dit  
le Roy: Ouy, Sire, respondit le Méde-  
cin, par la grace de Dieu. Puis qu'ainsi  
est dit le Roy, retournez à la bonne  
heure, en vostre pays: car i'ay en ma  
Cour de grands medecins Chrestiés,  
i'en voudrois auoit de Iuifs, lesquels  
à mon aduis, sont ceux qui ont vne  
naturelle habilité de guarir & prati-  
quer. Parquoy il l'enuoya sans luy  
vouloir bailler le poulx, sans luy faire  
monstrer son vrine, & sans luy tou-  
cher aucun mot de sa maladie. Et tout

soudain il enuoya en Constantinople  
 pour faire venir vn Iuif, lequel le  
 guerit avec du laiët d'anesse seule-  
 ment. Ceste imagination du Roy  
 François [à ce que ie pense] est fort  
 veritable, & croy qu'il est ainſi:  
 car aux grandes intemperatures  
 chaudes du cerueau, i'ay experimen-  
 té autrefois que l'imagination trouue  
 ce que l'homme eſtant en ſanté, elle  
 ne peut faire. Et ainſi qu'elle ne ſem-  
 ble que cela ſoit dit ſans fondement,  
 il faut ſçauoir que la diuerſité des  
 hommes, tant en la compoſition du  
 corps, comme en l'eſprit, & condi-  
 tions de l'ame, vient d'habiter re-  
 gions de differente temperature, de  
 boire eaux contraires, & de n'vſer  
 tous de meſmes & ſemblables ali-  
 mens: & pour ceste cauſe Platon a  
 dit, *Alii ob varios ventos & ætus, &*  
*logue de moribus, & ſpecies diuerſi inter ſe ſunt,*  
*La natu- alii ob aquas quidem, propter alimen-*  
*re. tum ex terra prodiens, quod non ſolum in*  
*corporib⁹ melius ac deterius ſed in animis*  
*quoque id genus omnia patere non mirus*  
*potest.* C'eſt à dire, aucuns hommes

different des autres, à cause des vens  
 contraires, ou pource qu'ils boient  
 eaux différentes, ou pource que tous  
 n'vsent de mesme viande: & ceste dif-  
 ference non seulement se trouue au  
 vilage & cōposition du corps, mais  
 aussi en l'esprit de l'ame. Or si ie prou-  
 ue maintenant que le peuple d'Israel  
 demeura plusieurs ans en Egypte, &  
 que sortant de là, il eut la nourritu-  
 re propre à ceste difference d'imagi-  
 nation, nous aurons aueré l'opinion  
 du Roy de France, & sçaurons aussi  
 par mesme moyen quels esprits se  
 doivent eslire en Espagne pour la  
 medecine. Quand au premier: il  
 faut sçauoir qu'Abraham demandant  
 les signes pour entendre que luy ou  
 ses successeurs deuoient posseder la  
 terre, qui luy auoit esté promise, le  
 texte dit, qu'en dormant Dieu luy  
 respondit en ceste maniere, *Scito pra-*  
*nosens quod peregrinum futurum sis se-*  
*men tuum, in terra sua & subiiciem*  
*eos seruituti, & affligent quadragintis*  
*annis: Veruntamen gentem qui serui tu-*  
*ri sunt ego iudicabo: & postea egredietur tū*

En Gen  
 chap. 15

*magna substantia.* C'est à dire: Sçaches Abraham, que tes successeurs erreront en pays estrange, ou ils seront assuiettis quatre-cens ans: mais sois certain que ie chastiray le peuple qui les opprimera, & que ie les deliureray de ceste seruitude, & leur donneray beaucoup de biens. Ceste prophetie s'est accomplie, combien que Dieu, pour certain respect, y ait adiousté trente ans d'auantage: & ainsi dit le texte diuin, *Habitatio autem fi-*

En exo.  
chap. 12.

*liorum Israel, quæ mensuerunt in egypto, fuit quadringentorum triginta annorum quibus expletis, eadem die egressus est omnis exercitus domini, de terra Egypti:*

C'est à dire Le peuple d'Israel a demeuré en Egypte quatre cens trente ans: lesquels accomplis ce mesme iour tout l'exercice du Seigneur fut deliuré de seruitude, & sortit de la terre d'Egypte. Mais combien que ce texte dise manifestement que le peuple d'Israel a demeuré quatre cens trente ans en Egypte, vne glose declare que par ce nombre d'ans est entendu tout le temps que le peu-



ple d'Israel fut vagabond, iusqu'à tant qu'il eust terre pronte, & qu'il ne fut en Egypte que deux cens dix ans: laquelle declaration ne s'accorde bien à ce qu'a dit sainte Egiptienne en ce propos qu'il eut avec les Iuifs, il foui sçauoir que le peuple d'Israel demeura quatre cens trente ans en la seruitude d'Ehypte. Et combien que la demeure ces deux cens dix ans fust suffisante au peuple Romain, pour prendre les qualitez d'Egypte, si est-ce que ne fut perdu pour luy, le temps qu'il en fut hors, quand à ce qui touche l'esprit: car ce qui viuent en seruitude, en tristesse & ennuy en vn pays estrange, engendrent beaucoup de colere aduste; pource qu'ils n'ont pas liberté de parler, ni se venger du tort qu'on leur fait: & cest humeur estant resti, est l'instrument de l'rustice ou ruse de l'industrie & de la malice. Et pourtant voit on par experience. ne se trouuer pires coustumes & conditions que celle de l'esclaue, lequel imagine tousiours comment il en dommagera son mai-

stre, & se deliurera de seruitude. D'auantage la terre par laquelle chemina le peuple d'Israel n'estoit pas fort estrange ni esloignee des qualitez d'Egypte, car eu esgard a sa misere & sterillité, Dieu promit à Abraham, qu'il luy en donneroit vne autre abondante & fertile. Or est il certain, tant en bonne philosophie naturelle qu'en experience, que les regions steriles, maigres, & qui n'abondent en fruiçts de la terre, produisent des hommes d'esprit fort subtil: & au contraire les terres grasses & fertiles engendrent les hommes membrus, courageux & de grandes forces corporelles, mais fort lourds & pesans d'esprit. Les historiens ne cessent de dire & radouter la propriété de la region de Grece, pour produire des hommes de grand esprit: & particulièrement Galien dit par merueille, qu'à Athenes naquît vn homme ignorant, & notez que c'estoit la terre la plus pauvre & sterille de toute la Grece. Parquoy il collige que par les qualitez d'egypte,

& des autres prouinuës où le peuple d'Israel alla, il ſe fit d'un eſprit fort ſubtil, mais il faut ſçauoir pourquoy la temperature d'Egypte crée cette difference d'imagination: ce qui eſt fort clair: ſçachant qu'en ce pays là le ſoleil eſt fort ardent, & pour cette cauſe ceux qui y habitent ont le cerueau tout brulé, & la colere aduſte, qui eſt l'inſtrument de la fineſſe & de l'induſtrie: à raiſon dequoy Ariſtote

En la 14.  
ſect, pro  
bl. 4.

demande; *Cur blaſis pedibus ſunt*.  
*A Ethiopos & Egyptij.* Comme diſant: Pourquoi les noirs d'Ethiope, & les naturels d'Egypte ſont difformes & contrefaits deſiampes, & ont le nez camus. A quoy il reſpond que la grande chaleur du pays brüle la ſubſtance de ces membres, & les fait griller comme le cuir aupres du feu: & par la meſme raiſon ſe creſpent leurs cheueux. Nous auons deſja prouué que ceux-la qui habitent en pays chaud, ſont plus aduſez que ceux qui habitent au froid; par l'opiniõ d'Ariſtote. lequel demande: *Cur locis calidis homines ſapientiores ſint quã*

Sect. 14.  
probl. 5.

*frigidis?* D'où vient que les hommes qui demeurent en pays chauds sont plus sages que ceux qui demeurēt en pays froids? mais il ne respond pas bien au probleme, & ne fait distinction de la sagesse: car nous auons desia prouué ailleurs, qu'il y a deux sortes de prudence en l'homme: vne delaquelle Platon a dit, *Scientia quæ est remota à iustitia, calliditas potius quam sapientia est appellanda*. La science qui est separee de la iustice doit plustost appeller ruse que sagesse l'autre est iointe à la droicteure & simplicité, sans aucune tromperie: & cestela est proprement appelee sagesse, pource qu'elle est tousiours assistee de la iustice & droicteure. Ceux qui habitēt en pays fortchauds sont sages, au premier genre de sagesse, & sont ceux d'Egypte. Voyons maintenant apres que le peuple d'Israel fut sorti d'Egypte, & mis au desert, quelles viandes il mangea, qu'elles eaux il beut, & de quelle temperature estoit l'eau ou il alla, afin que nous entendions, si pour cette  
raison

raison il changea l'esprit qu'il auoit quand il sortit de cette captiuité, ou s'il le retint tousiours. L'escriture dit, que Dieu nourrit & entretient ce peuple avec la manne, par l'espace de quarante ans qui estoit la viande la plus delicate que iamais homme mangea: de maniere que Moyse voyant la delicateffe & gracieuse faueur d'icelle il en chargea à son frere Aaron, d'emplir vn vaisseau d'icelle pour le mettre en l'Arche de l'Alliance: afin que ceux qui descendroyent de ce peuple (estans en la terre promise) vissent le pain duquel Dieu auoit nourri & substanté leurs peres, cheminans par le desert, & l'ingratitude d'iceux enuers sa Maiesté, pour vn tel benefice. Et afin que nous autres qui n'auons veu cette nourriture cognoissions qu'elle estoit telle, il est bon que nous nous representations la manne que nous produit la nature, & y adioustant vne plus grande delicateffe, nous pourrons entierement imaginer la bôté d'icelle. La cause materielle, dont la manne s'engendre, est

vne vapeur fort delicate, que le Soleil en leue de la terre, par la force de sa chaleur, laquelle estant paruenue au haut de la region se cuit & se parfait: & suruenant le froid de la nuit, elle tombe sur les arbres & pierres, d'où on l'amasse, & la met on en certains vases pour manger: on l'appelle *Mel roscidum* & *dericum*: miel de rosee & d'air, pour la semblance qu'elle a avec la rosee, & pour auoir esté faite en l'air: sa couleur est blanche & est de saueur douce, comme le miel: la figure d'icelle ressemble à celle du coriandre: lesquels signes l'Escripture sainte donne pareillement à la manne que le peuple d'Israel mangea au desert: au moyen dequoy ie pense que les deux auoyent vne mesme nature. Et si la manne que Dieu crea estoit d'une substance plus friande & delicate, nous confirmerons d'autant mieux nostre opinion: mais i'ay tousiours creu que Dieu s'accommode des moyens naturels, quand par le moyen d'iceux, il peut faire ce qu'il veut: suppleant au defaut

de nature par sa toute puissance. Ie le  
 di pource que de bailler à ce peuple la  
 manne à manger au desert (hormis ce  
 que par icelle Dieu vouloit signifier)  
 il semble qu'elle pouuoit, venir de la  
 disposition de la terre, laquelle au-  
 iourd'huy produit la meilleure man-  
 ne, qui soit au monde: & pourtant Ga-  
 lien dit, qu'au mont Liban [qui n'est  
 pas loin de là] elle se fait en grande  
 quantité, de maniere que les labou-  
 reurs ont coustume de chanter par  
 passietemps, que Iupiter en ce pays là,  
 enuoye vne pluye de miel. Et combi-  
 en que Dieu creast à cette heure là mi-  
 raculeusement la manne, en si grande  
 quantité, à iours determinez, si est-ce  
 qu'il se peut faire qu'elle fust de la mes-  
 me nature de la nostre comme l'estoit  
 l'eau que Moïse tira des pierres, & le  
 feu qu'Elie fit tomber du ciel, par sa  
 parole: qui furent choses naturelles,  
 combien qu'elle fussent miraculeuse-  
 ment tirees. La manne dépeinte en la  
 sainte Escriture estoit cōmerosee *Quasi* <sup>Em</sup>  
*semen coriā dri, albū, gustusque eius quasi* <sup>c. 1</sup>

*simile cum melle.* C'est à dire, ressembloit à la semence de coriandre, estoit blanche & douce comme miel qui sont les conditions propre à la manne que la nature nous produit. Les Medecins disent que le temperament de cette nourriture est chaud, & de parties subtiles & fort delicates: qui est vne composition que deuoit auoir pareillement la manne que les Hebreux mangerent. Et pourtant ils s'ennuyèrent de sa delicatesse, & dirent ainsi: *Anima nostra iam nanscat super cibo isto leuissimo.* C'est à dire: Nostre estomac ne peut plus souffrir cet aliment tant leger. La Philosophie de cela estoit qu'ils auoient forts estomacs, entretenus d'aulx oignons, & porreaux, de maniere que venans à manger vn aliment de si peu de resistance, il se conuertissoit d'utout en colere. Et pour ceste cause Galien deffend à ceux qui ont beaucoup de chaleur naturelle, de manger du miel, & autres legeres alimés, pour ce qu'ils se corromproyent, & au lieu de se cuire, se bruseroient comme

me  
lia,li. 2.  
uer-  
es a-  
ps,



fuye. Ce qui aduint aux Hebreux,  
 avec leur manne, qui se conuértilloit  
 en eux en colere aduste: à raison de-  
 quoy ils estoient merueilleusement  
 secs & maigres, pource que cet ali-  
 ment n'est propre pour engraisser.  
*Anima nostra arida est, nihil aliud respi-  
 ciunt oculi nostri nisi manna.* Nostre ame  
 est seiche & consommee, & nos  
 yeux ne voyent autre chose que man-  
 ne L'eau qu'ils beuuoient avec ceste Ave  
Nob  
 viande, estoit telle qu'ils demandoi- c. i  
En  
 ent & s'ils ne la trouuoient telle, Dieu c.  
 monstroit à Moyse vn baston de tant  
 diuine vertu, que le mettant dedans  
 les eaux grosses & troubles, il les fai-  
 soit deuenir bonnes & delicates: &  
 quand ils n'auoient aucune eau. Mo-  
 yse prenoit la verge de laquelle il ou-  
 urit la mer rouge, de laquelle frap-  
 pant les pierres, il en faisoit sortir de  
 l'eau fort agreable à leur goust, de  
 maniere que S. Paul a dit, *Petra* En  
au  
c.  
*consequente eos.* Comme disant: L'eau  
 de la pierre les suiuit ayant vn goust  
 delectable & sauoureux. Et ils  
 auoient l'estomac fait à boire des

9. eaux grosses & ameres: Car Galien  
*Epid* raconte qu'en Egypte elles se cuisent  
*con.* pour boire, à cause qu'elles sont mau-  
 uaises & corrompues de maniere  
 que beuuant des eaux tant delicates,  
 elles ne pouuoient faillir de se con-  
 uertir en eux en colere, pource qu'el-  
 les auoyent peu de resistance. Galien  
*us.* dit que l'eau pour se bien cuire en l'es-  
*apb* tomac & ne se corrompre, doit auoir les mesmes qualitez que l'aliment solide que nous mangeons. Si l'estomac est fort, il luy faut bailler aliment correspondant: mais s'il est petit & delicat, les alimens doiuent estre semblables. On doit auoir semblable esgard en l'eau, & ainsi voyons nous par experience que si vn homme est accoustumé à boire de grosses eaux, iamais n'appaise la soif, avec ses eaux delicates, & ne les sent en l'estomac, ains l'alterent d'auantage, pource que la grande chaleur de l'estomac les brusle & resoult incontinent à l'entree, d'autant qu'elles n'ont resistance. Nous pourrons dire aussi qu'ils iouissent au desert d'vn

air subtil & delicat: car allans par pa-  
 ys & lieux non peuplez à toute heure  
 ils s'offroit à eux frais, clair, & sans  
 aucune corruptiō: pource qu'ils n'ar-  
 restoyent en nul lieu. Ils l'auoient tou- En  
chap.  
 siours temperé: car de iour se met-  
 toit vne nuë deuant le Soleil, afin  
 qu'ils n'eussent trop grand chaud: &  
 la nuict apparoiſſoit vne colonne de  
 feu, pour temperer l'air. Aristote En l'  
sect.  
 dit, que la iouissance d'un tel air rend  
 l'esprit fort vif. Considerons main-  
 tenant combien deuoit estre de-  
 licate la semence de ce peuple,  
 mangeant vne viande tant sauou-  
 reuse, & beuuant les eaux que nous  
 auons dit, avec la iouissance d'un air  
 tant purifié & net: & combien estoit  
 subtil le sang menstrual des Hebré-  
 eux, & nous souuenons de ce qu'a dit  
 Aristote, qu'estant ce sang subtil &  
 delicat, l'enfant qui s'en engen- Au  
des  
ties  
ani-  
man  
 drera, sera homme de bon esprit.  
 Nous prouuerons bien au long  
 au denier chap. de cet œuvre,  
 combien importe aux peres de  
 manger viandes delicates, pour  
 engendrer enfans de grand esprit.

Et pource que tous les Hebreux mangerent vne mesme viande tant spirituelle & delicate, & beurent vne mesme eau, tous leurs enfans furent de grand esprit, és choses de ce siecle. Or estant le peuple d'Israel en la terre de promesse, avec vn esprit tant subtil, comme nous auons dit, il eut en apres tant de maux & aduersitez, endura faim, fut environné des ennemis, & soumis à tant de peines & mauuais traitemens, que combien qu'il n'eust tiré d'Egypte & du desert ce temperament chaud, sec & rosti, que nous auons dit, il l'eust rendu tel, en cette mauuaile & triste vie: pource que la continuelle tristesse & fascherie assemble les esprits vitaux & le sang des arteres au cerueau, au foye & au cœur: & estans là, les vns sur les autres, ils se viennent à brusler & rostir. Parquoy souuent ils font leuer vne chaleur, & ordinairement cause la melancolie par adustió: de laquelle quasi tous participent iusques au iourd'huy, veu ce que dit Hippocrate, *Metus & mæstitia diu durans,*

*m-lancolium* significat. Nous auons dit autrefois que ceste colere rostie est l'instrument de l'industrie, astuce cautele, & malice: laquelle est accommodee aux coniectures de la medecine, & par le moyé d'icelle cognoit l'on la maladie, la cause & le remede qu'elle peut auoir. Et pour ceste cause le tres-Chrestien Roy François rencontra merueilleusement, & eut grande raison en ce qu'il dist, si l'on ne pense que par la grande chaleur l'ong temps soufferte, & par la tristesse de se voir malade, & sans remede, le cerueau se brusta en luy, & s'esleua soudain l'imagination, laquelle comme nous auons prouué autrefois ayant le temperament qu'il luy faut, fait dire incontinent à l'homme ce que iamais il n'apprint. Mais contre tout ce que nous auons dit se presente vne difficulté fort grande: qui est, que si les enfans ou neueux de ceux qui ont esté en Egypte, & qui ont iouy de la manne, des eaux & de l'air, que nous auons dit ci dessus, estoient esleus pour medecins, il semble que

l'opinion du Roy François auroit quelque probabilité, pour les raisons que nous auons dit. Mais que ceux qui sont descendus d'eux ayent gardé iusqu'aujourdhuy les dispositions de la manne, de l'eau, de l'air, des afflictions & trauaux que leurs predecesseurs endurent en la captiuité de Babilone, c'est chose qui ne se peut entendre, car si en quatre cens & trente ans que ce peuple d'Israel fut en Egypte, & quarante ans au desert, la semence d'iceluy peut acquerir ces dispositions d'habilité, elle se pouuoient plus aisément perdre en deux mille ans qu'il y a que ce peuple est sorti du desert: & principalement estant venu en espagne, region tant contraire à l'Egypte, & où il a mangé viandes differentes & beu des eaux qui ne sont pas d'un si bon temperament & substance que là. La nature de l'homme est telle & de quelque animal & plante que ce soit: que tout aussi tost il prend les mœurs & coustumes du pays où il est vivant, & perd celle qu'il a rapporté

d'autre part, & en quelque chose qu'ils s'employe, en peu de iours il vient à bout sans contradiction. Hippocrate fait mention d'une manière d'hommes, lesquels pour se rendre differens du vulgaire, voulurent avoir pour marque de leur noblesse, la teste pointuë, & pour faire par art, vne telle figure, quand l'enfant naissoit, les cômmeres auoiët le soin de luy ferrer la teste avec certaines bandes, iusque à ce qu'elle eust ce signe. Et cest artifice fut de tel pouuoir qu'à la fin il se cōuertit en nature, pōur cequ'à uec laps de tēps, tous les enfans nobles qui naissoient, auoient desia la teste pointuë? au moyen dequoy vint à cesser l'art & diligēce des cômmeres. Mais ayans laissé vn temps, la nature libre, sans le contraindre par art, elle retourna peu à peu prendre la figure qu'elle souloit auoir au precedent. Il en peut aduenir de mesme au peuple d'Israel: car posé le cas que le pais d'Egypte, la manne, les eaux delicates & la tristesse causassent ces dispositiōs

364. *L'Examen des Esprits*  
d'esprit en leur semence, si est-il que  
cessans ces raisons & causes suruenans  
autres contraires, il est certain que ce  
doquent perdre peu à peu, les quali-  
tez de la manne, & succeder autres  
differentes, conformes à la region  
qu'ils habitoient, aux viandes, & eaux,  
dont ils se nourrissoient, & à l'air  
qu'ils respiroient. Ce doute, en phi-  
losophie naturelle, n'a pas grande dif-  
ficulté: car il y a des accidens qui s'in-  
troduisent en vn moment, & durent  
toufiours au suiet, sans se pouuoir  
corrompre: autres se trouuent, qui  
demeurent autant à se perdre, qu'ils  
ont demeuré à s'engendrer, & aucu-  
nefois plus, aucunefois moins: selon  
la force de l'argent, & la disposition  
de celuy qui partit. Pour exemple du  
premier, il faut sçauoir que d'une  
grande peur & espouuamment qui  
fut fait vne fois à vn homme, il de-  
meura tant desfait & descoloré,  
qu'il ressembloit vn mort: ce qui  
luy dura non seulement toute sa  
vie: mais aussi fut tranferé en ses  
enfants, qu'il engendra depuis, de ma-



niere qu'il n'y auoit remede pour oster ceste couleur. Suiuant ce propos, peut estre qu'en quatre cens & trente ans que le peuple d'Israel fut en Egypte, quarante au desert, & soixante en la captiuité de Babilone, qu'eussent esté necessaire plus de trois mille ans à faire que la semence d'Abraham acheuast de perdre les dispositions de l'esprit causees par manne: puis que pour corrompre la mauuaise couleur, que ceste frayeur suscita en vn moment, furent requis plus de cent ans, Mais afin de sca- uoir de fonds en cime la verité de ceste doctrine, il faut respondre à deux doutes, qui sont à ce propos, que iamais l'on n'acheue de soul- dre. Le premier est, D'où vient que tant plus les viandes sont delicates & sauoureuses, comme chapons & perdrix, tant plustost l'estomac les vient à hayr & abhorrer: & au contraire d'où vient que nous voyons l'homme manger la chair de bœuf toute l'année, sans en estre aucune- ment ennuyé & desgousté. L'autre est

# 366 L'Examen des Esprits?

pourquoy n'estant le pain de fromēt,  
 & la chair de monton de si bonne  
 substance ne si delicate, comme le  
 chapon ou la perdrix, i'amaïs l'e-  
 stomac ne les refuse ni abhorre, com-  
 bien que nous en vsions toute nostre  
 vie, de maniere que nous defaillant  
 le pain, nous ne pouuons manger  
 toutes les autres viandes, & ne nous  
 semblent bonnes. Celuy qui sçaura  
 respondre à ces deux doutes entendra  
 facilement pourquoy ceux qui sont  
 descendus du peuple d'Israel n'ont  
 perdu les dispositions & accidens,  
 que la manne auoit introduit en la se-  
 mence, de maniere que la subtilité  
 d'esprit qui leur est venue à ceste rai-  
 son, ne cesse si tost. On trouue en la  
 Philosophie naturelle, deux princi-  
 pes certains & veritables, desquels  
 despends la response & solution de  
 ces doutes. Premier est que les  
 puissances qui gouernent l'homme  
 sont desnuees & priuees des condi-  
 tions & qualitez de leur obiet, afin  
 qu'elle puissent cognoistre & iuger de  
 toutes les differences. Les yeux ont

ont re-  
 enant  
 e-  
 re des-  
 ué de  
 e natu-  
 e de la  
 hosa-re

cela : lesquels ayans à receuoir toutes  
 les figures & couleurs, par conséquent  
 sont priuez totalement d'icelles : car  
 s'ils estoient passez, comme de ceux  
 qui sont Ictériques, tout ce qu'ils re-  
 garderoiét, leur sembleroit de la mes-  
 me couleur. La langue aussi, qui est  
 l'instrument du goust, doit estre pri-  
 uée de toutes saveurs, & si elle est  
 douce ou amere, nous sçauons par ex-  
 perience que tout ce que nous man-  
 geons & beuons tient la mesme sa-  
 ueur. Autant en est de l'ouye, du flai-  
 rer & toucher. L'autre principe est,  
 que toutes les choses créées appetent  
 naturellement leur conseruation &  
 taschent de durer tousiours, de mani-  
 ere que l'estre receu de Dieu & de na-  
 ture, ne prennent iamais fin : com-  
 bien qu'en apres elles doinent obte-  
 nir vne meilleure nature. A ceste  
 cause, toutes choses naturelles qui  
 ont cognoissance & sens abhorrent ce  
 qui alterent & corrompt leur naturel  
 le composition; & le fuyent. L'esto-  
 mac est desnueé & priué de la substan-  
 ce & qualitez de toutes les viandes du  
 monde (cómme l'œil l'est des couleurs &

figures) & quand nous en mangeons aucune, combien que l'estomac la vainque, si est ce que le mesme aliment, oppugne l'estomac [ pour estre contraire au principe ] altere & corrompt sa temperature & substance: il n'y a agent si fort, lequel faisant & exerçant sa force, ne paroisse, à l'encontre. Les alimens fort delicats & sa- uoureux alterent grandement l'esto- mac, l'un pource qu'il les cuit & re- çoit d'un grand appetit: l'autre, pource qu'ils sont tant subtils & sans excremens, ils demeurent en la substance de l'estomac & n'en peu- uent sortir. Et puis l'estomac sentant bien que cest aliment luy altere sa na- ture, & luy oste les autres qui luy sont conformes & conuenables il le vient à hayr: & si d'auanture il le mange, il luy faut faire plusieurs fausses, pour le mettre en appetit & le deuoit par ce moyen. La manne a eu tout cela dès le commencement, car com- bien qu'elle fust delicate & gracieu- se à manger, en fin le peuple d'Is- raël fut ennuyé, & dit, *Manna no-*

*Arist.*  
*Aul. 2.*  
*de l'ame*  
*& Gal.*  
*au iure*  
*des cau-*  
*es des*  
*simples.*

*fra iam nauseat, super cibo isto leuissimo.*

Plainte indigne d'un peuple tant fauorisé de Dieu, qui l'auoit pourueu de ce remede, failant que la manne eust vn goust & faueur agreable. Pa-

*nem de cælo prestitistis, omne delecta-*

*mentum in se habentem.* Vous leur

*Am  
Nöbre  
ch. 11.*

auiez baillé vn pain du ciel, conte-

nant en soy toute delectation & fa-

ueur. Et pourtant plusieurs de ce peu-

ple le viendrent à manger de bon

appetit, & avec plaisir, pource qu'ils

auoient les os, les nerfs, & la chair

tant imbue de la manne & de ses qua-

litez, que pour la semblance ils n'ap-

petoient plus autre chose. Autant en

est du pain de froment que nous man-

geons à present & de la chair de mou-

ton. Les grosses viandes, qui ne sont

de bonne substance [ comme la chair

de bœuf & de vache ] ont beaucoup

d'excremens, & l'estomac ne les

reçoit d'une telle conuoitise, com-

me les delicates & sauoureuses: &

pourtant il demeure d'auantage à s'al-

terer d'icelles. Dont s'ensuit que pour

corrompre l'alteration que la manne

auoit faite en vn iour, il falloit manger autres viandes contraires, vn mois entier. Et fuiuant cela, pour deffaire les qualitez que la manne auoit introduit en la semence en quarante ans, en sont requis quatre mille & d'auantage. Autrement feignons quainsi que Dieu tira d'Egypte les douze lignees d'Israel, il ait pareillement tiré douze Negres males & autant de femelles, qu'il ait enuoyez en nostre region, en combié d'annees pensez vous que ces Negres & leurs successeurs viendront à perdre leur couleur, ne se meslans point avec les blancs, il m'est aduis qu'il en faudroit beaucoup, & qu'ils demeureroient long temps deuant que là perdre: car combien qu'il y ait plus de deux cens ans que les premiers Gitains vindrent d'Egypte en Espagne, leurs neveux & successeurs n'ont peu neantmoins perdre la subtilité d'esprit, & l'industrie que leurs peres auoient apporté d'Egypte, ny mesme la couleur basannee, tant est grande la force de la semence humaine, quand

elle reçoit en soy quelque qualité bien enracinée. Et comme les Negres communiquent en Espagne à leurs neveux & descendans, leur naturelle couleur, par le moyen de la semence, sans estre en Ethiopie : ainsi le peuple d'Israel y venant aussi, peut communiquer à ses successeurs la subtilité d'esprit, sans estre en Egypte & sans manger la manne : car estre ignorant ou sçauant est aussi bien accident de l'homme, comme d'estre blanc ou noir. Il est bien vray qu'ils ne sont maintenant si aigus & subtils qu'ils estoient il y a mil ans, pource que dès qu'ils cessèrent à manger la manne, les successeurs commencerent à perdre peu à peu ceste vigueur d'esprit, iusques à maintenant, pource qu'ils vsent de viandes cōtraires, & qu'ils sont en pays différent de l'Egypte, qu'il ne boient les eaux tant délicates comme au desert, & pource qu'ils se sont meslez avec ceux qui sōt descēdus des Gētils lesquels sōt priuez de ceste différence d'esprit : mais on ne leur peut nier

qu'ils n'entretiennent tousiours, & faut  
confesser qu'ils n'ont perdu entiere-  
ment ceste naturelle habilité.

*Comme lcy se declare à qu'elle difference  
à habilité appartient l'art militaire,  
& par quels moyens signer: se doit co-  
gnoistre l'homme pourueu de ceste ma-  
niere d'esprit.*

### CHAP. XIII.

En la 27  
señ. pro  
6.

**A**RISTOTE demande pourquoy,  
n'estant la vaillance la plus gran-  
de vertu de toutes, mais plustost la iu-  
stice & prudence: la Republique ne-  
antmoins, & quasi tous les hommes  
d'un commun consentement, esti-  
ment plus en leur cœur, vn vaillant  
homme, & luy font plus d'honneur  
qu'aux iustes & prudens, bien qu'ils  
soient constituez en grandes charges  
& dignitez. Il respond à ce proble-  
me, & dit: Qu'il n'ya Roy au mon-  
de qui ne face guerre a vn autre, ou  
qui ne la souffre, & comme ainsi soit  
que les vaillans hommes maintien-



tiennent les Roys en leurs Empire, & les vengent de leurs ennemis, ils font plus d'honneur, non à la vertu suprême, qui est la iustice, mais à cellé qui leur est plus profitable, car s'ils ne traittoient ainsi les vaillans hommes, comment leur seroit il possible de trouuer capitaines & soldats qui de bon cœur hazardassent leurs vies pour la deffence de leurs Maiestez & Estats. On dit que ceux d'Asie estoient estimez fort courageux, ausquels com-  
 me l'on eust demandé pourquoy ils ne vouloient point de Roy, ny de loix: ils respondirent que les loix les faisoient couards, & qu'ils trouuoient que c'estoit vne grande bestise de se mettre aux hazards de la guerre, pour agrandir l'estat d'autrui, qu'ils ay-  
 moient mieux combattre pour eux mesmes, & recueillir le fruiet de la victoire que de la bailler à vn autre: mais ceste responce est d'hommes barbares, & non d'un peuple raisonnable, qui est certain que sans Roy, sans Republique & loix, il est impossible que les hommes se puissent mainte-

*Hippo-  
 crate, de  
 l'air,  
 lieux, &  
 Es  
 caux.*

nir en paix. Aristote a soit bien res-  
 du, qu'il y au vne autre meilleure  
 responce qui est. Que quand Rome  
 honoroit ses capitaines de guerre par  
 triumphes & passetemps, elle ne pie-  
 noit ny guer dōnoit seulement la ver-  
 ta & vaillance de celuy qui triom-  
 phoit, mais aussi la iustice par la quel-  
 le l'armee estoit maintenue en paix &  
 concorde la prudence, laquelle on  
 procedoit aux affaires: la temperan-  
 ce dont elle vsa. ostant le vin, les  
 femmes, & la gourmandise, qui font  
 troubler le iugement, & errer le  
 conseil. Voire mesme la prudence  
 se doit trouuer plustost en vn Chef  
 de guerre & capitaine General, & se  
 doit plustost premier & honorer,  
 que le courage & vaillance. Car  
 comme a dit Vegece, il n'aduiant pas  
 souuent que les Capitaines fort vail-  
 lans facent de grands actes: & la cau-  
 se est, que la prudence est plus neces-  
 saire en la guerre, que la hardiesse de  
 cōbattre. Mais Vegece n'a ocques dit  
 quelle est cette prudence & n'a seu deno-  
 ter de quelle differēce d'esprit doit estre

pourueu celuy qui doit gouuerner  
 vne armee: & ne m'en esbahy, pour  
 n'auoir encores esté trouué la mani-  
 ere de philosopher dont elle despend  
 Il est vray que d'auerer cela, est con-  
 tre l'intention qui nous meine (qui  
 est d'eslire les esprits que les lettres  
 qui errent) mais la guerre est bientant  
 penilleuse, & est chose tant impor-  
 tante & necessaire au Roy desçauoir  
 à qui la Maiesté doit commettre sa  
 puissance & son Estat, que nous ne  
 ferons moindre service à la Repu-  
 blique, de noter cette difference &  
 signes d'esprit, que nous auons fait,  
 à dépeindre toutes les autres. Et  
 pourtant il faut sçauoir que la mali-  
 ce & milicie, (qui veut dire guerre)  
 conuient quasi de nom, & ont aussi  
 vne mesme deffinition, pource que  
 comme par eschange de l'vn aisé-  
 ment se fait l'autre. Ciceron alle-  
 gue quelles sont les proprietez &  
 nature de la malice, quand il dit *Mili-*  
*cia est versuta & fallax nocendi ratio*. La  
 malice n'est autre chose que vndou-  
 ble, cauteleux & fallacieux moyen de

*Au liu.  
 de la na-  
 ture des  
 dieux*

en l'Ec-  
cl. c. 12.

faire mal : & pourtant en la guerre on ne parle que des moyens d'offenser l'ennemy, & de le vaincre. Parquoy la meillieure propriété que puisse auoir vn capitaine general, est d'estre malicieux à l'endroit de son ennemi, & luy faire du pīs qu'il pourra : ce qui se prouue par cecy, *Non credus inimico tuo in aeternum : in labiis suis indulcat, & in corde suo insidiatur vt subuertat te in foueam : in oculis suis lachrymatur, & si veneris tempus non sariabatur sanguine.* Ne croy iamais ton ennemy, car il t'vsera de parolles emmiellees, & il te trahira en son cœur, pour te tuer & te faire choir en la fosse, il pleure, & s'il trouue l'importunité, il ne se saoulera de ton sang. Nous auons de cela vn exemple manifeste en la sainte Escriture : Car comme le peuple d'Israel fut assiegé en Bethulie, & trauaillé de soif & de faim, la fameuse Iudith sortit, en intention de tuer Holoferne : & che-  
minant par l'armee des Assiriens, elle fut prinse par les sentinelles & gardes, qui luy demandoient où elle alloit

udith,  
hap. 10

loit: & elle respondit finement, Je suis fille des Hebreux, que vous tenez assiegez, & m'enfuy, pource que ie sçay qu'ils doiuent tomber entre vos mains, & que vous auez deliberé de les traiter mal, pource qu'ils n'ont voulu se rendre à vous. Et pour cette cause ay-ie deliberé m'en aller à Holoferne pour luy decouurir les secrets de ce peuple obstiné, & luy enseigner comme il pourra entrer en Bethulie sans perdre vn seul soldat. Quand Iudith fut deuant Holoferne, elle se mettra à ses pieds, & ioignant les mains, elle commença à l'adorer, & vser de propos les plus fallacieux du monde, de maniere qu'elle fut volontiers entenduë, & Holoferne, avec tous ceux de son conseil, adiousta foy à ses paroles. Adonc n'oubliant ce que elle auoit dedans le cœur, trouua l'occasion à propos, elle luy tracha la teste. L'ami tient la condition contraire, & pour cette cause il doit estre tousiours creu: & ainsi mieux eut valu à Holoferne croire Achior, puis qu'il estoit son ami, leuelluy dit d'un grand zele, afin

qu'il ne leuast ce siege, à son grand deshonneur. Sire, sçachez premierement si ce peuple a offensé son Dieu: car s'il est ainsi, il le vous liurera, sans que vous vous mettiez en peine de vaincre: mais s'il est en sa grace, soyez certain que nous le pourrons vaincre. Mais Holoferne ne print bien cet aduis comme vn homme credule, adonné aux femmes, & qui beuuoit du vin: lesquelles trois choses peruertissent le conseil, qui est necessaire en l'art militaire. Et pour ceste

*u lin.*  
*es loix*

*u lin.*  
*la 24*  
*ff. pro.*

*u lin.*  
*ia na*  
*re. des*  
*enx.*

ceste cause Platon a dit, qu'il trouuoit bonne la loy des Carthaginois, par laquelle ils deffendoient au chef general, estant en l'armee, de boire du vin, pource que ceste liqueur, comme dit Aristote, trouble l'esprit des hommes, & leur donne vn merueilleux courage (ainsi que se demonstre en Holoferne, par les paroles tant furieuses qu'il dit à Achiot) Cicéron a touché l'esprit qui est necessaire, tant pour dresser embusches, que pour les cognoistre, & y trouuer le remede qu'il faut, amenant l'etymologie de ce mot [ *versuud,* ] & a

dit qu'il vient de ce verbe, (*versor, ris*) pource que ceux là qui sont fins & cauteleux, sentent incontinent la tromperie & y touchent facilement: & ainſi l'a monſtré Cicéron par exemple, diſant: *Chryſpus homo ſine dubio verſutus & callidus: verſutos appello quorum celeriter mens verſatur.*

Ceſte propriété de toucher incontinent au poinct eſt industrie & ſubtilité qui appartient à l'imagination, pource que les uiſſances qui conſiſtent en chaleur, ſont incontinent l'œuure, & pour ceſte cauſe les hommes de grand'entendement ne ſont pas propres à la guerre: car ceſte uiſſance eſt fort tardiue à ſon œuure, & eſt amie de droicteure, de ſimplicité, bonté & miſericorde: ce qui eſt fort contraire à la guerre. D'auantage les hommes d'entendement ne ſçauent point de ruſes, & cautelles, & n'entendent les ſtratagemes de la guerre, à raiſon dequoy ils ſont le plus ſouuent trompez, pource qu'ils ſe fient en tous. Ceux là ſont propres pour auoir affaire avec avec les amis leſquels n'eſt beſoing

d'auoir la prudence que de l'imagination, mais seulement la droicte & simplicité de l'entendement, lequel ne veut admettre aucune tromperie ni permettre que l'on face mal à personne. Mais ceux-là ne sont pas propres avec les ennemis qui ne pensent qu'à surprendre par cautelle: & est besoin de la mesme d'exterité, pour se garder des embusches. Et pourtant Christ nostre Redempteur aduise ainsi ses disciples & dit, *Ecce mitto vos sicut oues in modico ipsorum estote ergo prudentes sicut serpentes & simplices sicut colom-ba.* Je vous enuoye comme brebis au milieu des loups, soyez donc aduisez comme serpents, & simples comme colombes. Il se faut seruir de prudence avec l'ennemi, & de simplicité avec l'ami. Si donc le Capitaine ne doit croire son ennemy, & s'il doit penser tousiours, qu'il le veut tromper, il faut qu'il ait vne difference d'imagination, deuineresse, ingenieuse, & qu'il sçache cognoistre les embusches qui se brassent sous quelque couuerture: car la mesme puissance qui

En S.  
Matt.  
cap. 1.



les inuite & trouue, peut y trouuer remede conuenable. L'autre difference d'imagination semble estre celle, qui trouue & feint les subtils moyens & machines, pour gaigner les forces inexpugnables, celle qui ordonne le camp, qui pose chacun escadron en son lieu, qui cognoit quand il faut combattre, & se retirer, & celle qui fait les traitez, accords & appointemens avec l'ennemi. A toutes lesquelles choses l'entendement n'est non plus propre, qu'e l'ouye, à la veuë. Parquoy ie ne fay aucun doute, que l'art militaire n'appartienne à l'imagination: car tout ce que le bon capitaine doit faire, emporte consonance, figure & correspondance. La difficulté est maintenant de noter particulieremēt, par quelle difference d'imagination se doit exercer & faire la guerre. Enquoy ie ne me scaurois resoudre certainement, pour estre yne cognoissance haute: toutesfois ie pense que l'art militaire requiert vn degré de chaleur plus que la pratique de médecine. Or qu'elle attire la colere à se

braſſer du tout, ſe voit clairement parce que les capitaines fort caute-  
 leux, ne ſont beaucoup courageux,  
 & n'ayment à rompre ny donner ba-  
 taille, ains procedēt au fait de la guer-  
 re par embuſches, ſurpriſes & de-  
 ceptions : laquelle propriēté eſt trou-  
 uee meilleure de Vegece que nulle  
 autre. *Boni enim duces non aperto præ-  
 lio in quo eſt commune periculum, ſed ex  
 occulto ſemper attentant, ut integris ſuis  
 quantum poſſunt, hoſtes interimant certè  
 aut terreant.* C'eſt à dire, les bons

Capitaines ne ſont ceux qui combat-  
 tent ouuertement & donnent vne ba-  
 taille, en laquelle le danger eſt com-  
 mun : mais ceux qui par embuſches,  
 ſans la perte de leurs gēns, tuent les  
 ennemis, ou les eſpeuent. Le  
 Senat de Rome cognoiſſoit bien le  
 profit qui vient de cette maniere d'e-  
 ſprit : car combien qu'aucuns fameux  
 & vaillans capitaines qu'il auoit,  
 vainquiſſent pluſieurs batailles, ſi eſt-  
 ce qu'eſtans venus à Rome receuoir  
 le triomphe & gloire de leurs faits,  
 les pleurs & plainctes que faiſoient  
 les peres de leurs enfans : les fem-

mes de leurs matis : & les freres de leurs freres, estoient si grands, que l'on ne s'esiouysoit point des ieux & passe-temps, à raison de la perte de ceux qui estoient demeurez en la bataille. Parquoy le Senat delibera de trouuer capitaines qui fussent vn peu craintifs & fort aduisez & cauteleux, non pas de ces vaillans & couragetix qui ne demandent qu'à combattre : & trouua, comme vn Q. Fabius, duquel est escrit, quil ne mettoit iamais en danger l'armée des Romains, principalement quand il estoit loin de Rome, & en lieu où ayant du pire, il ne pouuoit estre promptement secouru : toute son industrie estoit de faire place à l'ennemi, & trouuer ruses & embusches, par lesquelles il a fait de grandes choses, & obtenu de grandes victoires, sans perdre vn seul soldat. Cetry l'à estoit receu à Rome en grande allegresse, d'vn chacun : car s'il en auoit leué cent mille combattans, il les remenoit tous [hormis ceux qui mouroient de maladie] de maniere que le cry de ioye

# 384 L'Examen des Esprits.

estoit ce qu'à dit Ennius.

*Vnus homo nobis cunctando restituit rem.*

C'est à dire.

*Ciceron* Vn homme en dylayant remit la repu-  
*u dia-* blique,

*que de* Comme voulant dire, Vn seul fai-  
*et viell-* sant place à l'ennemi, nous fit sei-  
*se.* gneurs du monde & nous retourna  
nos soldats. Depuis quelques capi-  
taines se sont efforcez de l'imiter, &  
pource qu'ils n'estoient pourueus de  
son esprit & ruse, ils ont laissé passer  
plusieurs fois l'occasion de comba-  
tre: dequoy sont suruenues plusieurs  
grandes pertes & inconueniens, qu'ils  
eussent promptemét combattu. Aus-  
si pouuons nous amener pour exem-  
ple ce vaillant Capitaine des Car-  
thaginois, duquel Plutarque escrit  
ces paroles: Quand Hannibal eust ac-  
quis cette grande victoire, il com-  
manda que sans rançon on donnast  
congé à plusieurs qui auoient esté  
pris, du nom Italien, afin que la ré-  
nommee de son humanité & pardon,  
diuulgast entre les peuples: bien que  
son esprit fust bien loin de ces vertus.

Il estoit naturellemēt fier & inhumain, tellement instruit dès la premiere enfance qu'il n'auoit apprins les loix ni coustumes ciuils mais seulement guerres, morrs & trahisons. Et pourtant fut il fort cruel capitaines, & malicieux à decenoir les hommes, pēsant tousiours comme il pourroit tromper & surprendre son ennemy. Et quand il ne pouuoit vaincre par bataille manifeste, il auoit recours aux embusches, comme il a monstře legerement en la presente bataille, & par celle qu'il eut auparauant contre Sempronius aupres de la riuere Tra-bia. Les signes par lesquels se doit co-gnoistre l'homme qui aura cette difference d'esprit, sont fort estranges, & dignes de contemplation: & pour cette cause Platon dit, que l'homme qui sera fort sage (en ce genre d'habilité que nous traitons) ne peut estre vaillant ni bien conditionné: car Aristote dit que la prudence consiste en froideur, & le couraęe & vaillance en chaleur. Et pource que ces deux qualitez sont repugnantes & cōtraires, il

*Au de  
logue  
la 1. sec.  
ce  
Ed. lat.  
14. pro*

est impossible qu'un homme soit fort courageux & prudent. Parquoy il est necessaire que la colere se brusle & se face la bille noire, afin que l'homme soit prudent : mais la crainte & couardise n'aist incontinent, la où se trouue ce genre de melancolie : pource qu'elle est froide. De maniere que l'astuce & fallace demande la chaleur, pource que c'est œuvre qui appartient à l'imagination : mais non pas en si haut degré, que la vaillance : & ainsi se contredisent en l'intention & force. Mais en cela y a yne chose digne à noter, que des quatre vertus morales, Iustice, Prudence, Force & Temperance, les deux premieres ont besoin d'esprit & d'un bon temperament, pour estre exercees : car si un Iuge n'a entendement pour trouuer le poinct de la Iustice, il sert de peu d'auoir la volonté, d'adiuger le bien à qui il appartient : il peut errer avec la bonne intention, & l'oster à celuy qui a droit. Le mesme s'entend de la prudence : car si la volonté suffisoit

pour faire les choses bien ordonnées, les hommes ne failli roiet iamais quoy qu'ils fissent. Il n'y a pasvn larron, qui ne pense à faire mal, de maniere qu'il ne soit veu, & n'y a capitaine qui ne desire vne prudence pour vaincre son ennemy: mais le larron qui n'a esprit de desrober finement, est incontinent descouuert, & le capitaine despourueu d'imagination, est bien tost vaincu. La Force & temperance sont deux vertus que l'homme tient en main [ combien que luy defaille la disposition naturelle ] car s'il veut faire peu de cas de sa vie, & estre vaillant, il le peu faire: mais s'il est vaillant par disposition naturelle, Aristote & Platon disent fort bien qu'il est impossible qu'il soit prudent encores qu'il le voulust de maniere que suiuant cela, il n'y a point de repugnance d'assembler la prudence avec le courage & la vaillance, pource que le certain, prudent & sage tient pour certain que pour l'ame il doit mettre l'honneur, pour l'honneur, la vie, & pour la vie, le bien. De l'a vient que les nobles, pour estre tât ho

norez, sont si vaillans, & n'y a personne qui traueille plus en la guerre, combien qu'ils ayent esté nourris en tout plaisir & delices, de peur qu'on ne les appelle coiards. Parquoy l'on dit, Dieu nous deliure du noble de iour, & du moine de nuict) car l'un pour estre veu, & l'autre pource qu'on ne le cognoist pas, combattent d'un cœur double. Par ceste mesme raison est fondee la religion de Malte: car sçachant combien importe noblesse, pour estre vaillant, elle veut & constituë, que tous les cheualiers de Malte soient nobles de race, de pere & de mere, pensant que pour ceste cause chacun combattra, pour deux genealogie & maisons. Mais si l'on en chargeoit à vn gentilhomme d'asseoir vn camp, & de faire son ennemi, s'il n'auoit l'esprit pour donner ordre à telles affaires, il feroit & diroit mille absurditez, car la prudence n'est pas au pouuoir des hommes: mais si on luy en chargeoit de garder vne trenchee ou rampart, on s'en pourroit bien fier en luy, combien qu'il fust naturelle-



ment coüiard. La sentence de Platon se doit entendre quand l'homme prudent fait son inclination naturelle, & qu'il ne la corrigé par la raison. Ainsi est il vray que l'homme fort sage ne peut estre vaillant par disposition naturelle: pource que la colere aduste, qui le fait prudent, le fait craintif & coüiard, comme dit Hippocrate, La 6. des Apho, 55 seconde propriété (que ne peut auoir l'homme, qui sera pourueu de ceste difference d'esprit) est d'estre doux & de bonne complexion: car sçachant que pour quelque erreur & negligéce se vient à perdre vne armee, il pose le cas de ce qu'il faut. Mais le peuple de peu de sçauoir appelle le souci, negligence & empeschement sans repos le chastiment cruauté: la remission, misericorde: le souffrir & dissimuler des choses mal faites vne bonne nature & complexion. Et de fait cela vient de ce que les hommes sont ignorans qui ne cognoissent la valeur des choses ni où elles tendent: mais les prudens & sages n'ont point de patience, & ne peuvent souffrir les cho-

ses qui vont val, combien qu'ils n'y  
 ayeat interest: & pour ceste cause ils  
 ne vivent gueres, & ont plusieurs  
 douleurs d'esprit. Et pourtant Salo-  
 mon disoit. *Dedi quoque cor meum ve-*  
*scirem prudentium atque doctrinam, er-*  
*roresque & stultitiam, & agnovi quod in*  
*his quoque esset labor, & afflictio spiritus:*  
*eo quod in multa sapientia, multa sit in-*  
*dignatio, & qui addit ad scientiam ad-*  
*dit & dolorem.* Comme s'il vouloit di-  
 re i'ay esté ignorant & sage, & i'ay  
 trouué qu'il y a en tout de la peine.  
 Celuy qui apprend beaucoup de sa-  
 gesse, acquiert par consequent mau-  
 uaise condition & douleurs, par les-  
 quelles paroles, il semble que Salo-  
 mon donne à entendre, qu'il viuoit  
 plus content en son ignorance, que  
 quand la sagesse luy fut donnée. Et de  
 fait les ignorants vivent en plus grãd  
 repos que les autres, pource que ils  
 n'ont aucune peine ennuy, & ne pen-  
 sent qu'en sçauoit personne les sur-  
 passe: lesquels le vulgaire appelle  
 Anges du ciel, voyant que rien ne les  
 offense: qu'ils ne s'ennuyent, qu'ils ne

reprennent les choses mal faites, & qu'ils passent par tout. Mais s'ils consideroient la sagesse & condition des Anges, ils verroyent comme cette parole conuient mal, & que c'est vn cas d'inquisition. Car dès que nous auons vsage de raison, iusques à l'heure de nostre mort, ils ne font autre chose que nous reprendre de ce que nous faisons de mal, & nous aduiser de ce qu'il nous faut faire. Et comme ils parlent à nous en leur langage spirituel, mouuant l'imaginarion, s'ils nous disoient par paroles expressees & materielles, leur aduis, nous les tiédrons pour importuns & mal complexionnez. Regardons que cet Ange, duquel parle S. Matthieu, sembla tel à Herode & à la femme de son frere Philippe, veu que pour n'ouyr, sa reprehension, ils luy firent trencher la teste. Mais le vulgaire ignorant parleroit plus certainemēt si au lieu d'appeller ces hommes Anges du Ciel, il les appelloit asnes de la terre: car entre les bestes brutes, Galien dit qu'il n'y en a point de plus doux, & de moindre esprit que l'asne,

*S. Iean  
Baptiste  
estoit  
Ange  
son office  
Mat. 22*

combien qu'il ait meilleure memoire que tous les autres: il ne refuse aucune charge il va où l'on le chasse, sans aucune contradiction, il ne ruë point, ni ne mord: il ne fuit point, & n'est point malicieux: & si on le frappe, il ne s'en fasche point, il est du tout fait au plaisir: & contentement de celuy qui en a affaire. Les hommes que le vulgaire appelle Anges du Ciel, tiennent ces mesmes proprietes, auxquels cette complexion tant douce, vient de ce qu'ils sont ignorans & despourueus d'imagination, & pource qu'ils ont la faculté de lire imbecile? ce qui est vn grand deffaut en l'homme, demonstrent qu'il est mal composé. Il n'y eut jamais au monde Ange, ni homme, de meilleure complexion que Iesus Christ nostre Redempteur, lequel neantmoins entrant vn iour au Temple, donna de bons coups à ceux qu'il trouua y vendre certaines marchandises. La cause de cela est. Que la puissance de lire est le baston & l'espee de la raison: & l'homme qui ne reprend les choses mal faites. en le fait com-

me ignorant: ou pource qu'il s'ôt despouueu d'ire, de maniere que l'homme sage à peine est doux, ni de la complexion que desiroient les mauuais. Et pour ceste cause ceux qui escriuent l'histoire de Iules Cesar, sont estonnez de voir comme les soldats pouuoient souffrir vn homme tant rude & reuesche: ce qui luy procedoit de l'esprit qu'il auoit propre à la guerre. La troisieme proprieté de ceux qui sont pourueus de ceste maniere d'esprit est de ne se soucier de l'ornement de leur corps: car ils sont quasi tous mal propres, sales & ords: ils ont les chausses rompuës, la cappe mal agéece, ils sont vestus de vieux accoustremens, & ne les changent iamais. Horace dit de ceux qui sont occupez en profondes imaginations, qu'ils ne se soucient pas de se couper les ongles, ni de se lauer les mains, tant ils sont sales. Lucius Florus raconte, que ce fameux capitaine Viriarus, de nation Portugais, auoit cette proprieté: & dit, louât sa grande humilité, qu'il se soucioit tant peu de l'agencement, de sa per-

sonne, qu'il n'y auoit soldat en toute son armee qui fust en pire equipage qu'il estoit. Et certainement n'estoit ce vertu, & ne le faisoit par art, ni expressément, c'est vn effect naturel de de ceux qui ont cette difference d'imagination que nous cerchons. Le mal propre de Iulè Cesar deceut & trompa grandement Ciceron: car apres la bataille, comme il luy eut demandé pourquoy il auoit suiuy le party de Pompee: Macrobe raconte, qu'il respondit, *Precinctura me se fellie* comme voulant dire, j'ay esté trompé de voir que Iules Cesar estoit vn homme mal propre en ses accoustremens, qui ne portoit iamais de ceinture, & pour cette cause les soldats se rioient de luy: mais cela les denoit inciter a entendre qu'il auoit vn esprit requis pour le cōseil de la guerre, comme Sylla le touche, ainsi que dit Tranquille: lequel voyant Iules Cesar enfant mal propre en ses habits, aduisa les Romains de cela, & leur dit: *Cauete puerū malè præcinctū* C'est à dire; Gardez vous, Romains de cet

enfant mal ceint. Les historiens ne  
 cessent de reciter d'Hannibal le peu  
 de souci qu'il auoit de se tenir pro-  
 pre en ses accoustremens. Cette pro-  
 priété & netteté appartient à vne dif-  
 ference d'imagiuation fort basse, qui  
 contredit à l'entendement, & à la dif-  
 ference d'imagination que l'art mili-  
 taire requiert. Le quatrième signe est  
 d'auoir la teste chauue: dequoy la  
 raison est fort claire, car cette diffe-  
 rence d'imagination reside en la par-  
 tie de deuant la teste, comme aussi  
 toutes les autres. Et l'extrême cha-  
 leur brulle le cuir de la teste, & clost  
 les pores & lieux par où les cheveux  
 doiuent passer: ioint que la maniere  
 de laquelle ils s'engendrent, est l'ex-  
 crement du cerueau, commun disent  
 les Medecins, en temps de sa nour-  
 riture, de maniere que par le grand  
 feu qui y est, tous les excremens sont  
 cōsomez, & deffaut la matiere pour  
 engendrer le poil. Si Iules Cesar eust  
 comme philosophie, il ne se fust  
 pas tant fasché d'auoir la teste  
 chauue, lequel pour la nourrir, faisoit

par

vost

men

cogno

l'ho

es

est

pare

d'au

plus

saur

Hip

liut

l'ac

Arre

com

ble.

rebrousser sur son front vne partie des cheueux qui luy pendent sur le derriere de la teste. Tranquille dit qu'il estoit bien aise de porter tousiours la couronne de l'aurier sur sa teste (comme si le Senat luy eust enchargé) seulement pource qu'elle estoit chauue & qu'il la vouloit couvrir. Il y a vne autre maniere de chauues, qui ont le cerueau dur, terrestre & de grosse composition: qui est signe que l'homme est despourueu d'entendemens, d'imagination & de memoire. Le cinquième signe par lequel se connoissent ceux qui tiennent cette difference d'imagination est, Que tels parlent peu & sentencieusement, pource qu'estant le cerueau dur, il est force qu'ils soient despourueus de memoire, à laquelle appartient l'abondance des paroles. Et quant à ce que l'homme parle beaucoup, cela vient de l'assemblée qui se fait de la memoire avec l'imagination au premier degré de chaleur. Ceux qui obtiennent cette conionction des deux puissances sont ordinairement men-



teurs, qui n'ont iamais faite de propos, encor qu'on les escoute tous-jours. La sixième propriété de ceux qui ont ceste difference d'imagination, est d'estre honnestes, & de s'offenser notamment des paroles des-honestes & vilaines. Et pour ceste cause Cicéron dit que les hommes fort raisonnables imitent l'honnesteté de nature, laquelle a caché les parties laides & honteuse qu'elle a fait, pour les pourvoir de leurs necessitez, & non pas pour les embellir, car mesme elle ne consent que l'on y fiche le regard, ou qu'on les entende nommer. Cela se peut bien attribuer à l'imagination, & dire qu'elle s'offense par la mauuaise figure de ces parties. Mais au dernier chapitre nous donnons raison de cet effet, & le rapportons à l'entendement & iugeons despourueus de ceste puissance ceux qui ne sont offensez de la deshonesteté. Et pour ce que la difference de l'imagination que l'art militaire requiert, se ioint quasi à l'entendement, les bons capitaines sont tres-

honnestes, & pourtant en l'histoire de Jules Cesar se trouueravn acte d'honnesteté le plus grand que iamais fit homme. Car ainsi qu'on le poignardoit au Senat. (voyant qu'il ne pouuoit fuir la mort) il se laissa choir en terre, & s'agença de l'accoustrement Imperial, de telle maniere que depuis qu'il fut mort, on le trouua estendu, avec grande honnesteté, ayant les pieds couuerts, & toutes les autres parties qui pouuoient offenser la veüe. La septième propriété, & la plus importante de toutes, est que le Chef general soit bien fortuné & heureux : par lequel signe, nous entendons clairement, qu'il a l'esprit habilité requise au fait de la guerre: car veritablement il n'y a rien qui face les hommes infortunez, & quand les affaires ne leur succedent à souhait, cela aduient pource qu'ils ont faute de prudence, & qu'ils n'employent les moyens conuenables aux affaires qu'ils entreprennent. Pource que Jules Cesar estoit pourueu d'vne grande

prudence en ce qu'il faisoit, il estoit  
 bien le plus heureux & fortuné  
 qui fut iamais au monde, de maniere  
 qu'aux grands dangers, il encourageoit  
 ses soldats, disant : Ne crai-  
 gnez point, car la bonne fortune de  
 Cesar vous accompagne. Les phi-  
 losophes Stoyques ont entendu que  
 comme il y a vne cause premiere, e-  
 ternelle, toute puissante, de sçavoir,  
 infinie, cognue par l'ordre & dispo-  
 sition de ses œuvres admirables, il y  
 en a aussi vne autre imprudente non-  
 chalante & incertaine, de laquelle les  
 œuvres sont sans ordre ny raison, &  
 despour ueues de sçavoir : car par vne  
 affection irraisonnable, elle donne &  
 oste aux hommes les richesses, digni-  
 tez & honneurs. Ils appellerent de  
 ce nom *Fortune*, voyant qu'elle amie  
 de ceux qui font leurs affaires *Fortui-  
 tement*, c'est à dire à l'auanture, sans  
 prudence & raison. On la represen-  
 toit (pour donner à entendre ses mœurs  
 & manieres) en forme de femme, a-  
 uec vn Sceptre Royal, en la main,  
 ayant les yeux bandez, & les pieds  
 sur vne boule ronde, accompagnée

d'hommes ignorans, tous sans art & maniere de viure. Par la figure de femme on denotoit sa grande legereté & inconstance: par le sceptre Royal on la confessoit dame des Richesses & honneur, & par les yeux bandez on donnoit à entendre le peu d'esgard qu'elle a de partir ses biens & honneurs, & quand à ce qu'elle a les pieds sur vne boulle ronde, c'estoit pour signifier le peu de fermeté qu'elle a es faueurs qu'elle donne: car elle les oste aussi facilement comme elle les donne, sans estre aucunement stable. Mais le pis qui se trouue en elle, est qu'elle fauorise les mauuais, & persecute les bons: qu'elle ayme les ignorans, & abhorre les sages: qu'elle abaisse les nobles, & esleue les vils & ignobles, que le laid est agreable, & le beau en horreur. En laquelle propriété se confians plusieurs hommes qui cognoissent leur bonne fortune, osent bien faire actes fols & temeraires, qui leur succedent fort bien, & autres hommes sages & aduisez n'osent entreprendre les choses qu'ils peuuent

*lect. pro-  
En la 26  
ble. 8.*

peuvent conduire avec grande prudence, sçachant par experience que telle choses ont souuent mauuais succez. Aristote prouue combien la fortune est amie des meschans,quād il demande, Pourquoi les hommes meschans sont volōtiers pour la pluspart,plustost riches que gens de bien qui sont volontiers pauvres: A quoy il respond & dit: Est-ce pource que la Fortune est auetgle, & qu'elle n'a discretion pour eslire le meilleur? Mais cette responce est indigne d'un si grand Philosophe: car il n'y a point de Fortune qui donne les richesses aux hommes, & quand il y en auroit, elle n'a point de raison, pource qu'elle fauorise tousiours les meschans, & chasse les bons. La vraye resolution de cette demande est, Que les meschans sont fort ingenieux, & ont vne forte imagination, pour tromper, en achetant & vendant: ils sçauent amasser le bien, & comme il en faut auoir. Mais les bons ont faute d'imagination, plusieurs desquelz ont bien vōu luimiter les mauuais, mais aussi en

En la 1  
set. p.  
ble. 8.

fin il s'y sont trouuez courts.

En s.

Luc. 16.

6.

Christ nostre Redempteur nota bien cela, voyant l'habilité de ce maistre d'hostel auquel le maistre demanda conte de l'aministration de la maison: ce que fit prudemment le dissipateur, combien qu'il eust dissipé beaucoup des biens de son maistre. Et Dieu loüa cette prudence (encore quelle fust en mal) & dict: *Quia filii huius seculi prudentiores lucis in generatione sua sum.* C'est à dire: Les enfans de ce siecle sont plus aduisez en leurs inuentions & finesces, que ceux qui sont du costé de Dieu: car ceux-ci sont volontiers de bon entendement: par laquelle puissance ils s'affectionnent à la loy de Dieu, & sont priuez d'imagination: à laquelle puissance appartient le moyen de viure au monde, & ainsi plusieurs sont bons moralement, pource qu'ils n'ont l'esprit & habilité d'estre mauuais: cette responce est plus certaine & veritable. Les Philosophes naturels ne pouuans toucher à ce poinct, ont controuué vne cau-

se autant sotte & impertinente comme la Fortune à laquelle ils attribuent les bons & mauvais succez, & non à l'imprudence & peu de sçauoir des hommes. On trouue quatre differences ou manieres d'hommes en chacune Republique, si quelqu'un les veut rechercher: aucuns se trouuent qui sont sages & ne le semblent: autres le semblent, qui ne sont pas tels: autres ne sont sages, ni ne le semblent. On trouue vne maniere d'hommes taciturnes, tardifs, à parler, à respondre, & n'ayans aucun ornement de paroles, lesquels ont en eux vne puissance naturelle, touchant l'imagination, par le moyen de laquelle ils cognoissent le temps, l'occasion, & l'adresse de mener les affaires sans le donner à entendre à personne. Or le vulgaire appelle ceux-là fort heureux & bien fortunez, pensant que toutes choses leur viennent bien à souhait, avec peu de sçauoir & prudence, Et au contraire se trouuent autres hommes de grande eloquence qui parlent

beaucoup, manient beaucoup, parlent de gouverner tout le monde, & present comme avec peu d'argent on pourroit gagner à viure, & ceux-là, au dire du peuple, sont sçauans: mais quand ils viennent à l'œuvre, tout leur fond entre les mains. Ceux là se plaignent de la fortune & l'appellent aueugle, sotte & brutale, pour ce qu'elle fait que les choses par eux ordonnées avec prudence, ont mauuaise issue. Mais s'il y auoit vne Fortune qui peust respondre pour soy, elle leur diroit: Vous estes fots & ignorans: car vous vous estimez sages, au lieu que vous estes mal aduisez: vous vsez de mauuais moyens, & vous demandez les bons succez. Cette maniere d'hommes est pourueue d'une difference d'imagination qui establit vn ornement & grace aux paroles & raisons qui les fait sembler & paroistre ce qu'elles ne sont pas. Parquoy ie conclus que le Chef general, qui aura l'esprit propre & requis en l'art militaire, & qui regardera bien premiere qu'il veut faire, sera bien-heureux



& fortuné: autrement est-ce folie de penser qu'il obtienne aucune victoire ce n'est que Dieu combatte pour luy comme il faisoit és armées d'Israel, & neantmoins, il choisissoit les plus sages & prudents capitaines qu'il eust, pource qu'il n'est pas convenable aux hommes de remettre tout à Dieu, ni de se fier aussi en leur esprit & habilité: il vaut mieux assembler le tout: car il n'y a autre fortune que Dieu, & la bonne diligence de l'homme. Celuy qui inuenta le ieu des eschets, fit le modelle de l'art militaire, representant en iceluy tous les tours & contemplations de la guerre, sans faillir en rien. Et comme en ce ieu n'y point de fortune, & ne se peut appeller heureux, le ioüeur qui vainc & surmonte son aduersaire: aussi Capitaine qui vaincra, se doit appeller sage, & le vaincu ignorant, & non infortuné ni malheureux. La premiere chose qui a esté ordonnée en ce ieu, est que en donnant eschet & matau Roy, le contraire demeure victorieux: pour donner à enten-

dre que toutes les forces d'une armee, consistent au bon sens & cer-  
 tain de celuy qui la gouverne  
 & conduit. Et pour demonstrier  
 cela, l'inventeur de ce jeu donne  
 autant de pieces à l'un comme à  
 l'autre afin que celuy qui perdra,  
 sçache que le sçavoir luy a defailli &  
 non pas la fortune. Ce qui se voit plus  
 euidemmet en ce que vn bon ioueur,  
 donne à vn moindre que luy, la moi-  
 tié des pieces, & neantmoins ils le  
 gagnent. Et en cette maniere l'a bien  
 noté Vegece disant *Pauciores numero*  
*& inferiobus vocibus superuentus &*  
*insidias facientes sub bonis ducibus repor-*

*terant saepe victoriam.* C'est à dire: Il  
 auient souuent que le petit nombre  
 de soldats & de peu de forces, sur-  
 monte le grand nombre de ceux qui  
 sont forts & robustes, quand il est  
 gouverné par vn Chef bien sage  
 & aduisé. Il a fait aussi en sorte que  
 les pions ne peussent tourner arrie-  
 re, pour aduiser le Chef general de-  
 regarder diligemment à son fait, de-  
 uant que faire marcher ses soldats,

& les mettre en œuvre: car s'ils s'avancent legerement & à l'aventure: il leur convient demeurer plustost & mourir en la place que tourner le dos: car le soldat ne doit sçavoir le tēps de fuir & de cōbatre en la guerre, sinon par le moyen & adresse de celuy qui le gouverne, & ainsi, tant qu'il viura, il se doit garder d'infamie. Avec ce, il a fait vne autre loy, que le pion qui parviendra iusques au septième lieu de l'eschiquier, reçoive estre nouveau de piece d'honneur, & puisse aller où il voudra & s'asseoir aupres du Roy, comme piece affrauchie & noble. Enquoy est donné à entendre qu'il importe beaucoup en la guerre (afin de rendre les soldats vaillans) de recompenser ceux qui ont fait de grandes proüesses & actes magnanimes. Et si les successeurs doivent iouyr des hōneurs & profits, ils employent vn plus grand cœur & vaillâce. Et pour cette cause Aristote dit que l'hōme estime plus l'estre vniuersel de sa race, que la vie particuliere. Saul entendit bien cela, quand

il fit faire vne crie en son exercice,  
qui portoit, *Virum, qui percusseris eum*  
*ditabit rex diuitiis magnis, & filiam*

u l. li. *suam dabit ei, & domum patris eius*  
s Ro. *faciet asque tributo in Israel.* C'est à di-  
27. re: Le soldat qui tuera Goliath aura  
du Roy beaucoup de richesses, le-  
quel luy donnera sa fille en mariage,  
& exemptera la maison de son pere  
de tailles & subsides. Suivant ce cry,  
y auoit vne Court en Espagne, qui  
ordonnoit, que le soldat qui pour ses  
bons seruices auoit vingt cinq liures  
de paye & salaire [qui estoit le plus  
que l'on donnoit à vn soldat en la  
guerre] demeurast & tous ses succes-  
seurs aussi, à iamais exempt de payer  
tailles & impôts. Les Mores [selon  
qu'ils sont grand ioüeurs d'echets]  
gardent sept degrez de paye, à l'imi-  
tation des sept lieux que doit passer le  
pion, pour estre dame & ainsi il hauf-  
sent d'vne paye à deux, & de deux à  
trois iusque à venir au sept, selon les  
actes du soldat & les seruices qu'il  
aura faits: & s'il est si vaillant qu'il  
merite la plus grande paye, on la luy

donne: & pour cettē cause l'on appelle ceux-la Septenaires, lesquels ont de grandes libertez & exemptions, comme en Espagne les gentils-hommes. La raison de cela est fort claire en philosophie naturelle: car il n'y a pas vne faculté de toutes celles qui gouvernent l'homme, qui vueille trauailler & œurer de bon cœur si elle ne voit le profit deuant soy, qui la mouue. Ce que prouue Aristote de la puissance generatiue ou qui engendre, & s'en peut autant dire des autres. Nous auons desia dit autrefois que l'honneur & le profit est l'obiet de la faculté de l'ire Si cet obiet defaut, le courage & la vailance cesse incontinent. De tout cela s'entendra la grande signification qu'emporte le pion, en cette maniere qu'il a de se faire dame & piece d'honneur, quand il passe (sans estre prins) les sept carreaux du tablier. Car toute la noblesse qui a esté au monde, est & sert à iamais, est venue & viendra de pions & homme particuliers lesquels par la vertu de leurs person-

*En la  
sect. p.  
16.*

410 L'Examen des Esprits.

nes ont tant fait qu'ils ont mérité & mérité pour eux & leur posterité, tiltre de gentils-hômes, cheualiers, nobles, Côtes, Marquis, Ducs & Roys. Il est vray qu'aucuns se trouuent tant ignorans, & priuez de cōsideration, de dire que leur noblesse n'a receu cōmencement, mais quelle est eternelle & conuertie en sang, non par grace speciale & particuliere du Roy, mais par la supernaturelle & diuine. A propos de cela, encores que ië m'eslongne vn peu de nostre suiet, ie veux raconter ici vn gentil deuis qui se passa entre le Prince dom Charles nostre Seigneur, & le Doct. Suarez de Toledé, estât présidēt de la Cour ten Alcalade Henares

LE PRINCE, LE DOCTEUR.

**Q**ue vous semble de ce peuple? LE DOCTEUR. Tout bien, Monseigneur: car il ioiuit du meilleur ciel & pays qui soit en Espagne.

LE PRINCE. Les medecins l'ont choisi tel, pour ma santé: auez vous veu l'vniuersité.

LE DOCT. Non Monseigneur.

LE PRIN. Voyez-là, elle est celebre, & en laquelle on me dit qu'il y a bon

exercice de lettres & sciences.

LE DOCT. Certainement i'en ay ouy faire grand cas: elle est fort renommee: & par ainsi doit elle bien estre telle d'effet, que dit vostre Altesse.

LE PRIN. Où auez vous estudié?

LE DOCT. A Salamâque, Monseign.

LE PRIN. Estes vous Docteur passé à Salamanque?

LE DOCT. Non Monseigneur.

LE PRIN, Il me semble fort mauvais, d'estudier en vne vniuersité, & prendre ses degrez en vne autre.

LE DOCT. Vostre Altesse doit scauoir que la despense és degrez est excessiue à Salamanque: & pour ceste cause les pauvres fuyent cela, & vont en lieu où ils puissent se graduer a meilleur marché, sçachant que l'habilité & les lettres ne s'acquierent pas du degré: mais par l'estude & le trauail, combié que mon pere ne fust si pauvre, que s'il eust voulu, il n'eust eu le moyen de me graduer à Salamanque: mais vostre Altesse sçait bié, que les Docteurs de cette Vniuersité iouissent les mesmes franchises, que les nobles d'Espagne

qui s'appellent *Hidalgos* : ) & a nous qui le sommes de nature cette exemption nous fait tort , au moins à nos neneux & à ceux qui viendront apres nous.

LE PRINCE. Quel Roy de mes predecesseurs a fait vostre race noble ?

LE DOC. Nul, car vostre altesse doit scauoir qu'il y a deux sortes de nobles en Espagne, aucuns le sont de sang, les autres par priuilege, ceux qui sont nobles de sang, comme ie suis, n'ont receu leur noblesse de la main du Roy, mais ceux qui le sont par priuilege, ouy bien.

LE PRIN. Ie ne peux bien entendre cela, ie serois bien aise que vous me l'eussiez declaré en termes manifestes : car si mon sang Royal ( constant de moy, à mon pere, de mon pere à mon ayeul, & de luy aux autres par ordre ] vient à commencer en Delaye ( lequel par la mort du Roy de dom Rodrigue, fut esleu Roy, ne l'estant au precedent ) si nous contons ainsi, & regardons à vostre race, viendront nous pas à acheuer en quelqu'un qui n'estoit noble ?



LE DOC. Ce discours ne se peut pas nier; car toutes choses ont prins commencement.

LE PRIN. Je demande donc maintenant d'où le premier qui a donné commencement à vostre noblesse, auoit prins la sienne: car s'il ne pouuoit exempter ny affranchir de soy-mesme des tailles que iusques là, ses predecesseurs auoient payé au Roy: car ç'eust esté vn larcin & crime de s'esleuer ainsi: du patrimoine Royal: & n'est pas raisonnable que les nobles du sang ayent vn si mauuais commencement que cestuy-là. Il s'ensuit donc que le Roy l'affranchit, & le fit nobles: & vous ne me dites d'où il eust sa noblesse.

LE DOC. Vostre altesse conclud fort bien: car il est certain qu'il n'y aucune vraye noblesse, qui ne vienne du Roy, & qui ne soit facture Royale. Mais nous appellons nobles de sang ceux, du commencement desquels n'est point de memoire, & ne se sçait par escrit, quand leur noblesse commença, & quel Roy leur fit ce-

*A la difference des autres qui s'acquiescent autrement comme l'on sçait par indi-*

*Ariense* ste grace La Republique tient ceste  
*Et parlo* obscurité beaucoup plus honorable,  
*moien* que de sçauoir distinctement le con-  
*des res* traire, &c. La republique fait pareil-  
*moins,* lement des nobles: car quand vn hō-  
*Et d'un* me est vertueux, & riche, elle ne l'ose  
*receueur* assuiettir, & luy semble qu'il est di-  
*pinstost* gne de viure en liberté, sans l'esgal-  
*que du* ler au bas populaire. Telle estime s'e-  
*Roy.* stendant aux enfans & neueux, se cō-  
uertit en noblesse: de maniere qu'ils  
ont droit contre le Roy, Ceux-là ne  
sont nobles ni affranchis par la solde,  
& les armes: mais pource qu'on ne le  
sçauroit prouuer, ils passent pour tels,  
l'Espagnol qui trouua ce nō (*Hino dal-*  
*go*) donna bien a entendre la doctrine  
que nous auons proposee: car suiuant  
son opinion, les hōmes ont deux ma-  
nieres de naissance. L'vne est natu-  
relle, par laquelle tous sont esgaux,  
l'autre est spirituelle, quand l'homme  
fait quelque acte heroïque & qu'il de-  
montre quelque vertu excellente, il  
n'aist de nouveau, recouure autres  
meilleurs parens, & perd son estre  
premier.

Ayer s'appelloit fils de Pierre, &

neveu de Sauchon: maintenant il s'appelle fils de ses œuvres: & de la pro- Aun  
Att. ch.  
cede le prouerbe Castillan, qui dit, *s. Cada uno es hijo de sus obras*: C'est à dire. Chacun est fils de ses œuvres: & pource que l'Escripture sainte appelle les bonnes & vertueuses (*algo*) c'est à dire quelque chose, & les vices & pechez (*dada*) qui veut dire rien, il a composé ce nom, *filiio nalgo*, qui veut dire S. Jean  
chap. I.  
maintenant. Le descendant, ou fils de celui qui a fait quelque chose vertueuse, au moyen de laquelle il a esté premier & recompensé du Roy, ou de la Republique, luy & tous ses successeurs à iamais? La loy de la condition dit que *llio dalgo*, veut dire fils de biens mais si elle entend des biens En lalo  
2. p. c.  
temporels, elle entend mal: car on trouue plusieurs nobles & affranchir til. &c.  
en ceste maniere qui sont pauvre, & autres infinis riches, qui ne sont nobles, & n'ont pas telles franchises que ceux qui s'appellent de ce nom *Hijo dalgo*: Mais si la loy veut dire, Homme de biens, que nous appellons vertus, c'est la mesme signification que nous auons dit. Quant à la se-

conde naissance que doiuent auoir les hommes, hors la naturelle, nous en auons vn exemple manifeste en la sainte : Escriture, où Iesus Christ nostre Redempteur reprend Nicomede, de ce qu'estant docteur de la loy, il ne sçauoit qu'il estoit necessaire que l'homme retournaist naistre, pour auoir vn estre meilleur, & autres parens plus honorables que les naturels. Et ainsi tout le temps que l'homme ne fait aucun acte heroïque, il s'appelle en ceste signification, *Hijo de nada*, c'est à dire, Comme de nulle valeur, combien que par ses predecesseurs, il ait le nom. *d' Hijo dalgos*. A ce propos ie veux reciter en cest endroit, vn deuis qui se tint entre vn capitaine fort honorable & vn cheualier, qui s'estimoit beaucoup, à cause de sa race: auquel se verra en quoy consiste l'honneur, & comme chacun en entend ceste seconde naissance. Estant donc ce Capitaine en vne compagnie de cheualiers, traitans de la liberté des soldats d'Italie, en vne certaine demande qu'un d'eux

en S. Ieā  
bap. 3.

luy fist, il dist, (vous] attendu qu'il estoit du pays, & fils de pauvres parens, d'un petit village, peu habilité: & le Capitaine ne se ressentant de ceste parole, respondit en ceste maniere: Seigneur, sçache vostre seigneurie, que les soldats qui ont iouy de la liberté d'Italie, ne se peuvent bien trouver en Espagne, pour le grand nombre de loix qu'il y a contre ceux qui mettent la main à l'espee. Les autres cheualiers voyant qu'il vsoit de ce mot, Seigneurie, ne se peurent tenir de rire. Dequoy le cheualier courroucé, dit en ceste maniere, Vos mercis sçachent que la seigneurie d'Italie est en Espagne, merci: & pource que le seigneur Capitaine est fait à l'usage & coustume de ce pays là, il vse de ce terme, seigneurie, au lieu de mere, comme il doit dire. Le Capitaine respondit à cela, & dist Vostre seigneurie ne me tienne pour un homme tant ignorant que ie ne sçache accommoder au langage d'Italie, estat en Italie: & à celuy d'Espagne, estat en Espagne. Mais

en Gor.  
cas.

celuy qui m'appellera, on me dira vous en Espagne, pour le moins doit estre Seigneurie d'Espagne, encores qu'il m'en face bien mal, Le cheualier, à demi piqué de ces paroles, luy repliqua en ceste maniere. Comment cela, Seigneur Capitaine: n'estes vous pas natif de telle part: & fils d'un foulon? & avec tout cela, sçavez vous pas qui ie suis, & quels ont esté mes predecesseurs? Seigneur dit le Capitaine, ie sçay bié que vostre Seigneurie est fort bon cheualier, & que vos peres l'ont esté aussi: mais moy & mon bras droit, que maintenant ie recognoit pour pere] sommes meilleurs que vous, & que tout vostre lignage. Ce Capitaine vsa d'une illusion à la seconde naissance des hommes, en ce qu'il dist, (Moy & mon bras droit, que maintenant ie recognoy pour pere. ( Il pouuoit auoir fait telles œures par son bon entendement, & son espee qu'il esgaloit par la valeur de sa personne, la noblesse du cheualier. Platon dit que la loy & la nature sont pour la pluspart

contraires: car vous voyes que nature fait vn homme, d'un cœur tresprudent, illustre, & genereux, libre & d'un esprit pour commander à tout le monde: mais pource qu'il n'aist en la maison d'Amicla (qui estoit vn paysan fort pauvre & contemptible) il demeure par la loy priué de l'honneur & liberté, en laquelle nature l'a constitué. Au contraire, nous en voyons autres desquels l'esprit & mœurs ont esté ordonnez pour estre esclaves & serfs, mais pource qu'ils naissent en maisons illustres, ils sont faits Seigneurs par la loy. Mais il y a vne chose notable, à quoy, ce croyie, l'on n'a oncques pensé, & qui touttefois est digne de consideration: c'est qu'à grande peine sortent des hommes vertueux ou de grand esprit pour les sciences & armes qui ne naissent és bourgs & villages, & non pas aux plus grandes villes, Et neantmoins le vulgaire est bien si ignorant qu'il prend cela de naistre en lieux vils comme petits bourgs & villages, pour vn

argument au contraire. Dequoy nous auons vn exemple manifeste en la sainteEscriture. Que le peuple d'Israël fort estonné d'es grandeurs de Christ nostre Redempteur dit: *ANazareth potest quicquam boni exire?* C'est à dire, peut il. sortir quelque chose, de bon de Nazareth? mais retournant à l'esprit de ce Capitaine que nous auonsdit, il deuoit auoir grand entendement avec la difference de l'imagination que l'art militaire requiert. Et pour ceste cause comprit il en ce colloque vne grande doctrine, de laquelle nous pourrons recueillir en quoy consiste la valeur des hommes, pour estre estimez en la Repulique. Il m'est aduis que l'homme doit auoir six choses, pour estre appellé honorable, & si aucune d'icelle luy défaut, il en demeurera moins estimé & prisé. Mais elles ne sont pas toutes constituées en mesme degré, & ne sont de mesme valeur & qualité.

La premiere & principale est, la valeur de la propre personne: en pru-



dence, en Iustice, en courage & vail-  
lance. Ceste valeur cause les richesses  
& grandeurs: de la viennent les surnoms illustres. De ce cōmencement  
tiennent leur origine toutes les noblesses du monde, Qu'ainsi soit, allōs  
aux grandes maisons d'Espagne, & nous trouuerons qu'elles ont quasi  
toutes prins origine d'hommes particuliers, lesquels par la valeur de leurs  
personnes ont gaigné ce que leurs successeurs tiennent maintenant. Ce qui  
en après honore l'homme, est le bien, sans lequel nous ne voyons personne  
estre estimé en la Republique. La troisieme chose est, la noblesse & antiquité de race: c'est vne ioye grande,  
estre bien né, & de noble race: mais il y a vn défaut bien grand, que seule &  
à part elle n'est pas de grand profit, ny pour le noble, ny pour les autres  
qui ont necessité. Car elle n'est bonne ny pour manger ny pour boire, ny  
pour vestir ny pour chauffer, ny pour donner, ny pour confier, ains elle fait  
viure l'homme en mourant, le priuāt des remedes qui sont pour accomplir  
les necessitez: mais estant coniointe à

sa richesse, il n'y a point d'honneur qui l'esgale. Aucuns ont coutumé de comparer la Noblesse au zero du chiffre & nombre: car estant ioint avec autre nombre, il sert beaucoup, & le fait monter. La quatrième, qui fait estimer l'homme, est d'avoir quelque dignité ou office honorable: & au contraire, il n'y a rien qui abaisse tant l'homme, que de gagner sa vie en charge mécanique. La cinquième est d'avoir vn bon & gracieux nom, qui sonne bien aux oreilles d'un chacun, sans s'appeller ny pilon ny mortier, comme i'en cognoy. On lit en la generale histoire d'Espagne, qu'un iour vindrent deux Amy bassadeurs de France vers le Rodom Alonse neufiesme, luy demander vne de ses filles, pour estre femme du Roy Philippe, leur souverain Seigneur, desquelles l'une estoit fort belle, & s'appelloit Vtraque: l'autre n'estoit pas tant belle ny gracieuse, mais elle se nommoit Blanche. Quand elles furent toutes deux devant les Ambassadeurs, chacun pensoit qu'ils prendroient madame Vtraque, pour

ce quelle estoit la plus grande, la plus belle, & la mieux agencee: mais cōme les Ambassadeurs eussent demandé le nom de chacune, ils furent offensez du nom d'Vtraque, & esleurent madame Blanche, disans que ce nom seroit mieux receu en France que l'autre. Le sixième point qui honore l'hōme, est la propriété de la personne, aller bien vestu, & accompagné de plusieurs seruiteurs & domestiques, La vraye descente des nobles d'Espagne, dits *Hijos dalgo*, est de ceux, lesquels pour la valeur de leurs personnes, & de leurs actes magnanimes auoyent en la guerre vingt-cinq francs de paye. Les modernes escriuains n'ont peu auerir ceste origine: car sans les choses qu'ils trouuent escrites, ou dites, par autres personnes, n'a aucune propre inuention. La difference que met Aristote

*Au lieu  
de la  
memoi-  
re &  
remi-  
niscēce.*

entre la memoire & la reminiscence, est que si la memoire a perdu quelque chose de ce qu'elle scauoit au precedent, elle n'a le pouuoir de s'en pouuoir souuenir, si elle ne la retourne reprendre: mais la reminis-

cence à vne grace particuliere, que si elle a oublié quelque chose, & elle vient à discourir sur ce tant soit peu, incontinent elle retourne trouuer ce qu'elle auoit perdu. Or est desia perduë tant es liures qu'en la memoire des hommes, qu'elle est la Court qui parle en faueur des bons soldats : ce neantmoins ces paroles sont demeu-  
rees, *Hicodalgo de deuengar quinientos sueldos) segun fuero de España y de solar conocido.* Sur lesquelles si l'on discourt & raisonne, on trouuera aisément celles qui les accompagnent. Antoine de Nebrixie donnât la signification de ce verbe *Vendico ás*, dit qu'il signifie tirer pour soy ce qui est deu pour paye, ou de droit, comme nous disons maintenant, par vne nouvelle maniere de parler, tirer gages du Roy ou solde. Et est la coustume en Castille, la vieille tant commune de dire, *Fulano bien à de negado su trabajo*; c'est à dire il a bien tiré le salaire de sa peine ( quand il est bien payé) qu'il n'y a entre les personnes d'estofe & qualité maniere de parler, qui soit plus

plus à propos. De ceste signification à pris origine cette maniere de dire *uegar*, c'est à dire venger, quand quel-  
qu'un se paye de l'iniure qu'un autre  
luy a faite: car l'iniure par-metaphore  
est appelée debte. Suiuât cela ie vou-  
drois dire maintenant, *Fulano est hio  
dalgo de deuengar quinientos sueldos*: c'est  
à dire, descendant d'un soldat tant  
vertueux que pour ses faits d'armes  
il a mérité de tirer vne telle paye: &  
cetuy-là, par l'ordonnance de la Cour  
d'Espagne, & tous ses successeurs e-  
stoient affrâchis & exempts de payer  
tribut au Roy. Tout ce qu'emportent  
ces mots. *Et solas concedo*, est que quâd  
un soldat entroit au nombre de ceux  
qui tiroient du Roy la plus haute  
paye, l'on couchoit par escrit le nom  
du soldat, és liures du Roy, le lieu de  
sa naissance, & ses parens, pour auoir  
certitude de celuy auquel se faisoit  
telle grace. Comme l'on voit au-  
jourd'huy au liure du costumier qui  
est en Simanque, où se trouuent es-  
crits les commencemens quasi de  
toute la Noblesse d'Espagne. Saül

*Au  
des Rois  
cha. 18.*

vsà de la mesme diligence quand  
 Dauid tua Goliath : car il commanda  
 incontinent à son capitaine Abner, de  
 sçauoir de quelle race en Israël estoit  
 descendu ce ieune homme. Anciennement  
 appelloit-on (*solar*) la maison  
 tant du paysan que de noble. Mais  
 apres ceste digression, il faut retourner  
 prendre nostre sujet, & sçauoir  
 d'où vient qu'au ieu des eschets (puis  
 que nous disons qu'il est le pourtrait  
 de la militie, ou art militaire (l'homme  
 se fasche plus de perdre qu'en nul  
 autre ieu, encor qu'il ne jouë rien,  
 & qu'il n'y ait point d'interest: & d'où  
 vient que ceux-là, qui voyent iouïr,  
 cognoïssent mieux les ruses du ieu que  
 ceux-là qui iouïent, combien qu'ils  
 l'entendent moins? Mais ce qui em-  
 porte encores plus grande difficulté  
 est que nous voyons des iouïeurs les-  
 quels à ieun, trouuent plus de ruses,  
 qu'apres auoir mangé, & les autres  
 iouent mieux apres le repas. Il n'y a  
 pas grande difficulté au premier  
 doute: car nous auons desia dit qu'il  
 n'y a point de fortune, ni en la guerre,

n'y au ieu des eschets, si l'on y pense bien pource que l'on perd par ignorance & negligence : & l'on gagne au contraire par prudence & soucy. Et combien que l'homme soit vaincu, en choses d'esprit & habilité sans pouuoir donner autre excuse que son ignorance) il ne peut laisser de se fâcher: car il est raisonnable & amy d'honneur, & ne peut souffrir qu'aux œuvres de ceste puissance, vn autre le surpasse. Et pour ceste cause Aristote demande pourquoy les anciens ne voulurent qu'il y eust prix & loyer notable pour ceux qui vaincroient ou surpasseroient les autres és sciences: & pourquoy ils l'ont estably pour le meilleur sauteur, coureur, tireur de masse de fer ou autre pesant metal & luteur? A quoy il respôd, qu'en la lutte & autres efforts corporels, est permis d'auoir des Iuges, pour iuger de l'excez que l'ô a fait à l'autre: pour ce qu'ils pourront, à iuste cause donner le prix à celuy qui vaincra: car il est aysé à cognoistre qui saute plus loin, & qui court le plus legerement.

En la 3.

lett. pro.

10.

Mais en la science, il est bien difficile de sçauoir par le moyen de l'entendement, celui qui surpasse l'autre, pource que c'est vne chose tant haute & spirituelle. Et si le iuge veut donner le prix par faueur & malice, tous ne le pourront pas entendre, pour estre vniugement tant caché au sens de ceux qui s'y trouuent. Outre ceste response, Aristote en donne vne autre meilleure, & dit que les hommes ne se soucient pas beaucoup d'estre vaincus par les autres, à tirer, lutter, courir & sauter, qui sont choses en quoy les bestes brutes nous surpassent & aduancent. Mais ils ne peuuent souffrir qu'un autre soit iugé plus sage & prudent: & pour ceste cause ont ils les Iuges en haine, & taschent de se venger de eux pensant qu'ils les ont trompez, en fauorisant malicieusement les autres. Et pour euitier cet inconuenient, ils n'ont permis d'establi Iuges ny prix en ce qui concerne la partie raisonnable, d'où s'infere & s'ensuit que les vniuersitez font mal, qui donnent prix de premier, se-



cond & troisieme, lieues licences à  
à ceux qui font le mieux. C'routre  
ce que tous les iours aduiennent les  
incomueniens qu'Aristote à dit, la do-  
ctrine, Euangelique ne permet de  
mettre les hommes en debat pour la  
preeminence ou le premier lieu. Ce  
qui est manifeste, par ce que chemi-  
nant vn iour de compagnie, les disci-  
ples de Christ nostre Redempteur,  
ils parlerent entr'eux, & traiterent  
lequel de la compagnie deuoit estre  
le plus grand: & quand ils furent en  
la maison, leur maistre leur deman-  
da dequoy ils auoient parlé en che-  
min: & à ceste heure-là, encores qu'ils  
fussent rudes, ils cogneurent bien que  
ceste question n'estoit licite ny rai-  
sonnable: & le texte dit qu'ils ne luy  
oferent pas dire: mais selon que rien  
n'est caché à Dieu, il leur dit en ceste  
maniere, *Si quis vult primus esse, ori-*  
*omni et in nobisimus & omnium mini-*  
*ste.* C'est à dire: Celuy qui veut estre  
le premier, fera le dernier & serui-  
teur de tous les autres, Christ nostre  
Redempteur auoit en haine les Pha-

En sain  
Marc, 9.

En sain  
Matth.  
chap. 2

risiens, pource qu'ils aymoient les premières places és Cenes, & les premières chaires aux Synagogues. La principale raison de ceux qui donnent & establisent degrez en ceste maniere, est de dire, que les Estudians, qui sçavent que l'on donne prix & honneur, selon la capacité, ne cesseront tant qu'ils ayent bien estudié, & qu'ils ne soient dignes du degré qu'ils pretendent : ce qu'ils ne feroient s'il n'y auoit vn loyer pour celuy qui traueille : & chastiment pour celuy qui se donne bon temps, & ne fait que dormir. Mais ceste raison est legere & apparente, qui presuppose vne fausseté grande, qui est que la science s'acquiert tousiours pour traueillir sur les liures, pour l'entendre de bons maistres, sans iamais perdre la leçon : mais ils ne pensent pas que si l'estudiant n'a l'esprit & habilité propre aux lettres qu'il estudie, pour neant il se rompt la teste nuit & iour apres les liures. L'erreur est telle, que l'on voit entrer en concurrence deux differences d'es-

prit fort estranges & contraires: car  
 l'un pout estre fort subtil (sans estu-  
 dier ny voir liure) acquiert la scien-  
 ce en vn moment: & l'autre pource  
 qu'il est rude & pesant, trauaille tou-  
 te sa vie, & iamais, ne sçait rien. Et  
 lors les iuges viennent estans hom-  
 mes) à donner le premier lieu: à celuy  
 que nature a fait habile, & qui n'a  
 trauaillé, & le dernier, à celuy qui est  
 nay sans esprit, & qui n'a oncques  
 cessé d'estudier: comme si l'un auoit  
 acquis les lettres en fueilletant les li-  
 ures, & l'autre ne les auoit acquises,  
 par sa negligence & paresse. C'est  
 comme si l'on establissoit prix à deux  
 coureurs, desquels l'un eust bons  
 pieds & legers, & l'autre defaillist  
 en vn. Si les vniuersitez n'admet-  
 toient aux sciences, sinon ceux qui  
 ont l'esprit propre à icelles, & que  
 tous fussent esgaux, ce seroit bien  
 fait, qu'il y eust loyer & chastiment:  
 car il est certain que celuy qui auroit  
 le plus auroit trauaillé dauantage, &  
 celuy qui sçauroit le moins, se seroit  
 donné bon temps. On peut respon-

432 L'Examen des Esprits

dre à l'autre doute, que comme les yeux ont besoin de lumiere pour voir les figures & couleurs: ainsi l'imagination à besoin de lumiere dedans le cerueau, pour voir les figure & fantasies qui sont en la memoire. Le Soleil n'y la chandelle ne donnent pas ceste clarté, mais seulement les esprits vitaux? qui naissent au cœur, & se distribuent par tout le corps. Et outre il faut sçauoir que la crainte amasse tous les esprits vitaux au cœur, & laisse le cerueau obscur & toutes les autres parties du corps froides, & ainsi Aristote demande, pourquoy ceux qui craignent tremblent de la voix, des mains, & de la léure? A quoy il respond que par la crainte, s'amasse la chaleur naturelle au cœur, & que toutes les parties du corps demeurent froides. Nous auons dit vne autrefois, suiuant l'opinion de Galien, que la froideur endormit & appesantit toutes les facultez & puissances de l'ame, de maniere qu'elles ne peuuent œurer. Par ce moyen est manifeste: la responce au second doute qui est.

*En la  
7. sect.  
robl.*

*au liu.  
ne les  
cœurs  
e l'es-  
rit. c. 7.*

que ceux qui iouent aux eschets ont peur de perdre, pource que ce ieu n'est pas hazardeux, & que la fortune n'y a point de lieu, cōme nous auons dit, de maniere que s'amaissant les esprits vitaux au cœur, l'imagination demeure endormie, à cause de la froideur, & les fantasies à l'obscur pour lesquelles deux raisons, celuy qui iugene peut bien ouurer. Mais ceux qui regardent, n'y ayans aucun interest, & n'ayans point peur de perdre, avec moins de sçauoir en ce ieu, cognoissent mieux les ruses d'iceluy que ceux qui iouent, pource que leur imagination n'est destituee de chaleur, & que les figures sont esclairees de la lumiere des esprits vitaux. Il est vray, que la grande lumiere obscurcit pareillemēt l'imagination: ce qui aduient quand celuy qui iouē est fâché de voir qu'on le gaigne. Cependant, avec l'ennuy, la chaleur naturelle croist & allume dauantage qu'il ne faut: dequoy est exempt celuy qui regarde. De là aduient vne chose fort en vſage au monde, que les

iour que l'homme veut faire quelque grand monstre de foy, & donner à entendre qu'il est sçauant & habile, ce iour mesme il fait pis que s'il n'y pensoit pas. Autres se trouuent au contraire, lesquels estans en *aprieto* font vne grande monstre d'eux: mais estant sorti delà, ils ne sçauent rien? dequoy la raison est fort claire, car à celuy qui a beaucoup de chaleur naturelle en la teste, estant remarqué en vingt & quatre heures d'une leſion opposite, vne partie de la chaleur naturelle qui est extrême fuit au cœur, & par ce moyen le cerueau demeure temperé, & en ceste disposition, nous pouuons au chapitre ensuiuant, que se presentent à l'homme beaucoup de choses à dire. Mais à celuy qui est fort sage, & qui a grand entendement, estant pressé, ne demeure la chaleur naturelle en la teste avec la crainte, & ainsi par faute de lumiere, il ne trouue que dire en sa memoire. Si ceux qui parlent des Chefs de guerre, en condamnant leurs stratagemes & l'ordre qu'ils mettent au

camp, confideroient cela, ils verroient la difference qu'il y a de regarder la guerre de sa maison, & de rompre vne lance, & ioüer des couteaux, avec la crainte de perdre vne armee que le Roy a mis entre les mains d'un Chef. La crainte ne fait pas moins de mal au Medecin, pour guarir le malade: car nous auons prouué ailleurs que la pratique d'iceluy appartient à l'imagination, laquelle est plus tost offensée par la froideur qu'autre puissance quelconque, pource que son œuure consiste en chaleur. Et ainsi se voit par experience, que les Medecins guarissent mieux le menu peuple que les Princes & grands seigneurs. Vn homme lettré me demanda vn iour (sçachant que ie traittoye de ceste inuention) d'où venoit qu'en l'affaire duquel estoit bien payé, s'offroyent à luy plusieurs loix & appointemens en droit, & en celuy auquel on ne faisoit compte de sa peine, il sembloit qu'il eust oublié tout ce qu'il sçauoit: auquel ie fis response que l'interest appar-

*Les  
ches  
plust  
mal  
dein  
que  
pau  
Gal  
de  
met  
c. 15*

tient à la faculté de l'ire, la quelle reside au cœur: si elle n'est contente, elle ne donne pas de bon cœur les esprits vitaux, par la lumiere desquels se doiuent voir les figures qui sont en la memoire: mais estant contente, elle donne gayement la chaleur naturelle. Et ainsi l'ame raisonnable a la clarté suffisante pour voir tout ce qui est escrit en la teste. Les hommes de grand entendement ont ce défaut qu'ils sont eschats, & pourchassant fort leur profit, & en ceux-là peut-on voir la propriété de ce lettré. Mais quand tout est bien regardé, il semble que ce soit acte de iustice, de vouloir estre payé, quand on traualle en la vigne d'autrui. La mesme raison peut estre pour les medecins, lesquels estans bié payez, trouuent plusieurs remedes: autrement l'art les fuyt aussi bien que le lettré & legiste. Mais il faut noter icy vne chose fort importante; qui est que la bonne imagination du Medecin, en vn moment trouue ce qu'il faut faire, & s'il y pense long temps, soudain accourent mille in-



conueniens, qui le mettent en doute, le tiennent suspens, & cependant se passe l'occasion du remede. Parquoy ne faut iamais recommander au bon Medecin de bien regarder ce qu'il a à faire: mais qu'il execute ce que premierement luy a semblé bon de faire. Car nous auons prouué aultresfois que la grande considération, surpassé d'un poinct la chaleur naturelle, & peut tant croistre, qu'elle trouble & empesche l'imagination: mais il n'y aura point de mal que le Medecin qui l'a vn peu lasche & foible demeure vn peu à cōtempler: car par ce moyen venant la chaleur à monter iusques au cerueau, elle obtiendra le poinct que ceste puissance requiert. Le troisieme doute, pource que i'ay dit à la responce manifeste, car la difference de l'imagination, de laquelle on iouë aux eschets requiert vn certain poinct de chaleur, pour trouuer les bons tours & ruses, & celuy qui ionë bien à ieun: à cependant le degré de chaleur qu'il faut: mais par là chaleur du repas, il

passe d'un poinct qu'il ne faut, & par  
 ainsi il ne iouie pas si bien: il aduient  
 au contraire à ceux qui iouent apres  
 le repas: car montant la chaleur avec  
 les alimens & le vin, ils trouuent le  
 poinct qui leur defailloit à ieun, &  
 par ainsi faut corriger vn lieu de  
 Platon, qui dit que nature a prudem-  
 ment esloigne le foye du cerueau, de  
 peur que les alimens, par leurs va-  
 peurs, ne troublassent la contempla-  
 tion de l'ame raisonnable. S'il en-  
 tend cela des œuures qui appartiennent  
 à l'entendement, il dit bien: mais  
 cela n'a lieu en nulles differences de  
 l'imagination. Ce qui se voit claire-  
 ment par experience aux festins &  
 banguets: car au milieu d'iceux les  
 banqueteurs commencent à deuiser  
 avec grace, à dire plusieurs sornet-  
 tes & faceries, mais au commence-  
 ment personne ne disoit mot, & à la  
 fin, à peine aduient-il à ceux qui sont  
 assis de parler, pource que la chaleur  
 que l'imagination requieth est mon-  
 tée trop haut d'un degté. Ceux qui  
 ont besoin de boire & manger vn

*Au dia-  
 logue de  
 la natu-  
 re.*

peu, afin d'esmouuoir l'imagination, sont les melancoliques par adustion, car ceux-là ont le cerueau comme chaulx viue, laquelle prinse en la main, est froide & seiche au toucher: mais si on l'arrouse de quelque liqueur, la chaleur qui en procede est insuportable. Il faut pareillement corriger la loy, qu'ameine Platon des Karthaginois, par laquelle ils deffendoient aux Capitaines de boire du vin en la guerre, & aux Gouverneurs aussi durant l'annee de leur magistrat. Et eombien que Platon la tienne pour tres-iuste, & qu'il en face grande estime, il faut neantmoins en cet endroit faire distinction. Nous auons desia dit vne autrefois que l'œuure de iuger appartient à l'entendement, & que ceste puissance abhorre la chaleur: à quoy le vin fait vn bien grand dommage. Mais de gouverner ainsi vne Republique (qui est vne autre chose que de prédre vn procez en main, & en donner sentence) il appartient à l'imagination; & cestelà demande

*Au 2. li.  
des Loix*

la chaleur. Mais aussi le gouuerneur n'arriuant au poinct qui est necessaire, pour bien boire vn peu de vin, afin d'y venir. Autant en faut il entendre du Capitaine general, duquel le conseil se doit pratiquer aussi par le moyen de l'imagination. Et si par aucune chose chaude, la chaleur naturelle doit monter, il n'y en a pas vne qui le face tant bien que le vin, mais il le faut boire moderement: car il n'y a aliment aucun qui donne ou qui oste à l'homme tant d'esprit que fair ceste liqueur. Et ainsi faut-il que le Capitaine ou Chef general cognoisse si la maniere de son imagination est de celles qui ont besoin de boire & manger, pour fournir la chaleur, qui luy defaut, ou bien si elle requiert d'estre à ieun: car en cela seulement consiste de trouuer vn expedient, pour la guerre, ou de le perdre.

*Comme il y est icy declaré à qu'elle difference d'abilitéè appartient l'office de Roy, & quels signes doit auoir celui qui aura ceste maniere d'esprit.*

## CHAP. XIII.

**Q**UAND Salomon fut esleu Roy  
 d'un peuple si grand qu'estoit  
 celuy d'Israël, le texte porte que pour  
 le pouuoir regir & gouverner, il de-  
 mande sagesse du ciel, & non d'a-  
 uantage. Qui fut vne demande tant  
 agreable à Dieu, que pour ceste cau-  
 se il le fit le plus sage Roy du monde:  
 tant agreable à Dieu, que pour ceste  
 cause il le fit le plus sage Roy du  
 monde: & non content de cela, il  
 luy donna de grâdes richesses & gloi-  
 re, faisant tousiours grand cas de sa  
 demande. De là voit-on clairement  
 que la plus grande prudence & sa-  
 gesse que puisse auoir l'homme, est le  
 fondement auquel tient & gist l'of-  
 fice de Roy: laquelle conclusion est  
 tant certaine & veritable, qu'il n'est  
 besoin perdre temps à l'aprouer. Il  
 conuient seulement monstrier à quel-  
 le difference d'esprit appartient l'art  
 d'estre Roy, & tel que la Republi-  
 que requiert: & declarer les signes

Au 1.  
 des Rois  
 c. 3.

## 442 L'Examen des Esprits.

par lesquels il faut cognoistre l'homme ayant tel esprit & habilité. Parquoy il est certain que comme l'office de Roy surpasse tous les arts du monde, aussi requiert-il la meilleure & plus grande difference que nature puisse faire. Nous n'auons encores touché iusques à present qu'elle est ceste difference, ayant esté occupez à departir à tous les autres arts leur difference, & leurs moyens. Mais puis que nous la tenons maintenant entre les mains, il faut sçauoir que de neuf temperamens qui se trouuent en l'espece humaine, Galien dit qu'un seul rend l'homme tres-prudent, en tout ce que naturellement il peut auoir. En iceluy les premieres qualitez sont tellement mesurees, que la chaleur ne surpasse la froideur, n'y l'humidité la siccité, ains se trouuent esgaux & conformez, comme si de fait entre eux n'y auoit contrariété & naturelle opposition. Dequoy résulte & prouient vn instrument tant propre aux œuures de l'ame raisonnable, que l'homme vient à auoir parfaite

*Au 1. li.  
des tem-  
peramens  
ch. 9. Et  
au liure  
Quod  
animi  
mores,  
c. 4. Et  
en Pla-  
ton de la  
nature.*

memoire, pour les choses passees: vne grande imagination, pour voir ce qui est à venir, & vn grand entendement pour distinguer inferer; discourir, iuger, & eslire, Nulle de toutes les autres differences d'esprit que nous auons traité, n'est entierement parfaite: car si l'homme est de grand entendement, à raison de la siccité, il ne peut apprendre les sciences, qui appartiennent à l'imagination & à la memoire: & s'il a vne grande imagination (à raison de la grande chaleur) elle demeure sans habilité pour les sciences de l'entendement & de la memoire: & s'il a grande memoire (à cause de l'humidité) nous auons desia dit ailleurs combien telles gens memoratifs sont inhabiles à toutes les sciences. La seule difference d'esprit que nous cherchons est celle qui correspond, & est proportionnée à tous les arts. Platon a bien noté quel dommage se fait a vne science, quand on ne peut ioindre les autres à icelle: car il dit que la perfection de chacune en particulier des-

# 444 L'Examen des Esprits.

pend d : la cognoissance de toutes. Il n'y a pas vne sorte où genre de lettres tant impropre soit-il à vn autre, que le sçachant bien n'aide à sa perfectiō. Mais ayant cherché ceste difference d'esprit, avec vn grand soin & diligence, ie ne l'ay peu trouuer qu'en Espagne. Et pour ceste cause Galien à bien dit, que hormis le pays de Grece, ny par le somme, nature ne fait vn homme temperé, ny avec l'esprit que toutes les sciences requierent. Galien mesme amaine la raison de cela, & dit que la Grece est la région la plus temperee qui soit au monde: où la chaleur de l'air ne surpasse la froideur d'humidité, la siccité: laquelle temperature fait les hommes très-prudens, & habiles à toutes les sciences, comme l'on voit par la consideration du grand nombre des hommes illustres qui en sont sortis; Socrate, Platon, Aristote, Hippocrate, Galien, Theophraste. Demosthene, Homere, Thales Milesien, Diogene Cinique, Solon, & autres infinis, dequels les Historiens font mention, &

*Au 2. li.  
de la cō-  
serua-  
tion de  
santé.*



qui ont fait des œuvres pleines de toutes les sciéces: ny comme les escriuains des autres prouinces, lesquels escriuans en medecine, ou en quelque autre science, à peine ioint-ils la cognoissance des autres lettres pour luy ayder: ils sont tous pauvres & sans fonds, pource qu'ils n'ont l'esprit propre à tous les arts. Mais ce qui plus estonne, touchant la Grece, est qu'estant l'esprit des femmes tant contraire aux lettres, comme nous prouuerons cy apres, se sont neantmoins trouuees tant de Grecques signalees es sciéces, qu'elles ont presque esgallé les hommes plus raisonnables & sçauans: comme on dit de Leoncium femme tres-sage, qui a escrit contre Theophraste, combien qu'il fut le plus grand Philosophe de son temps, & l'à noté de plusieurs erreurs en philosophie. Et si nous regardons les autres regions du monde, à peine est sorty d'elles vn esprit qui soit notable. Cela vient pour ce qu'ils habitent en lieux qui ne sont pas temperez: à raison dequoy les hom-

mes se font laids, endormis: negligēt,  
 & de mauuaises mœurs Et pourtant  
 Aristote demāde pourquoy ceux  
 qui habitent en pays ou trop chaud  
 ou trop froids, sont de mauuais re-  
 gard & mœurs? A quoy il respond  
 fort bien & dit, que la bonne im-  
 perature non seulemēt rend le corps  
 gracieux, mais aussi sert à l'esprit &  
 habilité, Et comme les excez de  
 chaleur & de froideur empeschent  
 nature de faire l'homme bien for-  
 mé, par la mesme raison l'harmonie  
 de l'ame se debande, & l'esprit de-  
 uient tardif. Les Grecs sçauoient biē  
 cela, veu qu'ils appelloient toutes  
 les nations du monde, Barbāres,  
 voyant leur inhabilité & peu de sça-  
 uoir. Et ainsi voyont nous que nul  
 Philosophe, de tous, tant qui naissent  
 & estudient hors de Grece, n'arriuent  
 à la doctrine de Platon ny d'Aristo-  
 te: & s'ils sont medecins, à celle d'Hi-  
 pocrate & de Galien, s'il sont Ora-  
 teurs, à l'eloquence de Demosthe-  
 ne, s'ils sont Poētes, au sçauoir d'Ho-  
 mere: & ainsi en toutes autres sciē-

*En la  
 14. sect.  
 proble.  
 1.*

*Je suis  
 debiteur  
 aux  
 Grecs  
 & bar-  
 bares,  
 sages &  
 non sa-  
 ges.  
 aux R.  
 chap. 1.*

ces & arts, les Grecs ont tousiours eu la preeminence sans aucune contradiction; Au moins le probleme d'Aristote se verifie pareillement par les Grecs: car de fait, ils sont les plus beaux hommes du monde, & de plus grand esprit: n'estoit qu'ils ont esté infortunez, opprimez par armes, assuiettis & mal traitez par la venue du Turc, lequel a banni les lettres & sciences de Grece, & a fait passer l'Vniuersité d'Athenes à Paris, ville capitale de France, où elle est maintenant. Et ainsi pour n'estre cultiuez, se perdent ces tant bons esprits que nous disons à cette heure. Et autres regions, hors la Grece, combien que l'on trouue des escoles, & qu'il y ait exercice de lettres personne n'en est toutefois sorty fort eminent ny excellent, Le medecin pense auoir assez fait d'entendre par les forces de son esprit ce qu'à dit Hipocrate & Galien: & le Philosophe naturel s'estime sçauant: pource qui luy est aduis qu'il entend Aristote. Ce neantmoins, ie ne veux dire que ce soit vne reigle generale que tous ceux

qui naissent en Grece ce doiuent estre necessairement temperez & sages & les autres distemperez & ignorans. Car le mesme Galié dit qu'Anacharsis du pays de Scithie fut d'esprit admirable entre les Grecs, combié qu'il fust barbare: & comme vn Philosophenatif d'Athenes l'eut taxé d'estre barbare & Scithe de nation, il respōdit, *Patria mihi de decori est tu vero patria*. C'est à dire, Mon pays me fait deshonneur, & tu fais deshonneur au tiens pource que Scithie estant vne region tant intemperee, & ou naissent tant d'hōmes ignorans, i'en suis fortý sage, & toy qui es né en Athenes lieu d'esprit & de sagesse) tu es vn asne. De maniere qu'il ne se faut desespérer à raison de cette temperature, n'y penser estre impossible la trouuer hors de Grece, principalement en Espagne (region non trop intemperee) car par la mesme raison que i'en ay trouué vne, il y en aura plusieurs autres, qui ne sont venuës à ma cognoissance & que ie n'ay peu examiner. Parquoy il vaudra mieux  
amener

amener les signes par lesquels l'homme temperé se cognoist, afin qu'il ne puisse cesser où il sera. Les medecins en constituent plusieurs, pour descouvrir cette difference d'esprit: mais les principaux & qui la donnent mieux à entendre sont ceux qui s'ensuiuent. Le premier, comme dit Galien, est le poil blond ou ianne, qui d'aage en aage se dore tousiours de plus en plus, pource que la cause materielle des cheveux, est (comme disent les medecins) vne grosse vapeur qui s'esleue de la concoction, qui fait le cerueau au temps de sa nourriture: & font les excremens de la couleur du membre ou du cerueau, si le cerueau a beaucoup de flegme en sa composition, il a le poil fort blanc: s'il a beaucoup de colere, il sort ianne: mais estans ces deux humeurs esgalement meslez, le cerueau demeure temperé en chaleur, froideur, humidité. & siccité, avec le poil roux participant des deux extrêmes. Il est vray qu'Hippocrate dit que cette couleur aux hommes qui sont au dessous de

*Au li.  
de l'art  
de med.  
c. 13.*

*Au liu.  
de l'air,  
lieux &  
eaux.*

Septemtrion (comme sont les Anglois, Flamens & Allemans) vient de la blancheur qui est banie & brûlée pour la grande froideur & non pour la raison que nous auons dit. Et pour-

tant faut prendre garde à ce signe: car il peut grandement tromper. Galien dit que l'autre signe est d'estre bien fait, beau, de bõne grace & facétieux; de maniere que la veüe, se recree en voyant vn tel homme comme vne figure de grande perfection.

La raison en est claire: car si nature a beaucoup de force, & si la semence est bien assainonnee, elle fait tousiours des choses possibles, la meilleure & la plus parfaite en son genre: mais se voyant despourueüe de forces, elle met bien souuent peine en la fornication du cerueau, pource qu'il est le siege principal de l'ame raisonna- ble. Et ainsi voyons nous plusieurs hommes grands & difformes qui ont neantmoins bon esprit. Galien dit au mesme lieu, que la cantité du corps que doit auoir l'hoïme temperé, n'est pas determinee: car il peut estre grãd,

*Au liu.  
de la  
bõne cõ-  
stitution  
du corps  
C. 4. Et  
c. l. de la  
conser-  
uation  
de sãtẽ  
tẽ.*

petit & de moyenne statue selon la quantité de la semence temperee au temps qu'il fut formé. Mais quant à ce qui concerne l'esprit, la moyenne statue vaut mieux aux hommes temperez que la grande ny la petite. Et s'il doit incliner à l'un des deux extrêmes, il vaut mieux estre petit que grand: car nous auons desia prouué par l'opinion de Platon & d'Aristote, que les gros os & la chair nuisent grandement à l'esprit. Suiuant cela, les philosophes naturels ont coustume de demander, Pourquoy les hommes petits de corps sont volontiers plus sages que les grands? pour la preuue de laquelle chose ils crient Homere qui fait Vlisse tres-prudent & petit de statue? & au cōtrarie Alas fol & temeraire & de grande statue. Il respondit fort mal à ceste demande & disant, que l'ame raisonnable amassee en bref, a plus de force pour œurer, suiuant ce dit fort celebre *Virtus unita fortior est se ipsa dispersa*. C'est à dire, La vertu vnice & assemblee est plus forte que quand elle est disper-

Alex  
dre

phrod.

1. pro

sec. Et au contraire estant en vn corps large & spacieux, elle n'a force suffisante pour le mouuoir & animer. Mais ceste n'est la raison, & faut dire qu'elle vient de ce que les hommes grands & larges ont beaucoup d'humilité en leur composition, laquelle dilate grandement la chair, & la fait obeissante à l'augmentation que la chaleur naturelle tasche tousiours de faire. Il aduient au contraire aux petits hommes: car pour leur grande siccité, ils ne peuuent se dilater ny engraisser par la chaleur naturelle: à raison dequoy ils demeurent petits. Et entre les premieres qualitez, nous auons proué autre part, ne s'en trouuer pas vne qui nuise tant aux ceuures de l'ame raisonnable, que fait la grande humilité, & qui rende l'entendement si vigoureux que fait la siccité. Galien dit que le troisieme signe de la temperature de l'homme est d'estre vertueux & de bonnes mœurs: car Platon dit, que quand l'homme est mauuais & vicieux, cela vient de ce qu'il a quelque qualité

Galien  
au liu.  
de la  
bonne  
consti-  
tution  
du corps  
4



intemperée qui l'incite à pecher: & s'il luy cōvient œurer selon la vertu, il luy faut premierement renoncer sa naturelle inclination. Mais celuy qui sera bien temperé, tant qu'il sera ainsi n'a que faire d'vser de cette diligence, pource que les puissances inferieures ne feront aucune resistance à la raison. Et pour cette cause Galien dit, qu'il ne faut point taxer ni limiter à vn homme de telle temperatu- re, ce qu'il doit boire & manger, pource qu'il n'excede iamais la quantité & mesure que l'art de medecine luy pourroit prescrire & limiter. Et Galienne se contente de les appeller tres-temperéz: mais dit aussi n'estre besoin de moderer les autres passions de l'ame, pource que leur ennuy, leur tristesse, leur plaisir & allegresse sont tousiours mesurez par la raison. Et de la vient qu'ils sont tousiours sains, & non malades: qui est le quatrième signe. Mais Galien n'a point de raison en cela: car il est impossible de composer vn homme qui soit parfait en toutes ses puissances (cômme le corps est

*Au 2.  
de la cō-  
seruation  
de la  
santé,*

temperé) de maniere que lire & la concupiscence ne surpasse la raison, & l'incite à faire mal. Et ainsi ne faut permettre à personne quelque temperature qu'il ait, de suivre tousiours sa naturelle inclination, sans la corriger par le moyen de la maison. Cela s'entend facilement, en considerant le temperamēt que doit auoir le cerueau, afin qu'il soit instrument conuenable de la faculté de la raison: celui que doit auoir le cœur, afin que l'ire appetite gloire, empire victoire, & soit par dessus tous: celui que doit auoir le foye, pour euitier les viandes, & celui que doiuent auoir les coüillons pour conseruer l'espece humaine, & faire quelle passe outre. Nous auons dit plusieurs fois ailleurs que le cerueau doit estre humide pour la memoire: sec, pour l'entendement: & chaud, pour l'imagination. Mais ce nonobstant son temperament naturel est froideur & humidité, & à raison de la force & debilité de ces deux qualitez, autrefois nous l'appellons chaud, aucunesfois froid, aucune

fois humide, & autrefois sec: mais  
 iamaïs de la froideur & humidité, il  
 ne vient à surpasser ni dominer. Le  
 foye où reside la faculté de concupi-  
 scence, à pour naturel temperament  
 la chaleur & humidité qui domine,  
 duquel iamaïs il ne sort, tant que  
 l'homme est viuant: car si nous disons  
 aucunesfois que le foye est froid, c'est  
 pource qu'il n'a tous les degrez de  
 chaleur, que requierent ses œuures,  
 Galien dit que le cœur (instrument  
 de la faculté de lire) est si chaud de  
 de sa propre nature, que si l'animal  
 estant viif, nous mettions le doigt: de-  
 dans ses concanitez, il seroit impos-  
 sible l'y tenir vn seul moment sans se  
 brusler. Et combien que nous le  
 disons froid aucunesfois, cela ne se  
 doit entendre par domination: car il  
 est impossible: mais il se peut faire  
 qu'il n'ait le poinct de chaleur que  
 requierent les operations d'iceluy.  
 Autant en est des coüillós, esquels re-  
 side l'autre partie de la faculté de co-  
 cupiscence: car le naturel temperamēt  
 d'iceux est la chaleur & siccité qui

*du li. d  
 Vsupu*

dominēt car si nous disions aucune fois que l'homme à les couillons froids, cela ne se doit pas entendre absolument ni par domination ou excez, si n'estoit qu'ils n'eussent le degré de chaleur que requiert la faculté generatiue. De là s'inferre clairement que si l'homme est bien composé & organisé, il doit auoir par consequent le cœur excessiuelement chaud: autrement la faculté del'ire demeureroit fort debile: & si le foyen est chaud en excez, il ne pourra cuire les alimens, ni faire le sang pour la nourriture: & si les couillons n'estoient plus chaud que froids, l'homme demeureroit impuissant, & sans forces pour engendrer. Parquoy, estans ces membres tant forts, comme nous disons, necessairement le cerueau, se doit alterer, par la grande chaleur qui est vne des qualitez qui trouble plus la raison: mais le pis est que la volonté estant libre s'irrite & veut condescendre aux appetits de la partie inferieure. A ce compte il semble que nature ne peut faire vn homme qui

soit parfait en toutes ses puissances,  
 le former & produire enclin à vertu.  
 On peut voir clairement combien  
 repugne à la nature de l'homme  
 de sortir & estre fait enclin à  
 vertu, si nous considerions la com-  
 position du premier homme, laquel-  
 le bien que elle ait esté la plus par-  
 faite qui se soit oncque trouuée en  
 tout le genre humain (depuis celle de  
 Chist nostre Redempteur) pour estre  
 venue de la main d'un si grand ou-  
 urier, se fust neantmoins inclinee à  
 mal [pour estre impossible autre-  
 ment] si Dieu ne luy eust infus vne  
 qualité supernaturelle, pour repri-  
 mer la partie inferieure. Or que Dieu  
 ait fait Adam de parfaite puissance,  
 d'ire, & concupiscence, est aisé à en-  
 tendre: car quand il luy dit, *Crescite  
 & multiplicamini, & replete terram,*  
 il est certain qu'il luy donna puissan-  
 ce forte pour engendrer, & qu'il ne  
 le rendit froid, puis qu'il luy enchar-  
 gea de réplir la terre d'homme: ce qui  
 ne se peut faire sans beaucoup de cha-  
 leur. Il ne donna pas moins de chaleur

à la faculté nourriciere, pour reparer par le moyen d'icelle, la substance perdue, & en refaire vne autre en son lieu, veu qu'il a dit: *Ecce dedi vobis omnem herbam asserentem semen super terram, & vniuersa ligna quæ habent semetipsis sementem generis sui, & sui vobis in escam.* C'est à dire. Je vous ay donné toute herbe apportant semence sur la terre, & tout bois qui fructifie afin de vous nourrir. Si Dieu leur eust fait le foye & l'estomac froid & leur eust octroyé peu de chaleur, il est certain qu'ils n'eussent peu cuire la chaude, ni se conseruer neuf cens & trente ans au monde. Il luy fortifia premierement le cœur, & luy donna vne faculté d'ire, propre pour estre Roy & Seigneur, & pour commander à tout le monde: & luy dit, *Subiice terram, & dominumini piscibus maris, & volantibus cæli, & vniuersis animantibus quæ mouentur super terram.* Et s'il ne luy eust donné beaucoup de chaleur, il n'eust eu pouuoir ni autorité pour auoir empire, commandement, gloire, maiesté & honneur. Op

ne ſçauoit dire le grand tort que l'ire trop laſche & foible fait au Prince: car pour cette ſeule cauſe ſes ſubiets ne craignent, ne le reuerent, & ne luy veulent obeyr. Apres auoir fortiſié l'ire & la concupiſſence, & donnât aux membres que nous auons dit tant de chaleur (il paſſa à la faculté de la raiſon, & luy fit vn cerueau en tel poinct froid & humide, & d'une ſubſtance tant delicate, que l'ame peult, par le moyen d'iceluy diſcourir & philoſopher, & ſe ſeruir de la ſcience infuſe. Car nous auons deſia dit & prouué ailleurs, que Dieu pour donner quelque ſcience ſupernaturelle aux hommes leur diſpoſe premièrement l'eſprit, & les rend capables (par diſpoſitions naturelles, donner de ſa main) de la receuoir. Et ainſi le porte la ſainte Eſcriture, *Et cor dedis illis ex-cogitandi & diſciplina intellectuſ repleuit illos.* Et eſtant en après la faculté de l'ire & de la concupiſſence, tant puiſſante, à raiſon de la grande chaleur: & la raiſonnable, tant laſche & imbecile pour reſiſter,

Dieu pourueut l'homme d'une qualité supernaturelle[ que les Theologiens appellent Iustice originelle] par laquelle fussent reprimees les forces de la partie inferieure: & la partie raisonnable demeurast superieure, & l'homme enclin à la vertu. Mais apres que nos premiers parens eurent peché, ils perdirent cette qualité, & demeura la faculté de l'ire & de la concupiscence en son naturel, par dessus la raison, (pour la forces destrois membres que nous auons dit) & l'homme, *Pronus ab adolescentia sua ad malum.* C'est à dire, enclin à mal des son adolescence. Adam fut créé en l'aage d'adolescence, laquelle selon les Medecins, est la plus temperee de toutes: & depuis cette aage il fut enclin à mal, sinon en ce peu de temps qu'il fut en grace; & avec iustice originelle.

De cette doctrine s'inferé en bonne philosophie naturelle, que si l'homme doit faire quelque acte de vertu [en contradiction de la chair] il est impossible que ce soit sans l'aide exterieure

*Galien  
lib. 6. li.  
de la con-  
seruation  
de sante*



de quelque grace speciale, pource que les qualitez desquelles ceuures la puissance inferieure, sont de plus grande efficace: I'ay dit avec contradiction de la chair [pource que se trouuent plusieurs vertus en l'homme qui viennent de la lascheté & de bilité de l'ire & de la concupiscence, comme la chasteté en l'homme froid: mais cela est plustost vne impuissance que vertu.

Parquoy, sans que l'Eglise Catholique nous enseigne, que hormis l'aide particuliere de Dieu, nous ne pouuons vaincre nostre naturel, la philosophie naturelle nous le montre: qui est, que la grace cōforte nostre volonté, Galien à voulu dire, depuis que l'homme temperé surpasse en vertu tous les autres qui ont esté faits de ceste bonne temperature, pource qu'elle est moins irritée par la partie inferieure. La cinquieme proprieté quetiennent ceux de ceste temperature est, qu'ils viuent longuement, pource qu'ils sont fort puissans pour resister aux causes qui font les

*Psalm 39.* hommes malades. Et c'est ce que le prophete Royal David a voulu dire, *Dies annorum nostrorum in septuaginta anni: si autem in potentioribus octoginta anni & amplius eorum labor & dolor.*

*De 1. li.  
des tem-  
peramens,  
chap. 5.*

Les hommes viuent iusque a soixante & dix ans : & si les plus robustes viuent quatre vingts ans, & qu'ils passent cest aage, ils viuent en mourant. Il appelle puissant ceux qui sont de ceste temperature, pource qu'ils resistent mieux que tous, aux choses qui abbregeant la vie. Galien escrit le dernier signe, & dit: Que les tres-prudens sont de grande memoire pour les choses passees, de grande imagination pour preuoir ce qui est à venir, & de grand entendement pour sçauoir la verité en toutes choses. Il ne sont point malicieux, cauteleux, ou trompeurs: ce qui vient du temperamen. Il est certain, que nature n'a pas fait vn tel esprit pour estudier le Latin, la Dialectique, la Philosophie la Medecine, la Theologie ni les loix: car posé le cas qu'il peut aisément apprendre toutes sciences, nul-

le d'icelles ne peut emplit toute la capacité, L'office de Roy seulement luy est propre & conuenable, & se doit employer seulement à regir & gouverner, Cela s'entendra facilement en discourant toutes les proprietiez & signes que nous auõs dit, des hommes temperez, considerant comme chacun est conuenable au sceptre Royal, & combien elle est impertinente à toutes les autres sciences & arts. Quant le Roy est beau & gracieux, c'est vne des choses qui conuie le plus les suiets à le cherir & aimer. Car Platon dit que la beauté & bonne preportion est l'obiet de l'amour: mais si le Roy est laid & mal proportionné, il est impossible que les suiets luy portent affection, & sont faschez qu'un homme imparfait, & despourueu des biens de nature, les viennent regir & gouverner. Il est aisé à entendre combien importe au Prince d'estre vertueux: & de bonnes mœurs: car il faut que celuy qui donne à ses suiets, regles, & loix de viure selon raison, en face tout au-

tant : car les grands moyens , & petits , se conforment à l'exemple du Roy , & sont tels que luy. Ioint que par ce moyen il authorisera d'auantage ses commandemens , & pourra à bon droit , chastier ceux qui ne les obserueront. Estre parfait en toutes les puissances qui gouuernent l'homme generatiue , ou de l'engendrer , de la nourriture de l'ire & de la raison est plus conuenable au Roy , que à nul autre ouurier : car comme dit Platon en sa Republique bien ordonnee , il seroit besoin qu'il y eust des brasseurs de mariages , qui sceussent , par art , cognoistre les qualitez des personnes qui se marieroient , pour donner à chacun la femme qui seroit conuenable , & à chacune femme aussi vn mary determine , Et par ce moyen seroit tousiours bonne la painciple fin du mariage : car nous voyons par experience , qu'une femme ne peut conceuoir avec le premier mary , & se mariant à vne autre , incontinent elle peut engendrer : nous voyons aussi plusieurs hommes

qui n'ont point d'enfans de la premiere femme, lesquels se remarient, en ont incontinent sans differer. Platon dit que c'est art seroit principalement conueniablé es mariages des Rois: car comme ainsi soit qu'il importe à la paix & tranquillité d'un Royau- me, que le Prince ait enfans legitimes, qui succèdent à la couronne, il pourroit aduenir que le Roy se mar- riant à l'aduenture, rencontrast vne femme sterile, de laquelle il fut em- pesché toute sa vie, sans esperance de lignee: lequel mourant sans he- ritiers, engendre guerre ciuiles en- tre les Princes pour venir à la cou- ronne. Mais Hippocrate dit, que c'est art est necessaire aux hommes intemperez, & non à ceux qui sont douez du temperament parfait que nous auons dit & depeint. Ceux-là n'ont besoin de faire eslection de fem- me, n'y chercher celle qui leur sera correspondante en proportion: car Galien dit qu'ils auront inconti- nent lignee, quelque femme qu'ils prennent. Mais cela s'entend pour-

*Au li. I.  
de la na-  
ture hu-  
maine  
tom. 1.*

*Au 5.  
des Aph.  
tom. 62*

ueu que la femme soit saine, & de l'aage de faire enfant, selon l'ordre de nature. Ainsi la fecondité est meilleure au Roy qu'en aucune autre, pour les raisons que nous auons dit. Si la puissance nutritiue, ou de nourriture est goulüe. Galien dit que cela viét de ce que le foye & l'estomac n'ont la temperature qui conuient à ses œures: au moyen dequoy les hommes se font luxurieux, malades, & de courte vie. Mais si ces membres sont temperez, comme il faut, le mesme Galien dit qu'ils n'appetent pas de manger & boire plus qu'il est nécessaire, pour substantier la vie: laquelle propriété est tant importante au Roy, que Dieu tient pour bien heureuse la terre qui trouue vntel Prince, *Beata terra cuius Rex mobilis est, et cuius principes vescuntur in tempore, suo ad reficiendum & non ad luxuriam.* Galien dit que si la faculté de l'ire est forte ou debile, c'est

Aul. de  
la cōser-  
uatiō de  
la santé.

En l'Ec.  
ch. 101

Aul. de  
l'artme.  
c. 9. &  
36. &  
Aul. de

signe que le cœur est mal composé, & n'a la temperature que la perfection de ses œures requiert de-  
quels deux extremes le Roy doit

estre priué, plus qu'aucun autre: car de ioindre la colere & l'ire avec le grand pouuoir n'est chose conuenable aux suiets. Aussi ne conuient au Roy d'auoir la faculté de l'ire trop foible, car s'il passe legerement les choses mal faites, & les attentats en son Royaume, il ne sera point redouté respecté de ses suiets: dont aduiennent souuentefois grand desordre en la Republique, auxquels il est mal aisé de pouuoir. Mais si l'homme est temperé, il se fasche, avec grande raison, & s'appaise quand il est besoin: propriété qui est autant necessaire au Roy, que tous les autres que nous auons dit.

On peut clairement prouuer combien il peut importer que la faculté raisonnable (d'imagination, la memoire, & l'entendement) soit parfait en vn Roy plus qu'en nul autre: car il semble que toutes les autres sciences & arts se peuvent pratiquer & mettre en œuvre par les forces de l'esprit humain, mais pour gouverner vn Royau-

la cōser-  
uatiō de  
la santé

me, & pour le tenir en paix & con-  
corde, non seulement est besoin que  
le Roy ait vne prudence naturelle à  
ce faire, mais il faut que Dieu par sa  
grace luy assiste, & luy aide à gou-  
uerner, & ainſi le cote la ſaincte Ef-  
criture, diſant, *Cor Regis in manus Do-*  
Aux *mini.* Le cœur du Roy eſt en la main  
Pro. 11. de Dieu, De viure auſſi pluſieurs  
annees, & eſtre touſiours ſain, eſt  
plus conuenable à vn bon Roy,  
qu'à autre quelconque: car l'indu-  
ſtrie & trauail d'iceluy eſt vniuerſel  
pour tous: & s'il n'eſt ſain pour le  
pouuoir ſupporter, la republique  
demeure perdue. Ceſte doctrine  
que nous auons traitté, ſe confirme-  
roit clairement ſi nous trouuions  
par hiſtoire veritable, qu'en quel-  
que temps ſe fuſt eſleu quelque hom-  
me fameux pour Roy, auquel ſe  
fuſſent trouuees toutes les marques  
& conditions que nous auons dit.  
Il eſt vray qu'elle n'a faute d'argu-  
mens pour eſtre prouuee. Il eſt  
dit en la ſaincte Eſcriture que  
Dieu eſtant faſché contre Saül (pour



auoir sauué la vie à Malec) commanda à Samuel d'aller à Belem, & oindre le Roy d'Israel vn fils d'Ysay, de huiët qu'il auoit. Et pensant le sainct personnage que Dieu se contéteroit d'Eliab, pource qu'il estoit de grande stature, il luy demanda ainsi, *Num coram domino est Christus eius?* A laquelle demande fut respondu en ceste maniere, *Ne respicias vultum eius, nec altitudinem stature eius, quoniam abiiecim eum; nec iuxta intuitum hominis: ego iudicio: homo enim videt ea quæ parent dominus autem intuetur cor.* C'est à dire, Ne regarde Samuel, à la stature d'Eliab, qui est grande: Je l'ay deprimee en Saül. Vous iugez les hommes par les signes extérieurs, mais ie regarde au iugement & à la prudence, par laquelle se doit gouverner mon peuple Samuel [informé avec crainte de ceste eslection passa outre, pour executer le commandement de Dieu, luy demandant tousiours l'vn apres l'autre, lequel il vouloit estre oingt pour Roy, comme nul ne lui fust agreable, il dit à Ysay, as tu point d'auanture

plus d'enfans que ceux qui sont icy presens? Il respôdit qu'il en auoit encorcs vn qui gardoit le bestail aux châps: mais qu'il estoit petit de corps, & qu'il pensoit bien qu'il ne fust propre, pour le sceptre Royal. Mais Samuel estant desia aduerty que la grande stature, n'estoit pas bon signe. fit venir cestuy-là. Et est chose fort notable deuant que l'Ecriture recite comme il fut oingt Roy, il est enicelle, *Erat autem rufus & pulcher aspectu, decoraque, facie, surge & unge eum ipse est enim.* C'est à dire, il estoit blond & beau de visage: leue toy, Samuelel & l'ointgs pour Roy: car il est celuy que ie demande: de maniere que Dauid auoit les deux premiers signes desquels nous auons parlé: il estoit blond, bien fait, & moyen de corps: il estoit vertueux & de bonnes mœurs (qui est la troisieme marque d'un Roy car Dieu dist de luy, *Inueni virum iuxta cor meum*, l'ay treuvé vn homme selon mon cœur, Car combien qu'il pechast beaucoup de fois, il ne perdoit pas peurtant le nom &

habit de vertueux, nō plus que celuy qui est mauuais par habit & nature, encores qu'il face quelque chose de bon, ne perd pourtāt le nom de mauuais & vicieux. Il semble qu'on puisse prouuer qu'il a vescu sain, toute sa vie: car il n'est fait mention en l'histoire que d'une seule maladie: qui estoit vne disposition naturelle de ceux qui vivent long temps, car estant en luy resoluë & cōformee la chaleur naturelle, il ne pouuoit s'eschauffer dedās le list: au moyen dequoy, on approchoit de luy vne belle damoysselle pour le tenir chaud. Et ainsi, l'vesquit tant d'annees que le texte dit, *Et mortuus est in senectute bonaplenus dierum & diuitis & gloria.* C'est à dire, David est mort viel, plain de iours, de richesse & de gloire: apres auoir souffert tant de traux en la guerre, & fait si grande penitence de ses pechez. Il a vescu long temps, pource qu'il estoit bien temperé & composé pour resister aux causes qui sont les maladies, & qui accourcissent la vie de l'homme. Saül nota bien la grande prudence & sça uoir

d'iceluy, quand il dit. Seigneur, ie  
 cognoy vn grand musicien fils d'Ysay  
 natif de Belcm, courageux pour  
 combattre, prudent en ses railons,  
 & beau de visage. Par lesquelles  
 marques susdites, il est certain que  
 Dauid estoit homme temperé, & que  
 à telle gens est deu le sceptre Royal:  
 car leur esprit est le meilleur que na-  
 ture puisse faire. Mais contre ceste  
 doctrine se presente vne difficulté  
 fort grande, qui est, Pourquoi Dieu  
 cognoissant tous les esprits & habi-  
 litez d'Israel, & sçachant que les  
 hommes temperez ont la prudence  
 & le sçauoir requis à l'office de Roy,  
 en la premiere eslection, il ne trouua  
 vn homme tel: car le texte dit que  
 Saül estoit si grand, qu'il surpassoit  
 des espaules tout le peuple d'Israel.  
 Et ce signe (non seulement en Philo-  
 sophie naturelle) est vn mauuais si-  
 gne pour l'esprit, mais aussi nous  
 voyons que Dieu mesme, comme  
 nous auons proué, reprint Sa-  
 muel, de ce qu'incité par la grande  
 stature d'Eliab il le vouloit oindre  
 Roy.

*Au 1.  
 des Rois  
 chap. 26.*

*Au 1.  
 des Rois  
 c. 9.*

Roy. Mais ce doute declare estre vray ce que dit Galien, que hors de grece ne se trouue vn homme temperé, puis qu'en vn peuple si grand qu'Israël, Dieu n'en trouua vn pour estre esleu Roy: n'estoit qu'il fut besoin attendre que Dauid fust grand, ce pendant lequel temps il esleue Saül. Car le texte dit qu'il estoit le meilleur de tout Israel: & de fait: il deuoit auoir plus de bonté que de science: ce qui ne suffit pas pour regir & gouverner:

*Bonitatem & disciplinam & scientiam* *Ps. 118*

doce me, disoit le Prophete Royal Dauid, voyant qu'il ne sert que le Roy soit bon ou vertueux, s'il n'a par mesme moyen la sagesse. Par cét exemple il s'emble que nous ayons suffisamment confirmer nostre opinion: mais en Israël nasquit paraillemét vn Roy duquel a esté dit, *Vbi est qui natus est Rex Iudaorum?* Et si nous prouions qu'il fut blond; bien proportionné, moyen de corps vertueux, sain & de grande prudence & sçauoir, cela ne nuiroit point à nostre doctrine. Les Euangelistes ne se sont point amusez

*En saint  
Mat. 1, 2*

# 474 L'Examen des Esprits

à dire la composition de Christ nostre Redempteur: pour ce que cela ne seruoit pas à la matiere qu'ils vou-  
loient traiter: mais c'est vne chose aisee à entendre, supposé que d'estre proprement temperé est toute la perfection que l'homme scauroit auoir. Et veu que le saint Esprit le composa & le forma, il est certain que la cause materielle dont il le forma, ny l'intemperature de Nazareth ne peuvent luy resister ny le faire errer en ses œuvres, comme les autres agens naturels: ains il a fait ce qu'il a voulu: car il n'a eu faute de pouuoir, de scauoir, & de volonté, pour faire vn homme tres-parfait & sans aucune  
faute. Ioint que sa venue (comme luy mesme le dit) a esté pour endurer beaucoup de peines pour l'homme, & pour luy enseigner la verité. Or auons nous prouué ailleurs, que ceste temperature est le meilleur instrument de nature pour ces deux choses. Et ainsi ie tiens pour vray ce que P. Lentulus Proconsul escriuoit au Senat Romain, de Hierusalé, en ceste

En S.  
Iean ch.  
18.

S. Mat.  
c. 20.

Lettres  
de P. Lē  
tulus  
Proconsul

maniere. De nostre temps est appa-  
 ru vn homme qui est viuant à ceste <sup>touchât</sup>  
 heure, de grande vertu, appellé Iesus <sup>Iesus-</sup>  
 Christ, que le peuple appelle vray <sup>Christ.</sup>  
 Prophete, & duquel les Disciples di-  
 sent qu'il est fils de Dieu. Il ressuscite  
 les morts, ils guarir les malades: il est  
 homme de moyéne stature, & droité,  
 beau de visage, auquel se voit vne  
 telle reuerence imprimée, que ceux  
 qui le regardēt sont induits à l'aimer  
 & craindre. Il a les cheueux de cou-  
 leur d'auelaine bien meure: iusques  
 aux oreilles ils sont vnīs & d'vne  
 mesme sorte, mais depuis les oreilles  
 iusques aux espaules ils sont de cou-  
 leur de cire, & pour ceste cause ils re-  
 luisent dauantage. Au milieu du front  
 & en la teste, il est ny plus ny moins  
 que les Nazareens: il a le fronc vni &  
 fort serain: le visage sans aucune ride  
 ni tache, accompagné d'vne couleur  
 modérée. On ne scauroit trouuer à  
 redire ni a son nez ni en sa bou-  
 che: il a la barbe espaisse à la sēblan-  
 ce des cheueux, non large, mais fen-  
 duē par le milieu: il a vn regard fort

graue: il a les yeux clairs & esclatans,  
 il estonne quand il reprend & quand  
 il admonnest, il est gracieux, il se fait  
 aimer: il est ioyeux avec grauité: ia-  
 mais on ne le vid rire, mais bien la on  
 veut plore: il a les mains & les bras  
 gracieux à voir: en compagnie il con-  
 tente fort: mais il ne s'y trouue gue-  
 res, & quand il s'y trouue, il est fort  
 modeste: en sa representation, il l'est  
 le plus bel homme que l'on scauroit  
 imaginer. Et en ce recit sont conte-  
 nus trois ou quatre signes de l'hom-  
 me temperé: le premier est la cheue-  
 lure & la barbe blonde tirant sur la  
 couleur d'aucaine, qui est vn faune  
 bruslé, de laquelle couleur Dieu vou-  
 loit que fust la beste que l'on deuoit  
 sacrifier, pour la figure de Christ. Et  
 quand il entra au Ciel, en triomphe  
 & maiesté telle qu'il appartenoit à vn  
 tel Prince, aucuns Anges dirét qu'ils  
 ne scauoient rien de son incarnation,  
*Quis est iste qui venit de Edom iunctis*  
*uictibus de Bosra?* Qui est celuy là qui  
 vient de la terre rouge, ayant les ac-  
 coustremens taints de la mesme cou-



leur: ce qu'ils disoyent à cause de sa cheueure & barbe qu'il auoit rousse, & à cause du sang, dont il estoit marqué. L'Escripture recite aussi qu'il estoit le plus bel homme que l'on vit onc: qui est le second signe que doiuent auoir les hommes temperez: & ainsi estoit prognostiqué en la sainte Escripture, pour signal afin de le cognoistre, *Speciosus forma pre filiis hominum*. Et en vn autre par l'Escripture porte, *Pulchiores sunt oculi eius vino: & dentes eius lacte candidiores*. Il est beau entre les fils des hommes: ses yeux sont plus beaux que le vin & ses dents plus blanches que le lait: Laquelle beauté & bonne composition du corps importoit beaucoup, à ce que tous luy fussent affectionnez, n'ayant en soy chose qu'on peut abhorrer. Et ainsi l'escripture dit que chacun l'aymoit & luy portoit grande affection. Elle declare aussi qu'il estoit de corps moyen: non pas pour ce que le saint Esprit eust faute de matiere pour le faire plus grand, s'il eust voulu, mais nous auons prouué

En Esa.  
chap. 69.

ps. 44.

En Gre.  
chap. 49

ailleurs de l'opiniõ de Platon & d'Aristote, que changeant l'ame raisonnable de beaucoup d'os & de chair, cela fait grand tort à l'esprit, l'Escripture certifie pareillement en luy, le troisieme signe, qui est d'estre vertueux & de bonnes mœurs. Les Juifs n'ont peu prouuer le contraire, avec leurs faux tesmoignage, & ne luy ont peu respondre, quand il les a interrogez. *Qui vestrum arguet me de peccato?*

Au 18.  
l. de l'anti-  
quité.  
ch. 17. 2.

Qui est celuy d'entre vous qui me reprendra de peché? Et Iosephe, pour la fidelité qu'il deuoit à son histoire, affirme de luy, qu'il sembloit auoir vne autre plus grande nature que d'homme, veu la bonté & sçanoir d'iceluy. Il n'y a que la longue vie, qui ne se peut pas verifier, de Christ nostre Redempteur, pource qu'il fut crucifié tant ieune: & de fait si on l'eust laissé viure ( & queluy mesme l'eust permis) le cours naturel, il eust vescu plus de quatre vingts ans. Car celuy qui a peu demeurer quarante iours & quarante nuits en vn desert, sans boire & manger, se deffendroit & preserue-

reroit mieux des autres choses pl<sup>us</sup> légères qu'il le pourroient alterer & offenser: combien que ce fait soit réputé pour miracle & chose qui naturellement ne peut aduenir. Ces deux exemples de Roys que nous auons amenez suffisoient pour donner à entendre que le sceptre Royal est deu aux hommes temperez, & que ceux là ont l'esprit & prudence que cest office là requiert. Mais il y a vn autre homme fait par les propres mains de Dieu, pour estre Roy & Seigneur de toutes les choses créées. Il l'a fait pareillement roux & blond, bien proportionné, vertueux, sain, de grande vie, & tres-prudent, & ne sera pas mal fait de le prouuer. Platon tient pour chose impossible que Dieu ni la nature puissent faire vn homme temperé, en pays de mauuaise température: & ainsi il dit, que Dieu pour faire le premier homme fort sage & temperé, trouua vn lieu où la chaleur de l'air n'excedast la froideur: ni l'humidité la siccité. Et la sainte Esriture (où il a trouué ceste sentence) ne dit pas que

280 L'Examen des Esprits.

Dieu crea Adam dedans le Paradis terrestre (qui estoit le lieu fort temperé qu'il dit) mais que depuis qu'il fust formé, il le mit là. *Tulit ergo dominus Deus hominem, & posuit eam in paradysum voluntatis, ut operaretur, & custodiret illum.* Dieu donc enleva l'homme, & le mit au paradis de volupté: afin qu'il fit son œuvre & qu'il le gardast. Car estant le pouuoir de Dieu infiny, & son sçauoir sans mesure & en volonté de luy donner toute la perfection naturelle qui peut estre au genre humain, il est à croire que le morceau de terre, duquel il le forma l'intemperature du champ Damascene (où il fut créé) ne l'ont peu empêcher de le faire temperé. L'opinion de Platon d'Aristote, & de Galien a lieu és œuvres de nature: & bien que l'on habite és pays intemperez, il aduient neantmoins aucunes fois d'engendrer vn homme temperé. Mais il est manifeste que Adam auoit la chevelure & la barbe rousse, qui est le premier signe de l'homme temperé; car eu esgard à ceste marque

tant notable, on luy imposa ce nom,  
*Adam*, lequel signifie, comme saint  
 Hierosme l'interprete. *Homo rufus*  
 Homme roussé ou blond. On ne Gen. 6.  
 scauroit nier non plus qui n'aist esté  
 bien fait & bien proportionné: car  
 quand Dieu eut acheué de le créer, le  
 texte dit, *Vidit Deus cuncta quæ fecerat* Au De  
chap. 32.  
*& erant valde bona.* Par consequent  
 il est certain qu'il ne sortit laid de la  
 main de Dieu, ny mal basti: car, *Dei*  
*perfecta sunt opera:* Et le texte dit des  
 arbres, qu'ils estoient fort beaux à  
 voir. A plus forte raison l'estoit Adā,  
 que Dieu auoit fait pour vne princi-  
 pale fin, & pour estre Seigneur &  
 Président du mode. On peut recueil-  
 lir que il fut sage, vertueux, & de bō-  
 ne mœurs (qui est la troisieme & si-  
 xieme marque) par ces paroles, *Facia-*  
*mus hominem ad imaginem & similitu-* Gen. 6.  
*dinem nostram.* Car suiuant les anciens 33.  
 philosophes, le fondement en quoy Gale, de  
cut and  
anim.  
mors.  
 gist la semblance qu'à l'homme avec  
 Dieu est la vertu & science. Et pour  
 ceste cause Platō dit que l'un des plus  
 grands contentemens que Dieu re-

coine au ciel, est d'ouïr, louer & agrâ-  
 dir en la terre l'homme sage & ver-  
 tueux? car vn tel homme est le vray  
 pourtrait deluy. Au contraire, il se  
 fâche, si les ignorans & vicieux sont  
 estimez & honorez. Ce qui est pour  
 la grande dissimilitude qui se trouue  
 entre Dieu & eux. Il n'est pas diffi-  
 cile à prouuer qu'il a vescu sain &  
 fort long temps (qui est le quatrième  
 & cinquième signe) puis qu'il a ves-  
 cu neuf cens & trente ans accomplis,  
 Et ainsi ie peux conclure que l'hom-  
 me qui sera rousseau, bien fait, de  
 moyenne stature, vertueux, sain, & de  
 longue vie, sera par consequent de  
 grande prudence, & aura vn esprit  
 propre & conuenable au sceptre  
 Royal. Nous auons par mesme moyé  
 descouuert comme se peut ioin-  
 dre & assembler vn grand entendement,  
 avec vne grande imagination & me-  
 moire, bien qu'il y ait vn autre mo-  
 yen sans que l'homme soit temperé.  
 Mais nature en fait si peu de cette  
 maniere, qu'il ne s'en est iamais trou-  
 ué que deux, de tous les esprits que

i'ay peu examiner. Il est facile à entendre comme se peut faire qu'un grand entendement s'assemble avec une grande imagination & memoire, n'estant l'homme temperé, supposant l'opinion d'aucuns Medecins, qui affirment que l'imagination reside en la partie de deuant du cerueau: la memoire en la partie de derriere, & l'entendement en celle du milieu: on peut dire le mesme en nostre imagination: mais c'est grand cas qu'estant le cerueau non plus gros qu'un grain de poyure quand nature le forme, il face neantmoins un ventricule & lieu de semence fort chaude, un autre de fort humide, le troisieme du milieu de fort seiche: mais en fin, ce n'est pas une chose impossible.

*Comme les peres doiuent engendrer  
 enfans sages & d'esprit tel que  
 requierent les lettres: en  
 quoy se trouuent choses  
 notables.*



'Est vne chose digre de grande merueille, qu'estant la nature telle que nous sçauõs tous, prudente, accortte, de grand artifice, sçauoir & pouuoir, si elle se trompe tant à faire l'homme, de maniere que pour vn quelle fait sage & prudent, elle en cree vne infinité qui sont despourueus d'esprit: dequoy cherchant la raisõ & causes naturelles, i'ay trouué que les peres ne viennent à l'acte de la generation par le moyen & ordre que nature a establi, & ne sçauent les conditions qui se doiue garder, afin que leurs enfans soient prudens & sages. Car par la mesme raison qu'en quelque region que ce soit, temperee ou non temperee naistra vn homme fort ingenieux, en sortiront autre cent mille, si on garde tousiours ce mesme ordre de causes. Si nous pouuions remedier à cela par art, nous aurions fait à la Republi-



que le plus grand bien qu'on scauroit faire. Mais la difficulté de cette maniere est, qu'elle ne se peut traiter par termes tant honnestes que requiert la bonté naturelle que les hommes ont: & par mesme raison que nous laissons de dire & noter quelque diligence ou contemplation necessaire, il est certain que tout s'en va perdu de maniere que l'opinion de plusieurs graues Philosophes est que les hommes sages engendrent ordinairement les enfans fort ignorants: pource qu'en la cte charnel ils se gardent par honnesteté, d'aucunes diligences qui sont requises, afin que l'enfant tire la sagesse du pere. Aucuns anciens philosophes ont voulu trouuer la raison naturelle, pourquoy les yeux sont naturellement honteux: quand on leur met deuant les instrumens de la generation: & pourquoy l'ouye est offensée quand elle entend parler, estans esmerueillez de voir que nature ait fait ses parties avec vntel souci & diligence, & pour vne fin de telle importance, comme de faire le genre

humain immortel: & neantmoins que l'homme plus est sage & prudent, plus est honteux & esmeu quand il les regarde, ou qu'il les entend nommer. Aristote dit que la honte & l'honnesteté est propre passion de l'entendement, de maniere que quiconque ne s'offensera par le nom & acte de la generation, est certainement despourueu de ceste puissance, comme nous dirions, que celuy n'auroit pas le toucher, lequel ayant mis la main au feu, ne se brusleroit. Par ce moyen Caton l'ancien descourrit que Manilius, homme illustre estoit despourueu d'entendement, pource qu'on l'aduerst: qu'il baisoit sa femme en la presence d'une sienne fille qu'il auoit. Et pour cette raison il le priua du Senat, & ne peust tant faire qu'il fust admis au nombre des Senateurs. De cette contemplation Aristote a fait vn probleme, demandant. Pourquoi les hommes qui veulent exercer l'acte Venerien ont honte de le confesser, & quand ils ont enuie de viure, ou de manger, ou de faire quelque autre:

Am 3. li.  
de l'a  
me, &  
4. des  
propic.

n la  
est.  
rob. 28.

chose, ils ne se foucient point de le dire. Aquoy il respôd & dit, Qu'il y a vn appetit de beaucoup de choses qui sont nécessaires à la vie de l'homme, desquelles aucunes sont de si grande importance, que s'il ne les mettoit en execution, elles le feroient mourir. Mais l'appetit de l'acte Venerien, est pluſtoſt indice d'abondance que de faute. Mais certainement le probleme est faux & la responce aussi: car non seulement l'homme à honte de manifester le desir qu'il a d'auoir affaire à la femme, mais aussi de boire, de manger, & de dormir. Et s'il a enuie de ietter dehors quelque excrement, il ne l'ose dire, ni faire, si ce n'est avec peine & honte: & avec ce, il va au lieu le plus secret, afin que personne ne le voye. Nous voyons mesme des hommes tant honteux, qu'ayant grande enuie de pisser ils ne le peuent faire si qu'elqu'un les regarde & si on les laisse seuls, ils peuent pisser incontinent, & à leur aise: ce qui est l'appetit de ietter ce qui est superflu au

corps: de maniere que si en ne le fai-  
 soit, l'homme viendroit à mourir, &  
 beaucoup plustost qu'il ne feroit pas,  
 s'il ne mangeoit ni ne beutoit, Et si  
 aucun le dit, ou fait en presence d'un  
 autre. Hippocrate dit, qu'il n'est pas  
 en son libre iugement Galien dit, que  
 la semence à telle proportion & con-  
 nenance avec les vases, spermatics,  
 que l'urine avec la vessie: car com-  
 me la quantité de l'urine incite la ves-  
 sie à la chasser de là, la quantité de  
 la semence moleste aussi les vases sper-  
 matics. Et quant à ce qu'Aristote pé-  
 se que l'homme & la femme ne de-  
 viennent malades, & ne meurent à  
 cause de la retention de la semence,  
 c'est outre l'opinion de tous les Me-  
 decins, principalement de Galien, qui  
 dit & afferme, que maintes femmes  
 demeurant ieunes & veuves sont ve-  
 nues à perdre le sens & le mouuement,  
 le poulz, & la respiration, & sur ces  
 entrefaites, la vie. Le mesme Aristote  
 allegue plusieurs maladies que les  
 hommes continens souffrent, pour la  
 mesme raison. La vraye responce au

du 6.  
 des lieux  
 affectez

cap. 6.  
 du 6. l.  
 des lieux  
 Sectez  
 6.

problème ne se peut donner en philosophie naturelle: car elle n'est de sa iurisdiction, Et pourtant est besoing passer à autre science superieure, que l'on appelle Metaphisique, en laquelle Aristote dit, que l'ame raisonnable est la plus basse de toutes les intelligences: & pource qu'elle est procedee de la nature des Anges, elle est faschée de se voir mise au corps lequel à communauté avec les bestes brutes. Et ainsi la sainte Esriture note, comme chose contenant mystere, que le premier homme estant nud, n'auoit point de honte: mais que se voyant: ainsi il se couurit, cognoissant que par sa faute il auoit perdu l'immortalité, & que son corps estoit suiet à alteration, & corruption, & qu'on luy auoit baillé ces instrumens & parties, afin que necessairement il mourust, & laissast vn autre en sa place: & que pour conseruer ce peu de temps qu'il auoit à viure, il luy estoit necessaire de boire & de manger, & de ietter hors de si mauuais excremens. Et s'est augmentee en luy la honte,

*An l. 12  
de la Me  
taph.*

voyant que les Anges, auxquels il tou-  
choit sont immortels, & n'ont que  
faire de boire, de manger, ni de dor-  
mir, pour la conseruation de la vie, &  
n'ont instrumens pour s'engendrer  
les vns les autres, ains qu'ils ont esté  
creez tous ensemble de nulle matie-  
re, & sans crainte de se corrompre: de-  
quoy sont naturellement instruits les  
yeux & l'ouye. Parquoy l'ame raison-  
nable s'en fasche, & a honte que luy  
viennent en memoire les choses que  
l'on a donné à l'homme pour estre  
mortel & corruptible. Que ceste soit  
la conuenable raison, il appert claire-  
ment, car Dieu pour contenter l'ame,  
apres le iugement vniuersel, & pour  
luy donner entiere gloire, il doit faire  
que son corps ait les proprieté d'un  
Ange, luy donnant subtilité, agilité,  
immortalité, & splendeur: à raison  
dequoy il n'aura besoin de manger, ni  
de boire, comme les bestes brutes.  
Et estans au ciel de ceste maniere, les  
ames n'auront honte de se voir en  
chair, comme maintenant ne l'ont  
Christ nostre Redempteur & sa me-

*Notez  
un indi-  
ce de l'im-  
mortali-  
té de l'a-  
me.*

re: ains est vne gloire accidentallē de voir ceste vſage des parties qu'auoiet couſtume d'offēſer l'ouye & la veue. Ayant l'homme, en apres eſgard à l'honneſtetē naturelle de l'ouye, il taſche d'euitier les termes durs & aſpres de ceſtē matiere, & va à l'entour par aucunes douces manieres de parler, là où il ſe peut excuſer. L'honneſte lēcteur me pardonnera: car de reduire en art parfait la maniere qui ſe doit tenir, à ce que les hommes ſoient de bon eſprit, c'eſt vne des choſes dont la Republique a plus de beſoin; attendu que par la mēme raiſon, naiſtront des hommes vertueux, bien fais, ſains, & de longue vie. Il me ſemble propre de diuiſer la matiere de ce chapitre en quatre principales parties, pour eſclaircir ce qui ſe doit dire, & afin que le lēcteur ne ſe confonde. Premièrement il faut monſtrer les qualitez & le naturel temperament que l'homme & la femme doiuent auoir, afin de pouuoir engendrer; ſecondement il faut declarer

quelle diligence doiuent employer les peres, à ce que les enfans soient masles & non femelles: tiercement, comme ils viendront sages & non ignorans & puis comme on les doit nourrir, apres qu'ils sont nez, pour conseruer leur esprit. Or pour venir au premier poinct, nous auons desia dit de l'opinion de Platon, qu'en la Republique bien ordonnee deuroiēt estre des forgeux de mariages, qui sceussent par art cognoistre les qualitez des personnes qui se marieroient pour bien accorder l'vne & l'autre partie. En laquelle matiere Hippocrate & Galien ont commencé à tra- uailer, & ont donné quelques regles pour cognoistre la femme qui est fe- conde, & celle qui ne peut enfanter, & que l'homme est inhabile à engen- drer, & lequel est puissant pour ce faire. Mais de tout cela, ils n'ont dit gueres de chose, & n'en ont parlé a- uec telle distinction qu'il failloit, au- moins au propos qui se presente: à raison dequoy sera besoin commen- cer l'art des les principes, & luy dô-



ner en brief ordre qu'il faut pour  
 esclarcir de quels peres sortent en-  
 fans sages, & de quels, ignorants &  
 paresseux. A quoy faire, il est besoin  
 sçauoir premierement vne certaine  
 philosophie particuliere, laquelle  
 estant fort manifeste aux maistres de  
 l'art le vulgaire toutefois n'en a point  
 de souci, veu que tout ce qui se doit  
 dire touchant le premier poinct, de-  
 pend de la cognoissance: c'est que  
 l'homme (bien qu'il nous semble de  
 la composition que nous voyons) ne  
 differe point de la femme, selon que  
 dit Galien, d'autre chose que de ce  
 qu'il a les membres genitaux hors du  
 du corps. Car si nous faisons anatomi-  
 mie d'une femme, nous trouuerons  
 quelle a au dedans deux couillons,  
 deux vases spermatiques, & le ven-  
 tre de la mesme composition que le  
 membre de l'homme, sans qu'aucun  
 lineament luy defaille. Ce qui est tant  
 veritable, que si nature acheuant de  
 forger vn homme parfait, le vouloit  
 conuertir en femme, il n'y auroit au-  
 tre chose à faire, que de remettre au

*Au li-  
 de la  
 sectio  
 la mu-  
 ce, &  
 2. l. de  
 semen-  
 c. 5.*

dedans les instrumens de la generation : & si estant la femme faite elle vouloit la changer en homme, elle n'auroit autre chose à faire qu'à luy tirer les coüillon. dehors. Cela est aduenü plusieurs fois à la nature, estant la creature aussi bien au corps comme dehors : dequoy les histoires sont plaines : mais aucuns ont pensé que c'estoit vne chose fabuleuse, veu que les Poëtes en ont fait leur profit, & toutes fois il est ainsi. Car nature à souuent fait vne fille, qui a demeuré vn ou deux mois au ventre de la mere, & suruenant aux mēbres genitaux, abondāce de chaleur (pour quelque occasion) elle les fera sortir dehors, & fera vn masse. On cognoist apres appertemēt qui sont ceux auxquels est aduenue ceste transmutatiō au ventre de leur mere, en certains mouuements qu'ils ont, qui ne sont propres ni conuenables aux hommes: Ils sont feminins: ils ont la voix delicate comme les femmes, & sont inclinez à faire les œuures de femmes, & tombent ordinairement au

peché execrable? Au contraire nature a fait souuentefois vn masse, avec ses membres genitaux dehors, & suruenant vne froideur, elle les a fait retourner au dedans, & en a fait vne femelle. Ce qui se cognoit apres la naissance, en ce qu'une telle fille a l'air d'un garçon, tant en la parole qu'en tous les mouuemens & œuures, Il semble que cela soit difficile à prouuer: mais considerant ce que plusieurs anciens historiographes affirment, il est fort aisé de le croire. Or que les femmes se soyent tournees en hommes, depuis la naissance, le vulgaire ne s'estonne de l'entendre: car outre ce qu'en racontent pour chose vraye plusieurs anciens, c'est vne chose qui est aduenue en Espagne, depuis peu d'annees en ça, de maniere qu'il n'est besoin de debatre ni disputer ce que l'experience demonstre. D'auantage, il est aisé à entendre quelle est la raison & cause que les membres genitaux s'engendrent dedans ou dehors, & que vient à sortir vne fille & non vn garçon; sçachant que la chaleur dilate

*Galiē au  
3 l. de la  
semēce,  
chap. 5.*

& eslargit toutes choses, & la froideur les detient & resserre. Parquoy tous les philosophes & medecins accordent, si la semence est froide & humide, se fait vne fille & non pas vn garçō, mais si elle est chaude & seiche que s'engendrera vn garçon, & non pas vne fille: d'où s'inferre clairement qu'il n'y a homme qui se puisse appeller froid, au respect de la femme: ny femme chaude, au respect de l'homme.

*En la 4.  
sect. 1.  
2.*

Aristote dit, que la fēme peut estre feconde, ou pour porter enfans, doit estre froide & humide: car si elle ne l'estoit, il seroit impossible qu'elle eust du laiēt, pour substantier neuf mois la creature en son ventre, & deux ans apres qu'il est né: le tout se gasteroit & consommeroit.

*Gil aux  
Aphori.  
comp. 62.*

Tous les philosophes & medecins disent qu'il y a telle conuenance entre la matrice de la femme & la semence de l'homme, que entre la terre & le froment ou autre semence quelconque. Or voyons nous que si la terre n'est froide & humide, les  
laboueurs

laboureurs n'osent semer, pource que la semence ne prend ni germe: & entre les terres, celles là sont les plus fécondes & fertiles, qui ont plus de froideur & d'humilité: comme se voit par expérience, és pays du Nort, Angleterre, Flandre & Allemaigne, l'abondance desquels en bien de la terre rend esmerueillez ceux qui n'en sçauent pas la cause: & en telles terres, ne se voit pas vne femme mariee, qui soit sterile, & qui ne porte des enfans à cause de leur grande froideur & humidité. Mais combien que la femme doyue estre froide & humide, afin de concevoir, elle pourroit neantmoins l'estre en tel excez, qu'elle gasteroit la semence, cōme nous voyons que les bleds se perdent par les trop grandes pluies, & qu'ils ne peuuent meurir, quand le temps est trop froid. Parquoy l'on peut entendre que ces deux qualitez doiuent estre modee-  
rees, autrement la fécondité se perd. Hippocrate tient pour seconde la femme de laquelle le ventre est temperé, de telle maniere que la chaleur

*2<sup>me</sup>. d.  
Aph. 2*

n'excede la froideur, ni l'humidité la siccité; & ainsi dit-il que les femmes qui ont les ventres froids ne conçoient ni celles qui les ont fort humides, fort chauds & secs. Et comme il est impossible que la femme puisse concevoir, & moins encore estre femme, si elle & ses membres genitaux sont tempérez (pource que si la semence de laquelle au commencement elle est formée estoit tempérée: les membres genitaux sortiroient dehors, & en seroit fait vn garçon avec la barbe, & mesme plus parfait que nature sçache faire) aussi peu la matrice & la femme peut estre chaude, en excez & domination: pour ce que si la semence de laquelle elle à esté engendrée auoit ceste température elle fust sortie mâle & non femelle. Il est donc certain que la froideur & l'humidité sont les deux qualitez qui rendent la femme féconde: car la nature de l'homme a besoin de beaucoup de nourriture, pour ce pouoir engendrer & conseruer. Et pour ceste cause voyons nous que de toutes les femel-

les qui se trouuent entre les brutes  
 animaux, il n'y en a pas vne qui ait  
 menstres cōme la femme. Parquoy  
 estoit necessaire la faire toute froide &  
 humide, & en tel poinct ou degré  
 qu'elle creast beaucoup de sang fleg-  
 matic, qui ne peust estre gasté ni con-  
 sommé: i'ay dit sang flegmatic, pour-  
 ce qu'il est propre à la generation du *En la*  
 laiët, duquel Galien & Hippocrate *(cēt. p*  
 disent que la creature se maintient, *52.*  
 tout le temps qu'elle demeure au vē-  
 tre de la mere. Que si elle estoit tem-  
 perée, elle engendreroit beaucoup  
 de sang, mal propre à la generation  
 du laiët, qui se resoudroit du tout  
 ( comme en l'homme temporel ) &  
 ainsi ne demeureroit chose aucune,  
 pour maintenir la creature. Parquoy  
 ie tiens pour impossible qu'aucune  
 femme soit temperée: elles sont tou-  
 tes froides & humides, si les mede-  
 cins. & philosophes ne me don-  
 nent la raison pourquoy la bar-  
 be ne vient à aucune femme, &  
 qu'à toutes estans, en santé, leur vien-  
 nent les menstres, ou pourquoy,

si la semence de laquelle la femme a esté faite, estoit temperée ou chaude, s'en est fait plustost vne fille qu'un garçon: Mais aussi combien qu'elles soyent toutes froides & humides, elle ne le sont pas toutes en pareil degré de froideur & humidité. Aucuns le sont au premier: autres au second, & autres au troisieme: toutes lesquelles peuuent deuenir grosses & enceintes, si l'homme correspond en la proportion de chaleur, que nous dirons cy apres, On ne trouuera pas vn philosophe ni medecin qui ait encores dit iusques à present, par quels signes on doit cognoistre ces trois degrez de froideur & humidité en la femme, & sçauoir laquelle est froide & humide, au premier: qu'elle au second, & quelle au troisieme. Mais considerant les effets que ces qualitez produisent aux femmes, nous pourrons le departir, par le moyen de la force & vigueur, & ainsi nous pourrons entendre le premier par l'esprit, & habilité de la femme, l'autre par les mœurs & complexion, le troisieme,



par la grosse voix ou deliée: le quatrième, par la chair, en abondance ou au cōtraire: le cinquième, par la couleur: le sixième par le poil: le septième, par la beauté ou laideur. Quant au premier, il faut sçauoir, que encores: qu'il soit vray (cōme nous auons prouué en vn autre endroit) quel'esprit & habilité de la femme suit le temperamēt du cerueau, & non d'aucun autre membre: si est-il pourtant que la matrice & coüillons d'icelle sont de telle force & vigueur, pour alterer ou changer tout le corps que s'ils sont chauds & secs, ou froids & humides, ou de quelque autre temperature, Galien dit que les autres parties en tiennent & l'ont de mēme. Mais tous les Medecins disent que de tous les membres, le cerueau reçoit les alterations le plustost, combien qu'ils n'ayent raison, sur laquelle ils puissent fonder vne telle conuenance. Il est vray, que par experience Galien prouue, que chastrant vne truie, incontinent elle s'adoucit & s'engraisse, & luy deuient la chair

*Au. 1.*

*Aph.*

*62.*

*Hip.*

*6. de*

*p. 1. cō*

*Au 1.*

*de la*

*mence*

*15.*

502. *L'Examen des Esprits.*  
tédre & sauoureuse: mais si les couil-  
lons luy demeurent, la chair en est  
dure à manger, comme la chair d'un  
chien. Parquoy se peut entendre que  
la matiere & les couillons sont de grã-  
de offencé, pour communiquer à tou-  
tes les autres parties du corps, leur  
temperamēt: principalement au cer-  
ueau, pource qu'il est froid & humi-  
de, comme eux: & où par la semblan-  
ce, le passage, est fort aisé. Et si nous  
prenons garde que la froideur & hu-  
midité sont qualitez qui nuisent à la  
partie raisonnable, & que leurs con-  
traires (la chaleur & siccité) la rendēt  
parfaite, & l'augmentent, nous trou-  
uerons que la femme qui monstera  
vn grand esprit & habilité, sera froi-  
de & humide au premier degré, & si  
elle est fort bonne, c'est signe qu'elle  
l'est au troisieme degré, & si elle par-  
ticipie de ces deux extremes, c'est si-  
gne qu'elle l'est au second degré, car  
de penser que la femme puisse estre  
chaude & seiche, & auoit vn esprit &  
habilité conuenable à ces deux qua-  
litez, c'est vne fort grande erreur,

car si la semence de laquelle elle a esté formee se fust trouuee chaude & seiche par accez, il en fust prouenu vn garçõ, & non pas vne fille: mais pour auoir esté froide & humide, en a esté faite vne fille, & non pas vn garçon. La verité de ceste doctrine est claire & manifeste, si l'on considere l'esprit de la premiere femme qui fut au monde: car quand Dieu l'eut faite de sa propre main, parfaicte en son sexe, il est certain neantmoins qu'elle scauoit beaucoup moins qu'Adam, & pour ceste cause le Diable sachant cela, fut vers elle pour la tenter & n'osa venir à l'homme cognoissant son grand esprit & scauoir, & de dire que Dieu osta tout le scauoir à Eue, qui luy defailloit pour esgaller Adam à cause de son peché, personne ne le peut affirmer, pource qu'elle n'auoit encor offensé. Il s'ensuit donc que la premiere femme n'auoit pas l'esprit si grand que Adam, pource que Dieu la fit froide & humide, qui est le temperament necessaire,

pour estre feconde, & pour engendrer, & qui contredit neantmoins au ſçauoir: car ſ'il l'eust faite temperee, comme Adam, elle ſe fuſt trouuee treſſage: mais elle n'eust peu enfanter, ny auoir ſes fleurs, ſi n'eust eſté par voye ſupernaturelle. Sainct Paul ſe fonde en ceſte nature, quand il diſt, *Adulter in ſilentio diſcat, cum omni ſubiectione, docere autem mulieri non permitte, neque dominari in virum, ſed eſſe in ſilentio.* C'eſt à dire que la femme apprenne en ſcilence, avec toute ſubiection: ie ne veux pas que la femme enſeigne, ny qu'elle domine l'homme, mais qu'elle ſe taiſe, & qu'elle obeiſſe à ſon mary. Mais cela ſ'endent quand la femme n'a l'eſprit, ny autre plus grande grace que ſa diſpoſition naturelle: car ſi elle a quelque don ſpecial, elle peut bien enſeigner & parler. Nous ſçauons bien que comme le peuple d'Iſrael fut opprimé & aſſiégué par les Aſſyriens, Iudith femme treſſage enuoya appeller les Sacrificateurs de Chabry & Charmy, & les tença, diſant. Pour quoy ſouffrir:

on à Ozias de dire, que si dedans cinq iours ne luy vient du secours, le peuple d'Israel tombera à la misericorde des Assyriens? Voyez vous pas que ces paroles prouoquent Dieu à ire, & non pas à misericorde? pourquoy est-ce que les hommes limitent la bonté & clemence de Dieu? pourquoy limitent ils le iour auquel il les peut secourir & deliurer? Et acheuant de les reprendre de ceste maniere, elle monstra comme ils deuoient appaiser son ire, & obtenir de luy ce qu'ils demandoient. Elbore aussi ( femme non moins sage ) enseigne au peuple d'Israel le moyen de rendre graces à Dieu pour la grande victoire qu'il auoit eue de ses ennemis. Mais quand la femme demeure en disposition naturelle, tout le genre de lettres & sçauoir est contraire à son esprit. Et pour ceste cause l'Eglise Catholique, à iuste cause defend à toute femme de prescher, cōfesser, & enseigner: pour ce que son sexe n'admet aucune prudence ny discipline. On descouure aussi par les mœurs & complexions:

da la femme en quel degré de froid-  
 deur & humidité gist son tempera-  
 ment: car si avec l'esprit aigu, elle est  
 rechigneuse, rude & facheuse, elle est  
 au premier degré de froideur & hu-  
 midité, estant vray ce que nous auons  
 prouué ailleurs, que la mauuaise cõ-  
 plexion tient tousiours à la bõne ima-  
 gination: celle qui a ce poinct ou de-  
 gré de froideur & humidité, note &  
 reprend tout, & ne peut rien souffrir.  
 Telles sont de bonne compagnie, &  
 ne s'estonnent de voir les hommes,  
 & ne tiennent pour mal complexion-  
 né celuy qui leur dit quelque sonnet-  
 te. Au contraire, quand la femme  
 est de bonne complexion, quand elle  
 ne se donne aucune peine, qu'elle, rid  
 à toute occasiõ, qu'elle passe par tout,  
 qu'elle dort fort bien, elle descouure  
 le troisieme degré de froideur & hu-  
 midité: car la grande molesse du cer-  
 ueau & esprit est ordinairement ac-  
 compagnee de peu de sçauoir. Celle  
 qui participe les deux extremes, est  
 froide & humide au second degré.

*Aul. de  
 l'art de  
 med.*

*Hip. an*

*6. de op.*

Galien dit: que la voix forte & af-

pre est indice de grande chaleur & siccité: nous le prouuons aussi ailleurs de l'opinion d'Aristote: par où nous entédrons, que si la femme à la voix, comme d'un homme, elle est froide & humide au premier degré, & si elle l'a fort desliée & delicate, elle l'est au troisiésme. Et si elle participe des deux extrêmes, elle a vne naturelle voix de femme, & mesme est froide & chaude au second degré. Nous prouuerons incontinent, quand nous parlerons des signes de l'homme, combien despend la parole du temperament des coüillóns. La femme fort charnuë demonstre aussi vne grande froideur & humidité: car les Medecins disent que l'embonpoint, & la graisse s'engendre aux animaux par ce moyen. Et au contraire si elle est fresche & maigre, elle demonstre auoir en soy peu de froideur & humidité: Et si elle n'est ni trop grasse ni trop maigre, c'est signé qu'elle est froide & humide au second degré: la mollesse & aspreté de chair monstrent aussi

les degrez de ces deux qualitez: la grande humidité fait la chair molle, & le peu d'humidité la fait apre & dure, & la moderee la fait de bonne sorte. La couleur du visage & des autres parties du corps descouurent aussi la force & debilité de ces deux qualitez. Si la femme est fort blanche, Galien dit que c'est signe de grand froideur & humidité, & au contraire, si elle est brune ou noire, elle est froide & humide au premier degré, & de ces deux extrêmes se fait le second degré, & se cognoist quand elle est blanche & coloree. Quand la femme a beaucoup de poil, & que elle a vn peu de barbe, c'est donc vn signe pour cognoistre en elle le premier degré de froideur & humidité: car sçachant la generation du poil & de la barbe, tous les Medecins disent que le poil vient de chaleur & siccité, & s'il est noir, il demonstre beaucoup de chaleur & de siccité: Si la femme n'a gueres de poil, ni chevelure, elle tient la temperature contraire: celle qui est froide & humide au second degré, a vn

du 1. li.  
le san.  
nis.



peu de poil, mais il est blond & dore. La laideur & beauté aident beaucoup à cognoistre les degrez qu'à la femme de froideur & humidité. A peine la belle femme sort au premier degré des susdites qualitez: car la semence seiche dont elle a esté formée a empesché sa belle forme & figure. La terre doit auoir l'humidité conuenable afin que le potier la puisse former, & en faire ce qu'il voudra: mais si elle est dure & seiche, les vases en seront laids & mal formez. Aristote dit aussi que la grāde froideur & humidité rend les femmes naturellement laides: car si la semence est froide, & fort humide, elle ne se peut pas bien former, pource quelle ne peut confister, comme de la terre fort molle, nous voyons que les vases sont mal bastis. La femme fort belle est froide & humide au second degré, pource quelle a esté faite de matiere bien assaisonnée & obeyssante à nature: qui est vn signe de soy mesme fort euident, pour cognoistre que la femme est seconde, & qu'elle peut enfanter.

pource qu'elle est d'un temperament propre & conuenable à cela, & pour ceste cause elle correspond quasi à tous les hommes, & tous les hommes la desirent. L'homme n'a puissance aucune, qui ne descouure la bonté ou malice de son obiet. L'estomac cognoist les alimens par le goust, par le flairer, & la veüe? & pourtant la sainte Escriture dit qu'Eue assit les yeux sur l'arbre deffendu, & qu'il luy sembla que le fruiet d'iceluy estoit gracieux à manger. La faculté d'engendrer tient pour indice de fecondité & fertilité la beaute de la femme & si elle est laide, elle l'abhorre, cognoissant par cest indice, que nature à failli en elle & qu'elle ne luy aura donné le temperamēt propre & conuenable pour enfanter.

*Comme l'on cognoit en tout homme  
quels degrez il y a de chaleur  
& siccité.*

**Q**U' H O M M E n'a son temperament tant limité que la femme: car il

peut estre chaud & sec (temperature qu'Aristote & Galien pensent estre la plus conuenable à ce sexe) chaud & humide, & téperé: mais il ne peut estre froid & humide, ni froid & sec, s'il est sain, & sans aucune lesion. Car, comme il n'y a point de femme chaude & seiche, ni chaude & humide, ni temperée, aussi n'y a il point d'homme froid & humide, ni froid & sec, au regard des femmes, sinon de la maniere que ie diray bien tost. L'homme chaud & sec, chaud & humide, & temperé, à les trois mesmes degrez en son temperament que la femme en la froideur & humidité, & pourtant faut auoir indices pour cognoistre en quel degré est l'homme, pour luy bailler vne femme qui luy soit conuenabler. Et pour ceste cause il faut sçauoir que des mesmes principes que nous recueillôs le temperament de la femme, & le degré qu'elle a de froideur & humidité, nous deuons nous aider & seruir pour entendre que l'homme est chaud & sec, & en quel degré.

Et pource que nous auôs dit, que par l'Esprit & mœurs de l'homme se collige le temperament des coüillons, il faut regarder à vne chose notable que dit Galien, qui est pour donner à entendre la grande vertu des coüillôs de l'hôme, à donner fermeté & temperamēt à toutes les parties du corps, il affirme qu'ils sont de plus grande importance que le cœur: & en donne la raison, disant que le cœur est seulement le principe de la vie: mais les coüillons sont le commencement de bien viure, & sans causes. Il ne sera besoin d'alleguer plusieurs raisons, afin de prouuer combien est nuisible à l'homme d'estre priué de ces parties, encor qu'elles soyent petites, attendu que nous voyons par experience, que incontinent il en perd le poil & la barbe: il change sa voix grosse en vne deliée: & avec cela il perd les forces, & la chaleur naturelle, de maniere que la condition est pire & plus miserable que s'il estoit femme. Mais ce que l'on doit noter d'auantage, est que si l'homme, deuant qu'en estre

priué, auoit bon esprit & habilité, a-  
 pres quiluy sont retranchez, il vient  
 à perdre c'est esprit, ni plus ni moins  
 que s'il auoit receu au mesme cerueau  
 quelque notable lesion. Ce qui est vn  
 argument euident, par lequel se voit  
 que les coiillons donnent & ostent  
 le temperament à toutes les parties  
 du corps, Considerons vn peu que  
 de mille Eunuques qui s'appliquent  
 aux lettres, il n'y en a pas vn qui de-  
 uienne sçauant: mais en la musique,  
 qui est leur profession ordinaire, voit-  
 on plus clairement comme ils y sont  
 rudes: ce qui se fait pource que la  
 musique est œuvre de l'imagination.  
 & que ceste puissance requiert beau-  
 coup de chaleur, au lieu qu'ils sont  
 froids & humides. Il est donc certain,  
 que par l'esprit, & habilité nous tire-  
 rons & cognoistrans le temperament  
 des coiillons. Et pourtant l'homme  
 qui se monstrera aiguës œuvres de li-  
 magination, sera chaud, & sec au troi-  
 sième degré. Si l'homme ne sçait  
 beaucoup, c'est signe que avec la  
 chaleur s'est assemblée l'humilité.

Galien  
 l. 1. de la  
 semence.  
 c. 16

laquelle nuit tousiours & fait perdre la partie raisonnable, & la fait d'avantage confirmer s'il a grande mémoire. Les mœurs ordinaires des hommes, chauds & secs, au troisiéme degré sont telles qu'ils se voyent. Pourueuz de cœur, d'arrogance, de liberalité, de hardiesse, & ont fort bonne grace en leurs façons de faire & au fait des femmes ils n'ont esgard ni moderation. Les chauds & humides sont ioyeux, rians volontiers, amoureux de passetemps, simples de bonne complexiõ, fort affables, ils sont honteux & non beaucoup addonnez aux femmes. La voix & la parole descouvre aussi beaucoup le temperament des coüillons. Celle qui sera forte & vn peu aspre demonstre que l'homme est chaud & sec au troisiéme degré: si la voix est douce, amoureuse & fort delicate, c'est signe de peu de chaleur & de grande humidité, comme l'on voit es hommes qui sont chastrez. L'homme, lequel avec la chaleur assemble l'humidité, à la voix forte, mais douce & sonanté.

L'homme qui est chaud & sec au troisieme degré à bien peu de chair, dure & aspre, composee de nerfs & muscles & les veines fort grosses. Au contraire quand l'on est beaucoup charnu, & que l'on a la chair delicate & molle c'est signe d'humilité, à raison de laquelle, la chaleur naturelle delicate & engraisse. La couleur de la peau brune, reglée, balancee & cendree, demonstre que l'homme est chaud & sec au troisieme degré, & s'il a la chair blanche & coloree, il demonstre peu de chaleur & beaucoup d'humilité. Le poil & la barbe est vn signe auquel on doit le plus regarder: car ces deux choses sont fort adherantes au temperamēt des coüillons. Et si le poil est espais, noir & gros, spécialement des la cuisse iusques au nombril, c'est vn signe infailible d'une grande chaleur & siccité des coüillons: si l'homme a du poil aux espaulles, cela confirme encores plus. Mais quand le poil & la barbe est de couleur de chasteigne, mol delicat & non espais, il ne demonstre

pas vne grande chaleur & siccité aux  
 couillons. A peine voit-on aduenir  
 que les hommes fort chauds & secs  
 soyent fort beaux, ains ils sont laids &  
 mal façonnez, pource que la chaleur  
 & la siccité (comme dit Aristote de  
 ceux d'Ethiophie) fait negriller &  
 retirer les traits du visage, & ainsi  
 ils sortent de mauuaise figure: au con-  
 traire l'homme bien fait & gracieux,  
 demonstre vne humilité & chaleur  
 moderee: & pour cette raison, la ma-  
 tiere est obeissante à ce que la na-  
 ture veut faire: ainsi donc il est  
 certain que la grâde beauté en l'hom-  
 me, ne demonstre pas beaucoup de  
 chaleur. Nous auons parlé bien au  
 long au chapitre precedent, des si-  
 gnes de l'homme temperé: & pour-  
 tant n'est besoin les redire en c'et en-  
 droit: il faut noter seulement que  
 comme les medecins mettent en cha-  
 cun degré de chaleur, trois eschelons  
 d'intention ou force, ainsi en l'hom-  
 me temperé: se doit constituer grâ-  
 deur & largeur d'autres trois. Celuy  
 qui sera au troisiéme, vers la froi-

*En la 1.  
 sect. pro.*

4.



deur & l'humilité, se reputera de froids, & humide, car aucune fois vn degré ressemble à vn autre, ce qui appert: parce que les signes que donne Galien, pour cognoistre l'homme froid & humide, sont les mesmes signes de l'homme temperé, vn peu plus debiles. Et ainsi il est sage de bonne sorte, vertueux, il a la parole claire, il est blanc, de bonne chair & molle, sans poil: & s'il en a, il est blond: tels sont fort roux & beaux de visage: mais Galien dit que leur semence est inhabile à engendrer.

*Au liure  
de l'art  
de med.*

*Avec quel homme la femme se doit marier afin de concevoir,*

## II.

HIPPOCRATE en charge de faire deux choses en la femme qui n'enfante pas, quand elle est mariee, pour cognoistre s'il tient à elle, ou si la semence de son mari est inhabile à engédrer. La premiere est de s'enfumer avec de l'en-

*En la 5.  
est A-  
pho. 59.*

cens par bas, de maniere que la robe traine de tous costez en terre, pour empescher la vapeur de sortir: & si de là à vn peu de temps, elle sent le goust & odeur de l'encens en la bouche, c'est vn certain signe, qu'il ne tient pas à elle, si elle ne porte des enfans, puis que la fumee trouue les chemin de la matrice ouuerte, par ou elle penetre iusques au nez & à la bouche. L'autre est de prendre vne teste d'ail plumé iusques au vif, & la mettre dedans la matrice, quand la femme veut dormir, & si le lendemain elle se sent en la bouche, le goust & saueur de l'ail, elle peut certainement faire des enfans. Mais posé le cas que ces deux preuues demōstrassent l'effet que dit Hippocrate, (qui est quand la vapeur penetre par dedans, iusques à la bouche) cela ne demōstre pas absolument la sterilité de mary l'entiere fecondité de la femme, mais aucunesfois vne mauuaise souuenance ou conformité de l'vn à l'autre: & ainsi elle est autant sterile pour luy, que luy pour elle: ce

que nous voyons tous les iours par experience: car quand vn tel homme se marie avec vne autre femme, il vient auoir enfans. Et ce qui plus estonne ceux qui ne sçauent pas ceste philosophie naturelle, est que les deux se separans, avec le tenon & bruit d'impuissance, & se remarians, luy à vne autre femme, & elle à vn autre mary, ils sont venus tous deux à engendrer. La cause de cela est qu'il y a des hommes desquels la faculté d'engendrer est inhabile pour vne femme, & puissante pour vne autre. Comme nous le voyons par experience en l'estomac: car il reçoit vne viande d'vn grand appetit, & l'autre non, encore que parauenture elle soit la meilleure. Et pour sçauoir la conformité & conuenance de l'homme & de la femme, pour auoir lignee, Hippocrate le dit en ceste maniere. Si le chaud, par moyen & esgalité ne respond au froid, & le sec, à l'humidité, rien ne s'engendrera: comme voulât dire si les deux semences ne s'assemblent en la matrice de la femme: l'vne

*Au 1. li.  
de na-  
ture hu-  
cō. 11. j*

chaude & l'autre froide: ou l'une humide & l'autre seiche, en esgal degré & force, rien ne s'engendrera: car vne chose tant merueilleuse, comme la facture de l'homme à besoin d'une temperature en laquelle chaleur ne surpasse la froideur, ny l'humidité le sec. Et pourtant si la semence de l'homme est chaude, & celle de la femme aussi, l'on ne pourra auoir lignee. Ceste doctrine ainsi supposee, venons maintenant, par maniere d'exemple à la femme froide & humide au premier degré (de laquelle les signes nous auons dit estre l'aduie & la mauuaise complexion: avec la voix forte, de peu charnure . noire & velue & laide) cette la deuiendra facilement enceinte, d'un homme ignorant, bien complexionné, qui aura la voix douce, qui sera gras, qui aura la chair blanche & molle, avec un peu de poil & qui sera blond & beau de visage. Cettelà se peut bien marier aussi à un homme temperé, duquel nous auons dit, de l'opinion de Galien, que la semence est fort propre

à la generation & correspondante à toute femme, pourueu qu'elle soit saine & d'aage conuenable: mais ce nonobstant elle ne deuient facilement enceinte: & si elle conçoit, Hipocrate dit que dedans deux mois, elle viét à auorter, pource qu'elle n'a point de sang pour se maintenir, ni la creature aussi neuf mois durant. Mais on peut remedier facilement à cela, si la femme se baigne beaucoup de fois deuant quelle vienne à l'acte de generation: & le bain doit estre d'eau douce & chaude, laquelle de l'opiniõ d'Hippocrate, fait la vraye temperature, de la femme, luy amollit & humecte la chair (qui est la temperature que doit auoir la terre, afin que le grain de bled y prenne racine) elle produit aussi vn autre plus grand effet, qui est d'accroistre l'enuie de manger, empesche & defend la resolution, & fait que la chaleur naturelle est en plus grande quantité au moyen dequoy s'acquiert grande abondance de sang flegmatic, pour maintenir neuf mois la creature. La femme froide & humide, au

*Aug. des**Aph. 16.*

522 L'Examen des Esprits.

troisieme degré est bonne, bien complexionnee : elle a la voix fort delicate, elle a beaucoup de chair molle & blanche, elle n'a point de poil ny barbe, & n'est pas fort belle. Cette là se doit marier à vn homme chaud & sec, au troisieme degré, pource que la semence d'iceluy est si ardante qu'elle a besoin de tomber en lieu qui soit beaucoup froid & humide, afin de prendre racine. Ceste là tient la qualité du cresson, qui ne peut venir s'il n'est dedans l'eau : si elle auoit moins de chaleur & siccité, la semence qui tomberoit en vne matrice tant froide & humide, ne seruiroit non plus que si l'on semoit le bled dedans l'eau.

Au 5.

des Aps.

46.

Hipocrate conseille à vne telle femme de deuenir maigre, & se consumer la chair & la graisse, deuant qu'elle se marie : mais ce faisant, il ne la faut pas mettre avec vn homme si chaud & sec, pource que sa temperature ne seroit benne, & ne pourroit pas deuenir enceinte. La femme qui sera froide & humide au second degré, est moderee es signes que nous auons

dit, horsmis la beauté, qui est pour extreme: Et ainsi est ce vn signe evident de la fecondité, quand elle est de bonne grace. Elle correspond quasi à tous les hommes: premierement au chaud & sec au second degré, & puis au temperé, & entre deux, au chaud & humide. De toutes ces conionctions d'hommes & femmes que nous auons dit, peuuent sortir sages enfans: mais de la premiere ils viennent plus ordinairement. Car combien que le semence de l'homme tende a froideur & humidité, la continue fécité de sa mere, avec le peu d'alimens, corrige & amendela faute du pere. Pource que ceste maniere de philosopher n'auoit encores esté cogneuë, tous les Philosophes naturels n'ôt peu respôdre à ce probleme, *Cur plerique stulti liberos prudentissimos procrearui?* Pourquoi la pluspart des hommes ignorans engendrent enfans tres-sages? à quoy ils respondent que les hommes ignorans s'appliquent à bon escient à l'acte venerien, sans estre destournez par aucune

autre contemplation: & que les hommes fort sages font au contraire, lesquels en tel acte, se mettent à imaginer autre chose que ce qu'ils font: à raison dequoy ils debilitent la semence, & font des enfans qui defaillent tant és puissances raisonnables comme és naturelles. Mais ceste response est d'hômes qui ne sçauét pas beaucoup de naturelle philosophie. Es autres conjonctions il faut regarder que la femme se desseiche par la perfectiô de l'aage, sans la marier trop ieune: car il en viendroit des enfans ignorans, & de peu de sçauoir. La semence des peres fort ieunes est tres humide, pource qu'il n'y a gueres qu'ils nasquirent: & se faisant en formant l'homme de matiere qui soit trop humide, il sera par force de lourd esprit.



*Quelle diligence il faut employer afin  
d'engendrer des garçons, & non  
des filles.*

## I. I. I.

**Q**Es Peres qui veulent auoir des  
enfants sages, qui soient habita-  
bles pour apprendre les lettres, doi-  
uent tascher qu'ils naissent mâles:  
pour ce que les filles, à raison de la  
froideur & humidité de leur sexe, ne  
peuent auoir vn esprit profond.  
Nous voyons seulement qu'elles par-  
lent avec vne certaine apparence  
d'habilité, en choses faciles & legeres,  
par termes communs & fort vitez:  
mais les mettant au Latin, elles n'en  
peuent gueres apprendre, encores  
ce qu'elles en apprennent est par le  
moyen de la memoire. Et quant à ce  
qu'elles font ainsi rudes aux sciences,  
ce n'est pas leur fâute: mais bien de la  
froideur & humidité qui les a fait fil-  
les: lesquelles qualités contredisent à  
l'esprit & habilité, côme nous auons

pro ué ailleurs. Salomon considerant la grande faute qu'il y a d'hommes prudens, & comme il n'y a pas vne femme qui naisse avec esprit & sçauoir, a dit en ceste maniere: *Entre mille i'ay trouué vn homme, mais ie n'ay pas*

*Ecl. c. 7. trouué vne femme entre toutes.* Et pour tant faut fuir ce sexe, & mettre peine d'engendrer des garçons, puis qu'en iceux se trouue l'esprit propre pour apprendre les lettres. A quoy faut considerer premierement quels instrumens nature a ordonné à ce propos au corps humain, & quel moyens il faut tenir, pour auoir la fin que nous voulons. Ainsi donc, il faut sçauoir qu'entre plusieurs excremens & humeurs qui sont au corps humain, Galien dit, que nature ne se sert que d'un pour faire que la race des hommes ne s'acheue. Cet humeur est vn certain excrement qui s'appelle (*serum*) ou sang clair, qui se fait au foye & veines, lors que les quatre humeurs, le sang, le flegme, la colere, & la melancolie obtiennent la forme & la substance qu'elles doiuent auoir.

*sur. li.  
de la se-  
mence,  
. 16.*

Nature sert de telle liqueur pour subtiliser l'aliment, & le faire passer par les veines & chemins estroits, afin de substantier toutes les parties du corps: & cet œuvre estant paracheuë, la mesme nature l'a pourueu des rongnons: desquels l'office n'est autre, que d'attirer ce sang subtil & sereux, & le chasser par la voye en la vessie: & de là hors du corps. Mais voyant qu'il auoit certaines qualitez conuenables à la generation, nature a fait deux veines pour en porter vne partie aux couillons & vases de la semence, avec vn peu de sang, duquel se fait la semence conuenable au genre humain: & ainsi elle a planté vne veine au rongnon droit, laquelle va respondre au cœuillon droit, & d'elle mesme se fait le vase droit de la semence. L'autre veine du rongnon gauche respond au cœuillon gauche: de laquelle mesme se fait le vase spermatique. Le mesme Galien declare les qualitez de cet excrement, par lesquelles il est fait matiere conuenable à la generation de la se-

mence, qui font vne certaine acrimo-  
 nie & corrosion, qui vient d'estre sa-  
 lé, par lesquelles qualitez il induit les  
 vases spermatiques & incite l'ame à  
 generation sans se soucier. Et pour-  
 tant les hommes fort luxurieux s'ap-  
 pellent en langue Latine, *Salaces*. c'est  
 à dire: Hommes qui ont beaucoup  
 de sel en la semence. D'auantage n'a-  
 ture a fait autre chose digne de gran-  
 d: consideration: c'est qu'elle a don-  
 né vne grande chaleur & siccité au  
 roignon & couïllon droit: & vne grã-  
 de froideur & humidité au roignon  
 & couïllon senestre: & pour ceste  
 cause la semence qui s'elaboure au  
 couïllon droit, fort chaude & seiche:  
 & celle du couïllon gauche fort froi-  
 de & humide. Or que nature preten-  
 de tousiours par ceste diuersité de  
 temperament tant aux rongnons, eõ-  
 me aux couïllons & vases de la semē-  
 ce, est chose claire, scachant par les  
 histoires veritables qu'au commence-  
 ment du monde, & plusieurs années  
 apres, les femmes enfantotent tous-  
 iours deux enfans d'vne ventrée, des-

quels l'un estoit garçó, & l'autre fille: afin que chacun homme eust sa femme, & chacune fille son mary, pour croistre incontinent le genre des hommes. Et pourtant nature fait que le rongnon droit donnast au couillon droit matiere chaude & seiche, pour la generation du masse. Elle a ordonné le contraire pour former la femme, faisant que le rongnon gauche enuoyast ceste matiere sereuse, comme mugue, froide & humide, au couillon gauche, pour faire avec la froideur & humidité, la semence froide & humide, de laquelle necessairement se doit engendrer la fille, & non le masse. Mais depuis que la terre s'est remplie d'hommes, il semble que nature ait changé d'ordre, moyé & conseil, en ne doublant ainsi la generation: & qui pis est, on voit que pour vn garçón qui s'engendre, naissent ordinairement six ou sept filles: à raison dequoy on peut entendre, ou que nature est desia lasse, ou qu'il y a quelque erreur entre deux qui l'empesche de faire son œuvre

comme elle voudroit. Nous dirons cy-apres quel il est, en amenant les conditions qui se doiuent garder, à ce que sans erreur naisse l'enfant male. Ainsi donc ie dy, qu'il faut soigneusement regarder à six choses si l'on veut obtenir ceste fin: l'vne desquelles est, de manger alimens chauds & secs: en second lieu, il faut mettre peine qu'ils se cuisent bien en l'estomac: tiercement il faut faire beaucoup d'exercice: pour la quatriesme chose, il ne faut venir à l'acte venerien iusqu'à ce que la semence soit cuite & bien saisonnee: pour la cinquiesme, il faut auoir affaire à la femme deuant qu'elle ait ses fleurs: pour la sixiesme, il se faut donner garde que la semence tombe du costé droit de la matrice. Et si l'on garde toutes ces choses là, il est impossible d'engendrer vne fille. Quand à la premiere condition, il faut scauoir que combien que le bon estomac cuise & altere la viande, la desnuant des qualitez qu'elle auoit auparauant, si est ce qu'il ne l'en pri-

ue pas du tout. Car si nous mangeons des laitues qui sont froides & humides, le sang qui s'engendrera d'icelles sera froid & humide, & le fereux froid & humide: & si nous mangeons du miel, qui est chaud & sec, le sang qui en prouindra sera sec, chaud & sec, & la matiere fereuse, chaude & seiche, & aussi la semence tiendra les mesmes qualitez: Car il est impossible, dit Galien, que l'on ne sçache les humeurs selon la substance, & les qualitez de viande, deuant qu'on la mange. Si donc il est certain que le sexe de l'homme consiste en la semence chaude & seiche, quand il se forme, il faut que les peres vsent de viandes chaudes & seiches pour engèdrer enfans males. Il est vray qu'il y a vn grand danger en ceste maniere de generation, qui est, qu'estant la semence fort chaude & seiche, nous auons dit beaucoup de fois autre-part, estre force que s'en engèdre vn garçõ malin, faux & rusé; tendant à beaucoup de maux & vices. Et tels hommes que

ceux-là, s'ils ne se corrigent sont fort pernicieux à la Republique, à raison dequoy il vaudroit mieux qu'ils ne fussent formez, que d'estre ainsi vicieux. Ce néantmoins se trouueront aucuns peres, qui diront: Je ne me sôucie pas que mon enfant soit, mais qu'il soit malle, pource que, *melior est iniquitas viri, quàm mulier benefaciens*. C'est à dire. L'iniquité de l'homme vaut mieux que la femme qui fait bien. Mais on peut facilement remedier à cela, en vsant d'alimens temperrez, & tendans vn peu à chaleur & siccité, ou par l'apareil, ou y adioustant quelques espices. Galien dit que ces alimens là sont poulles, perdrix, tourterelles, francolins, pigeons, grines, merles, & cabrils, tous lesquels, suyuant le conseil d'Hipocrate, se doiuent mâger rostis, pour eschauffer & dessécher la semence. Le pain qu'on doit manger doit estre blanc, fait de fleur de farine, avec sel & arist car le noir est froid & humide (côme nous prouuerons cy apres & fort preiudiciable à l'esprit. Il faut boire vin

ecle. c.

2. - 2.

en lin.

et via.

es de

m &amp;

sau-

ais suc.

en lin.

euiure

diabre,

m. 1.



blanc, temperé avec de l'eau, selon  
 que l'estomac requerra, faut que  
 l'eau soit douce, & fort délicate. La  
 seconde diligence que nous auons dit  
 qu'il faut employer en cecy, est de  
 manger ces viandes en quantité tant  
 moderee que l'estomac les puisse  
 vaincre: car combien que les alimēs  
 soient chauds & secs de leur propre  
 nature, ils se font froids & humides, si  
 la chaleur naturelle ne les peut cuire.  
 Et pourtant combien que les peres  
 mangent du miel, & boient de bon  
 vin blanc, ils feront de ces viandes la  
 semence froide, de laquelle s'engen-  
 drera vne fille, & non pas vn garçon.  
 Pour ceste cause, la plus grande par-  
 tie des nobles & riches ont ceste in-  
 commodité d'engendrer beaucoup  
 plus de filles que de garçons: pour ce  
 qu'ils mangent & boient plus que  
 leur estomac ne peut porter, & com-  
 bien que leurs viandes soient chau-  
 des & seiches & espicées, si est ce que  
 pour estre prinſes en grande quanti-  
 té leur estomac ne les peut cuire ny  
 vaincre. Mais la crudité qui se

fait du vin, fait plus de tort à la generation que nulle autre, pource que ceste liqueur subtile, & tendât à tant de vapeurs, fait que le vin & les autres alimens s'en vont cruds aux vases spermatiques, & que la semence induit faussement l'homme à l'acte de la generation, sans estre cuite & assaisonnée. Et pourtant Platon loué

*Au 2.  
des Loix* vne loy qu'il trouua en la Republique des Carthaginois, par laquelle ils deffendoient à l'homme marié & à sa femme, de boire vin le iour qu'ils pensoient venir à l'acte charnel, cognoissans que ceste liqueur fait beaucoup de tort à la santé du corps de l'enfant, & qu'elle est cause suffisante pour le faire deuenir vicieux & de mauuaises mœurs. Mais si le vin se boit modérément, il n'y a viande qui face meilleure semence pour engendrer selon nostre intention, que fait le vin blanc, spécialement pour donner esprit & habilité, qui est ce que plus nous pretendons. La troisieme diligence que nous auons dit qu'il faut employer, est de faire exercice,

plus que moderé, pour ce qu'il consomme l'humidité superflüe de la semence, & qu'il l'eschauffe & la desseiche. Pour ceste cause fait l'homme tres-fecond & puissant à engendrer: comme au contraire, celuy qui ne prend aucun exercice, se fait grand tort, & refroidit & humecte la semence: à raison dequoy les riches *Au lieu de l'air* qui vivent à leur aise, engendrent *lieux* plus de filles que ne font pas les pauvres qui trauaillent. Et ainsi Hippocrate raconte, que les principaux hommes de Scithie estoient fort effeminez, mols, & enclins aux œuvres des femmes, qui sont coudre, balier, pestrir, tistre & filer, & avec ce ils estoient impuissans pour engendrer: s'ils engendroient quelque enfant masle, ou il naissoit Eunuque ou Hermaphrodit de quoy estans faschez & courroucez, ils delibererent faire sacrifice à Dieu, & luy offrir plusieurs dons pour le supplier qu'il ne les traitast ainsi, & que son plaisir fust de remedier à ce leur defect, puis qu'il

le pouuoir faire. Mais Hipocrate se moque d'eux, disât n'aduenir aucun effect, qui ne soit merueilleux & diuin si nous le considérons comme il appartient. Car rapportant les choses à leurs causes naturelles, nous venôs en fin tomber en Dieu, en la vertu duquel tous agens ceürent au monde: mais il y a des effets, lesquels absolument se doiuent rapporter à Dieu, comme ceux qui sont hors de l'ordre de nature: il y en a qui s'y rapportent, par les causes qui sont entre eux ordonnées à ceste fin. Hipocrate dit que le pays des Scithes au deßous du Septentrion, est froid & humide outre mesure: au moyen dequoy, à raison des espaisles nuës & brouillars, à peine le Soleil s'y descouure iamais, Les hommes riches y vont tousiours à cheual, & ne font exercice aucun, mangent & boient plus que leur chaleur naturelle ne peut porter: ce qui fait la semence du tout froide & humide. Et pour ceste cause ils engendrent beaucoup de filles, & s'il leur vient quelque garçon, il est de

*Au liu.  
de l'air,  
lieux &  
eaux.*

la complexion<sup>1</sup> que nous auons dit,  
 Scachez, leur dist Hipocrate, que  
 le remede à cela n'est pas de faire sa-  
 crifices à Dieu: car avec cela, il faut  
 aller à pied, manger peu, & boire  
 moins, & n'auoir pas tousiours ses ai-  
 ses, ou se donner du bon temps.  
 Et afin que vous entendiez cela clai-  
 rement, prene garde vn peu au me-  
 nu peuple de ceste region, & à vos  
 propres esclauues lesquels ne font, tant  
 s'en faut, sacrifices à Dieu, & ne luy  
 offrent presens, ( pource qu'ils n'ont  
 dequoy ) que mesmes ils blasphemēt  
 son nom, & l'iniurient, pource qu'ils  
 les a faits de si basse condition. Et  
 nonobstāt, ils sont tres-puissans pour  
 engendrer, & la pluspart de leurs en-  
 fans sont massés, robustes & bien  
 composez: non pas des enuques, ef-  
 feminez & hermaphrodits, comme  
 les vostres. Ce qui leur aduient,  
 pource qu'ils mangent peu, & qu'il  
 font beaucoup d'exercice, & pour-  
 ce qu'ils ne vont pas à cheual com-  
 me vous autres. Au moyen dequoy,  
 leur semence est chaude & seiche:

de laquelle naist & procede vn masculin & non vne fille. Pharaon n'a pas entendu ceste philosophie, ny ceux de son conseil, ayant dit ainsi, *Venite sapienter opprimamus eum, ne forte multiplicetur, & si ingruerit contra nos, bellum addatur inimicis nostris.* Le remede qu'il print pour garder que le peuple d'Israel ne multipliast, où a tout le moins que ne luy naquissent beaucoup d'hommes ( qui estoit ce que pl<sup>r</sup> il craignoit) fut de l'opprimer par plusieurs traualx corporels en luy baillant à manger porreaux, ails & oignons : mais ce remede succedoit tant mal, que le texte diuin dit, *Quantoque opprimebant eos, tanto magis multiplicabantur & crescebant,* Et retournant à penser, que cestuy estoit le meilleur moyen qui se pouuoit trouuer, il leur vint à doubler le traual corporel: mais il ne gaignoit non plus que si pour amortir vn si grand feu, il y eust ietté de l'huyle. Mais s'il eust sceu ceste Philosophie naturelle, ou aucun de ceux de son conseil, il leur eust baillé à manger du pain de sei-

En Exo.  
chap. 1.

En Exo.  
chap. 1.

Les le-  
gumes  
& trou-  
ues vja-  
des de-  
biles,  
abregent  
la vie.

gle ou d'auoine, des laittuës, melons, courles, & concombres; & les eust tenus en oisueté, paisibles & aises, sans les faire trauailler. Car par ce moyen, ils eussent rendu leur semence froide & humide, de laquelle se fussent engendres plus de filles que de garçons, & en peu de temps leur vie se fust abbregee. Mais en leur baillant à manger beaucoup de chair cuite, avec plusieurs ails, porreaux & oignons, & les faisant trauailler en ceste maniere leur semence deuenoit chaude & seiche, & par ces deux qualitez, ils estoient d'auantage incitez à l'œuvre de la generation, & tousiours engendroient des masles. En confirmation de cela, Aristote fait vne demande. Pourquoi la semence a coutume de sortir de nuict, en dormant, à ceux qui sont las de trauail, ou qui sont etiques & en langueur? auquel problemesme il ne donne pas vne certaine responce. La raison de cela est, que le trauail corporel & la chaleur etique eschauffent & desseichēt la semence, & que ces deux qualitez la

*Hip. an  
6. des  
epi. p. 5.  
com. 25.*

*En la 5.  
sect. pro  
30.*

# 540 L'Examen des Esprits.

fontaigre & mordante. Et comme en dormant se fortifient toutes les œures naturelles, aduient ce que dit le probleme. Galien, note bien combien est feconde & mordante la semence chaude & seiche disant:

*Aul. lin.  
de l'art  
de Med.  
chap. 11.*

*Et fecundissima est acceleriter ab initio  
prostratus ad coitum excitat anima: pe-  
tulca est & ab libidine pronā.* La qua-  
triesme condition est de venir à l'aete  
de la generation, iusqu'à tant que la  
semence soit reposee, cuite, & bien  
assaisonnée: car combien que les trois  
diligences passées ayent precedé,  
nous ne scauons pas neantmoins si la  
semence est venue à la perfection  
qu'elle doit auoir. Et faut vser pre-  
mierement sept ou huit iours, des  
viandes que nous auons dit, afin  
que les couillons ayent temps & es-  
pace de consommer en leur nourri-  
ture, la semence qui iusques là auoit  
esté faite d'autres alimens, afin que  
celle que nous qualifions à ceste heu-  
re, succede en la place. Les diligen-  
ces se doiuent employer en la semē-  
ce humaine, afin qu'elle soit fecon-



de, & fertile, telles que l'on voit employer aux iardiniers entour les semences qu'ils veulent garder : car ils attendent qu'elles soient mures & desseichées, pour ce que s'ils les recueilloient de la plante deuant la saison & le temps conuenable, s'ils les mettoient l'autre année dedans la terre, elles ne pourroient pas fructifier. Pour ceste raison i'ay noté qu'aux lieux ausquels l'on vse beaucoup de l'acte charnel, il y a moins de generation que là où les hommes sont plus continens. Et les femmes publiques & putains ne sont iamais enceintes, pource qu'elles n'ont esgard à ce que leur semence se cuise & meurisse. Il faut donc attendre quelques iours que la semence se repose, se cuise, meurisse, & soit bien assaisonnée: car par ce moyē elle gagne la chaleur, siccité & bonne substance plustost qu'elle ne la perd. Mais comment scaurons nous que la semence est telle qu'il faut, puis qu'elle est de si grande importance? Cela s'entend facilement quand il

y a long téps que l'hóme n'a cogneu sa femme: on le sçait par la continuelle affection & desir de l'acte venerien: cè qui vient de la fecondité & maturité de la semence. La cinquième chose à garder estoit de venir à l'acte susdit, six ou sept iours deuant que la fême ait ses fleurs: car le malle à besoin de beaucoup d'aliment pour se nourrir. La raison de cela est que la chaleur & siccité de son temperament gaste & consomme nō seulement le bon sang de la mere, mais aussi les excremens. Et pourtant Hippocrate dit que la femme laquelle a conceu vn garçon a bōne couleur & est belle: pource que l'enfant par sa grande chaleur, luy consomme tous les excremens qui ont coustume d'enlaidir le visage. Et pource qu'il deuore tant, il est bon qu'il ait ceste reprise de sang, dont il se puisse nourrir. Ce qui monstre clairement par experience qu'a peine s'engendre vn garçon qui ne soit aux derniers iours du mois. Il aduient au contraire, quand la femme est enccinte d'yne fille: car à

cause de la grande froideur & humidité de son sexe, elle mäge peu, & fait beaucoup d'excremens. Ainsi donc la femme laquelle a conçu vne fille est laide, crasseuse, & a enuie de mille villénies: & à son enfancement elle doit mettre & employer double tēps, à se mondifier & purger plus quesi elle enfantoit vn garçon. En laquelle nature Dieu se fonda, quand il dist à Moÿse, que la femme qui enfanteroit vn garçon fust souillée de sang vne semaine, & attendit trente trois iours pour entrer au temple, en enfantant vne fille, qu'elle fust immonde, deux semaines & n'entraist au temple iusques au bout de soixante six iours: de maniere qu'il double le temps de la purgation, en l'enfancement de la fille. Et la raison de cela est, qu'en neuf mois qu'elle a esté au ventre de la mere (à cause de la froideur & humidité de son temperament) elle fait double excremens, au regard du garçon, & de fort maligne substance & qualitez. Et ainsi Hipocrate note pour vne chose fort dan-

*Leu. 12.*

*Am li 2*

de la  
nature  
au fruit  
enfanté,  
du 3. des  
ap. pa 3.  
com. 75.

gereuse, quand la purgation est de-  
tenuë à la femme laquelle a enfanté  
vne fille. Iay dit cela à propos: car  
il faut bien regarder aux derniers  
iours du mois, afin que la semence  
trouue beaucoup d'aliment à man-  
ger. Car si l'acte de la generation se  
faict, incontinent apres la purgation,  
par faute de sang, la semence ne  
prendra point. Mais les peres doi-  
uent estre aduertis que si les deux se-  
mences ne se ioignent ( celle de l'hō-  
me & de la femme ) tout en vn mes-  
me temps, Galien dit que ne se fera  
aucune generation: combien que  
celle du mary soit fort propre à en-  
gendrer. Nous en amenerōs cy-apres  
la raison, à autre propos. Ainsi donc  
il est certain que toutes les diligen-  
ces que nous auons conté, doiuent  
pareillement estre employees par la  
femme: autrement la semence mal  
eslabouree empescheroit la genera-  
tion. Et pourtant faut-il que l'vn re-  
garde à l'autre, afin qu'en vn mesme  
instant les deux semences s'assemblēt.  
Cela importe beaucoup la premiere  
fois:

Aut. li.  
de la se-  
mence.  
c. 6.

fois : car Galien dit que le coiillon droit, & son vase spermatic est induit premierement & donne la semence, ains que le fenestre : & si de la premiere fois ne se fait la generation, il y a danger en la seconde, que la fille ne s'engendre plustost que le garçon. Car deux semences se cognoissent premierement en la chaleur & froideur, secondement en la quantité, de beaucoup ou peu : tiercement, en sortie prompte ou tardive. La semence du coiillon droit sort tant chaude qu'elle brusle la matrice de la femme : quant à la quantité : il n'y en a pas beaucoup, & descéd promptement. Au contraire, la semence du coiillon gauche sort plus temperée, en plus grande quantité, & pour la froideur & grosseur, elle est tardive à sortir. La dernière condition estoit de regarder que les deux semences ( du mary & de la femme ) tombent au costé droit de la matrice : car Hipocrate dit qu'en ce lieu se font les garçons : & au costé fenestre des filles. Galien en amène la

En  
 cet. A.  
 pber. 48.

raison, & dit: que le costé droit du ventre est fort chaud à cause qu'il est voisin du foye, du rongnon droit & du vase droit de la semence, qui sont trois membres fort chauds, comme nous auons prouué. Et puis que la raison de l'engendrer du masse consiste en ce qu'il ait beaucoup de chaleur, au temps qu'il se forme, il est certain qu'il importe beaucoup de mettre la semence en celieu. Ce que la femme fera aisément, se mettant sur le costé droit ( apres l'acte de la generation) tenant la teste basse, & les pieds hauts: mais elle se doit tenir vn iour ou deux au liét, pource que le ventre ou la matrice ne se recoit & ne retient incontinent sa semence, sinon quelques heures apres. Les signes par lesquels se cognoistra si la femme demeure enceinte ou non, sont à tous fort manifestes: car estant debout, si la semence tombe incontinét, Galien dit estre chose assurée qu'elle n'a pas conceu: combien qu'en cela y ait vne chose à considerer, que toute la semé ce n'est pas seconde, ny pro-

pre à engendrer: car vne partie d'icelle est fort aqueuse, qui attenuë la principale semëce, afin qu'elle puisse passer par les destroits, & nature reiette ceste semence, laquelle demeure avec la partie seconde apres que la femme a conceu. On cognoist que ceste partie est cōme de l'eau, & en petite quantité. Or est il dangereux à la femme de se mettre debout sur pieds, se passant l'acte de la generation: & Aristote conseille qu'elle face premiere-ment euacuation des excremēs, & de l'vrine, afin qu'elle n'ait pas occasion de se leuer. L'autre signe de la grossesse de la fême, est que le lendemain elle sent le ventre vuide, specialemēt entour le nombril: & cela vient de ce que la matrice desirant conceuoir est fort large, & se dilate: car de fait elle s'enfle & grossit ny plus ny moins que le membre de l'homme. Estant donc de ceste maniere, elle tient beaucoup de place: mais à l'instant qu'elle conçoit Hipocrate dit, qu'elle se resserre & s'amasse en forme d'une boule, pour recueillir

la geniture.

la semence, & ne la laisser sortir : au moyen dequoy elle laisse beaucoup de lieux vuides. Ce qu'expliquent les femmes, quand elles disent ne leur estre demeuré aucunes trippes ny boyaux dedans le ventre. D'auantage, la femme enceinte abhorre incontinent l'acte venerien, & les douceurs du mary, pource que le ventre a desia ce qu'il vouloit : mais le plus certain signe que Hypocrate en ameine est quand elle a perdu ses fleurs, quand le sein luy croist, & quand elle est enuieuse de manger certaines viandes.

*Quelles diligences se doiuent employer, & ce que les enfans soient ingenieux & sages.*

## IIII.



Il'on ne sçait premierement la raison & cause d'où vient qu'un homme s'engendre de grand esprit & habilité, il est impossible d'en



pouuoir trouuer l'art: car par l'assée-  
blée & conionction des principes &  
causes, on peut venir à ceste fin & non  
pas autrement. Les Astrologues tien-  
nent pour certain, que selon quel'en-  
fant naist sous l'influence d'vne, ou  
autre estoille, il est discret, ingenieux,  
de bonnes ou mauuaises mœurs, heu-  
reux, ou avec autres conditions &  
proprietez que nous voyons & con-  
siderons tous les iours aux hommes,  
Mais si cela estoit vray, il ne seroit  
possible establir aucun art, pour au-  
tant que ce seroit vn cas fortuit, & nō  
mis en l'eslection des hommes. Les  
philosophes naturels (comme Hi-  
pocrate, Platon, Aristote, & Galien)  
tiennent pour certain, que quand  
l'homme se forme, il reçoit les mœurs  
de l'ame, & non pas au point qu'il  
vient à naistre, pource que lors les  
astres les alterent, donnant superfi-  
ciellement à l'enfant chaleur, froideur  
humilité, siccité: mais non pas sub-  
stance, en laquelle il demeure toute  
sa vie, comme font les quatre elemēs  
(le feu la terre, l'air & l'eau) lesquels

non seulement donnent au composé chaleur, froideur, humidité & siccité: mais aussi substance, qui luy garde & conserue ces mesmes qualitez tout le temps de la vie. Parquoy ce qui est le plus important en la generation des enfans, est de tascher que les elemens desquels ils se composent ayent des qualitez requises pour l'esprit. Car en tel poids & mesure qu'ils entreront en la composition, ils dureront tousiours au miste & composé, & nō les alterations du Ciel. Mais quels sōt ces elemens, & de quelle maniere entrent ils au ventre de la femme pour former la creature? Galien dit qu'ils sont ceux-là mesmes qui composent toutes les autres choses naturelles: mais que la terre est changée es viandes solides que nous mangeons, comme le pain, la chair, les poissons & les fruits, l'eau es liqueurs que nous beuons: & dit que l'air & le feu demeurent meslés par l'ordre de nature, & qu'ils entrent au corps par le poulx & la respiration. De ces quatre elemens, meslés & cuits par nostre

*Au 2. li.  
de la cō-  
seruatiō  
de sante*

chaleur naturelle, se font les deux principes nécessaires de la generation de l'enfant, qui sont la semence & le sang menstrual. Mais ce que on doit faire principalement, est de regarder (pour la fin que nous pretédons) aux viandes solides que nous mangeons, *Au lin que les mœurs de l'esprit, c.* pource qu'elles comprennent en soy tous les quatre elemens desquels la semence prend plus de corps & qualitez. *10.* que de l'eau que nous beuons; & du feu & de l'air que nous respirons: & pourtant Galien a dit: Que les peres qui veulent engendrer enfans sages eussent à lire les trois liures qu'il a escrits, des facultez des alimés, & qu'ils y trouueroient des viandes propres à ce faire. Il n'a point fait mention des eaux, ny des autres elemens, comme materiels de peu de consequence: enquoy toutesfois il n'a pas bien fait: l'eau altere beaucoup plus le corps que l'air, & beaucoup moins que ne font les viandes solides que nous mangeons: Et qu'à ce qui concerne la generation de la semence,

elle est d'aussi grande importance que tous les autres elemens ensemble. La raison est, comme dit le mesme Galien, que les coiillions attirent des veines pour leur nourriture la partie serieuse & plus claire du sang, & que les veines recoiuent de l'eau que nous beuons, la plus grande partie de ce sang clair comme megue. Or que l'eau cause plus grande alteration & changemēt au corps que ne fait l'air, Aristote le prouue, en demandant: Pourquoy le changement des eaux cause à la santé vne si grande alteration, si nous respirons l'air contraire, nous ne le sentons pastant. A quoy il respond, que l'eau donne nourriture au corps: & l'air non. Mais il n'a point de raison de respondre en ceste maniere: car l'air (selon l'opinion d'Hippocrate) donne aussi bien nourriture & substance que l'eau. Et ainsi Aristote à trouué vn autre meilleure responce, disant: Qu'il n'y a pas vn lieu ny region, ayant son air propre: car celuy qui est auourd'huy en Flandres, courant à l'entour, en

Gal. li.  
de la se.

En la 1.  
est. pr.  
de la 15.

deux ou trois iours passe en Affrique:  
 & celuy qui est en Affrique par le  
 vent de midy, s'en va au Septentrion,  
 & celuy qui est au iourd'huy en Hie-  
 rusalem, est chassé par le Leuant, aux  
 Indes du Ponant. Ce qui ne se peut  
 aduenir és eaux, pource qu'elles ne  
 fortent pas d'un mesme territoire:  
 au moyen dequoy chacun peuple a  
 son eau particuliere conforme aux  
 veines de la terre, d'où elle vient, &  
 par où elle passe. Et estant l'homme  
 accoustumé à vne maniere d'eau,  
 quand il en boit vne autre, il s'altere  
 plus que par nouuelles viandes &  
 airs: de maniere que les peres qui  
 voudront engendrer enfans sages doi-  
 uent boire eaux delicates, & de bon  
 temperament: autrement ils erre-  
 ront en la generation. Aristote dit  
 que nous nous gardions du vent de  
 midy pluuieux au temps de la gene-  
 ration, pource qu'il est gros, qu'il  
 humecte fort la semence, & fait en-  
 gendrer vne fille, non pas vn gar-  
 çon, mais il loue fort le Ponant,  
 & luy donne epithetes honorables:

*En la 1.  
 sect. prob  
 5.*

En la  
16. sect.  
prob. 33.

Il l'appelle temperé, engraisseur de la terre, qui viét des champs Eliseens. Mais combien qu'il importe beaucoup de respirer vn air fort delicat, & de bon temperament, & de boire telles eaux, si est-ce qu'il vaut mieux pour ce fait, vser de viandes subtiles, & de la temperature que l'esprit requiert, pource que le sang s'engendre d'iceux: du sang la semence, & de la semence, la creature. Si les alimens sont delicats, & de bon temperamēt, le sang se fait tel: de tel sang, telle semence: & de telle semence, tel cerueau. Et estant ce membre temperé, & composé de substance subtile & delicate, Galien dit que l'esprit sera tel: car nostre ame raisonnable combien qu'elle soit incorruptible, est tousiours adherante aux dispositions du cerueau, lesquelles n'estans telles qu'il faut pour discourir & philosopher, elle dit & fait mille absurditez, & choses non conuenables. Les viandes, en apres que les peres doiuent manger, pour engendrer enfans de grand entendement (qui est

l'esprit le plus ordinaire en Espagne) sont celles-cy. En premier lieu, le pain blanc fait de la fleur de farine, & pestri avec sel: ce pain est froid & sec, & de parties subtiles & fort delicates. L'autre pain se fait de bled plus commun, & non passé lequel maintient beaucoup, & fait les hommes membrus, & de grandes forces corporelles, mais pource qu'il est humide, & de parties fort grosses, il fait perdre l'entendement. J'ay dit paistry avec du sel, pource que de tous les alimens, il n'y en a pas vn qui soit plus profitable à l'entendement, que le sel. Il est froid, & pourueu de la plus grande siccité qui soit és choses. Et si nous auons souuenance de la sentence d'Heracrite, il a dit ainsi, *Splendor siccus animus sapientissimus*: par laquelle il nous a voulu donner à entendre, que la siccité du corps rend l'ame tres-sage. Et puis, que le sel à vne telle siccité, *Quoy* & tant appropriée à l'esprit, la sainte *que tu offres en sacri* Escriture a iuste cause luy donner le nom de prudence & sagesse. Les *sic tu*

perdrix francolins sont de la mesme substance & temperament du pain blanc, du cabril, & vin muscat: desquelles viandes si les peres vsent, de la maniere que nous auons noté ailleurs, ils feront les enfans de grand entendement. Et s'ils veulent auoir vn enfant qui soit de grande memoire, que ils mangent huit iours deuant que venir à l'acte de generation, truites, saumons, lamproies & anguilles: desquelles viandes ils feront la semence humide, & fort glutineuse. Nous auons dit ailleurs, que ces deux qualitez rendent la memoire facile à receuoir, & propre à garder & conseruer longuement les figures. De pigeons, cabrils ails, ciboules & oignons, pourreaux, raues poire, vinaigre, vin blanc, miel, & toutes sortes d'espices, la semence se fait chaude & seiche, & de parties fort delicates: l'enfant ou fils qui s'engendrera de ses alimens fera de grande imagination, mais despourueu d'entendement (à cause de la grande chaleur) & de memoire, à cause de



ficité. Ceux-la ont coustume d'estre fort prejudiciables à la Republique, pource que la chaleur les incline à plusieurs vices & maux, & leur donne esprit & ouurage pour les pouoir executer. Toutesfois, s'ils s'adonnent à bien, la Republique reçoit plus de service de l'imagination d'eux, que de l'entendement & de la memoire. Les poulles, chappons, le veau & le mouton chastré d'Espagne sont de substance moderee: car ces choses ne sont viandes delicates ny grosses. J'ay dit mouton chastré d'Espagne, pource que Galien, sans faire distinction, dit qu'il est de mauuaise & grosse substance: en quoy il n'a point de raison, car combien qu'en Italie où il a escrit, est la plus mauuaise chair de toutes, si est ce qu'en ceste nostre region pour la bonté des pasturages, on le doit mettre au nombre des viandes de substance moderee. Les enfans qui s'engendreront de ces alimens auront vn raisonnable entendement, raisonnable memoire, & raisonnable imagination.

Au 3.  
de la se-  
culté d'  
alimen-  
ch. 2.

Mais ils ne feront pas beaucoup profonds aux sciences, & n'inventeront aucune chose nouvelle. Nous auons dit ailleurs que ceux-là sont mols, & qu'il est aisé d'imprimer en eux toutes les reigles & considérations de l'art, claires, obscures, faciles, & difficiles: mais la doctrine, l'argument, la réponse, le doute, & la distinction leur doit donner à faire. Or se fera vne semence grosse, & de mauuais temperament, de chair de vache, de brehaigne, de jambon, de gros pain, de fromage, d'oliues, de gros vin, & eau trouble. L'enfant qui sera engendré de ceste semence, sera aussi fort qu'un taureau: mais il sera furieux & d'esprit brutal. De là vient qu'entre les hommes rustiques, à peine sortent enfans aigus, ny habiles pour apprendre les lettres. Ils naissent tous rudes & lourds, pour auoir esté faits d'alimens de grosse & mauuaise substance: ce qui aduiant au contraire entre les citoyens, desquels nous voyons les enfans pourueus de plus grand esprit & habilité.

Mais si les peres veulent à bon escient engendrer vn fils gentil, sage, & de bonnes mœurs, six ou sept iours deuant la generation, il leur faut manger beaucoup de laiët de chœur, pour ce que cet aliment, de l'opinion de tous les Medecins, est le meilleur & le plus delicat de tous ceux que les hommes vsent (ce que i'entens, quād les hommes sons en santé, & que cet aliment leur correspond) mais Galie dit, qu'il le faut manger cuit avec miel, sans lequel il est dangereux, & facile à corrompre. La raison est, que le laiët n'a pas plus de trois elemens, en sa composition, le fromage, le mugue, & le beurre: le fromage respond à la terre: le mugue à l'eau, & le beurre à l'air. Le feu qui se mesloit és autres elemens, & qui les conseruoit en la mixtion, en sortant de la terre, s'exale, pource qu'il est fort delicat: mais y adioustant vn peu de miel (qui est chaud & sec comme le feu) le laiët demeure avec quatre elemens: lesquels meslez & cuits par le moyen de nostre chaleur naturelle, font vne se-

*Au li  
des vi  
des de  
bon &  
man-  
mais su*

En la  
10. sect.  
proble.  
12.

mence fort delicate & de bon temperament. Le fils qui en sera engendré, sera pour le moins de grand entendement, & non despourueu de memoire ny d'imagination, Pource qu'Aristote n'a cogneu ceste doctrine, il n'a pas respondu à vn problème qu'il fait, demandant: Pourquoi les petits des bestes brutes, pour la plus part tirent les proprietéz & conditions de leurs peres: & les enfans de l'homme non pas? Ce que nous voyons estre ainsi par experience: car de peres sages sortent enfans fort ignorans, & de peres ignorans, enfans fort aduisez: de peres vertueux, enfans mauuais & vicieux, de peres vicieux, enfans vertueux, de peres laids, enfans beaux: de peres beaux, enfans laids, de peres blancs, enfans noirs: & de peres noirs, enfans blancs & colorez. Et entre les enfans d'un mesme pere & d'une mesme mere, l'un fort ignorant & l'autre aduisé, l'un laid, & l'autre beau: l'un de bonne complexion, & l'autre de mauuaise: l'un vertueux & l'autre vicieux. Si l'on

baille à vne bonne iument vn tel cheual, le poulain qui en sort ressemblable à ceux qui l'ont engendré, tant en la figure & couleur, qu'en ses façons de faire. Aristote a fort mal répondu à ce problème, disant. Quel'homme à diuerses imaginatiours en l'acte charnel, & que de la vient, que les enfans sont tant differens des peres: mais pource que les bestes brutes en leur génération, ne sont distraites, & n'ont vne tant forte imagination que l'homme, les petits qu'elles font sortent tousiours d'vne mesme maniere, & semblables à elles. Ceste response a tousiours contenté les Philosophes vulgaires, pour la confirmatió de laquelle, ils alleguent l'histoire de Iacob, laquelle recite que mettant certaines verges peintes aux abreuvoirs destroupeaux champestres, les moutons sont nez & sortis tachez. Mais peu leur sert d'alleguer cela, pource que ceste histoire raconte vn fait miraculeux que Dieu à fait, pour comprendre en iceluy quelque Sacrement. Et mesme la response d'A-

Ge. c. 32

ristote est vne grande absurdité: & si l'on ne me veut croire que les bergers facent maintenant cet essay, & ils verront que ce n'est pas vne chose naturelle. On dit aussi qu'une dame enfanta vn fils plus noir qu'ils n'estoit conuenable, pource qu'elle contem-  
 ploit vn visage noir qui estoit au ciel de son liect: ce que ietiens pour vne grande mocquerie: & si dauanture elle le fit tel, ie dy que le pere qui l'engendra auoit la mesme couleur de la figure de ce ciel peint. Et afin de voir plus clairement combien en cela est mauuaise la philosophie qu'allegue Aristote, & ceux qui le suivent, il est besoin de sçauoir pour chose notoire que l'œure de l'engendrer appartient à l'ame vegetatiue, & non pas à la sensitive, ny à la raisonnable: car le cheual engendre sans la raisonnable, & la plante sans la sensitive: & si nous regardons vn arbre chargé de fruiets, nous trou-  
 uerons en iceluy plus grande diuersité qu'es enfans des hommes: nous voyons vne pomme verte, & l'autre

coloree, vne petite, & l'autre grande :  
 vne ronde, & l'autre mal faite, vne  
 faine, & l'autre pourrie : vne dou-  
 ce & l'autre amere, & si nous compa-  
 rons les fruiçts de ceste annee avec  
 ceux du passé, on les trouuera fort  
 differens & contraires. Ce qui ne se  
 peut attribuer à la diuersité de l'i-  
 magination, puis que les plantes sont  
 priuees de ceste puïssance. L'erreur  
 d'Aristote est fort manifeste en sa pro-  
 pre doctrine : car il dit que la semen-  
 ce de l'homme est celle qui faict la  
 generation, & non pas celle de la  
 femme : mais en l'acte venerien, il  
 n'y a autre œuure de l'homme que  
 d'espandre la semence, sans forme ny  
 figure, comme le laboureur qui es-  
 pand & seme le bled en la terre. Cõ-  
 me donc le bled ne prend pas racine  
 aussi tost qu'il est espandu & semé, &  
 ne se forme son espy & trayau que  
 quelques iours après, ainsi Galien dit  
 que la creature n'est pas formee aussi  
 tost que la semence de l'homme est en la  
 matrice de la femme, ains qu'il faut  
 trente ou quarante iours deuant qu'el-

*Au li.  
 fatius  
 forma-  
 tione.*

*hippoc.  
ou li. de  
nat. sat.*

le soit formée. Parquoy que sert à l'homme d'imaginer diuerſes choſes en l'acte venerien, puis que l'enfant ne ſe commence à former qu'après quelques iours? Ioint que l'ame du pere ny de la mere ne font ny donnent la forme, mais vn autre troiſieſme, qui eſt en la meſme ſemence. Et ceſte là, pour eſtre ſeulement vegetatiue, n'eſt pas capable de l'imagination, & ſuit ſeulement les naturels mouuemens du temperament, ſans faire autre choſe. Or de dire que les enfans naiſſent de telle & telle forme & figure, à cauſe de la diuerſe imagination des peres, c'eſt comme ſi l'on penſoit que les bleds & grains, les vns ſont grands, & les autres petits, pour ce que le laboureur en les ſemant eſt diuertý en diuerſes imaginations. De ceſte mauuiſe opiniõ d'Ariſtote, aucuns curieux inferent que les enfans de l'adultere reſſembleront au mary de la femme adultere, biẽ qu'ils ne ſoiẽt ſiens. Et leur raiſon eſt manifeſte: car en l'acte charnel les adulteres imaginent le mary, avec crainte qu'il ne



vienne, & qu'il ne les trouue sur le fait. Par mesme argument ils inferent que les enfans du mary ressemblent à l'adultere, encores qu'ils ne soient siens, pource que la femme adultere estant en l'acte charnel avec son mary, contemple tousiours la figure de son amy. Et ceux qui disent que l'autre femme enfanta vn enfant noir, pource qu'elle imaginoit la figure noire du ciel de li& auquel elle contemploit, doiuent pareillement admettre ce que ces curieux ont dit & prouué: car le tout est de mesme. Quand à moy ie pense que cela est vne bourde & pure mensonge, mais l'on infere fort bien de l'opinion d'Aristote. Hippocrate a mieux respondu au probleme, disant: Que les Scites ont tous, mesmes mœurs & forme de visage: & donnant la raison de ceste semblance, il dit qu'ils mangent tous vne mesme viande, & boient mesmes eaux, sont vestus d'une mesme maniere: & ainsi gardent vne mesme façon de viure. Les bestes brutes, pour ceste mesme raison engendrent

*Au  
de l'a  
lieux  
eaux.*

leurs petits à leur semblence & figure particuliere, pource qu'ils vivent tousiours d'une mesme viande, & font la semence d'une mesme forme. Au contraire pource que l'homme mange diuerses viandes chacun iour, il fait la semence differente, tant en substance qu'en temperament. Ce que les Philosophes naturels approuuent, respondans à vn probleme qui demande: Pourquoy les excremens des bestes brutes n'ont pas tant mauuaise odeur que ceux de l'homme? & disent, que les bestes brutes vsent tousiours de mesmes alimens, & font beaucoup d'exercice: mais l'homme mange tant de viandes & de tant diuerses substance, qu'il ne les peut digerer ny vaincre, à raison dequoy elles se viennent à corrompre. La semence humaine & de la beste sont toutes deux de mesme sorte, pource qu'elles sont faites toutes deux des excremens de la troisieme concoction. La diuersité des viandes desquelles vsé l'homme, faict tous les iours la se-

*alexā-  
re A.  
hrod.  
u. l. i.  
ro. 26.*

mence differente, & particuliere. Et pourtant il est certain que le iour que l'homme mange de la vache, ou du salé, il faiét la semence grosse, & de mauuais temperament, & pourtant l'enfant qui s'en engendrera sera laid, ignorant, noir & de mauuaise complexion : mais s'il mange de la chair de chapon, ou de poulle, il fera la semence blanche, delicate, & de bon temperament, & pourtant l'enfant qui s'engendrera sera bien fait, beau, sage, & de complexion fort affable. D'ont ie collige & cognoy que nul enfant ne naist qui ne tire les qualitez & le tēperament de la viande que les peres ont mágé vn iour deuant qu'ils l'ayent engédreé. Et si quelqu'un veut sçanoir de quelle viande il a esté formé, il ne faut faire autre chose que considerer quelle viande est la plus familiere à son estomac : car certainement c'est de cestelà. Les Philosophes naturels demandent aussi, pourquoy les enfans des hommes sages ordinairement sortent ignorās & despourueus desprit? A quoy ils res-

*Alexan.* pondre fort bien, disans: que les  
*Aphrod.* hommes sages sont fort honnestes &  
*Prov. 28.* honteux: à raison dequoy, ils se gar-  
dent en l'acte charnel de faire aucu-  
nes choses qui sont necessaires à ce  
que l'enfant sorte avec la perfection  
qu'il doit auoir. Et le prouuent par  
les peres lourds & ignorans, lesquels  
pour employer toutes leurs forces, au  
temps qu'ils engendrent, font des en-  
fans ingenieux & sages: mais ceste  
responce est d'hommes qui sçauent  
peu de Philosophie naturelle. Il est  
vray que pour respōdre cōme il faut,  
il est besoin presupposer & prou-  
uer quelques choses premierement:  
l'une desquelles est que la faculté rai-  
sonnable est contraire à celle de l'ire  
& concupiscence, de telle maniere  
que si vn homme est fort sage, il ne  
peut estre courageux, de grandes for-  
ces corporelles, grand mangeur, ny  
puissant pour engendrer, pour ce que  
les dispositions naturelles necessaires  
à ce que la faculté raisonnable puisse  
œuarer, sont totalement contraires à  
celles qui requierent celle de l'ire &  
de

de la concupiscence. Aristote dit ( & il est vray) que le courage & vaillance naturelle consiste en chaleur, & la prudence & sçauoir en ficcité. Et ainsi voyons nous clairement par experience, que ceux qui sont despourueus de raison, parlent peu, n'endurent moqueries, & se courroucent promptement. Et pour y remedier, ils mettent incontinent la main à l'espée, pour ce qu'ils ne peuuent donner autre responce: mais ceux qui ont bon esprit, fournissent de plusieurs raisons & responces aiguës, ils vsent de proposioyeux, desquels ils s'entretiennēt de peur de venir aux mains. De ceste maniere d'esprit, Saluste nota Ciceron, disant qu'il auoit beaucoup de lāgue, & les pieds fort legers: enquoy il auoit raison, pource que tant de sçauoir ne pouuoit se trouuer qu'en coüardise pour le fait des armes. Et de là dit-on par maniere de gaufferie, il est vaillant comme vn Ciceron, & sage comme vn Hector, pour noter vn homme d'ignorance & coüardise. La faculté animale ne contredit pas

moins à l'entendement: car estant vn homme de grandes forces corporelles, il ne peut auoir l'esprit delicat; & la raison est, que la force des bras & des pieds vient de ce que le cerueau est dur & terrestre. Et cōbien que par la froideur & siccité de la terre, il puisse auoir vn bon entendement, si est-ce que pource qu'il est de grosse substance, il ne le peut auoir, ce qui fait, par mesme moyen vn autre mal, qui est, que pour la froideur se perd le cœur & la vaillance, & ainsi auons nous veu aucuns hommes de grandes forces, estre fort couiards. La contrariété d'entre l'ame vegetatiue & la raisonnable, est plus manifeste que toutes, pource que les œuures de la vegetatiue (qui sont nourris & engendrez) font mieux avec chaleur & humidité, qu'avec les qualitez construites: ce que l'experience montre clairement, considerant combien ces qualitez sont puissantes en l'aage des enfans, & lasches en la vieillesse: en l'enfance, l'ame raisonnable ne peut œuuer, & en l'âge der-

niere (en laquelle n'y a ny chaleur ni humidité) elle œuvre meueilleusement, & a grande vigueur: de maniere que tant plus vn homme sera puissant pour engendrer & cuire beaucoup de viande, tant plus il perd de la faculté raisonnable. Platon fait *Au dialogue de la nature.* à ceci vne allusion, quād il dict, qu'il n'y a hueur en l'homme qui trouble tant la faculté raisonnable, que la semence seconde. Il dit seulement *Au Sophiste.* qu'elle aide à l'art de faire des vers: cē que nous voyons tous les iours par expérience: car quand vn homme commence à estre amoureux, il se met incontinent à la poēsie, & s'il estoit auparauant sale & mal propre, il aduient tout aussi tost propre & gentil, & n'endure pas vne petite ordure sur la cappe. Cela vient pour ce que telles œuvres appartiennent à l'imagination: laquelle croist & n'ôte d'vn degré, avec la grāde chaleur que la passion amoureuse, à causé. Or que l'amour soit vne alteration chaude, il se voit clairement, par le courage & vaillance qu'il cause en l'amou-

reux, parce qu'il luy oste le desir de manger, & qu'il ne le laisse point dormir. Si la Republique auoit esgard à ces signes, elle osteroit des vniuersitez les estudians qui sont vaillans, qui aiment les armes, & qui sont amoureux: elle chasseroit les Poëtes, ceux qui sont propres & mistes: car ceux-là n'ont ny esprit, n'y habilité à aucun genre des lettres. Aristote excepte de ceste reigle les melancoliques par adustion, lesquels la semence (bien qu'elle soit seconde) n'oste pas l'esprit. En fin, toutes les facultez qui gouvernent l'homme, empeschent la faculté de la raison, si elles sont fortes. Et de la vient que si vn homme est fort sage, il est incontinent couard, de peu de force corporelle, petit mangeur, & non puissant pour engendrer. La cause de cela est, que les qualitez qui le font sage (qui sont, froideur & siccité) debilitent les autres puissances, comme l'on voit aux hommes vieux, lesquels n'ont force ny valeur, si ce n'est pour le conseil & prudence. Ceste doctrine ainsi supposée, l'o-

En la 4.  
sect. pro.  
31.



pinion de Galien est, que deux semences sont nécessaires, afin que la generation ait l'effet de quelque parfait animal: L'un qui soit agent, & qui forme, & l'autre qui serue d'aliment, car vne chose tant delicate que la geniture ne peut incontinent vaincre vne viande tant grosse, comme est le sang. iusqu'à tant que l'effet soit plus grand. Et que la semence soit le vray alimēt des membres contenant la semence. Hipocrate, Platon, & Galien l'attestent: car selon leur opinion, si le sang ne se conuertit en semence, il est impossible que les nerfs, les veines & ar-

Et ainsi Galien dit, que la difference qui est entre les viandes & les couillons, est que les couillons font bien tost beaucoup de semence, & les veines peu, & en long-temps. De maniere que nature à fait prouision d'un aliment, tant semblable, que par vne legere alteration, & sans faire excremens, elle peut maintenir l'autre semence: ce qui ne pourroit aduenir si sa nourriture se deuoit faire de sang. Galien dit

*Art. 1. de la semence. ch. 16.*

*Au 2. li. de la semen. ch. 16.* que nature fait la mesme prouision; en la generation de l'homme, qu'elle fait pour former le poulet; & les autres oyseaux qui sortent des œufs: lesquels nous voyons qu'il y a deux substances: la glaire, & le iaune: l'vne de laquelle se fait le poulet, & l'autre dont il se maintient tout le temps que se fait la forme. Par la mesme raison sont necessaires deux semences en la generation de l'homme: l'vne de laquelle se fait la creature, & l'autre dont elle se maintient durât le temps qu'elle se forme. Mais Hipocrate allegue vne chose digne de grande consideration: c'est que nature n'a pas determiné quelle des deux semences doit estre agente à former, ny quelle doit servir d'aliment. Car la semence de la femme est souuentefois de plus grande efficace que celle de l'homme, & quand il aduient ainsi, elle fait la generation, & celle du mary est plus puissante à engendrer, & celle de la femme ne fait que nourrir. Aristote n'a peu entendre de quoy seruoit la semence de la fem-

me; & ainsi a-il dit mille absurditez, qu'elle estoit comme vn peu d'eau, sans vertus ny forces pour engendrer: s'il estoit ainsi, la femme ne voudroit iamais auoir affaire avec l'homme, & iamais n'appeteroit la compagnie, ains fueroit l'acte charnel, pour estre vn ceuvre tant sale & deshonneste, a l'endroit d'elle, qui se monstre tant honneste, Au moyen dequoy en peu de temps le genre humain prendroit fin, & le monde demeureroit priué de l'animal le plus beau que nature ait iamais crée. Ainsi Aristote demande pourquoy l'acte venerien est la chose plus agreable que nature ait ordonné pour la creation des animaux? A quoy il respond que comme ainsi soit que nature procurast tant de perpetuite des hommes, elle a mis en ces ceuvres la vn grand plaisir & delectation, afin qu'ils s'adonnaissent volontiers par tels plaisirs aiguillons, a l'acte de la generation: car s'ils n'auoient ces aiguillons la, il n'y auroit homme ny

En la  
lett. pre  
bl. 16.

femme qui se voulust marier, veu  
 que la femme porte en son ventre  
 l'enfant neuf mois, avec grande pei-  
 ne & douleur, & en danger de per-  
 dre la vie: & quand elle l'enfante. Et  
 pourtant faudroit il que la republi-  
 que contraignist les femmes à se ma-  
 rier, craignans que la generation hu-  
 maine vint à defaillir. Mais comme  
 nature fait les choses avec douceur,  
 elle a donné à la femme tous les instru-  
 mens qui estoient necessaires pour  
 faire la semence, laquelle incitast &  
 fust propre à engendrer: au moyen  
 dequoy elle desirast l'homme, & fust  
 bien aise de sa compagnie. Et si elle  
 eust tenu les qualitez que dit Aristo-  
 te, elle ne l'eust en horreur plustost  
 que de l'aymer. Galien prouue cela  
 par l'exemple des bestes brutes: car  
 il dit, que si vne truie est chastrée,  
 elle n'appete iamais le pourceau, ne le  
 veut souffrir quand il vient à elle. Le  
 semblable se void en vne mesme fem-  
 me, de laquelle le temperament est  
 plus froid qu'il ne faut; car si on luy  
 parle de mariage, il n'y a chose qu'el-

*Au 2. li.  
 de la se-  
 men-  
 ce. 15.*

le hayſſe plus. Autant en eſt l'homme froid, & le tout, pour la priuation de la ſemence ſeconde. Dauantage ſi la ſemence de la femme eſtoit de la maniere que dit Ariſtote, elle ne pourroit eſtre propre aliment: car pour auoir les qualitez dernieres de la nourriture actuelle, eſt requiſe l'entiere ſemblance à ce qui ſe doit nourrir. Et ſi elle n'eſtoit deſia parfaite & ſ'éblable, elle ne pourroit en apres acquerir ceſte perfection & ſemblance, pour ce que la ſemence de l'homme n'a point d'inſtrumens, ny lieux (comme ſont l'eſtomac, le foye & les couïllons) où il la puiſſe cuire & parfaire. Parquoy nature a fait qu'il y euſt deux ſemences en la génération de l'animal; leſquelles meſlées la plus puiſſante formaſt, & l'autre ſeruiſt d'entretenement & nourriture. Ce qui appert eſtre veritable, car ſi vn homme noir engroſſe vne ſème blanche, & vn homme noir vne femme noire, la creature tiendra de l'vn & de l'autre, & ſera de couleur brune. Par ceſte doctrine on voit eſtre vray ce que

plusieurs histoires anciennes affirmét, qu'un chien ayant eu affaire avec une femme l'engrossit, & autant en fit un Ours, avec une damoiselle qu'il trouua seule aux chāps; un singe qui fit 2. enfāts à une autre fēme: Et mēmes est fait mention d'une autre, laquelle en passant le lōg de la mer, fut engrossie par un Poisson qui saillit de l'eau: Le vulgaire trouue cela difficile, & demāde comme se pouuoit faire que ces fēmes enfantassent hōmes parfaits, & avec vsage de raisō, veu que les peres qui les engendrerent estoiet animaux tant laids: On peut respondre à cela, que la semence de toutes ses fēmes là estoit agente & formoit la creature pource qu'elle estoit la plus puissāte, & ainſi qu'elle la formoit par les accidens de l'espece humaine la semēce du laid animal [pource qu'elle n'auoit tant de force] ne seruoit d'autre chose que de nourriture. Car il est aisē à entendre que la semence de ces bestes irraisonnables peut dōner nourriture à la semence humaine: pource que si chacune de ces fēmes eust mangé un.

morceau d'Ours, ou de chair cuit, ou  
 rosty, elles'en fust substantee, encores  
 que ce n'eust esté tant bien que si elle  
 eust magé du mouton, ou des perdrix.  
 Autant en aduient à la semence hu-  
 maine, de laquelle la vraye nourritu-  
 re, durant que la creature se forme,  
 est l'autre semence humaine. Et si elle  
 vient à defaillir, la semence de la beste  
 brute y peut bien suppléer. Mais ces  
 histoires là notent que les enfans qui  
 nasquirent de telles cononctions  
 d'enronstroient bien en leurs mœurs  
 & complexions que leur generation  
 n'auoit esté naturelle. Or, encores que  
 nous ayons vn peu tardé nous pour-  
 rons bien de tout ce que nous auons  
 dit tirer responce au principal problé-  
 me, qui est que les enfans des hōmes  
 sages se font quasi tousiours de la se-  
 mençe de leurs meres, pource que  
 celles des peres (pour la raison que  
 nous auons dit) n'est propre pour  
 la generation. Ainsi donc l'hōm-  
 me qui se fait de la semence de  
 la femme ne peut estre ingenieux  
 ny habile, à cause de la grande froi-

deur & humidité de se sexe. Parquoy il est certain, que si l'enfant est discret aduisé, indubitablement il a esté fait de la semence de son pere: & s'il est lasche & ignorant, on cognoist par ce moyen qu'il a esté formé de la semence de sa mere. Et suivant cela le sage à dit, *Filius sapiens latificat patrem: filius vero stultus mortificat matrem suam*. Il peut aduenir aussi par quelque occasion, que la semence de l'homme sage soit l'agent & celle qui forme, & que celle de la femme serue de nourriture. Mais le fils qui s'en engendrera sera de peu de sçauoir: car combien que la froideur & siccité soient deux qualitez necessaires à l'entendement, si est il qu'elles doivent auoir certaine mesure & quantité, surpassant, laquelle il est certain quelles font plus de mal que de bien: comme l'on voit es hommes fort vicils, lesquels pour la grande froideur & siccité qui est en eux disent mille absurditez. Dauantage, posons le cas qu'à l'homme sage restassent dix ans à viure de conuenable froideur & siccité, pour raison-

Prou. 1.  
b, 10.



ner & discourir de telle maniere, que passant de là en auant, il vient à changer, si de la semence de celuy là s'engendroir vn fils, il seroit iusques à dix ans, de grand' esprit (pource qu'il jouiroit de froideur & siccité conuenable de son pere) mais quand il auroit onze ans, il viendroir à chager, pour auoir outrepassé le point que ces deux qualitez doivent auoir. Ce que nous voyons tous les iours par experience és enfans que l'on a eu en vieillesse: lesquels en enfance, sont fort aduisez: mais en apres, ils sont hommes fort ignorans, & ne viuent gueres. La raison de cela est qu'ils ont esté faits de semence froide & seiche, qui auoit desia passé la moitié du cours de la vie. Si le pere aussi est sage és œuvres de l'imagination, & s'il est marié (pour la chaleur & siccité) à vne femme froide & humide au troisieme degré, l'enfant qui s'engendrera de ceste conionction sera tres-ignorant, s'il est formé de la semence de son pere, pour auoir esté en vn ventre tant froid & humide, & pour auoir esté maintenu

d'un sang intemperé. Il aduient au contraire si le pere est ignorant; duquel la semence est ordinairement chaude & humide en extremité. L'enfant qui s'en engendrera sera grossier iusques à quinze ans, à cause qu'il tient de la superfluë humidité du pere: laquelle se perd avec l'âge plus meur, auquel la semence de l'homme ignorant est plus temperée & à moins d'humeur. Mieux vaut aussi pour sō esprit: quād il a esté porté neuf mois en vn ventre, de si peu de froideur & humidité cōme celuy de la femme froide & humide au premier degré, où il a souffert tant de faim, & eu faute de nourriture. Tout cela aduient ordinairement pour les raisons, que nous auōs dit: mais il se trouue certaine race d'hommes, desquels les membres genitaux, sont de si grande force & vigueur, qu'ils desnuent totalemēt les alimens de leurs bonnes qualitez, & les conuertissent en leur mauuaise & grosse substance. Et pour ceste cause, tous les enfans qu'ils engendrent, combien qu'ils ayent mangé

*Car la  
faim des  
seicheles  
corps.  
Galiēau  
2. des A  
phori. ch.  
16.*

viandes delicates (sont rudes & ignorans.) Autres se trouuent au contraire, lesquels vsant de grosses viandes, & de mauuais temperament, sont tant puissans à les vaincre & digerer, qu'ils ne laissent pas de faire leurs enfans de bon esprit. Ainsi donc est il certain qu'il y a vne maniere d'hommes ignorans, autre d'hommes sages, & que l'on en voit d'autres qui sont ordinairement fols & despourueux de iugement. Aucuns doutes se presentent à ceux qui veulent parfaictement entendre ceste matiere, la response auxquels est fort aisee, par la doctrine que nous auons deduit. On peut demander d'où vient que les enfans bastards ressemblent ordinairement à leurs peres: & que de cent legitimes les nonâtes tirent la figure & mœurs de leurs meres? Secondement on peut demander pourquoy les enfans bastards sont ordinairement gentils de leurs personnes, courageux & aduisez: tiercemēt, d'où viēt que si la meschante femme deuiēt enceinte, encores qu'elle boie la medecine pour supprimer son fruit.

& quelle se face seigner plusieurs fois elle ne peut neâtmoins perdre la creature qu'elle porte: & si la femme mariée est enceinte de son mary, elle viét à auorter pour peu de chose. Platon respond au premier doute, & dit que nul n'est mauuais de sa propre volonte, sans estre premierement irrité par le vice de son temperament. Il amene l'exemple des hommes luxurieux, lesquels ayans beaucoup de semence feconde, souffrent grandes illusions & beaucoup de douleurs: au moyen dequoy estans molestéz de ceste passion, ils cherchent femmes pour s'en exempter. Galien dit que ceux là sont les instrumens de la generation fort chauds & secs, & pour ceste cause ils font la semence fort acre, mordante & puissante pour engendrer. L'homme qui va chercher la femme qui n'est pas sienne, va remplir de ceste feconde & fertile semence, cuite & bien assaisonnée, de laquelle necessairement se doit faire la generatiō, pource qu'en l'egalité la semence de l'homme est toujours de plus grande efficace: &

*Au dialogue de la nature.*

si l'enfant se fait de la semence du pere, necessairement luy ressemblera. Il adient au contraire es enfans legitimes; car pource que les maris ont tousiours leurs femmes à costé, ils n'attendent iamais que la semence soit meure, ni qu'elle se face propre à engédrer, ains la iettent estant promptement induits à l'acte de generatió, & vsent de grande violence & force: & pource que les femmes sont en repos en l'acte venerien, iamais leurs vaisseaux de la semence ne la donnét que premierement elle ne soit cuite & bien meure, & qu'il n'y en ait beaucoup. Et pour ceste cause, les femmes mariées font tousiours la generation, & la semence de leurs maris sert de nourriture. Mais aucunesfois les deux semences ont vne esgale perfection, & combattent de telle maniere, que ni l'une ni l'autre ne gaigne le dessus pour donner forme, ains se fait l'enfant qui n'est semblable ni au pere ny à la mere. Autrefois elles semblent s'accorder & diuiser la figure & forme: la semence du pere fait le nez & les yeux:

& celle de la mere, la bouche & le front. Et ce qui est plus admirable, souuentefois est aduenü, que l'enfant soit sorty au monde, avec vne aureille semblable à celle du pere: & vne autre semblable à celles de la mere: & ceste diuision mesme ou differencess'est veüe pareillement aux yeux. Mais si la semence du pere surmonte du tout & est la plus forte l'enfant luy ressemblera de visage & de mœurs, & quand la semence de la mere est la plus puissante autant en aduiet, pour ce que l'enfant tient de la mere. Parquoy le pere qui voudra que l'enfant se face de sa propre semence, se doit absenter quelques iours de sa femme, & attendre que la semence se cuise & meurisse. Et lors il peut estre certain qu'il aura le dessus & la force, & que celle de sa femme ne seruira que de nourriture. Il n'y a pas grande difficulté en l'autre doute, pour ce que les enfans bastards se font ordinairement de semence chaude & seiche: de laquelle temperature nous auons prouué beaucoup de fois, que procede le coura-

ge, la vaillance, & la bonne imagination, à laquelle appartient la prudence de ce siecle. Et pource que la semence est cuitte & parfaitement meure, nature en faict tout ce que elle veut, & les peint comme d'un pinceau. Quant au troisieme doute, on peut dire que la grosseffe des meschâtes fêmes se fait quasi tousiours de la semence de l'homme, laquelle pour estre plus forte & propre à la generation, s'enracine mieux aussi au ventre de telles femmes. Mais quant aux mariees, pource qu'elles deuiennent enceintes de leur propre semence, qui n'est pas si forte, la creature glisse facilement, pource qu'elle est humide & glucuse: ou comme dit Hipocrate, *Plena mucoris.*

*Quelles differences doiuent estre employées  
pour conseruer l'esprit aux enfans, dès  
qu'ils sont nez. & formez.*

V.

**L**A matiere de laquelle l'homme est composée, est tant aisée à

s'alterer, & tant subiecte à corruptiō,  
qu'au mesme instant qu'elle commē-  
ce à se former, elle se vient à alterer,  
sans y pouuoir resister. Et pourtant

*En la* est dit, *Nos nati continuo desinimus esse.*

*Sapience* Et pour ceste cause nature a pour-

*Se 5.* ueu le corps humain de quatre facul-  
tez naturelles: pour attirer, retenir,  
cuire, & ietter hors, lesquelles en cui-  
sant & alterant les alimens que nous  
mangeons, reparent la substance per-  
due par la succession d'une autre.  
De là peut-on entendre qu'il ne sert  
de gueres que l'enfant ait esté fait de  
semence delicate, si l'on ne regarde  
aux viandes qu'il doit manger. Car  
quand l'enfant est parfait & formé,  
ne luy demeure aucune chose de la  
substance premiere de la semence  
de laquelle il a esté composé. Il est  
vray que si la premiere semence a  
esté bien cuite & assaisonnée, elle est  
de si grande force & vigueur, que  
cuisant & alterât les viâdes, encores  
*Au dia-* qu'elles soient de mauuais subc elle  
*logue de* les reduit à son téperament & bonne  
*la na-* substance: mais on pourroit bien tant  
*nure,*



yser d'alimens contraires, que la  
 creature vient à perdre les bonnes  
 qualitez qu'elle a receu de la semen-  
 ce dont elle a esté faite. Et pour  
 ceste cause Platon dit que la mau-  
 uaise nourriture du boire & manger  
 fait perdre plus que tout autre cho-  
 se, l'esprit de l'homme, & les bon-  
 nes mœurs. Et pourtant il conseille  
 que nous donnions aliment & nour-  
 riture aux enfans qui soient de bon  
 temperament, afin que quand ils se-  
 ront plus grands, ils sçachent reietter  
 le mauvais aliment, & choisir le bon.  
 La raison de cela est fort claire: car  
 puis que le cerueau s'est fait au com-  
 mencement de semence delicate, &  
 puis que ce nombre se consomme  
 iournellement, & se refait & repare  
 par les viandés que nous mangeons,  
 il est certain que si elles sont grosses  
 & de mauuaise température, vsant  
 d'icelles plusieurs iours, le cerueau  
 prendra ceste mesmè nature. Ainsi  
 donc il ne suffit pas que l'enfant soit  
 de bonne semence, si les alimens  
 qu'ilz mangera ( apres la naissance)

ne tiennent les mesmes qualitez. Nous scaurons aisément quelles sont ces qualitez, veu que les Grecs ont esté les hommes les plus discrets qui ayent esté au monde, & que cherchâs les alimens & viandes pour faire les enfans ingenieux & sages, il est certain qu'ils ont trouué les meilleures & plus propres: car si l'esprit subtil & delicat consiste en ce que le cerueau soit composé de parties subtiles, & bonne temperature, l'aliment qui aura ces deux qualitez sur toutes, sera celuy duquel il faut vser pour obtenir la fin que nous voulons. Galié dit, que suiuant l'opinion de tous les Medecins Grecs, le laiët de chéure cuit avec miel, est le meilleur alimēt qu'on puisse trouuer: car outre ce qu'il est de substance fort moderee, la chaleur qu'il a, n'excede pas la froideur ny l'humidité, la siccité. Parquoy nous auons dit n'a gueres que les peres, qui à la verité voudront engédrer vn enfant sage, gentil, & de bonnes mœurs doiuent manger six ou sept iours deuant la generation beaucoup de laiët

de chéure, cuit avec miel. Mais combien que c'est alimēt soit tant bon comme dit Galien, il est meilleur pour l'esprit que la viande soit des parties subtiles, que substance modérée: car tant plus s'employe la matiere à la pourriture du cerueau, plus l'esprit deuiet subtil & bō. Pour ceste cause les Grecs tiroient du laiēt de fromage & le meugue (qui sont les deux alimens de sa composition) & laissoient l'autre partie de beurre qui est la nature de l'air, ils la donnoient à mastiger à leurs enfans, estant meslee avec miel, en intētion de les faire ingénieux & sçauans. Ce qui appert estre veritable, par ce que raconte Homere, d'auantage les enfans *Au 1. de son liu-* māgent soupes de pain blanc, d'eau *des* fort delicate, avec miel, & vn peu de sel: mais en lieu d'huyle, pource qu'il est mauuais & nuisible à l'entendement, l'on y mettra du beurre de laiēt de chéure, duquel le temperament & substance est propre pour l'esprit. Mais en cecy il y a vn incōueniēt fort grand, qui est que les enfans qui v sēt de viādes tant delicats, n'ont iamais gran-

de force pour resister aux iniures de l'air, & ne se peuvent garder des autres inconueniens qui ont coustume de les faire malades. Ainsi donc pour les auroiét sages ils seront malades, & ne viuroét gueres. Il faut donc sçauoir comme les enfans se pourront nourrir ingenieux & sages, sans que cest art contredise à leur santé. Ce qui sera facile à faire, si les peres osét prauiquer aucunes reigles & preceptes que ie diray icy. Et pource que les riches & gens aisez sont trompez en la nourriture de leurs enfans qu'ils traitent tousiours de la susdite viande, ie leur veux donner premieremēt la raison pourquoy leurs enfans n'apprennēt aux sciences, combien qu'ils ayent des maistres qui les enseignent soigneusement, & comme l'on pourra remedier à cela, sans que leur vie en soit abregee, ni leur santé empiree. Hipocrate dit & nombre huiet choses lesquelles humectent la chair de l'homme, & qui l'engraissent. La premiere est, la ioyeuse & ocieuse vie: l'autre le dormir beaucoup: la troisieme,

*Aul. de  
l'air,  
lieux &  
eaux au  
l. de sal.  
diata.  
com.*

sième, trouue vn bon liët: la quatrié-  
 me, la bonne viande & le bon vin: *14. au. 6*  
 la cinquiesme, les bons vestemens: *des Epi.*  
 la sixiesme, l'aller tousiours à cheual: *par. 5.*  
 la septiesme, faire sa volonté: la hui- *apb. 9.*  
 etiesme, s'occuper en jeux, passetêps,  
 & choses qui luy donnent contente-  
 ment. Ce qui est manifeste & veri-  
 table, que encor qu'Hipocrate ne  
 l'eust dit, personne ne le pourroit  
 nier. On pourroit seulement douter  
 si le peuple qui a son plaisir obserue  
 tousiours ceste maniere de viure: car  
 s'il est ainsi qu'il le face, nous pouuôs  
 inferer que sa semence est tres-hu-  
 mide, & que les enfans qui s'en en- *Hip. au*  
 gendreront doiuent sortir necessai- *1. des*  
 rement avec vne superflue humidi- *ulcres.*  
 té, laquelle se doit consommer, pour-  
 ce que cete qualité supprime les œu-  
 res de l'ame raisennable, & pource  
 qu'elle rend les hommes maladifs, &  
 leur abbrege leurs iours, selon que  
 disent les Medecins. Suiuant celale  
 bon esprit, & la ferme santé corpo-  
 relle, demandent vne mesme qualité  
 (qui est le sec) & pourtant les reiglex

que nous auons amené, pour faire les enfans sages seruent aussi à les faire sains & de longue vie. Et apres, aussi tost que l'enfant des peres riches & aisez est nay (veu que la chair tient plus de froideur & humidité, qu'il

*Hip. au  
2. l. de  
diata.*

ne n'a esté conuenable a l'enfance) il faut le lauer avec eau salee, qui soit chaude: laquelle suiuant l'opinion de tous les Medecins, desseiche & essuye la chair rend les nerfs fermes, l'enfant robuste & fort: & pource que la superflue humidité du cerueau se perd & consomme, il deuiet ingenieux

*Au 1. l.  
a Glau-  
co, 6. des  
Apho. 6.*

& exempt de grandes maladies. Au contraire si on le laue d'eau douce & chaude, entant quelle humecte la chair, Hipocrate dit, qu'elle fait cinq maux, elle effemine la chair, elle debilité les nerfs, elle endort l'esprit, elle cause le flux de sang, & l'euanouissement ou defect de cœur. Mais si l'enfant sort du ventre de sa mere avec vne grande siccité, il le faut bien lauer avec eau chaude & douce. Et si Hipocrate dit, *Infantes diu sunt calida lauandi: quo minus tentent conuulsiones:*

*ipsiq; crescant & melioris caloris fiant.*

Par laquelle sentence il est en charge de lauer les enfans avec eau chaude beaucoup de fois, afin qu'ils croissent plus aisement, & qu'ils se facent de bonne couleur. Cela s'entend des enfans qui sortent secs du ventre de leur mere, desquels il faut améder la mauuaise temperature, en leur appliquant les qualitez contraires. Galien dit que les Allemans ont coustume de lauer leurs enfans en la riuiera, aussi tost, qu'ils sont nez, leur semblant aduis que comme le fer qui sort ardent de la fournaise, se renforcé & endurecit, quand on le met dedans l'eau froide: ainsi en tirant l'enfant du ventre de la mere, il se rend plus fort & vigoureux, quand on le laue avec eau froide. Galien blasme ceste maniere de faire, & tient que cest vne grande folie: en quoy il a bien raison: car combien que par ce moyen le cuir luy deuient dur, & difficile à estre offensé des iniures de l'air, si est-ce qu'il est offensé des excremens qui s'engendrent dedans le corps, n'ayant voye

*Au 2. li.  
de la cō-  
seruation  
de la sã-  
té.*

ouuerte pour pouuoir sortir. Le meilleur & plus seur remede est de lauer les enfans, qui ont beaucoup d'humidité, avec eau chaude & salée: car en consommant l'humidité superfluë, on les rend acheminez à la santé, & leur fermant les voyes du cœur, ils ne sont offensez à chacune occasion, & leurs excremens ne sont tant enclos & retenus qu'ils n'ayent passage pour sortir. Et nature est si forte, que si on luy oste vn chemin public, elle en cherche vn autre propre: & si d'auanture tous les passages luy sont bouchés, elle en sçait bien faire de nouveaux, pour ietter ce qui l'empesche, & qui luy est nuisible. Parquoy de deux extrêmes, il vaut mieux pour la santé auoir le cœur vn peu dur & serré, que mol & ouuert. Secondement quand l'enfant vient de naistre, il faut

*du lin.  
de l'air,  
lieux &  
eaux.*

que nous le facions amy des vents & des alterations de l'air, sans le tenir tousiours à l'abry ou à couuert: car il se rendra lasche, feminin, ignorât, & peu de forces, & mourra en trois iours. Hipocrate dit qu'il n'y a chose qu'



debilite tant la chair que de demeurer tousiours en lieux preservez du froid, & chaleur, & qu'il n'ya meilleur remede pour la santé, que d'exposer le corps à tous les vents, chauds froids, humides, & secs. Et pour ceste cause, Aristote demande, pourquoy *En la 1.  
c'est pro-  
ble. 10.* ceux qui vivent aux galeres sont plus sains, en terroir marefcageux? En quoy la difficulté est plus grande, quand l'on cōsidere le mauvais tēps qu'ils ont, de dormir sur la dure tous vestus, au serain, au soleil, ou froid & a l'eau, & n'ayans à demy leur vie. L'on en peut autant dire des bergers, qui sont plus sains qu'hommes du monde, pource qu'ils ont desia accoustumé toutes les qualitez de l'air, & que leur nature ne s'estonne de rien. Au contraire voyons apertemēt que l'homme qui se veut garder du soleil, du froid, du serain, & du vent est despeché en trois iours, & pour ceste cause on peut bien dire, *Qui diligit animam suam in hoc mundo perdet eam:* car personne ne se peut garder des alterations de l'air. Il vaut mieux s'ac-

398 L'Examen des Esprits  
coustumer à tous, & que l'homme  
ne se soucie des iniures de l'air, &  
viue tousiours en peine.

Le vulgaire pense que l'enfant naist  
tendre & delicat, & que sortant du  
ventre de la mere, il ne peut en durer  
l'air froid sans receuoir vn grand dô-  
mage: mais il s'abuse grandemēt, car  
cōbien que l'Alemagne soit vn pays  
tant froid, ils mettent neantmoins les  
enfans sortant du ventre de la mere,  
dedans l'eau: enquoy encor qu'ils  
faillent lourdement, si est-ce que les  
enfans ne s'en trouuent mal, & n'en  
meurent pas. La troisieme chose qu'il  
faut faire, est de trouuer vne ieune  
nourrice, de temperament chaude  
& seiche, ou suiuant nostre doctrine  
froide & humide au premier degré,  
nourrie à la peine, accoustumee à  
dormir à terre, à manger peu, & qui  
soit mal vestuë, & qui soit faite à aller  
au serain, & endurer le froid & le  
chaud. Vne telle nourrice aura le lait  
bien ferme & accoustumee aux alter-  
rations de l'air, duquel l'enfant est  
long temps nourry & maintenu, les

membres de l'enfant en seront merveilleusement fermes. Si elle est discrete & aduillée, cela fera grand bien à son esprit, pource que le laiët d'une telle nourrice est chaud & sec, qui sôt deux qualitez par lesquelles se corrigera la grande froideur & humidité quel'Enfant apporte du ventre de la mere. Or combien importe aux forces de la creature, de teter le laiët d'une nourrice qui s'exerce se prouue clairement de cheuaux, lesquels sortans des iumens qui trauaillent & labourent, sont bons courriers, & durent long temps au trauail. Mais si les iumens sont tousiours a leur aise, paisans au pré, les cheuaux qui en sortent ne se peuuent tenir, de la premiere carriere qu'on leur donne. Il faut aduaiser aussi de mettre en la maison vne nourrice, quatre ou cinq mois deuant l'enfantement, & luy bailler à manger les mesmes viandes que mange la femme enceinte, afin qu'elle ait loisir & temps de consommer le sang & les autres mauuaiseshumeurs prouenuës des mauuais alimens qu'elle auoit

*Manger  
une fois  
toucher  
douce-  
ment  
Et che-  
miner,  
nat. Hi-  
au. lib.  
de sala-  
bridaa*

mangé au commencement, & afin que  
l'enfant incontinent qu'il sera n'ay,  
tette le mesme lait, duquel il s'est  
maintenu au ventre de sa mere, au  
moins fait des mesmes viandes. Le  
quatrième poinct qu'il faut observer  
& garder est de n'accoustumer l'en-  
fant à dormir en vn liét mol, à estre  
trop vestu, & à manger beaucoup.  
Car Hipocrate dit que ces trois cho-  
ses offécent & desseichent la chair, &  
les contraires les engressent. Ce fai-  
sant l'enfant sera de grand esprit, fort  
sain, & viura long temps, a raison de  
siccité. Et au contraire, il se remplira  
de sang, & se fera d'une constitution  
mauvaise, que Hippocrate appelle,  
*Achletique*, & la tient fort dangereu-  
se. Par ceste maniere de viure, se nour-  
rit l'homme le plus sage qui fut iamais  
au monde Christ nostre Redempteur  
entant qu'homme, excepté que pour-  
ce qu'il nasquit hors de Nazareth, sa  
mere d'auanture, ne trouua de l'eau  
fallée à propos, afin de le lauer. Cela  
estoit vne coustume Iudaïque & de  
toute l'Asie, introduite par aucuns.

*Celse. au  
2. liure.*

sages medecins, pour la santé des enfans: Et ainsi le Prophete dit, *Et quan-*

En Exe  
ch. 16.

*do nata es in die ortus tui, non es praecisus umbilicus tuus & aqua non est lota in salute, nec sale salita, nec in uoluta pannis.*

Au demeurant incontinent qu'il fut né, il comença à s'accoustumer au froid & aux autres alterations de l'air. Son premier liêt fut contre terre, estant mal vestu, comme s'il eust voulu garder la recepte d'Hipocrate, & bien tost apres il fut porté en Egypte (pays fort chaud) où il fut tout le temps qu'Herodes vesquit, & pourtant il est certain, qu'allant sa mere en ceste maniere, elle luy donnoit le laiêt bien exercé, & fait aux alterations de l'air. La viande qu'il prenoit estoit celle que les Grecs trouuerent pour donner esprit & sçauoir à leurs enfans: ceste viande estoit la partie grasse du laiêt, mangée avecques miel, & pourtant Esaye à dit *Butyrum & mel comedet, ut sciat reprobare malum & eligere bonum.* Par lesquelles paroles il semble que le Prophete ait voulu donner à entendre, que combien qu'il

Chap. 7

fust vray Dieu, il deuoit auffi estre homme parfait, & que pour acquerir science naturelle, il deuoit vser des meſmes diligences deſquelles vſent les autres enfans des hommes. Cela ſemble difficile à entendre, & eſtrange de penſer que Chriſt noſtre Redempteur, pour manger du beurre & miel, eſtant enfant, deuſt ſçauoir reprouer le mal & eſlire le bien, quand il ſeroit grand, veu qu'il eſtoit comme il eſt, Dieu de ſçauoir infini, & ayant entant qu'homme, toute la ſcience infuſe, qu'il pouuoit receuoir ſelon ſa naturelle capacité. Parquoy eſt-il certain, qu'il ſçauoit autant au ventre de ſa mere, comme quand il auoit 33. ans, ſans manger beſtirre ny miel, ny ſe ſeruir d'autres moyès naturels que la ſageſſe humaine requiert. Ceneantmoins eſt-ce beaucoup que le Prophete ait remarqué la viande que les Troyens & Grecs auoient couſtume de donner à leurs enfans, pour les faire ingerieux & ſages: & qu'il ait dit, *Vt ſciat reprobare malum, & eligere bonum*: pour entendre qu'à

raison de ses alimens, Christ nostre Redempteur ( entant que homme ) n'auoit plus de sçauoir acquis, qu'il n'eust pas obtenu s'il eust vsé d'autres viandes contraires: ou bien il faut expliquer ceste particule( *¶* ) pour sçauoir qu'il a voulu dire, en parlant par tels termes. Ainsi donc nous deuons supposer que en Christ nostre Redempteur y auoit deux natures ( comme il est vray, & ainsi la foy nous le montre ) l'une diuine, entant qu'il estoit & est vray Dieu & l'autre humaine, composée de l'ame raisonnable & du corps, elementel, dispose & organisé comme l'ont les autres enfans des hommes. Quant à la premiere nature, nous ne sçauons que dire de la sagesse de Christ nostre Redempteur, pource qu'elle est infinie, sans augmentation ny diminution, ne dependant d'aucune autre chose: car pource qu'il est Dieu, il estoit aussi sage au ventre de la mere comme il estoit a trente trois ans: pource qu'il est de tout temps. Mais en ce qui concerne la seconde nature, il faut sçauoir que l'ame do

Christ, dès que Dieu la crea, fut bienheureuse & glorieuse, côme elle l'est aujour d'huy: & puis qu'il jouissoit de l'essence diuine & de son haut sçauoir, il est certain qu'il n'ignoroit aucune chose, & qu'il auoit autant de science infuse, que pouuoit tenir sa naturelle capacité: mais avec tout cela, il est certain que comme la gloire se communiquoit aux instrumens du corps, (à raison de la Redemptiõ du genre humain) aussi ne faisoit pas la science infuse, pour n'estre le cerueau disposé ny organisé des qualitez & substances necessaires, à ce que l'ame par tel instrument peut discourir & philosopher. Car si nous auons souuenance de ce que nous auons dit, au commencement de cest œuvre, les graces que Dieu depart aux hommes, requierent ordinairement que l'instrument, par lequel elles se doiuent exercer. & le sujet qui les doit receuoir, tiennent les qualitez naturelles: que chacunẽ grace a besoin d'auoir. Et c'est pourquoy l'ame raisonnable eût acte du corps: & qu'elle



n'œuvre, sans se servir de ses instrumens corporels. Le cerueau de Christ nostre Redempteur estant nouveau né, estoit fort humble, pource qu'en tel âge c'est vne chose naturelle & cōuenable: mais l'ame d'iceluy, pour estre si grande en quantité, ne pouuoit naturellement discourir ne philosopher avec tel instrument. Et ainsi la science infuse ne passoit à la memoire corporelle, ny à l'imagination ny à l'entendement, pource que ces trois puissances sont organiques (cōme nous l'auons prouué) & qu'elles n'ont la perfection qu'elles doiuent auoir. Mais le cerueau se desseichant avec le temps, l'ame raisonnable manifestoit tous les iours d'auantage la science infuse qu'il auoit, & la communiquoit à ses puissances corporelles. Et outre ceste science supernaturelle, il en auoit vne autre qui se préd des choses que les enfans oient, de ce qu'ils voyent, de ce qu'ils sentent, goustent & touchent. Il est certain que Christ nostre Redempteur auoit cestelà, comme les autres enfans des

*S. Thomas  
met vne  
troisies-  
me sciē-  
ce en  
Christ,  
es l'ap-  
pelle ac-  
quise a-  
uecl'en-  
tende-  
ment  
agent,  
p. 9. 10*

art. 4.  
 § 9. 12.  
 art. 2.

Au l. de  
 l'art de  
 Medec.  
 ch. 12.

hommes. Et ainsi que pour bien voir les choses, il auoit besoin de bōs yeux, & pour ouyr le son de bonnes oüyes, aussi auoit il besoin de bon cerueau, pour iuger du bien & du mal. De plusieurs sens Catholiques que l'escriture sainte peut receuoir, ie tiens tousiours celuy de la lettre meilleur qui oste aux formes & vocables leur propre & naturelle significatiō. Quāt aux qualitez & substances que doit auoir le cerueau, nous auons desia dit suiuant l'opinion d'Heraclite que la siccité fait l'ame tres sage, & suiuant l'opiniō de Galien, nous auons prouué qu'estant le cerueau composé de substance fort delicate, l'esprit en est subtil. Christ nostre Redempteur acqueroit siccité, avec l'âge: car des que nous naissons iusques à l'heure que nous mourons, nostre chair se desseiche & s'essuye, & mesmes nous deuenons plus sçauans. Les parties delicates & subtiles du cerueau d'iceluy se refaisoient en mangeant les viandes qu'à dit le prophete. Esaye. Car puis qu'à toute heure il luy estoit.

besoin prendre nourriture, & reparet la substance qui s'euaporoit, par le moyen de la viande seulement; & nō avec aucune autre matiere, il est certain que s'il eust tousiours mangé de grosse chair, son cerueau se fust rendu gros en peu de temps, & eust acquis vn mauuais temperament, avec lequel son ame raisonnable n'eust peu reprouuer le mal, ny eslire le bien, sinon par miracle, & vsant de sa diuinité. Mais Dieu voulant qu'il fust nourry par les moyens naturels, commanda qu'il vst des viandes tant delicates, desquelles le cerueau d'iceluy fust tellement composé & organisé, que sans se seruir de la science diuine ny infuse qui estoit en luy, il pouoit naturellemēt rejeter le mal, & eslire le bien, comme les autres enfans des hommes.

*Fin de l'Examen & differences des  
Esprits humains.*



# TABLE DES SOMMAIRES.



**CY** se promue par exemple,  
que si l'enfant n'a l'esprit re-  
quis pour apprendre la science  
qu'il veut estudier, il perd  
temps de l'ouyr des bons maistres, & ne  
gagnerien d'auoir beaucoup de liures,  
& de trauailler, les fueillèter toute  
sa vie. Chap. I.

Icy est demonstté que la nature est celle qui  
rend l'homme habile à apprendre les  
sciences. Chap. II.

Quelle partie du corps doit estre bien tem-  
perée, afin que l'enfant soit de bon es-  
prit. Chap. III.

Icy se demōstie que l'ame vegetatiue sen-  
sitiue, & raisonnable, est scauante de  
soy, ayant le temperament conuenable,  
pour exercer son office. Chap. IIII.

Icy est demonstre que de trois seules qualitez, chaleur, humidité, & siccité, produiennent toutes les differences d'esprits de l'homme. Chap. v.

Quelques argumens contre la doctrine du precedent chapitre. Chap. vi.

Combien que l'ame raisonnable ait besoin du temperament des quatre premieres qualitez, tant pour demeurer au corps que pour raisonner, il est demonstre icy qu'il ne sensuit pas qu'elle soit corruptible & mortelle. Chap. vii.

Comme est donnee à chacune difference d'esprit, la science qui luy respond en particulier : en luy ostant la contraire. Chap. viii.

Comme il est prouué que l'eloquence ne peut estre aux hommes de grand entendement. Chap. ix.

Comme se preuue que la theorique & la Theologie appartient à l'entendement, & la predication (qui en est la pratique) à l'imagination. Chap. x.

Comme la theorique des loix appartient à la memoire : l'aduocacer & iuger (qui en est la pratique) à l'entendement : & la maniere de gouverner une republi-

que, à l'imagination. Chap. XI.

Comme se prouue qu'une partie de la theorique de Medecine appartient à la memoire: l'autre partie à l'entendement, & la prattique à l'imaginaton.

Chap. XII.

Comme se declare à quelle difference d'habilité appartient l'art militaire: & par quels signes se cognoist l'homme pourueu de ceste maniere d'esprit.

Chap. XIII.

Comme se declare à quelle difference d'habilité appartient l'office de Roy, & quels signes doit auoir celuy qui aura ceste maniere d'esprit. Chap. XIII.

Comme les peres doiuent engendrer enfans sages & d'esprit tel que les lettres requierent: en quoy se trouuent choses notables. Chap. XV.

Comme l'on cognoist en tout homme, quels degrez il y a de chaleur & siccité. §. I.

Auec quel homme la femme se doit marier afin de conceuoir. §. II.

Quelles diligences il faut employer afin d'engendrer garçon, & non des filles.

§. III.

Quelles diligences se doiuent employer, à

ce que les enfans soient ingénieux & sages.

§ IIII.

Quelles diligences sont requises, pour conserver l'esprit aux enfans, depuis qu'ils sont nés & formez.

§ V.

Fin de la table.